

Book end

in line

6

~~22-d~~

24

~~22~~
22.

2 ~~22~~
C



Bibliotheca
Coll. Rom.
Societ. Jesu

~~22-f-33~~

~~6-22.01.24~~

22

~~f~~

4

~~E~~ $\frac{3}{8}$

5-2

P E T R I
L' A B B E
S O C I E T A T I S I E S V
E L O G I A

SACRA.
THEOLOGICA,
Et
PHILOSOPHICA.
REGIA.


EMINENTIA.
ILLVSTRIA.
HISTORICA.
POETICA.
MISCELLANEA.

Accessere STEPHANI PETIOT *Panegyrici duo*
Alter de RVPELLA expugnata,
Alter de DELPHINO.



VENETIIS, M.DC.LXXIV.

Apud Paulum Balleonium. >
SVPERIORVM PERMISSV, ET PRIVILEGIO.





POMPEIO VARESIO

ARCHIEPISCOPO ADRIANOPOLITANO

SS. D. N. CLEMENTIS X.

ET SANCTÆ SEDIS,

Ad Serenissimam Rempubicam Venetam
Apostolico Nuntio.

APOSTROPHE NVNCVPATORIA.



Diù sudarunt sæcula

Vt magnum darent Orbi Pompeium.

Diutius eniti debuit Roma, vt Maximum.

Et meritò. Quia sat citò, si sat bene

Varesius est.

Sanè magnitudinem nominis implet maiori Numine,

Heros verè Romane.

Cùm ex eo sis Genere, cuius Nobilitas Soli coeua

Sortem communem, aut elusit, aut vicit.

Nam rara gloria: nec tamen in tam longo stemmate variata

Tot dedit probatos, quot genitos,

Ac semper electam frequentiam.

Vt iam in ea decus sit Infimum, tam sæpè fuisse Supremum

Et vbique occurrat, quod eminere possit,

Nisi inter paria censeretur.

Visæ nascenti Charites, & Maiora Numina obstetricari
Vt nouo consortio, hinc Maiestatem,
Indè amorem, amabili, sed verendo vultu spirares.
Excelso corpori excelsam animam infudisti.
Nec enim alijs, tantum Augustale decuit Inquilinus.
Suauissimo Genio formam sociasti longè gratissimam,
Qualem sibi adsciscerent Cœlites,
Et Virtus propè Diuina.

Nimirum sortem inuidam, & Viris semper aduersam fœminam
Ne metueres, sed seruire cogeres, vel ingratijs
Maiorem humana speciem, & supra mortalem dedere Superi,
Nec dedissent, nisi vt mortalibus omnibus
Aliquando Imperares.

Igitur vt supremum attingas Orbis culmen
Et proximum Deo caput attollas
Omnes dignitarum Gradus glomerato gressu percurrere
Honorum Zodiacum feliciter emetiris
Solis labores mox æquaturus
Strenua celeritate, radiosa Virtute
Semper fato superior

Siuè dehiscas Perygeus, siue assurgas Apogæus.
Siquidem affuere duodecim signa, totidè munerū quibus effulges
Vt absolutam virtutis toties exercitæ Orbitam designarent.

Geminos dedit Gemina signatura;
Libram Rota Romana
Cui infidens, ac semper immorus, iura dabas Orbi,
Et fata hominum manu inconcussa librabas.
Aquarium, & Pisces, habuisti in Fluminum,
& lacuum Præfectura

Cui dum à Secretis adesles, arcana Sapiëntia docuisti
Squamigerum populum, alijs mutum, tibi Vocalem
Sinceris occinere laudibus.

Hinc Perusæ, Anconæ, Romæ Præturam
Summo iure gèrens, summa Virtute,
Ne inermis, ac minus tuta Maiestas vilesceret,
Armatam scelestis Themidem obiecisti;
Vim ab Ariete vindicans,
Cuius impacto capite disijceres cominus:.

Arcum à Sagittario,
Vt lacessita Nemese lacesseres cominus;

A Tau.

A Tauro robur, & fortitudinem,
 Vt infractus exciperes, & sustineres Interritus,
 Ac semper victrix *Astrea* regnaret.
Nec defuit Beneuenti Scorpius,
Quem inoffenso pede elideres,
 Maligno quippe fidere, totam propè nimisque vicinam
 Tabifica lue depascente *Parthenopem*,
 Populos qua *Vigilantia*, qua autoritate seruasti
 Ostendens dominari *Sapientiam Astris*, licet *Inuitis*.
 Nec mirum, si melior *Æsculapius*, contagiosum *Scorpij Virus*
 Beneuento eliminaueris, qui *Romæ* prius
 Summo assidens aduersus lethalem hæresum pestem *Tribunali*
Cancrum coegeras opportunè retrogradum,
 In suas trans *Alpium iuga Celticas latebras*,
 Orbe *Orthodoxo* plaudente,
Exanimem retrudere Ianfenium
 Qui ausu *Nefario*, in *Capitolij viscera* vix non irrepserat,
 Iam verò dum *Adriaco* in *Æthere*
 Intaminatis, *Parthenia* integritate, fulges honoribus
An Virginem exhibes in Leone?
 Ceu *Vaticana* fundas *Deo* plenus *Oracula*,
 Ceu priuato contubernales digneris alloquio;
 Tam ingenua *Sapientiam* ornas *verecundia*,
 Tanta *authoritatem* facilitate temperas
 Vt *Romam* in te lubens *Venetus* veneretur, vt *Matrem*
 Innocuam amet vt *Virginem*.
 Et verò non mansuescit *Leo Regalis*, nisi *Virginis* in sinu
 Quam violari ducit *Indignum*, *Vereri Vile*, *Reuereri decorum*.
 Quid plura? In maximo *Terrarum Orbis Sapientum Athenæo*
 Dum cedendo Imperas, tacendo peroras, cunctando festinas
Fœliciter sapis, nedùm Impunè
 Nouoque portento supremum *Ius* tueris sine *Iniuria*,
 Quia non *Patris supercilio*, sed *materna*, imò *Virginea* *suauitate*.
 Tot hæcenus signa præterueto,
Vnus superest Capricornus,
Sidus Regnaturis benè ominosum.
 Ergo fœlix, vt totam compleas *Orbitam*.
 Complebis hercle: Ni *Cælum* ruat
 Sistere *Phœbus* nequit.
 Roma reducè adorabit, Nam circuli, quæ cepisti, debes absoluerè,

Imperium Cœlo terrisque spondent, fideli Horoscopo
Genus, Patria, Species, Gesta, Virtus Inuicta.
Aues sunt optimæ. Non illæ quidem rapaces Aquilæ,
Iouis sæpè criminum administræ;
Sed Romæ melioris, Innocuæ, Castæ, Piæ, Gratiæque Ciconiæ,
Quæ ut Vaticanis olim Turribus Orbis salutis excubant
Fœlici dudum rudimento excubant in Varesijs.
Profectò ne suum fatidicæ tuæ Tessera omen desit,
Fecit Adrianus Cæsar, qui nomen tuis daturus Insulis,
Ciconiam sibi insculpsit in Symbolum, adiecto lemmate

PIETAS AVGVSTA

Quid ni ergo audus Orbis omen capiat?
Aut quid metaphoram aucupetur à Sole, Sideribusq; longinquis?
Ut ut nascentem te fors dixerit Pompeium,
Adultum Gentilitia Virtus, & Pietas Augusta
Dicet Augustum.

Ita Vovet, in fidem obsequij,
Dum rediuium sub tantis auspicijs

LABRÆVM, tanto nomini
Dicat & consecrat,

Nicolans de Caris.

S A N C T I S S I M O
A L E X A N D R O V I I.
S V P R E M O E C C L E S I Æ
P R I N C I P I.

A V D A X Elogij genus,
Laudare eum volle, qui supra omne Elogium est.
Ex quo ascendisti Cathedram Petri, infra te est omne solium ;
Ex quo accepisti claves Petri, infra te est Cælum ipsum.
Ex quo geris vices Christi, solus Christus supra te est.
Nec superas tantùm ceteros, sed te ipsum ;
Maior es Alexander Fabio ,
Maior septimus Chysio,
Et Montes domestici altiores effecti ,
Vincunt cacumina montium, & attingunt Cælum.
Extulerunt te ad hoc fastigium humana suffragia, & divina ;
Destinabaris Romana Tiara antequam Tiaram gereres ;
Credebaris dignus cum adhuc Nuncium ageres ;
Et Nuncius Pontificis iam eras Nuncius tui ;
Fuere qui dicerent breui hic Nuncius Nuncios mittet :
Fuit Princeps Lutheranus, cuius hac sententia est ,
Si Spiritus diuinus eligat Pontifices, hunc eliget ;
Si homines , falletur Roma, nisi hunc eligat.
Innocentius Decimus moribundus,
Eo momento quo animus penè Prophetæ est ,
Prædixit te successorem suum, & penè Te vidit .
Scilicet hoc Magnarum rerum privilegium est,
Videri ante ortum, & desiderari post obitum ;
Et Tu visus es Romanus Pontifex, antequam esses :
Et Te ante suffragia iam elegerant vota.
Præpararunt te huic dignitati virtus, scientia, prudentia ;
Ac virtus non mediocris erat, sed qualis est probitas
Dixerunt te Sanctum ipsi hæretici ,
Et vulgo appellatus es Sanctus, nondum Sanctissimus .
Ornabant probitatem scientia, & illas probitas ;

*Sciebas politiores literas, & illa sciebant te.
 Creditus es futurus alter Damasus,
 Et Damasus hodie Alexander est.
 Nec sterilis erat scientia tua, sed negotiosa.
 Vidisti Monasterij collectum orbem in Legatis orbis,
 Tractasti cum illis negotia Regum, & Regnorum,
 Examinaſti iura, didicisti mysteria;
 Exploraſti ingenia nationum, & illa explorarunt te,
 Placuiſti orbi, Pastor orbis futurus,
 Placuit Roma consensus populorum,
 Et vocem orbis approbavit vox Dei.
 Electus ergo es, qui penè ante electus iam eras,
 Proximus eras Tiara, cum illam attigiſti,
 Addita tibi est Authoritas, non dignitas,
 Et penè declaratus eſſes Papa non factus,
 Niſi Pontifices declararet Deus.
 Et nunc talem te habet orbis, qualem optabat,
 Conſecrauit Alexander Fabium, non mutauit,
 Talis es Pontifex qualis Nuncius eras;
 Maior Authoritate, idem virtute,
 Addita eſt dignitas meritis, non merita dignitati.*

AVDAX ELOGII GENVS.
*Laudare eum velle qui ſupra laudem eſt,
 Offero volumen Elogiorum, nec ſatis offero,
 Solus Alexander volumen Elogiorum eſt.*

SANCTITATIS VESTRAE,

Humillimus, & Addictiſſimus ſeruus

PETRVS L'ABBE Societ. IESV.

AD

ADMODVM REVERENDO PATRI

PAVLO OLIVA
SOCIETATIS IESV
VICARIO GENERALI.

OLIVA SVAVITATIS EFFICACIS SYMBOLVM.

ELOGIVM.

NVLLA ferè arbor nobilior est olea, nullus liquor oleæ liquore pretiosior; hæc arbor coronat victores, hic liquor Sacerdotes vngit, & Reges; aut hæc arbor intra Cælum est, aut eius liquor defertur ad Cælum; inde Ampulla venit, quæ Clodoveum Christianissimum fecit; inde oleum illud lætitiæ, quo diuinus Spiritus vnxit hominem Deum; nec vngi ab alio debuit homo Deus nisi à Deo; nec alio liquore, quàm oleo, nec aliunde allato nisi à Cælo.

Omitto plurimas Oliuæ laudes, & vnā explico, Oliuam suauitatis efficacis symbolum esse: fabula est Pallas inuentrix oleæ, & Dea pacis, ac belli; fabula quoque Alcides monstrorum domitor; at nec fabula est olea pacis, ac belli tessera, nec claua Herculis ex olea, vincens homines lenitate, & monstra domans fortitudine.

Historia est olea victrix diluuij, quo victus est mundus; vidit Columba eminentem ex aquis Oliuæ ramum, collegit blando ore, & arbor obtulit; eo ramo coronauit victorem Noemum, & arcam victricem; quid suauius Oliua, & Columba, quid fortius? vtræque triumphauit de diluuijs, & de mundo.

Ænigma erat egressa ex forti dulcedo, & fortitudo ex dulcedine; soluis hoc ænigma nomine, & morib. tuis, VIR REVERENDIS-SIME, in te dulcedo fortis, in te fortitudo dulcis est; in pulpitis sacris, in libris editis, in colloquijs priuatis, in regendis alijs, seuerus & blan-

& blandus, fortis, & lenis, suavis, & efficax es. Declarat hæc omnia gentilitia Oliua tua; hæc suauitatis efficacis symbolum est, & tu suavis adeò, & efficax es, vt inde nomen, & indolem trahas.

Ac primùm in sacris pulpitis Orator eloquens olei instar insinuas te auribus, peruadis animos, delinis affectus: delinita voluntas trahit seipsam, dum trahitur à te; posset nolle trahi si vellet, & trahitur quia vult; vt tamen trahi velit, inuitatur à te, & penè trahitur; victa voluntas à te, & victrix sui sequitur nutus suos, & tuos; eadem domina sui, eadem subdita, & tu dum suauiter attrahis, & fortiter vincis, adiuuas dominium voluntatis, & penè es affectuum Dominus.

Audiuit te Roma loquentem mellea, & Ambrosium credidit, pronuntiantem grauias, & Leonem putauit, intonantem fortia, & arbitrata est Paulum alterum loqui: Audiuit te auditor idem, sine tædio, pluribus annis sine fastidio; & tu idem vetus, & nouus, tam noua, & nouo semper modo dixisti, vt dum audiebaris idem, penè alter sis creditus: sic oleum affusum cibis ira eos afficit, vt nouo sapore fallat palatum, dum fallit cibum.

Nec minus eloquens es stylo, quam verbo, nec minus olei, & suauitatis efficaces habent libros, quos publicos facis; sic scriberet Isocrates si Christianus esset; sic Demosthenes si esset Catholicus: Ita Tullius si argumenta mutaret; rediuiuos facis magnos auctores, representas antiquam eloquentiam, & addis nouam; atque vt Ambrosius Isocratem, Chrysostomus Demosthenem, Hieronymus emendat Ciceronem; sic tu emendas profanam eloquentiam, & facis Christianam.

At quam suavis conspectus tuus! quam amabilis consuetudo, quam blanda conuersatio! nemo te aspexit cui vidisse semel fuerit; nemo adiuit semel, qui adire sæpius non optarit; nemo à te recessit mæstus, nemo exiuit iratus, nemo adiuit malus, quem bonum non feceris, nemo bonus, qui melior non redierit; nemo consilium petijt, cui honesta non suaseris; nemo dubitauit, quem eruditum non reddideris. Diu Romanum oraculum, & publica Echo fuisti: audiuit te aliquando oraculum ipsum, & penè consuluit; quod addo commune est, & tamen illustre, fuere qui ex remotis Prouincijs Romam venere vt te consulerent: fuere qui reduces in Patriam gloriarentur vidisse se Romam, & Oliuam: fuere qui adderent adiuisse se, & vidisse suauitatem ipsam, & efficaciam.

Quæ hætenus dixi publica sunt omnibus qui te norunt, quod addo

addo peculiare est ijs, qui tibi subsunt; suavis est, & efficax modus regendi quem exerces, & quem doces: Et quidem hunc esse optimum regendi modum omnes dicunt, pauci intelligunt: scilicet non adeo facilis est temperatura lenitatis, & fortitudinis; imperare aspera, & lenire; imperare asperis aliquando ingenijs, & asperere non vrgeri; regere ferocem equum, & non pungeri, currentem & non cohiberi; cunctantem & non stimulare; blandum esse, & seuerum, lenem, & fortem; suauem, & efficacem; hæc duo extrema qui aptare scias, hunc ego Rectorem animorum, & penè Regem appello.

Atque hæc est ars tua, SAPIENTISSIME OLIVA, hoc mysterium artis, suauiter regere, & efficaciter: hæc duo vt facias, facis tria, scis quid imperes, & quibus subditis, & quibus modis: scis finem, & media quibus itur ad finem, scis scopum, & sagittas quibus feriendus est scopus; scis pacem & pugnas, & quibus armis pugnandum.

Quid imperare possis nemo definire potest, vix tu ipse: nihil grande, nihil arduum est, & heroicum quod imperium tuum fugiat, aut excedat: quos fines præfixit sibi homo Deus, ij sunt fines tui, maior gloria Dei, salus animorum, auxilia ad salutem, scientiæ omnes, & virtutes, supplicia, exilia, cruces & mortes: hæc est materia imperij tui, aut terminos non habet autoritas tua, aut limites dignitatis sunt limites mundi.

Imperas subditis ingeniosis, eruditis, Religiosis. neque eiusdem indolis sunt subditi tui, neque eiusdem gentis; nullus ferè populus est qui tibi non sit popularis, nulla gens, cui tu non sis ipse gentilis; aliter regendi sunt Itali, aliter Germani, aliter Indi: Alia est indoles Europæ, alia Asiæ, alia Africæ, & Americæ; & plerumque indolem terrarum sapit indoles hominum: nec eiusdem gentis ingenia eiusdem sunt genij: Ponderandæ igitur sunt nationes, & nationum indoles; quid possint singuli subditi, & quid velint; quid possint velle, quid velint posse; inuitandi sunt vt velint, adiuuandi vt possint; quale ingenium debet esse Reitoris? superare omnia ingenia debet, instar olei, quod affusum omnibus liquoribus vincit omnes liquores.

Quis artes enumeret, quibus eget ars regendi? quis industrias industriæ, quis sapientias huius sapientiæ? hic impellendus vt currat, hic retinendus ne currat; hic inuitandus præmijs, hic terrendus minis, hic aptus imperio, hic obsequio; hic superabit onus impositum, hic vincetur ab onere; hic Spartam reget, hunc Sparta reget; hic vir omnium officiorum, hic paucorum; quam ardua

res est animos regere ! ars artium est, & sapientia sapientiæ regere
suauiter, & efficaciter .

Hæc tamen est ars tua, VIR SAPIENTISSIME, audaciùs
aliquid dico, & absoluo, imitatur ars tua gratiam victricem, &
penè gratia est ; sed externa, & administra internæ ; atque ut illa
olei instar suavis est ut animum subeat, subtilis ut peruatat; su-
blimis ut attollat, modesta ut deprimat; congrua ut voluntatise
apret, blanda ut delectet, potens ut adiuuet: sic delectans ut per-
suadeat, sic persuadens ut vincat, sic vincens ut non cogat: imitaris
arte tua hæc officia gratiæ; adeo gratus animorum Rector, ut pe-
nè sis gratia: & dum persuades suauiter, dum vincis efficaciter,
oleum, & Oliua es. Ego si pateris sum ex animo .

ADMODVM REVERENDÆ PATERNITATIS VESTRÆ,

Humillimus & obsequentissimus seruus, & filius

PETRVS L' ABBE Societ. IESV.

Nobilissimo, Illustrissimoque Domino

D. HENRICO D. D. S.

B A R. D. B. E T D. &c.

QU^ALIS hac modestia tua, VIR NOBILISSIME, velle bene mereri de me, & nolle laudari à me; conferre beneficia, & velle illa nesciri; imperare silentium, & beneficijs loqui; nolle referri à me etiam verba; nolle revelari ipsum etiam nomen; & pluris aestimare silentium meum quam beneficium tuum.

At hac iniqua conditio est, ut sis beneficus velle me ingratum esse; velle exercere pulcherrimam virtutem, & nolle exerceri à me; velle gratias apud te liberales esse, apud me steriles; & tamen idcirco plures sunt Charites ut dum una loquitur, altera respondeat, & dum dua beneficia conferunt, tertia grates rependat; Tu Charites omnes vis esse tuas, & nullas meas.

Fallor, hac vera beneficentia natura est, dare ut des; dare gratis; dare ut alter accipiat, non ut referat; dare ut vincas alterum, non ut alter te vincat; dare beneficium non instar pila ut redeat; nec quasi sementem ut tibi crescat, sed ita dare alteri, ut non des tibi; dare ut liberale munus, non ut avarum foenus.

Verum ea quidem sunt leges beneficentia; at leges etiam suas habet grati animi virtus; quarum hac prima est aestimare beneficium apud se; altera, explicare foris; tertia, pugnare cum amabili amulo, rependere maiora si possis, saltem paria, saltem minora, saltem verba. At qua hac iniuria tribuentis? velle eloquentem esse dum tribuit, velle alterum mutum esse dum accipit; velle opprimere accipientem, & nolle ut quaratur se opprimi, velle aliorum vincere, & nolle ut fateatur se vinci.

Hac quanquam ita sint, vide quantum tribuam liberalitati tua; volo ingratus esse ut sis magnificus; taceo igitur non beneficia tua tantum, sed te ipsum, & nomen tuum; non laudo nobilem illam corporis palastram, maiestatem illam gressus, & gestus; frontem illam, os illud, vultum illum; verum eloquens est hac tota species tui; declarat te vultus tuus etiam inuitum; videri non potes, & nesciri; ostendunt se dotes animi tui per indicia corporis; & nobilitas hospitis spectatur in elegantia hospitij; accusa igitur te ipsum si appares; neque accusa tacentem me?

O si liceret mihi per te laudare animum tuum ! exhiberem illum non qualem habent qui solum habent; sed qualem nobilis indoles reddit , & qualis ille nobilem indolem perficit; proponerem illum ornatum virtutibus, & ornantem virtutes; describerem illum instructum scientijs , & scientias instruente; ostenderem illum generosum, iustum, constantem sub inconstante fortuna, & sub inaequali semper aequalem .

Saltem si illustrissimam familiam tuam laudari à me , & nominari permitteres , ostenderem illam pugnante pro lilijs, & inger lilia sedentem; sagatam, & togatam, insulatam pluribus insulis, rubentem pluribus purpuris, pugnante pro fide, & pro Rege, & pro utroque vincentem; numerarem sacula nobilitatis tuae; deducerem sanguinem illum quo vivis, ex venis nobilibus; venit ad te purpureus, & purpura dignus intra te est.

Omitto hac omnia quia iubes, & morem gero imperijs tuis pendere illicitis ; si tamen hic liber postquam in lucem exierit dicat se esse in are tuo, id dicet quod neque ego impero, neque impedio; impediui quamdiu fuit meus; postquam publicus effectus est, non est magis meus quam tuus. Ignosce, VIR NOBILISSIME, si se felix te ; nominavi te, dum non nominavi; id debuit facere.

Addictissimus, & humillimus servus

PETRVS L'ABBE, Societ. IESV.

Nobilissimo, Illustrissimoque Domino
D. DIONYSIO SALVAGNIO BOESSIO,

Regi ab interioribus Consilijs, & in Suprema rationum
Fisci curia apud Delphinates Primario Præsidi.

E L O G I V M.

FACILE Elogij genus dum ille qui laudatur totus Elogium
est, dum est Orator sui etiam tacitus, dum ipsum nomen in-
star est laudis, & dum profertur, aut scribitur, Panegyricum facit.

Tale est nomen tuum, ILLUSTRISSE SALVAGNI, quod septem
ætates, centum Proavos, & Patrias laudes repræsentat, ac tuas la-
tent sub eo nomine Maiores tui, & apparent in Te; videntur dum
aspiceris, audiuntur dum loqueris, laudantur dum laudaris: ap-
pellant omnes nomen tuum, & ad vocem vnâ centum Salua-
gni quasi totidem Echones respondent.

Longum esset ire per singulos Maiores tuos: paucis verbis om-
nes simul enumerò, gesserunt illi omnes honorum titulos, florue-
re sub violis, rubuere sub rosis, ornarunt vtrâque purpurâ, il-
lustrarunt sagum, & Togam: plena est Rationum Curia cui præ-
sides, Salvagniorum honoribus: ignorat partem Historiæ Galli-
cæ, qui ignorat decora Gentis Salvagniæ.

Sed quid ego prosequor laudes alienas, malo dicere tuas: ta-
meti alienæ dici non debent quas fecisti proprias: viuunt in Te
Maiores tui, & tu in illis, rediuuios facis dum viuis, Colligis om-
nes intra Te, & addis Te illis, Maiores tui sunt, nec Tu tamen es
Minor. Omitto tamen externa omnia, etiam domestica, & de
Tuo Te laudo; nemo bene diues est alienis diuitijs, hæc vera ma-
gnitudo est magnum esse de suo.

Nec tamen enumerò omnia decora tua, integris libris opus es-
set, quales Tu Libros scripsisti; ex multis laudibus tuis duas eli-
go, sapientiam elegantem, & Politicam; eruditam & negotiosam;
hoc demum est sapientem esse, sapere vtrâque sapientia; satis esse
posset altera alijs, vna non sufficit Tibi.

Et prima quidem sapientia tua qualis est, & quam illustris!
æquasti magnos Poetas nondum annos viginti natus, & poteras
vincere nisi prætulisses veritatem fabulis, & maluisses facere
magna quam fingere: At qualis modestia, & quam senex in Te
iuuene? Interpretatus es opera aliena, qui poteras scribere digna
interprete: ornasti commentarijs dicta aliena qui dictare poteras
ornanda ab alijs: donasti Roma Philonem Bisantium, & dignus
eras quem Philo donaret Græciâ.

Dis-

Difficile est Poetam esse & Oratorem: vtramque laudem nec mereri Maro potuit, nec Cicero; neque ille bonus Orator, neque iste bonus Poeta fuit. Assecutus es vtramque laudem, & Poeta eximius, & Orator facundus: testes eloquentiæ tuæ esse possunt orationes illæ publicæ, quas habuisti cum publica laude; testis illa quæ Vrbænum VIII. Summum Pontificem admiratorem habuit, & quæ Gallici Oratoris, & Romani nomen Tibi promeruit.

Neque eloquens tantum sapientia tua, sed politica est; mirata est Roma eloquentiam tuam, & suspexit prudentiam; persuasisti Romanæ Curia Reges Christianissimos filios Ecclesiæ natu maximos esse, & primos. Appellasti Reges Francorum liberatores Italiae, defensores Romæ, & Pontificum Protectores. Declarasti obedientiam Regum Galliaë filialis obseruantiaë testimonium esse, non legale homagium.

Laudauit vtramque sapientiam tuam, eloquentem, & politicam Eminentissimus Cardinalis Richelius in Commentarijs rerum suarum; consignauit publicis monumentis factum illustre ne periret; proposuit annis venturis, ut exemplum esset. Quam illustris hæc sapientia tua, quam vir tantus scriptis suis inseruit, & partem Historiæ suæ esse voluit! fuiti Romæ Orator Regius, & Richelius penè est Orator tuus.

Amavit eandem sapientiam tuam Eminentissimus Iulius Mazarinus, eamque Regijs Consilijs adhibere voluit! Scilicet præuidebat vir sagacissimus quale ornamentum allaturus eras Curiaë Gallicæ, qui tantum attuleras Romanæ; sed Tu modeste ea excusasti quæ Te penè accusant, prætulisti amorem Patriæ gratiaë aulicæ; & maluisti Gratianopolitanus esse quam aulicus.

Nec ingrata Gratianopolis gratiam habet amicitiaë tuæ, amat Te Ciuem, & veneratur Præsidentem; præesse Te gaudet Rationibus Regijs, & vellet præsidere suis: Numerat Te inter ornamenta sua, & penè miracula: descripsisti olim septem miracula Patriæ tuæ, & penè octauum es.

Addo aliquid in rem tuam, ac meam; scripsisti versibus miraculum D. Mariæ Viminalis ad Pagum Vinaicum nuper editum: stillauit multo sanguine salix ab hæretico die B. Virgini sacro male incisa, sensit iniuriam illatam Deiparaë Arbor sine sensu, & Tu Arboris dolores sensisti. Amas scilicet Dei Matrem, & illa Te amat. Ego voti erga Deiparam reus offero illi votium opusculum, & illius Patronum Te opto: negare non potes hoc Officium Virgini, & Patrocinium mihi, qui sum ex animo.

Additissimus Tibi seruus PETRVS L'ABBE,



I

VITA, ET ELOGIA
BEATÆ VIRGINIS.
CARMEN VOTIVVM AVTHORIS.

LVGDVNI afflitus morbo languebat Alexis,
Et morbus lethalis erat: conceperat ignem
Succingens membrana latus, saniesque putrescens
Sub pleura nocuum tuber conflauerat, & mors
Intra tuber erat; vix spiritus ager ad auras
Exibat lentè, febrisque, & tussis acuta
Intercidebant lacera suspiria vita,
Et mucro singultus erat: miseratus Alexim
Mellinus, lacrymis primùm, deinde ore locutus,
At tu, inquit, magna supplex fuc vota Parenti,
Mors votum de morte times; si stamina vita
Protrahat, acturum votino Carmine grates,
Et memori elogio magna praconia vita,
Verbaque dicturum soli bene cognita Verbo.

Audijs, & dextra, nutuque locutus Alexis,
At tu verba prai Melline, & concipe votum,
Ipse sequar, dicamque animo qua tu ipse loqueris,
Speilat corda Deus, tacitaque silentia lingua,
Et voces sine voce audit: tum hac dixit uterque.

Dina Parens, ex quo magno commune Parentis
Pignus habes, sponsamque elegit Spiritus almus,
Personis cognata tribus, communia iura,
Et Sceptrum commune tenes, vitæque, necisque
Arbitra, longæua mœus producere vita,
Et metas arctare potes; dulcissima mater

*Si iuvenes annos moribundi extendis Alexis,
 Si febrim extinguas, & lafa incendia plena,
 Promittit memores votiuo carmine grates,
 Laudesque, & titulos, & sacra symbola vita,
 Verbaque dicturum, qua Verbum ut dicere posset
 Humanam assumpsit linguam, Verbumque Parentis
 Penè fuit Verbum Matris.*

*Si fatale tamen momentum aduenit, & hora,
 Hora placet, sed ne fatalis terreat hora,
 Adde animos metuenti anima, libramque seneri
 Iudicis exonera noxarum mole mearum,
 Et meritis suppone tuis; Te supplice victus
 Emendat decreta Deus.*

*Hac dixere duo, & solus promisit Alexis;
 Interea sensim febris, tussisque resedit,
 Detumuit nocuum tuber, vallemque reliquit,
 Et locus est ubi tuber erat: redimius Alexis
 Persoluit meritas prasenti carmine grates
 Serius, & postquam soluit vult debitor esse
 Et voti superasse reus.*

ELOGIVM PRIMVM.

AB ÆTERNO ORDINATA SVM.

AB aeterno ordinari debuit opus aeternum;
*Ante tempora inchoandum erat, cui tempus non sufficit;
 Cateris operibus momentum satis est, & pars Opificis;
 Totum Deum occupavit hoc opus;
 Infiniti laboris opus erat, si Deus operando laboraret:
 Scilicet designanda erat Verbo Mater Verbi,
 Deus nihil extra se videt aequale sibi;
 Accedit ad aequalitatem Dei Mater Verbi.*

I I.

FIGVRÆ MARIÆ.

PRÆLVSIT tanto operi Deus per minora opificia,
Rudimentum fuere Maria antiqua samina;

Osten-

*Ostendenda plures erant, ut quam vellet Verbum eligeret;
 Colligenda erant intra unam virtutes omnium:
 Et Sara, & Rachel, & Iudith, & Esther,
 Figura fuere Maria, sed minores,
 Vnum est quod omnibus defuit Matrem esse, & Virginem;
 Debebatur hic honos Matri Dei, non alteri;
 Nec nasci nisi ex Virgine Deus debuit,
 Nec Virgo Mater esse debuit nisi Dei.*

III.

MARIA REVELATA PATRIARCHIS.

REVELAVIT Deus hanc Matrem antiquis temporibus,
 Et pars salutis erat credere Matrem Dei;
 Colebatur à Patribus Mater Dei futura,
 Offerebantur preces Virgini paritura:
 Tradebatur hac pietas à Patre filijs, ab illis Nepotibus;
 Nata sunt Congregationes Virginis antequam ipsa nasceretur
 Singula familia sodalitia erant, & domestici sodales.
 Discipe sodales servire Virgini nata:
 Patres vestri servierunt futura.

IV.

PARENTES VIRGINIS.

PARENTES Virginis steriles erant,
 Tales esse oportuit, ut partus Virginis miraculum esset:
 Sanctissimi Parentes citra Prolis crimen filiam genuere:
 Cateri coniuges prius infanticida quam Parentes,
 Prolem maculam dum progenerant,
 Et Mater occidit, dum concipit:
 Sola Maria omnis macula expers,
 Maternum uterum pulchro honestavit ingressu,
 Et natalem sinum consecrauit, dum exijt.

MARIA INTRA VTERVM MATRIS.

NEQVE eo momento nuda in lucem prodijt ;
 Venit cum Regina omnis supellex virtutum ,
 Et Maria diuus uno momento fuit .
 Nemo sanctorum huius momenti gratiam aquauit ,
 Et Maria ceteris momentis omnes Calites vicit ;
 Scilicet augebat gratias , & augmenta gratiarum ;
 Nec magis numerari augmenta possunt , quam momenta ,
 Ne quare qua arte saperet , qua nondum sentiebat ,
 Sapiebat infusa Sapientia , non acquisita ,
 Et impeditis sensibus solo operabatur intellectu :
 Supplente Deo officia sensuum , & imagines rerum .

VI.

NATIVITAS VIRGINIS.

NIHIL pulchrius unquam Sol vidit nascente Virgine ,
 Nihil extra se nobilius aspexit Deus :
 Latantur longauæ Parentes , & ignorant quod sperant ;
 Quid si Anos Dei se scirent , & Deum Nepotem !
 Quid faceret Natura si futura sciret !
 Natura natiuitas est hic ortus Maria ,
 Non satis dixi , ortus est Gratia .

VII.

PRÆSENTATIO IN TEMPLO.

TRIENNIS Virgo ingreditur templum , templo maior ,
 Et maior est gloria domus secunda , quam prima ;
 Quam pij Parentes qui sua Deo vident , & seipsos !
 Quid facerent si futura præscrent !
 Ingressa sunt cum Maria omnes virtutes ,
 Et ingredi non debuit Regina sine aula ;
 Ne quare qualem vitam in templo egerit ,
 Qualem decebat Matrem Dei futuram ,

Et

Et conceptura Deum corpore, iam concipiebat mente,
Legebat in Prophetis Matrem Dei futuram, & seipsam:
Mirabatur alienum privilegium, & nesciebat suum.

VIII.

MATRIMONIUM VIRGINIS.

VT partus Virginis mysterium esset.

Desponsatur homini sponsa Dei.

Hic est Iosephus Maria maritus:

Inaqualis si Pater esse deberet,

Non inaqualis Verbi Minister.

Nec inaequalem facit fortuna fabri,

Spes Davidis ad fabrum, & Virginem redacta erant,

Nec tamen decreuerant.

At ò nouum Matrimonij genus!

Iunxere hac vincula non carnes sed mentes!

Sic palma nubunt non radice, sed vertice.

D. Tho-
mas sic
vocat.

IX.

ANNUNTIATIO.

MITTIT VR Angelus ad Virginem Angelis parè, & maiorè,

Salutat gratia plenam, & implendam Deo;

Petit assensum ut priùs concipiat mente, quam carne:

Recusanti titulum Matris sine titulo Virginis

Declarat concepturam non de alieno, sed de suo:

Obumbraturum Spiritum ut sponsum, non maritum.

Tùm vero ancillam se vocat Mater Dei futura:

Fiat inquit mihi secundùm verbum tuum,

Dixit, & verbo conceptum est Verbum.

Olim hac vox fecerat mundum, non facit hominem Deum.

X.

VISITATIO.

NEC mora, pergis per aspera montium Virgo Deo plena,
Impellente Deo, & Matrem portante dum portat;

A 3 In-

*Ingressa domum Cognata induxit secum Consanguineum Deum ;
 Salutant se invicem parvuli nondum nati ;
 Exultant captivi , & liberi
 Et Ioannes intra uterum penè exercet officium Præcursoris :
 Prophetant Matres spiritu parvulorum ,
 Et Zacharias Propheta legis ultimus , & Gratia primus ,
 Quem alij venturum prædixerant , annuntiat præsentem.*

XI.

IOANNES BAPTISTA.

NEMO hoc Præcone taciturnior , nemo vocalior fuit :
*Vix conceptus loquelam abstulit Patri , & reddidit :
 Nondum homo hospitem Deum excepit humanis nutibus :
 Totis triginta annis tacuit , ut disceret loqui :
 Post tantum silentium nihil nisi vox , & clamor fuit ;
 Nec lingua tantum , sed omnibus membris Præco ,
 Digito Agnum Dei ostendit , totum deinde dextera tetigit
 Trunco etiam capite vocalis Herodem terruit :
 Denique occisus ad lymbos Martyr , & Præcursor iuit :
 Vir omnino magnus , & solo Deo minor :
 Debet primam vitam Elisabetha , & secundam Maria.*

XII.

NATIVITAS VERBI.

INTEREA describat Orbem Augustus, ut vestigalem faceret
*Et numerabat homines Deus , ut omnes redimeret ,
 At eheu , quale discrimen Dei , & hominis !
 Patent urbes omnes Augusto , & clauduntur Deo .
 Caret loco per quem factus est omnis locus :
 Nascitur inter dedecora Antri Dominus Cæli :
 Clamate immortales Angeli silente natura ;
 ET VERBUM CARO FACTUM EST , quale miraculum !
 Verbum Patris silet , quale mysterium !
 Verbum Matrem Virginem facit , quale prodigium !
 Erant Ioseph , & Maria mirantes ;
 Puto nisi miracula faceret , ipse miraretur Deus .*

P A S T O R E S.

NVNTIATVR Pastoribus Natiuitas, & tacetur Regibus;
 Scilicet agebant vigilias, & amant vigilēs Deus;
 Accurrunt, ingrediuntur, mirantur;
 Agnoscunt Agnum ab Origine mundi occisum,
 Docendum iterum pro mundi salute occidendum:
 Quid dixerint, puto neque ipsi narrare scirent,
 Silentium, & admiratio vocis instar fuit:
 Donarunt tamen Agnum Agno, & Matri Onem
 Placuit simplicitas puero, & se deinceps appellauit Pastorem.

XIV.

R E G E S.

QUAM difficile later Deus, qui ubique est
 Apparet in Antro, sub saxo, & sub nihilo,
 Agnoscunt tres Reges intra speluncam Aulam,
 Inter scenum, & paleas thronum, & in throno Deum,
 Aduoluuntur ad pedes Infantis, & se fatentur minores;
 Post adoratum Infantem pene adorassent Virginem,
 Nisi fides docuisset Matrem Dei esse, non Deam:
 Denique per aliam viam reuersi sunt in regionem suam,
 Venerant Reges Ethnici, & reuertuntur Christiani;
 Primam viam ostendit stella, & fides secundam.

XV.

C I R C V M C I S I O.

AVIDVS redimendi homines homo Deus,
 Offert partem sanguinis, & quatit à Patre an sit satis;
 Negat Pater sufficere hoc pretium, quamuis infinitum,
 Admissum esse vadium ea lege, ut cautio moreretur:
 Placere tamen primitias sanguinis quasi Arrham pretij:
 Absoluendum negotium, cum totum pretium solueretur:
 O dura belli, & pacis rudimenta!
 Quid nomen IESV pretiosum, quod tanto sanguine emitur?

A 4 O QUAM-

Quantum venditur mea salus!

Ellicere sanguinem Iosephus & Mater, & lacrymas miscuere.

XVI.

PURIFICATIO.

ABSTINET publico Virgo quasi Mater impura,
 Et nihil erat Maria purius nisi solus Deus.
 Post quadragenos dies sistunt Infansem Deo, & erat Deus,
 Redimit Mater filium, & Pater vendit:
 Alieno pretio non egebat, qui emebatur suo;
 Columba filius erat & Agnus, & Mater turtur,
 Amplectitur Simeon salutare Dei, & saluum se clamat:
 Adorat Infansem Anna, & pene parturit:
 Interea fit supplicatio, & erat supplex Deus;
 Nullus hanc supplicationem equauit triumphus:
 Pars supplicationis erat Christus, & spectator Deus.

XVII.

FUGA IN ÆGYPTVM.

AT quale illud mysterium! monetur à Deo fugere Deus,
 Et cogitur exul esse, cui patria est omnis locus:
 Docere nos voluit exilium esse quicquid non est calum,
 Et nos mundi huius hospites esse non cines:
 Nec tamen Ægyptus ignota Iosepho est;
 Exul illic alter Iosephus, & pene Rex fuit,
 Exularunt cum eo Iosephus, & Iesus,
 Et nondum homo uterque, iam exul fuit.

XVIII.

DVODENNIS IN TEMPLO.

DVODENNIS auditor in Templo, & Doctor,
 Ea dixit de Deo qua Deum sapiebant non Puerum;
 Et poterat ex doctrina agnosci esse Deus;
 Nisi Magistros malè puduisset esse discipulos:
 Admirans Mater absentiam filij interrogat causam,
 Obmutuit, cum filius de Patre aeterno respondit.

Nec

*Nec mora rediit ad fabriles operas Doctor legis ;
 Ne quare quid totis triginta annis egerit ,
 Latuit , & erat subditus illis ;
 Difficilis lectio tot annis doceri debuit .*

XIX.

CHRISTVS FABER.

EXERCENT artem lignariam Iosephus , & Iesus ,
*Ponit tyrocinium Deus sub homine ,
 Discit aliquid qui nihil ignorat ,
 Docetur fingere rotas qui sinxit stellas ;
 Aspicit laborantes Mater , & segmenta colligit ;
 At heu dedolant Arbores olim Cruces futuras !
 Et mortis , ac vita hac officina est ,
 Iosephe non attingeres Arborem
 Si scires mortem latere in arbore ,
 Nec tu Mater fragmenta colligeres ;
 Scit Christus , & mortis olim futura iam faber est .*

XX.

VITA CHRISTI PRIVATA

AT qualis hac vita diuina , & ignota ?
*Scilicet amat latere Deus , & intra se esse ;
 Ante orbem conditum Deus intra se vixit ;
 Et sibi ipse mundus , & domus , & socius fuit :
 Idcirco tres intra Deum Persona sunt , ne solus sit Deus ,
 Imitatus seipsum ut Deum , homo Deus .
 Totis triginta annis apud Matrem latuit ,
 Nec tamen solus fuisse dicendus est dum cum Matre fuit ;
 Nec solus esse potest qui Deus & homo est ,
 Scilicet socius orat homo Deo , & homini Deus .*

XXI.

VALEDICIT MATRI ITVRVS AD VITAM PVBLICAM

His serè Verbis valedixit Matri Verbum Patris :
Vocor ad vitam publicam , nec desero tamen priuatam ,
 Mi-

70
*Miscebo utramque, & publicus ero, & occultus;
 Dedi annos triginta vita occulta, tres dabo publice;
 Inuisam te identidem, & tu identidem sequeris me,
 Pars eris laboris mei, & ego tui,
 Colligam discipulos, eorum tu quoque Mater eris:
 Fiat, inquit Virgo, & amavit, & fleuit.*

XXII.

NUPTIÆ CANENSES.

NONDUM aderat miraculorum hora, nisi Maria adfuiſſet.
*Euocauit miracula, qua euocauerat Deum.
 Deerat vinum Conuiuiſ, & Deus ipſe Conuiuium erat,
 Deeſſe aliquid non debet, ubi adeſt Deipara;
 Proponit filio defectum, nec repulſam paſſa deſperat;
 Monet ſamulos exequi mandata filij etiam ſubirati;
 Nec mora, pulchro miraculo aqua vertuntur in uinas
 Mirantur ſamuli hauriri vinum ex aqua;
 Et clamant puteum mutatum eſſe in dolium;
 Scilicet ignorant Matrem eſſe qua rogat, & Deum qui imperat.
 Qui nunc aquas vertit in vinum, mutabit vinum in ſeipſum.
 Bibitur interea opipare, & bibuntur miracula.
 Nec mirum ſi vinum eſt optimum, quod eſt miraculum.*

XXIII.

MIRACULA VITÆ PVBLICÆ.

MIRACULO opus eſſet ut numerari poſſent miracula,
*Dum loquitur, aures ſurdis; dum aſpicit, oculos cæcis;
 Dum tangit, pedes claudis reſtituit;
 Paralyſis, hydrops, lepra,
 Morbi erant dum permitteret, ſanitas cum inheret;
 Mors ipſa mirata eſt reddi ſibi vitam, vel inuita;
 Miratus Damon ipſe tot miracula,
 Credidit Deum eſſe qui faceret, & Deo non credidit.*

DOCTRINA CHRISTI.

AT qualis illa doctrina, quam appellat suam, & non suam?
 Mea doctrina, aiebat, non est mea;
 Si tua est ô Christe, quomodo non tua;
 Et si non tua, quomodo tua?
 Quid est tam tuum quam Tu?
 Et quid tam non tuum quam Tu? si es alicuius quod es?
 Tua non erat ut hominis, tua erat ut Dei,
 Verba erant Verbi, & Verbum est Patris;
 Sic tua doctrina erat, & non tua
 Doctrina erat pronuntiantis hominis, & Dei laquentis:
 Humana vox erat, & verba diuina.

XXV.

VALEDICIT MATRI ITVRVS AD CRVCEM.

NVNC denique diueller à te Mater, & pendè diueller à me:
 Vocor ad mortem, & moriendum est Deo pro homine,
 Promisi ab aeterno hanc mortem, cum vadem me dedi;
 Deest homini vnde soluat, & cautioni soluendum est:
 Hic erit ordo passionis mea, & tua:
 Instituat hodie conuiuium mei, & tu sape vesceris me;
 Tradar ab uno ex meis, & amicum appellabo dum tradet;
 Accusabor, flagellabor, damnabitur Deus ab homine:
 Denique videbis me morientem, & mori voles.

XXVI.

CONSPECTVS LVGVBRIS.

IBAT oneratus Cruce ad Crucem Deus.
 Ferebat victima lignum in quo erat moritura:
 Succubuit medio in itinere sub onere Arboris:
 Heu quale pondus quo opprimitur ipse Deus!
 Vidit cadentem filium Mater, & à filio visa est:
 Obstupuit, expauit, defecit;
 Sustinuit deficientem filius dum ipse defecit;
 Hodieque ostenditur peregrinis deliquij locus.

MARIA IUXTA CRUCEM.

STABAT iuxta Crucem Maria altior cruce :
*Filius patibulum Matri , Mater filio patibulum erat :
 Crux erat opposita cruci :
 Duplex , & una arbor gemina & una victima :
 Ne quare quid passa sit filio patiente :
 Gravida perpeffa est quam omnes Martyres :
 Sapius moritura nisi miracula fecisset ut Mater viveret ,
 Qui contra se miracula fecit ut mori posset .
 Denique aspexit morientem , & mori voluit :
 Excepit vultus reffixum è cruce filium ,
 Et qua viuum genuerat penè enixa est mortuum .*

XXVIII.

MARIA IN TRIDVO MORTIS.

MARIA hoc triduo penè exanimis fuit ;
*Scilicet secusus erat animum filij , animus Matris ;
 Uterque ad limbos iuit , uterque ad Corpus redijt ;
 Nec dubito quin acceleravit reditum filij
 Qua accelerauerat aduentum Verbi .*

XXIX.

RESURRECTIO FILII , ET APPARITIO MATRI.

REVIXIT post triduum Filius , & cum Filio Mater ,
*Huic prima apparuit qua prima moruerat ;
 Et dum ostendit gloriam suam , pene effecit gloriosam .
 Quid dixerint rediuiui meditari licet non effari :
 Non est famuli explicare latitias dominorum ;
 Tanta gaudia nec Mater toleraret sine miraculo :
 Nec filius ferret nisi Deus esset .
 Verbo uno dico , renixit dum rediuiuum filium vidit ;
 Adorauit , amauit , & penè iterum Mater fuit .*

ASCENSVRVS IN CÆLVM VALEDICIT MATRI.

REDDO ad Cælum Mater unde ad te veni;
 Euocabo te breui, ut illic Matrem habeam, ubi habeo Patrē;
 Interea tu Ecclesia mea Mater es, &
 Volo Petrum Vicarium meum esse, & penē tuum.
 Nec defero Ecclesiam cui Spiritum Sanctum substituo:
 Mittam illum breui, ille procedit de meo.
 Paracletus erit ceteris, & sponsus tibi:
 Fiat, inquit Virgo, & qua è Cælo euocauerat Verbum,
 Verbum emisit ad Cælum.

XXXI.

PENTECOSTES.

ITERVM descendit in Cor Virginis, qui olim descenderat;
 Replevit totam domum, & penē mutauit in Cælum,
 Cateri particulas ignis, Maria totam flammam excepit:
 Ibi inhabitauit Spiritus, ubi Verbum habitarat:
 Et potuit esse filius nisi sponsus esse maluisset:
 Amauit tamen Virginem ut hospitem, & pene ut Matrem.

XXXII.

SEQVITVR IOANNEM IN ASIAM.

ADMISERAT Virgo Ioannem in filium, & ille in Matrem,
 Substituērat etiā sibi Christus, & Virgo amabatur à Virgine;
 Secuta est euntem in Asiam, ut Asiam consecraret;
 Et dū Ioannes Ecclesias regeret, Ioannem rexit
 Nec tulit presentiam Maria Diana Ephesina;
 Euanuit ad omnipotentiam Deipara Dea fabulosa:
 Ut scias Ephesum Deipara placuisse:
 Apud illam defensa est Virginitas Matris, & Maternitas Dei.

XXXIII.

MORITVR VI AMORIS.

AVIDA erat Cæli Maria, & Maria Cælum anidum erat:
 Rediit Ierusalē illic moritura, ubi filiū viderat morientem:
 Eno-

*Euocati ex varijs orbis plagis Discipuli, vel adducti
Ea celeritate venerunt, qua eunt Angeli;
Vident deficientem Matrem, & penè ipsi deficiunt;
Excessus Amoris erat non febris;
Nec mori nisi amore debuit, qua amore vivebat;
Improbe amor quid petis amplius?
Occidisti filium, & Matri non parcis.*

XXXIV.

INCORRUPTA INTVMULO.

SENTIRE penã originale non debuit, qua nõ admiserat culpã;
Nec filius pati corruptionem potuit, nec Mater debuit.
Opprobrium esset vnius, probrum alterius:
Quid vermibus cum ea carne quam consecrauit Deus?
Penè mutata est in spiritum dum corporauit Verbum:
Mortem tamen subiit, sed ut alienam pœnam, non suam.
Denique vi amoris obiit non febris, aut morbi:
At ignis dum absumit, illustrat quod urit.

XXXV.

ASSUMPTIO VIRGINIS.

AT qualis ille Currus cuius Auriga sũt immortales spiritus?
Qualis illa qua ascendit, & cui Deus sit obuius?
Hac est Regina natura, & pene gratia:
Tali pompa excipienda erat, qua Deum exceperat,
Assurge anime, dic aliquid sublimius,
Ante aduentũ Maria regnabant in Cælo tres Persona,
Nec regnabant tres Reges,
Alterum thronum addidit homo Deus:
Aduentante Maria tertius thronus est additus:
Et nunc triplex in Cælo regnum est, ubi erat unicum:
Sedet proxima Deo Mater Dei:
Agnoscent se subditos, huic throno, Throni Angelicũ
Et Maria inferius est, quidquid nou est Deus.

GRATIA, GLORIA, ET CVLTVS VIRGINIS.

QVANTA sit Maria gloria solus ille nouit qui consulit :
 Sciebat Virgo artem fœnerandi cum Deo,
 Et pulchro fœnore augebat merita meritis, & gratias gratijs,
 Qua primo vita momento plus habuit quam singuli Cœlites,
 Credi potest extremo articulo plus habuisse quam omnes :
 Nec dubium est quin plus habeat gloria, qua plus habet gratia :
 Atque hac est mensura hyperdulia, excessus gloria.

XXXVII.

POTESTAS VIRGINIS.

QVAERIS quid possit in Cœlo? est omnipotens;
 Praefecit illam Deus thesauris, & beneficijs suis;
 Quis seipsum dedit per Mariam,
 Omnia vult nos habere per Mariam.
 Nec liberalior eligi poterat dispensatrix, nec efficacior;
 Cateri Cœlites rogando impetrant, Maria pendè imperando:
 Subditus olim illi Deus nunc etiam pareret, si illa preciperet.
 Nec tamen imperio opus est erga volentem.
 Id quoque Deus Matri subdidit, ne à Matre aliud velit.

XXXVIII.

PATROCINIVM VIRGINIS.

ELIGE qualem te velis Mariam, vult à te eligi;
 Aduocata est si times, mediatrix si non audes;
 Asylum est miseris, altare reis, ararium egenis;
 Orantibus donat, ingratis ingerit, inuitis obtrudit;
 Neminem relictura miserum nisi esse velit;
 Imo neque omnes patitur esse miseros, qui esse volunt;
 Nemo queri de illa potest etiam impius,
 Patet omnibus etiam dum non patet Deus,
 Post amissum Deum adhuc superest Mater Dei:
 Et post naufragium adhuc se offert tabula nauis;
 Abiecasti illam, perijisti
 Apprehendisti illam, euasisti.

SELECTA

ALIQVA PATRV M ELOGIA

DE EXCELLENTIA B. VIRGINIS.

I.

IMMUNITAS AB OMNI PECCATO.

A Vgust. lib. de Natura, & Gratia cap. 36. Excepta B. Virgine de qua cum de peccatis agitur nullam prorsus haberi volo quæstionem.

II.

IMMUNITAS AB ORIGINALI.

O Rigenes in cap. 1. Matthæi. Huius itaque Vnigeniti Dei dicitur Mater Virgo Maria, digna digni, immaculata sancti, vnica vnici; & addit, accipe ergo eam sicut commendatum cælestem thesaurum, Deitatis diuitias, sicut plenissimam sanctitatem, accipe eam sicuti Vnigeniti mansionem.

III.

MATERNITAS B. VIRGINIS.

D Ansel. lib. de excellentia Virg. cap. 3. Intendat mens humana, intendat, & videat, & admiretur; vnicum filium sibi consubstantialem Deus progeniuit, hunc sibi tam vnicum, & in omnibus omnino æqualem non est passus remanere solummodo suum, sed eundem ipsum voluit esse B. Mariæ vnicum, & dilectissimum, & naturalem filium. Nec ita vt duo essent, vnus videlicet Dei Filius, & alter sanctæ Mariæ, sed vnus, & idem ipse qui Filius Dei est in vna persona, Filius esset sanctæ Mariæ, & qui Filius est sanctæ Mariæ, idem Filius esset Dei;

DIGNITAS MATERNITATIS.

Epiphanius orat. de laudib. Virg. Solo Deo excepto cunctis superior existis. Idiota la contemp. de B. Virgine. Nemo æqualis est tibi, nemo maior te, nisi Deus. Anselm. lib. de excell. Virg. Supereminentem omni, quod post Deum hominem creatum est, excellentiam Dei Matris contemplari anhelans horreo, &c. hoc solum de Beata Virgine cogitare quod Dei Mater est, excedit omnem altitudinem quæ potest dici, aut cogitari potest.

V.

INFINITAS MATERNITATIS.

S Thomas 1. p. quæst. 25. art. 6. Beata Virgo ex hoc quod est Mater Dei habet quandam infinitatem, ex bono infinito quod est Deus, & ex hac parte nihil potest fieri melius, sicut non potest aliquid melius esse Deo.

D. Bonavent. in speculo cap. 8. Ipsa est qua maiorem facere Deus non potest: maiorem mundum facere posset Deus, maius cælum &c. maiorem Matrem quam Matrem Dei facere non potest.

Albertus Magnus in Mariali cap. 230. Filius infinitat Matris bonitatem.

VI.

ELEVATIO Mariæ AD MATERNITATEM.

S Bernard. tom. 1. Conc. 61. Quod enim Deus generet Verbum nulla in eo requirebatur dispositio, cum ei ex natura conveniret, ut per viam intellectus produceret per omnia sibi æqualem; sed quod femina Deum pareret fuit miraculorum miraculum, oportuit enim elevari ad quandam æqualitatem divinam per quandam quasi infinitatem perfectionum, & gratiarum.

August. tract. de 5. hæresibus. Ego Matrem de qua nascerer feci; Ego viam meo itineri præparavi.

VII.

PROXIMITAS CVM DEO.

S. Bernardus serm. in signum magnum. Quam familiaris ei facta es, Domina, quam proxima imo quam intima fieri meruisti? in te manet, & tu in eo, & vestis eum, & vestiris ab eo, vestis eum substantia carnis, & vestit ille te gloria maiestatis, vestis solem nube, & sole ipsa vestiris.

VIII.

FAMILIARITAS CVM DEO.

Albertus Magnus in Mariali. Maria per Maternitatem Deo fuit propinquissima familiaritate, similitudine, substantiæ identitate.

Bernard. serm. de B. Maria: In hac habitavit Pater, & Filius, & Spiritus Sanctus, tanquam Creator in mundo, Imperator in Regno, Paterfamilias in domo, Sponsus in thalamo.

IX.

AFFINITAS CVM DEO.

S. Gregor. Nyss. orat. in laudem Basilij fratris, Magnitudo Virginis est affinitas, & necessitudo cum Deo.

Synecius in Carmin. Ipsa Mater, ipsa Soror, ipsa Filia, quibus si accesserit sponsæ nomen, omnem cognationis, & affinitatis rationem concluderis.

S. Thom. 2. 2. q. 103. art. 4. Beata Virgo specialem affinitatem habet ad Deum, in quantum est Mater Dei.

X.

SIMILITUDO CVM DEO.

S. Dionysius Epist. ad Sanctum Paulum, Perspexi, atque proprijs oculis intuitus sum Deiformem, atque super omnes Calicos Spiritus Sanctissimam Matrem; & addit. Testor eum, qui aderat in Virgine Deum, si tua diuina concepta mente me
non

19

non docuissent, hanc ego verum Deum esse credidissem; quoniam nulla maior videri possit gloria, quam illa felicitas.

X I.

VNITAS, ET IDENTITAS ANALOGICA CVM DEO.

Petrus Dam. serm. 2. de Natiuit. quarto modo Deus inest Mariæ, quia idem est quod illa; hic taceat atque contremiscat omnis creatura, & vix audeat aspicere tantæ dignitatis immensitatem, Dominus tecum, inquit Archangelus, habitat in Angelis Deus, sed non cum Angelis, quia cum illis eiusdem non est essentiae, habitat cum illa, cum qua vnius naturæ habet identitatem.

August. serm. 4. de Assumpt. Caro Iesu caro est Mariæ, & multo specialius quam Ioseph Iudæ, cæterorumque fratrum eius, quibus dicebat, caro nostra & frater noster est.

X II.

B. VIRGO HONORATUR A FILIO.

Hippolytus orat. de S. Qui dixit honora Patrem, & Matrem vt decretum à se promulgatum seruaret, omnem gratiam Matri & honorem impendit. D. Damasc. orat. 1. de dormit. Dei-paræ. Christus bonus legislator, etsi legi minus sit subiectus, legem tamen quam dehonorandis Parentibus sanxit implens, Matrem honorat.

X III.

DOMINIVM QVODDAM HABET IN CHRISTVM.

S Bernardus serm. 2. super Missus. Mirare vtrumlibet, & elige quid amplius mireris, siue Filii Dei benignissimam dignationem, siue Matris excellentissimam dignitatem, vtrumque stupor, quod Deus fœminæ obtemperet, humilitas sine exemplo, & quod Deo fœmina principetur, sublimitas sine socio.

Petrus Damiani serm. de Natiuit. Accedis ad illud diuinæ seueritatis tribunal, non rogans, sed imperans, domina non ancilla, quomodo enim potestati tuæ obuiare poterit potestas illa, quæ de tuis visceribus traxit originem.

Richardus à S. Laurentio lib. 2. de laud. Virg. Non solum potest filio supplicare, sed etiam potest autoritate materna eidem imperare.

XIV.

OMNIPOTENTIA QVÆDAM MARIÆ.

Bernardus Senensis tom. 1. serm. 61. art. 3. cap. 36. Hæc inquit propositio vera est, imperio Virginis omnia famulantur, etiam Deus.

Richardus à S. Laurentio lib. 2. de laudibus Mariæ, sola detinet iram Dei ne statim vindicet nos.

XV.

PATROCINIUM VIRGINIS.

D. Bernardus serm. 1. super Missus. Sicut à te despectus, & auersus necesse est, quod pereat, sic ad Te reuersus, & à Te receptus impossibile est quod periat.

Idem Bernardus. Neminem vidi accedentem ad Te, qui perierit, neminem à Te recedentem qui non perierit.



I N I L L V D

SANCTORVM PATRV

MARIA DONVM DEI, ET DONORVM DOMINA.

D E C E M E L O G I A.

I.

MARIA DONVM DEI.

DONAVIT Deus hominibus Mariam, & illa hominibus donavit Deum; mutua liberalitas est; & alternum certamen; vinceret Maria nisi accepisset quod donat: nihil tamen extra donavit Deus maius Virgine, nisi cum donavit seipsum; sed neque seipsum dedisset, nisi Virginem donasset priorem.

II.

MARIA DONVM TRIVM PERSONARVM.

PLACEY ulterius ire, & maius aliquid de Maria dicere: donaverat intra se Deus, quidquid intra Deum donari potest: dederat omnia filio Pater, præter characterem Patris, dederat uterque omnia spiritui almo præter titulum spiratoris: Cum neque esset alius intra Deum qui donare posset; neque alius qui posset accipere; experiri voluerunt nobiles personæ quid possent donare extra se; electa est Maria in qua tres Personæ explorarent quid donare possent.

III.

MARIA DONVM PATRIS ÆTERNI.

SE MEL locutus Pater æternus vno Verbo omnia dixit, & semel vno auditu omnia Verbum audiit: nec Pater plura dicere intra se, nec Verbum plura poterat audire: Ne vnica tantum Patris locutio esset, electa est Virgo cui Pater iterum Verbum diceret, & quæ Patri rursus Verbum repeteret: excepit Verbum Maria hominem fecit, & Patri reddidit. O eloquentem foeminam quæ Patrem æternum loquentem, & Verbum iterum vocale fecit.

B 3

MA.



MARIA DONVM FILII.

EXHAUSERAT intellectum Patris æterni Filius vnicus, neque intra Deum alter gigni poterat, neque idem iterum nasci: & tamen audius nouæ Natiuitatis Filius Matrem optabat similem Patri. O rem miraculo maiorem! substituit sibi Matrem Pater æternus, & Filius qui Matrem nascens non habuit, renascens inuenit: sic idem bis genitus, idem bis natus: idem Patriæ æternæ iterum Filius fuit.

V.

MARIA DONVM SPIRITVS SANCTI.

AMANT se inuicem Pater æternus & Filius; debet esse vnus qui amet, debet alter esse qui redamet; debet esse tertius qui amorem excipiat quo vterque se amat: sic absoluitur intra Deum amabilis circulus; nec plures personas admittere potest Diuinitas tribus plena; nec paucioribus esset beata: Ne tamen Spiritus omnino infecundus esset, elegit extra Deum in Sponsam Virginem, impleuit gratia, obumbravit, adiuuit, Deiparam fecit, sic intra Deum sterilis, foris fecundus fuit.

VI.

QVALE, ET QVANTVM DONVM MARIA.

QVALE & quantum Dei Donum sit Deipara ex eo collige; hæc Patrem æternum imitata eundem Patris Filium de suo iterum genuit; non eguit Matre Pater Diuinus vt Verbum gigneret, nec Patre Virgo vt Verbum conciperet; admisit illa quidem Spiritum Sanctum, sed vt Sponsum non Maritum, & Spiritus Sanctus Adiutor fuit, non Genitor; scilicet efformauit Corpus Infantis, sed de alieno, non de suo. O Matrem Patri æterno similem! neque ille feminam nouit, neque hæc virum; & Patrem oportuit esse Virginem, vt Verbum gigneret, & Mater Virgo esse debuit, vt Deipara esset.

MARIA DONORVM DOMINA.

QUOD mirum si hæc Donorum Domina est, cui Deus donauit seipsum, & quæ hominibus donauit Deum; nec deest illi voluntas donandi, quæ à Deo donare didicit, nec facultas quam Deus penè omnipotentem reddidit; nec desunt donanda cui Deus donauit omnia; neque illa est tantùm administra Donorum, sed Domina; rogare potest Filium volentem donare, & vrgeri nolentem, & ille olim subditus Matri nunc etiam rogari potest, & vrgeri; nec tamen vrgendus est, qui legis obseruans quam tulit, reueretur Matrem, explorat eius vota, & præuertit imperia.

VIII.

DEIPARA ECCLESIAE DOMINA.

DOMINA est Ecclesiae Deipara, & Mater, & filia; subdidit illi Christus Ecclesiam suam cum seipsum subiecit; Matrem quoque Ecclesiae fecit dum fecit suam; Eadem filia est Ecclesiae dum est filia gratiae: genuit illa gratiam dum filium genuit, sed gratia fecit vt gigneret.

IX.

DEIPARA DOMINA SYMMORVM PONTIFICVM.

HÆC quoque Domina, & summorum Pontificum; non essent illi Vicarij filij nisi essent administri Matris: Angularis Ecclesiae lapis est Christus, & Maria lapidis Angulus; hæc fecit vtraque vnum dum fecit hominem Deum; huic lapidi, & Angulo inniti debent summi Pontifices, vt sint immobiles.

X.

DOMINA REGVM.

ET Sceptra quoque, & Coronæ sunt dona Virginis, Deus vt nobiles subditos haberet fecit Reges, vt Matrem honoraret eisdem esse voluit subditos Matri suæ; Maius aliquid dico, Deus ipse dum apud nos viueret subditos esse voluit Matris, nec tantum filius; inde illa reuerentia Regum erga Virginem, fecit illam Deus Regum Dominam dum fecit Deiparam.

CANTICI MARIANI

ECCE ENIM BEATAM ME DICENT
OMNES GENERATIONES.

INDVCTIONES DIVI BERNARDI.

I.

Beatam me dixit Pater aternus cum Deiparam fecit :
Increati Verbi Pater, Matrem me esse voluit Incarnati.

II.

Beatam me dixit Dei Filius, cum elegit in Matrem :
Scilicet ex Patre natus, per me est iterum Filius.

III.

Beatam me dixit Spiritus Sanctus cum elegit in Sponsam :
Sponsus, non Maritus Matrem de meo me fecit, non de suo.

IV.

Beatam me dixit Archangelus cum Virginem salutavit,
Euanuit ad Maiestatem nominis cum Deiparam sciuit.

V.

Beatam me dicunt summi Pontifices, & per me sunt magni,
Administrant Imperium filij, & Regnum Matris.

VI.

Beatam me appellant Reges terrarum, & Principes :
Gerunt vices Dei dum imperant, & Matris dum regnant.

VII.

*Beatam me vocant Galliarum Reges , Regum primogeniti ;
Non essent Reges Christianissimi , nisi essent Mariani .*

VIII.

*Beatam me dicunt beata Cœlitum mentes ,
Post aspectum Dei , pars aliqua gloria est aspectus Virginis .*

IX.

*Beatam me appellant omnes amantes beatitudinis ;
Ut sperare illam possint , ego sum Mater spei .*

X.

*Beatam me appellant peccatores , & miseri ,
Post amissum Deum , nondum fecere iacturam mei .*

DE VISES SVR LES SOLEMNITEZ

DE LA SAINTE VIERGE.

I.

SVR LA CONCEPTION.

Vne Perle conceue dans sa Nacré.

Intra uterum iam pura fui .

II.

SVR LA NATIVITE

L'Halcyon faisant son Nid parmy les tempestes.

Pacem afferet undis .

III.

LA VIERGE DANS LE TEMPLE AVEC SES
COMPAGNES.

Des Abeilles dans leurs Ruches.

Mella parant , Ceramque Aris ,

SAINT

IV.

SAINT IOSEPH MARIE' A LA VIERGE.

Le Roy des Abeilles marié, & Vierge.

Fide non corpore coniux.

V.

L'ANNONCIATION A LA VIERGE.

Vne Echo dans son Rocher.

Soli sum peruia Verbo.

V L.

SVR LA VISITATION.

Deux Palmes s'entre-baisans de leurs Cymes.

Blanda se pace saluant.

VII.

SVR LA NATIVITE' DV SAVVEVR.

Vne Aigle ayant enfanté vn Aiglon.

Latatur genuisse parem.

VIIL

VIERGE APRES L'ENFANTEMENT.

Vn Soleil penetrant vn Crystall.

Peruadis, nec ludit iter.

IX.

SVR LA PURIFICATION.

Les Macules du Soleil sont des Estoiles.

Ex maculis facit Astra suis.

X.

IESVS TRENTE ANS AVEC LA VIERGE.

La Lune sous le Soleil.

Totum si posset habueret.

LA

X I.

LA VIERGE AV PIED DE LA CROIX.

Vne Lune en Eclypse.

Morientis syderis umbra.

XII.

LA VIERGE DEFENDVE PAR SON FILS DANS LE
SEPULCRE.

Le Roy des Abeilles sur sa Ruche.

Sua Regna tuetur.

XIII.

L'ASSOMPTION DE LA VIERGE EN CORPS.

Vne Nacre depouillee de ses Perles.

Exuijs debetur bonos.

XIV.

LA VIERGE DANS LE CIEL.

Le Signe de la Vierge entre le Lyon , & la Balance .

Cælestes temperat iras.

XV.

LA DEVOTION A LA VIERGE.

L'Estoile Polaire .

Qui me non aspicit errat.

28
ELOGIVM POETICVM
SACRÆ SYNDONIS BISONTINÆ.

NON Mundi hac sed mappa Dei est; prior illa rotunda
Interualla globi, laudesque, & probra locorum,
Et pacem, & pugnas charta permiscet in una,
Et punctum est quod tot calamis, gladijsque secatur,
Hic cursus, casusque hominum, nec arena timetur.

Plus mundo mappa ista gerit, vaga machina mundi,
Pendet diuina librata è pollice dextra,
Fert totam tela ista manum; Deus omnia Verbo
Sustinet, & tanto incumbit leue pondus Atlanti;
Et Deus, & totum portatur Syndone Verbum.

Vtrique hoc dispar tabula, nuda orbis imago est,
Hac magni plusquam umbra Dei; vis illa cruoris
Quæ manuum, & lateris plagas, atque ora colorat,
Hac sanies olim Verbo sociata marito est,
Nunc etiam retinet venerandam in Syndone Numer,
Et Sponsi monumenta Dei. O venerabilis humor!
O anima sedas diuina! è amabile vinculum
Quo nupsit Natura Deo? Te sanguis adoro
Sub magna viuentem anima, perque humida membra
Miscentem Verbo humana commercia vita;
Te veneror lacera rorantem è vulnere carnis,
Dum totum fons corpus erat; Tu lance repositus
Diuina, & iusta pendens examine libra
Humanis pondus vitij aequale fuisti,
Et culpam superauit onus. Te rursus adoro
Alme cruor, telamque tuo de rore madentem;
O sacra pretium tela, quam pictor inumbrat,
Et tingit de rore suo; Non doctus Apelles,
Non ita Protogenes proprio se sanguine pingit,
Et color, & propria lumen, radiusque tabella,
Et Pater ipse sui. Quid si post funera Christus
Diuinum producit opus? si morte sepulti
Illustrant pingentem oculi? si dextera vinclis
Implicita efformat varias immota figuras,
Et pingit quod nescit opus? quid si umbra sepulcri,
Et situs, & tenebra, & viua mors profuit arti?

Quin

Quin etiam has adhibet Deus ad miracula causas,
 Et famulas operas, sic dum componeret orbem,
 Nascentis primum mundi instrumenta fuere
 Et nihilum, & tenebra; sic ut sudaria pingat
 Et cinis, & tumulus, tenebraeque, & squallor, & ipsa
 Mors famula est; gaudet Domino parere iubenti,
 Et vitam dat vita expers: Vix Christus ab umbris
 Lethiferis olidum plorans clamabat amicum;
 Ecce tibi tumuli rupto de carcere prodit
 Lazarus, & victi praefert spolia ampla sepulcri;
 Res nova! lethales adstringunt membra catena,
 Vincula tamen securura mouent; mors vina putatur,
 Ambulat effossus cinis, & sudaria viuunt.

Hac quisquis maiora putas, expende iubentis
 Imperium, tunc quæ mundus miracula credit,
 Ars erit, & Natura Deit non aridus illi,
 Et sterilis sermo, non infœcunda voluntas,
 Nutum opus, & vocem dicentis facta sequuntur.
 Dixerat, & verbo tellus sterit, unda cucurrit,
 Aerque, & Cælum nutu sublime pependit.
 Dixerat, & sanguis per telam ex ordine fluxit,
 Et caput, & manuum labes, & pectoris antrum,
 Idem opifex mundum sermo, & sudaria pinxit;

Nil ego iam miror media per praelia flamma,
 Arsisse illasam telam, viuosque colores,
 Sub cinere, & calce, & gelidis rubuisse sub undis
 Ridet aquas Syndon, flammæ irridet edaces,
 Ex quo pingentis rubuit de murice Christi,
 Et picto bibit ore Deum: Bellator Hebraus
 Quo duce pugnantem equitarunt aere nubes,
 Et miles natura fuit, media aethere vidit
 Radices egisse rubum, cui brachia circum,
 Armatasque romas horrentis acumine spina
 Flamma equitans, ruleisque affigens oscula linguis,
 Pugna instar pulchri edebat spectacula ludi;
 Attonitus visis Moses, dum lumina figit
 Altius, in medijs miratur pectore dum
 Praesentem latitare Deum, circumque tribunal
 Purpureum roseis hac verba inscripta figuris,
 Viuitur in flammis, inter contraria pax est.

Siste tamen Moses, hac temporis umbra futuri,

*In medijs Virgo flammis, & Christus in igne est,
Et iam tum in medijs ludunt sudaria flammis,
Quidni ignis tela parcat, qui lussit in umbra!*

*Nec sola telam flamma sed tempus adorat,
Et fluxum reueretur opus; si ferrea Syndon,
Si magnes, Adamasque esset, sensisset edacis
Detrimenta aui, rodentemque omnia limam:
Quod duret Deus est, parcunt elementa cruori,
Et tela impressam venerantur secla figuram.*

*Expende annorum seriem, dilapsaque secla,
Ridebis senuisse cedros, pallere metalla,
Marmoraque, & senibus gemmas horrescere rugis,
Et iuuenem Telam illasa durare figura,
Mutato toties inter tot secula mundo.*

*Quid tibi Chrysopolis Tela dubitatur origo,
Donataque annus vestis, cressoque lapillo
Obsignanda dies? celauit tempora Christus
Vt solus sit doni Author, quid tempora curas?
Authoremque hominem, dum Tela & munera constant,
Et toto patet ore Deus.*

*Ecce Deum plenis Elementa in Syndone linguis
Proclamant, & ne voci experientia desit,
Facundis euulgat homo miracula membris,
Expertumque Deum; quis veri certior Author
Esse queat, quam dum spectat miracula cacus?
Qua tuba nobilior quam dum praconia mutus,
Et Tela laudes loquitur; plantaque, manusque,
Sanatique artus sacri sunt pignora doni,
Et totidem testes iurant sudaria lingua.*

*Quin etiam Tela numen confirmat Auernus,
Et dum eiurata clamant incendia larua,
Plus aliquid Tela est quod sic torquere fatentur;
Torquet in Tela numen, quod torquet in igne.*

*O quantus Christe es, cuius sic umbra timetur!
Quam dulces artus quorum sic vestis amatur!
Dulces exuuiæ, blandum, & venerabile munus,
Umbra Dei, Sanguis Christi, & cum sanguine numen.*

*Igninomis vates raptus sublime quadrigis,
Et virgam, & mœsto chlamydem legauit amico;
Plus aliquid Christus legat, sic Syndon imago est,
Vt sanguis quo picta rubet, sub numine membrum*

*Parque Dei fuerit . Felix hoc munere tanto
Chryſopolis , tela dignata , & ſanguine Chriſti;
Ante tibi pulchro nomen ſpendebat ab auro ,
Maior honor ſurgit , nunc Chriſti , & ſanguinis hares ,
Debes Chriſtopolis mutato nomine dici .*

ELOGIA DEI.

I.

EXISTENTIA DEI.

NON exiſteret Mundus , niſi exiſteret Deus :
Nec nauiſ ſine gubernatore ,
Nec tabella ſine pictore ,
Nec ſine Architecto Palatium ,
Nec ſine Rege imperium ,
Nec ſine Duce exercitus ,
Nec ſine Deo eſt mundus .
Si Elementa , ſi rupes , ſi arbores loqui ſcirent ,
Loquentis natura vox una hac eſſet , datur Deus .
Nemo de Deo dubitat etiam impius ,
Solus in corde ſuo Deum negat :
Sed dum ſic negat , affirmat .
Ceteris in rebus ignari eſſe poſſumus ;
Omnes hac in parte Chriſtiani ſumus .

II.

NATURA DEI

NE quare genus Dei , nihil habet commune ,
Nec differentiam , totus ab alijs differt ;
Nec accidentia , totus ſubſtantia eſt ;
Vis ſcire quid ſit Deus ,
Apex Entium , vertex rerum ,
Ens à ſe , Actus purus ,
Nullus de alieno , totus de ſuo ;
Fons fluminis ſui ,

*Oceanus seipso plenus,
Nullius egens, & quo omnia egent,
Id quo nihil est melius,
Hic est Deus.*

III.

VNITAS DEI.

VT scias Deum esse unum, quare quid Deus sit,
Non esset Actus purus, nisi esset unus.
Non esset id quo nihil est melius, nisi esset solus;
Si essent plures, singuli haberent sua, non omnia,
Deesset igitur alteri, quod alter habet,
At ille non est Deus, cui aliquid deest:
Et liberi essent singuli, si essent Dii:
Posset igitur alter nolle quod alter vellet,
At ille non esset Deus, cui resisteret Deus:
Nullitas Numinum est pluralitas Numinum;
Vnicitas Dei, est Dei veritas.

IV.

TRINITAS PERSONARVM.

DIVINVS penè est Deum Trinum esse, quam unum,
Demonstrat unum Theologia, non demonstrat Trinum,
Publica penè est unitas Dei, arcana Trinitas;
Latet sub velo fidei, & credi potest non sciri.
Quis illud intelligat naturam diuinam unitate distribui?
Conflari numerum, nec ab unitate recedi?
Communicari naturam, nec diuidi.
Quis capiat tres esse Personas, non substantias,
Cur inter aequales una sit prima,
Cur nec pauciores esse possint, nec plures.
Quis explicet Patrem priorem esse filio, non antiquiorem,
Spiritus Sanctum spirari, non gigni
Procedere aequalem Patri, non similem,
Aut similem filio esse, non fratrem.
Superant hac omnia rationem, non fidem,
Exceditur humana ratio non fallitur,
Et adiuta alieno lumine scit pene quod credit.

Debet

*Debet intra se Deus exercere societatem, ne sit solus,
 Debet loqui posse, ne sit mutus,
 Debet igitur unus esse qui dicat,
 Debet alter esse qui audiat,
 Debet tertius esse qui dicta diligit.*

*Debet unus esse qui amet, debet alter esse qui redamet;
 Debet tertius esse cui uterque amorem communicet,
 Sic absoluitur numerosus diuini amoris circulus;
 Nec locus est quarta Persona, Deum exhaustere tres prima.*

V.

PATER ÆTERNVS.

Hic sine Auis, & Proavis, sine Patre, & Pater sui;
*Ante mundum, & ante nihilum,
 Æternitatem vidit, & fecit.
 Post æternitatem mundum ex nihilo creauit, cum voluit,
 Ante mundum genuit Verbum ex seipso, non ex nihilo;
 Locutus est, nec potuit loqui nisi alteri,
 Alterum illum produxit, cum dixit
 Dedit illi omnia sua, ut esset aequalis,
 Fecit imaginem sui, ut esset similis,
 Nihil excepit nisi titulum Patris, quem dare non potuit:
 Sic tamen omnia dedit, ut nihil amiserit,
 Fecit de suo diuitem, nec se pauperem.
 Sufficit eadem diuinitas duobus, & sufficit tribus:
 Solus ex se produxit Verbum, & cum illo Spiritum,
 Minus esse non debuit fecundus corde quam mente.
 Prior utroque, non tamen antiquior est nec maior,
 Prioritas est originis, non aui, aut temporis:
 Æquana vita sunt qui semper vixere.*

VI.

VERBUM ÆTERNVM.

Hic fœtus mentis Paterna, & Verbum oris,
*Videntis speculum, Echo loquentis,
 Alius est à Patre non aliud.
 Eloquentes Pater omnia Verbo uno dicit, & uni,*

C

Nec

*Nec alius esse potest qui dicat ,
 Nec alius esse qui audiat ,
 Nec prater id quod dixit est aliud :
 Exhaust magnum Oratorem sermo unicus ,
 Nihil habet ultra quod dicat , qui dixit omnia ;
 Non intermisit tamen dicere qui semel dixit ,
 Singulis momentis , idem dicit , nec repetit ,
 Semper genitus est Filius , & semper gignitur ,
 Cessaret Pater esse , si cessaret dicere ,
 Cessaret Filius esse , si cessaret audire ;
 Et si esse posset in Deo silentium ,
 Nec Pater esset , nec Verbum .*

VII.

SPIRITVS SANCTVS.

H*ic à Patre & Filio non ore sed corde ,
 Nec lingua procedit sed flamma ,
 Pater & Filius duo spirantes , nec duo spiratores ,
 Vno Spiritu , & mutuo impetu ,
 Eliciunt flammam quam anhelant ;
 Procedit à duobus Spiritus vnus ,
 Halitus oris , vapor cordis ,
 Gemini amantis vnum osculum ,
 Gemini spirantis vnum suspirium ,
 Patris & Filij cor vnicum .
 Exhaust spirantes anhelitus vnus ,
 Nec tamen amare cessant , dum semper anhelant ;
 Cessarent viuere , si cessarent spirare .
 Sic Patris fecunditas exhaustur in Verbo ,
 Sic Pater & Filius quiescant in osculo ,
 Sic tres Personæ implent amabilem circulum ,
 Sic extendunt triangulum ; nec deserunt centrum .*

VIII.

VERBUM INCARNATVM.

H*ic ex Deo homo , ex homine Deus ,
 Naturam diuinam innata purpura ,*

Humanam vestiuit aliena.

Illam terminans, hanc sustentans, utramque copulans,

Eundem semel hominem, semel Deum;

Eadem corona bis Regem facit.

Idem infinitus, & finitus,

Idem aternus, & nouus,

Idem Deus & homo est, ut sit Iesus.

Idem homo esse debuit, ut debitor esset.

Idem Deus esse debuit ut posset saluere.

Idem immortalis, ut Deus,

Homo esse voluit ut mori posset.

Idem hominis misertus, ut Deus.

Vt experiretur misericordiam miser esse voluit.

Idem de homine cogitat gemino intellectu,

Idem homines amat duplici affectu:

Idem bis liberalis ut tribuat,

Bis misericors ut parcat,

Bis potens ut protegat,

Idem geminatas virtutes habet, ut scire sit bonus.

Denique vis scire quid sit Iesus?

Plus aliquid dicit Iesus quam Deus.

IX.

INFINITAS DEI.

NON esset Deus nisi esset infinitus,

Posset crescere si esset finitus,

Posset melior esse, nisi esset optimus,

Posset maior esse, nisi esset maximus,

At Deo nihil potest esse aut maius, aut melius.

Neque uno tantum modo infinitus est Deus, sed omnibus.

Infinite sapiens esse debet ut sciat omnia,

Infinite potens ut faciat;

Nisi esset infinite sapiens, esset aliquid quod nesciret,

Nisi esset infinite potens, esset aliquid quod non posset,

Illud aliquid esset nihil;

Nec tamen nihil est aliquid;

Vnum est quod Deus non potest, errare,

At hoc est infinite sapientem esse, non posse peccare.

IMMUTABILITAS DEI.

IMMUTABILIS est Deus omnia mutans,
 Mutare non posset omnia nisi esset immotus,
 Idem semper, non alius,
 Nunquam nouus, nunquam vetus,
 Semper nouus, semper vetus,
 Vidit iuuenem mundum, & videt senem,
 Nec iuuenis ipse, nec senex.
 Nec mutare locum potest qui ubique est,
 Nec situm qui figura caret.
 Nec mutat consilia qua sunt aterna.
 Nihil videt oculus infinitus quod semper non viderit,
 Nihil amat quod semper non amauerit,
 Nihil odit quod semper non oderit,
 Nihil discernit quod semper non decreuerit,
 Scilicet destinavit ab aeterno agenda in tempore.
 Nova sunt opera non decreta;
 Mutatur tempus non aeternitas,
 Et quod iam facit, penè ante iam fecerat.

XI.

ÆTERNITAS DEI.

NE quare Anos Dei, maiores non habet,
 Si haberet esset iunior, & Anus Deus esset, non Nepos.
 Nec quare quando inceperit.
 Nunquam incepit qui semper fuit.
 Semper fuit qui aliunde nihil accipit.
 Fundamentum entium nihil habet antiquius,
 Principium rerum nihil habet prius;
 Deus Authorem non habet, neque ipse est Author sui.
 Prior esset seipso, aut posterior.
 Deus est ens à se, nec tamen est effectus sui.
 Nec existit Deus quia durat,
 Durat quia existit.
 Ceterarum rerum mensura est tempus,
 Deus est mensura temporis, & aeternitatis.

XII.

IMMENSITAS DEI.

IMPLET omnia spatia Deus, nec impletur;
 Intra omnem locum est, & extra omnem locum,
 Ante mundum, ipse sibi mundus erat, & locus.
 Ne quare ubi erat, quando nihil erat,
 Intra seipsum erat,
 Non accessit ad mundum, quando illum condidit,
 Nec recederet si illum destrueret,
 Intra Deum esset Deus, & ubique esset;
 Neque est ubique per portiones sui,
 Partes non habet qui est Spiritus,
 Si dividi posset non esset Deus;
 Totus est intra mundum Deus, totus extra illum,
 Partes habet locus, non Deus.
 Facile ubique totus est, qui est infinitus.

XIII.

SAPIENTIA DEI.

SCIIT omnia Deus, & nihil didicit,
 Nihil obliuiscitur, & nihil meminit;
 Nihil addiscit noui quod semper non sciverit;
 Scit praterita quia illa fecit,
 Scit presentia, & illa. aspicit,
 Scit futura quia illa decernit,
 Scit quod nunquam erit, & quod esset si decerneret.
 Scit ipsum nihil, & dum nihil scitur penè est aliquid,
 Videt res omnes extra se, & intra se videt,
 Spectator est rerum, & speculum,
 Pictor, est & imago innata non facta,
 Viuunt in hac imagine res expertes vita,
 Meliores in Ideis sui, quam in seipsis,
 Pene illis nocet Deus, dum extra se facit.

OMNIPOTENTIA DEI.

QUÆRIS quid possit Omnipotens Deus?
*Potest id omne quod vult ,
 Non vult tamen id omne quod potest ;
 Possit omnia potest plura ,
 Non potest id totum facere, quod potest facere ;
 Non potest facere nunc , quidquid potest facere nunc ;
 Exhaustiret potentiam suam si omnia faceret ;
 At magno artificis debet superesse quod possit .
 Nobilior est opere ipso , modus operis :
 Nec socijs eget ad bella , nec auxilijs ,
 Musca illi miles , & vana exercitus est ;
 Vocat ea qua non sunt , & dat arma dum vocat ,
 Audit imperantem nihilum , & quasi ex utero generat mundum .
 Vnum est quod non potest Deus , peccare ,
 At hoc est potentem esse , malum esse non posse .*

XV.

BONITAS DEI.

ADEO bonus est Deus , ut nemo prater eum sit bonus ,
*Neque est bonus tantum , sed ipsa bonitas ;
 Neque hac est una virtus , sed omnium cumulus ;
 Totum Deum dicit qui appellat bonum .
 Neque intra Deum hac bonitas sistit ;
 Particulas sui dimisit cum mundum condidit ;
 Maior portio bonitatis homo fuit ,
 Totam se effudit cum Deum hominem fecit ,
 Fallor tota exiuit ex Deo , tota in Deo stetit ,
 Satis est tribus Personis eadem bonitas ,
 Ut sit satis , est infinita .*

XVI.

CHARITAS DEI.

HÆC adeo fecunda est ut intra Deum spiret Deum.
Amant se Pater, & Verbum, & dum se amant Deū spirant,
 Ha-

*Malitius est Patris, & Filij Spiritus Sanctus,
Osculum est duorum receptum à Tertio,
Fœcundum osculum! quod imprimit Deum Deo.*

*Sistere intra Deum hac Charitas non potuit;
Sic Pater dilexit mundum ut Filium unicum dederit,
Sic Pater & Verbum amarunt, ut donarent Spiritum,
Dedisset seipsum Pater, si fuisset qui donaret.
Dedit tamen seipsum, dum donavit heredem suum.*

XVII.

SUAUITAS DEI.

LAUDATUR suauitas diuina dum gustatur:
Nouum elogij genus gustu laudare, non gestu.
Gustauerat illam Reginus Propheta cum diceret
Gustate, & videte quam suavis est Dominus;
Hac affusa diuinis virtutibus illas temperat;
Seuerior esset iustitia nisi suauitas illam leniret,
Fortior esset omnipotentia nisi suauitas temperaret.

*Nec modus tatum virtutum, suauitas est, sed amabilis virtus,
Hac hominem admittit ad colloquium Dei.
Hac Deum homini familiarem facit.
Gustant se inuicem Persona diuina, dum se amant,
Gustant Beati, & potus est illis Deus, ac tibus.
Quale conuiuium gustare Deum, & habere conuiuiam!*

XVIII.

PATIENTIA DEI.

QUANTO illa patientia qua saturari probris non potest?
Quinquaginta seculorum iniurijs irritatus Deus,
Expectat interitum mundi, ut longius pati possit;
Quasi iniuria non essent satis, dolores addidit,
Humanum corpus induit, ut ladi posset, & mori.
Sape moriturus nisi miraculo vitam seruasset,
Miracula fecit, ut pati posset.
Illustrius aliquid addo, & miraculo maius,
Rediuuius, & immortalis inuenit nouum genus moriendi.
Instituit sacrificium in quo victima esset.
Et quoties immolatur, toties mysticè moritur.

CLEMENTIA DEI.

HÆc est ars Dei nobilissima parcere posse, & velle,
 Parcere nolunt, aut nesciunt ignobiles anima,
 Nihil diuinius facit Deus quam dum ignoscit.
 Ac vide Clementia modum ultra omnem modum,
 Parcit armatus dum ulcisci potest,
 Parcit ingratis, & sape;
 Plus aliquid dico, parcit inuitis;
 Pepercit ab ineunte mundo, & persenerat parcere,
 Audi aliquid diuinius, prauidit peccaturum mundū, & condidit;
 Audi aliquid maius, quieuit septima die post mundum conditum;
 Quaris causam quietis, peccauerat homo, inuenit cui parceret.

XX.

MISERICORDIA DEI.

HÆc virtus iterum, & sape Deum Creatorem facit;
 Creauit hominem dum extraxit ex nihilo natura,
 Creat dum educit ex nihilo miseria,
 Creat dum attollit ad statum gratia.
 Audi quàm valde placeat Deo hac nobilis virtus,
 Patrem se misericordia appellat, non iustitia,
 Scilicet de alieno iustus, misericors de suo,
 Miseretur volens, punit inuitus,
 Miserum penè se putat dum miseros videt;
 Neminem creauit Deus ut esset miser,
 Nemo esset miser, nisi esse vellet;
 Quod velit tota culpa est miseri, nulla Dei.

XXI.

LIBERALITAS DEI.

HÆc est indoles Dei, magna largiri;
 Hoc est Deum esse benè omnibus facere;
 Egena natura donare nolunt, aut nesciunt;
 Exhauriri timent, si aliquid donens;

Fons exiguus perire se credit dum fluit.
 Oceanus gaudet tot filios habere quot fluvios.
 Liberalis Deus diuitem se gaudet ut donet,
 Oceano similis fluere ex se dona permittit.
 Ac vide liberalitatis gradus,
 Dat Deus beneficia sua non vendit,
 Dat ut munus, non ut fœnus,
 Dat ut tribuat, non ut recipiat:
 Quod liberalius est, donat omnibus etiam indignis,
 Quod maius est donat ingratis,
 Quod magnifcentius donat inuitis,
 Quod diuinius post dona sua, donat seipsum;
 Ire ulterius liberalitas non potest,
 Exhaustiret donantem Deum, nisi esset infinitus.

XXII.

IUSTITIA DEI.

AGNOSCIT Iustitiam Dei scelus & virtus;
 Nemo illam negat, etiam Atheus,
 Affirmat illam etiam dum dubitat;
 Et fatetur illam, dum illam timet:
 Nemo huius timoris expers est, etiam qui nihil timet,
 Sentit illam, etiam dum excludit:
 Ledit ius Dei peccator dum offendit:
 Iustus est Deus, dum scelus punit;
 Iustus est dum mercedem rependit, quam promissit:
 Promissit illam misericors Pater,
 Reddit illam iustus index,
 Claudicaret iustitia nisi esset gemina,
 Debet pœnam sceleri, & coronam virtuti.

XXIII.

SANCTITAS DEI.

PROCUMBUNT Angeli dum sanctitatem Dei proclamant;
 Velant facies suas, & tantum lumen non sustinent,
 Complicant alas, & immoti manent;
 Inclinator Cælum ad reuerentiam dum hoc nomen audit,
 Tra-

*Tremat orbis uniuersus, & adorat quod metuit;
 Scilicet continetur hac voce Maiestas Dei:
 Totum Deum dicit, qui appellat Sanctum;
 Excluditur hoc nomine quidquid non est Deus:
 Includitur omnis titulus Dei;
 Et plus fere sonat Sanctus, quam Deus.*

XXIV.

DOMINIVM DEI.

NON ante fuit Deus quam Dominus:
*Non incepit aliquando hoc Dominium, nec cessabit;
 Ortum non habet, nec exitum quod est aeternum;
 Nec acquisiuit hoc Dominium Deus, nec accepit:
 Inde est Deus unde est Dominus.
 Ne quare limites Regni, nescit limites Deus:
 Subest huic Regno quidquid est aliquid.
 Subest quidquid est nihil.
 Subsunt huic Dominio Reges terrarum,
 Aliorum Domini sunt subditi Dei;
 Repetere coronam potest, qui illam dedit:
 Et repetit coronam dum repetit vitam.
 Solus Deus nihil amittit, nihil accepit.*

XXV.

PROVIDENTIA DEI.

NULLI hominum generi ignota est Providentia,
*Nullum hominum genus est illi ignotum;
 Agnoscit illam Arator dum proicit sementem, & illi committit;
 Excipit illam Providentia sinus, magis quam terra:
 Serit palmites uinitor Providentia nutrit,
 Regit oues Pastor, Providentia Pastorem.
 Inuenere artes primi artifices, Providentia fecit ut inuenirent.
 Hac Providentia populos Regibus, subijcit, & Reges sibi;
 Hac egestatem diuitijs, diuitias temperat egestate;
 Hac per inopes diuites alit, per diuites inopes;
 Aspice hanc rerum uniuersitatem, liber est Providentia,
 Huius libri pagina Elementa, res creatae sunt litera,*

Legit

Legit hunc librum eruditus, legit, qui nescit legere;

*Nihil fugit hanc Prouidentiam, non ipsa fortuna,
Effectus sunt Prouidentia quos appellamus casus,
Et decreta Dei sunt libera, qua vocamus fata,
Supponunt hac decreta libertatem hominis, ne illam ladant,
Explorat Deus humanum arbitrium, & penè ponderat;
Prius videt agenda ab homine quàm decernat;
Agunt simul homo, & Deus,
Nec prius homo, nec prius Deus.*

DECEM BREVIORA ELOGIA DEI VNIVS, ET TRINE.

I.

VNVS est Deus, nec tamen est solus;
Nec Deus esset, nisi esset unus;
Nec beatus esset, si esset solus;
Vnitatem requirit diuinitas,
Et Trinitatem felicitas.

II.

Mutus esset Deus, nisi loqui posset:
Nec loqui posset, nisi alter audiret;
Debet esse vnus qui dicat,
Debet alter esse qui audiat;
Debet esse tertius qui dicta repetat.

III.

Minus perfectè se amaret Deus, nisi esset Trinus;
Debet esse vnus qui amet;
Debet alter esse qui redamet;
Debet esse tertius qui amorem excipiat,
Quo uterque se amat;

*Qui accipit omnia nihil adimit ;
Trinitas est personarum ,
Et unitas diuitum .*

IX.

*O mysterium rationem excedens , non fidem ?
Tres intra Deum diuitias habent , nec sunt tres diuites ,
Tres regnant , nec sunt tamen tres Reges ,
Tres intra Deum habitant , nec sunt tres hospites ,
Eadem domus est tribus , & idem thronus .*

X.

*Maius mysterium , quod credere licet non intelligere ?
Plures sunt notiones Personarum , quam relationes ,
Plures relationes , quam differentia ,
Tres intra Deum referuntur quatuor respectibus ,
Tres dignoscuntur quinque notionibus ;
Sic tamen tres differunt ut tres sint unum .
Tria germina deitatis & unius stirpis ,
Tres flores unius radicis ,
Tres fluuij eiusdem fontis ,
Tres radij eiusdem solis .
Vnicus Deus est , & tamen est Trinus .*



D. IOANNI PEGON

Maioris Cartusiae Priori, & totius Ordinis
Cartusienfis Moderatori Generali.



MAVIT venerabilis Ordo vester Societatem Iesu, penè antequam Societas esset; petierat ab Authore Ordinum Deo, Ordinem aliquem, novarum hæreseon hostem qualem nunc videt: vt sensit se votorum compotem, excepit Societatem nascentem, fovit adolescentem, adiuvit præliantem, & nunc amat victtricem.

Non ingrata Societas non prius vivere cœpit quàm amare, cum Ordinem à quo amari cœperat antequam esset; crevit ille amor Societate crescente, & nunc toto orbe diffusus testatur omnibus fœdus esse inter duos Ordines, & Religionem geminam penè esse vnam.

Neque est oppositum inter instituta discrimen, concolores sunt animi & vultus sub discolori veste; pugnamus iisdem animis, atque armis aduersus eosdem Dei hostes, & fidei; atque vt olim Moses, & Iosue, ille votis, hic gladijs communi sorte vincebant, sic Ordinis vtriusque eadem est pugna, & communis victoria.

Vt taceam antiquiores pugnas, vulgabantur superioribus annis penè vbique per Galliam noua dogmata; decipiebat plerosque, nomen Augustini adscriptum nomini Iansenij, & erat error adeò subtilis, vt in errorem penè ipsum traheret Augustinum: detexit Cartusia Parisiensis ex fumo Portus Regij vicinum incendium, accurrit auxiliaris Societas, adiunxit se Sorbona, pronuntiavit Roma; & nunc vbi Portus Regius erat, nihil superest nisi triste naufragium.

Debetur pars huius victoriæ filijs magni Brunonis, & tuis, Vir meritissime; offero Tibi & illis magni Brunonis Elogium; nihil offerri filius gratius potest quam Elogium Patris: ita tamen hoc Elogium paternum est, vt sit etiam tuum; scilicet qualem vitam vixit Bruno, talem Tu viuus; quem instituit Ordinem ita Tu regis, vt posses instituere, nisi institutum inuenisses; tuum

47

igitur hoc Elogium est, dum est Brunonis : nec plura de Te, vno
verbo dixi omnia, dum Te Brunonem alterum dixi.

Humillimus, & addictissimus seruus
P. L'ABBE.

DIVI BRVNONIS ELOGIVM.

Hic mundi pertasus quasuit sedem extra mundū, & inuenit
Cartusia penè ultra mundum sita ei sedes fuit :
Si causam secessus quaris, umbra fuit se accusans, & damnanst
Ab ea umbra Bruno honorum umbras timere didicit ;
Et ne umbra fallerent ad umbras fugit .

Cartusia terris altior umbra terrarum erat ;
Illuc Hugo Episcopus ire septem stellas vidit ;
Tot isuere deinceps ut Cælum effecerint ;
Nec male Cartusiam appelles Stellarum Patriam :
Audi quid illic agatur, & Cælum esse credes :
Silentium, psalterium, ieiunium .

Silentium illic linguarum est, & aurium :
Nemo loquitur nisi sibi,
Nemo alium audit nisi seipsum ;
Nulla ibi Echo verba repetit, qua nemo dicit :
Alloquuntur tamen Deum homines taciturni,
Nec violat silentium hoc colloquium ;

Media hominum vita psalterium est,
Nec tristibus esse licet qui semper canunt ;
Prælibant immortalitatem ante mortem,
Viuunt vitam olim futuram :
Id agere incipiunt quod sunt semper acturi,
Et visuri olim Deum, penè iam vident ;

Afsueti Cæli delicijs cibo vix egent .
Apodum instar deuolant ad breuem escam, & reuolant,
Ne carnem ament, odisse tenentur ex voto .

Agebat hanc vitam Bruno ignotus, & cognitus ;
Vidit illum Urbanus secundus, etiam latentem,
Euocatum Romam penè præfecit sibi ;
Et quondam discipulus, penè adhuc Magistrum habuit,
Et poterat esse Urbanus tertius, si adbasisset secundo :

Fugit

*Fugit umbras Roma, qui fugerat umbras Lutatia:
Et ne unica Cartusia esset, alteram intra Calabriam condidit;
Amanit tamen primam, cui etiam ceteras subdidit.*

Obijt Anno D. 1100. ætat.

*Nec dubium est quin eò inierit, quo stella eunt,
Hugo Episcopus, dum viueret stellam esse vidit:
Ne quare Brunonis miracula, edidit vinus, & mortuus,
Ipse tamen Bruno primum miraculum est,
Totum institutum Brunonis miraculum alterum,
Idem Ordo nunquam mutatus perpetuum.*

SOLITARIII ANIMI

SOLILOQVIUM.

Hic solus mecum uiuo, mundoque carere
Incipio, & rebus presens assuesco futuris;
Ne rudis aternam aggrediar post tempora uitam,
Et Cælo nouus hospes eam. Quam uiuere secum,
Quam dulce est socium esse sui! mundoque silere,
Et soli narrare sibi: tria tempora mecum
Enumero, lapsosque annos, annosque futuros,
Et si quid medium esse potest; quid inanius annis
Præteritis? periere sibi, nihiloque creati
Ad patrium rediere nihil; præsentia fallunt
Momenta, & dum stare puto, pars altera fluxit,
Pars fluit, & firmum nihil est, nisi mobile punctum,
Hoc quoque dum presens cerno, iam ex parte periuit;
Et partes iam punctus habet; nec firmior atas
Crastina, dum nondum est nihil est, dum uenerit hora,
Hora fluit; fietque nihil dum fluxerit hora,
Lactura causa ipsa sua: nec tempora sola
Intereunt, moritur communi funere mundus,
Et mortis tempus causa est; rapit omnia secum
Dum rapitur, perijt qui quondam vixerat Orbis,
Nunc alius uiuit; succedens Orbibus Orbes,
Fataque succedens fati, edet omnia tempus,
Et tandem se tempus adet:

Ergo

Ergo age fallamus morientis funera mundi;
 Hic ego pendentes annos, & tempora fallo,
 Æternos prægusto dies, momentaque nunquam
 Lapsura, & quondam æternus post fata futurus,
 Incipio æternus fieri, mediisque supersum
 Intra horas, extraque annos; hic incola mundi;
 Et mundum supra viuo, & sublimia lustrans
 Huc co-calestis quò nos inuitat origo,
 Et patrias inquiero domos; hic corpore sensim
 Excedo, & morti viuus preludo futura;
 Et sine morte mori incipio; sic fata sororum
 Hostilesque manus, & fila nocentia fallo;
 Et fati Parca ipse mei noua stamina voluo;
 Hic assuesco Deo, vocemque audire loquentis;
 Et tolerare Deum disco; secedite cura,
 Hic licet alternas audire, & reddere voces;
 Atque hominem miscere Deo; O commercia Cæli
 Humano maiora animo! quis mutua verba,
 Quis teneros sensus, purosque enarret amores?
 Lingua sile, debent diuina arcana taceri;
 Arcanus vult esse Deus.

BEATI PETRI LVXEMBURGII

Episcopi Metensis, Cardinalis, & Tutelaris
Auenionensis.

ELOGIUM HISTORICVM.

NO VVM Elogij genus, laudari miraculis,
 Maius elogium miraculum fuisse, ut miracula faceres;
 Talis fuit PETRVS LVXEMBURGIVS;
 Ætatis sua ac nostra Thaumaturgus:
 Dixi nobilitatem generis dum Luxemburgium nominavi;
 Ignorat Imperatores, & Reges qui hanc familiam nescit:
 Scit Imperatores, & Reges qui hanc familiam nouit:
 Breuem atatem victurus extendit annos virtutibus;
 Statim fuit qualis erat futurus,
 Ne Sapientia breuior esset quam vita;

Vt faciles haberet virtutes penè innatas habuit:

Collige omnes ex una, qua mater est omnium;

Puer erogabat obuia quaque pauperibus,

Idcirco se diuitem ratus ut ditaret pauperes:

Sape illis culinam crudam, aliquando coctam distribuit;

Interceptus à Patre, & rogatus quid pera gereret,

Respondit rosas esse, & ne mentiretur, rosa suere;

Placuit Cælo furtum, & miraculo correxit mendacium.

Admiratus rem Pater rosas auferre voluit:

Sed quas miraculum crearat, miraculum abstulit?

Parisiis ad scientias missus Magistro vix eguit:

Interea docuit virtutes dum literas didicit,

Et quos Magistros, eosdem discipulos habuit.

Post obitum Patris, instar Parentis fratrem coluit.

Imo ei instar Parentis alterius fuit:

Captum ab Anglis ut redimeret, vadem se dedit.

Suadenti deinde fratri ut secum opes diuideret;

Habe tu illas, inquit, ego sat dives ero, te diuite:

Canonicatum admisit ea lege, ne ad altiora gradus esset.

Iussus à Clemente VII. admittere Metenses insulas;

Timuit peccare si admitteret, & ne peccaret, admisit:

Quindесim annorum Pastor, nulli oni ignotus;

Nulla ei onis ignota fuit.

Attigerat metam votorum, si mori pro Metis licuisset.

Non ita post, creatus Auenione Cardinalis,

Sub dubio Pontifice nihil schismatis habuit,

Accepit inuitus alienam purpuram, qui domesticam abdicarat

Rubere statim sub noua purpura omnes virtutes;

Aliqua etiam proprio sanguine:

Verberabat se quotidie manibus alienis aut suis;

Imperio Pontificis opus fuit, ne se occideret:

Orationi assuetus ambulabat coram Deo, & solus & publicus,

Et visus est aliquando coram illo ambulans Christus:

Tres illi hebdomada dies ieiuni,

Cæteris diebus cibus ipse ieiunium fuit:

Denique Angelo similis, & penè versus in Spiritum,

Eò iuit ubi Spiritus immortales habitant.

Obijt anno D. 1387. ætat. 18.

Maturus Cælo viuere in terris ultra non potuit:

Iacet Auenione apud PP. Cælestinos;

Iacere alibi vir Cælestis non debuit.

ABI VIATOR.

*Et da ei lacrymas quem utraque Rôma fleuit:
Timuit utraque casum dum hic Cardio cecidit.*

REDI VIATOR.

*Vixit adhuc Petrus sub marmore;
Spirat odorem mortuus quem spirabat vivus:
Intra biennium à morte quadraginta mortuis vitam,
Bis mille, & quingentis sanitatem restituit,
Succedentibus annis miraculorum millionem addidit.
Ex pluribus unum, quod negari ne possit, adhuc est publicum;
Lapsus ex fastigio Palatij Puer, & in membra disruptus,
Vno casu centum ruinis perierat,
Horrere ad casum omnes, & flere ad spectaculum;
Pater inclusa sacco non tam filij membra, quam frustra,
Exposuit Ara Beati, & lacrymis preces fudit, non voces;
Adiuvit populus orantem, & votum publicum fuit;
Interea moveri saccus gravidus, eniti, & disrumpi,
Adiuvante partum Petro, & obstetricante;
Denique ex sacco quasi ex utero,
Exiit Puer bis genitus, & bis natus;
Vidit Auenio miraculum, & laudavit Thaumaturgum.
Ab eo miraculo Patronus urbis, & Pater populi fuit,
Ut esset solenne Patrociniûm transiit in votum.
Quod Roma interea sileat mysterium est,
Sed dum tacet verbis loquitur miraculis,
Abi Viator, & quem Thaumaturgum vides, adora Beatum.*

BEATI SALVATORIS

DE HORTA RECOLLECTI

ELOGIUM.

*STA Viator, & mirare;
Miraculum erat qui hic iacet, & adhuc miraculum est;
Ne quare nomen Parentum, vis habuit; aut nesciuit;*

Ne careret nomine, suum Saluator imposuit.

Vt patriam haberet, unam ex suis Despara commodauit,
Saluator de Horta, utrumque nomen miraculo gessit:

Totis viginti annis ignotus omnibus, & pene sibi:

Vt melius lateret intra Patres Recollectos se abdidit:

At quam difficile latet quem Deus vult esse publicum;

Et publicus esse debuit futurus Thaumaturgus.

Sed audi nouum miraculi genus.

Occultauit eū saepe Religio, Recollectū malens quā Thaumaturgū,

Occultauit sa ipse, & saepe fugit, ut miracula fugeret;

Placebat hac fuga miraculis, & sequebantur fugitium;

Traductus aliquando intra nubem per Aerem.

Miraculo ad miracula venit:

Latebat aliquando in Culina & agebat coquum.

Suppleuit Deus cocum, ut cocus ageret Thaumaturgum;

Mutauit nomen Religio, ut hominis famam mutaret:

Incepit esse Alphonsus, nec desijt esse Thaumaturgus.

Auxit miracula dum diuersa loca mutauit;

Idcirco peregrinus, ut esset ubique Thaumaturgus:

Quarebant morbi medicum suum etiam fugientem:

Ibant ad eum Vrbes ad quas ipse non ibat,

Init saepe mors ipsa, & redijt rediuiua.

Ne quare quo miraculo tot patrabat miracula,

Sape unico signo crucis, saepe vna salute Virginis,

Mulsa hominum millia citius sanauit, quam dixit;

Sape daemones ipsos fugauit, dum aspexit;

Sape hominem vidisse, aut ab eo visum esse sanitas fuit:

Taceo miracula diuina sapientia in Laico fratre:

Homo simplex, & rudis sciebat futura, ignorans praterita;

Reuelabat arcana, & nesciebat publica,

Idiota humana sapientia, & Propheta diuina:

Abi Viator, & mirare nouum miraculum,

Adhuc sub marmore Saluator est integer,

Reueretur mors mortuum quem timuerat viuum;

Et viuus & mortuus, est adhuc Thaumaturgus.

Obijt Anno D. 1567. ætat. 47.

Redi Viator, & si Saluator esse non potes,

Esto saluus.

53

BEATI FRANCISCI SALESII

EPISCOPI GENEVENSIS,

ELOGIUM.

FRANCISCUM Salesium declaravit Beatū Roma, non fecit
Beatus iam erat ante Romanum iudicium.
Nemo bene dives est nisi de suo,
Examinavit divitias hominis Roma, non dedit.
Iam fama publica sanctum vocabat, & difficile est omnes falli:
Iam miracula beatum loquebantur, & sunt lingua Cæli:
Adhuc iudicium Roma expectabat Europa;
Probant miracula sanctitatem, & Roma probat miracula;
Meretur nunc honores publicos qui merebatur prius:
Falli non potest Roma dum credit, nec errare dum colit.

Tria Salesiū declarant Beatū, & brevi declarabunt Sanctū.
Innocentia vita, puritas morum, eminentia virtutum,
Innocentia ei similis fuit, qua fuisset Adamo innocente,
Nec frustra dies Innocentibus prima, est illi ultima
Innocens obiit, qui innocens vixerat.

Indoles illi quasi columba sine felle;
Insedit aliquando capiti eius columba hospes;
Altera cordis inquilina erat;
Placebat omnibus etiam dum argueret,
Amabatur ab hæreticis, etiam dum refutaret.
Geneva ipsa sæpe dixit, non carerem Pastore,
Si tales semper habuisssem Pastores:

Dixisses naturam hominis in virtutes transisse;
Nulla in eo mediocris, omnes fuere eminentes:
Aiebat vitium esse in Episcopo non esse optimum.

Humilitas in illo honorum hostis erat:
Id unum oderat, quod omnes amant, dignitates:
Episcopus Geneva fuit, ne esset Episcopus:

Quam valde amaret Deum probat liber amoris divini,
Aut dictavit librum illum amor divinus, aut scripsit,
Aut commodavit alas scribenti.

Accendebat hic amor Dei, amorem proximi;
Angustior erat zelo hominis Provincia una,

*Optabat alas Columba ut Angliam transuolaret, & Europam.
 Quo ire præsens non potuit, Epistolis, & libris iuit;
 Nemo scit literas qui Salesij Philotheam non legerit:
 Nemo legit, quem illa meliorem non fecerit:
 Sexaginta hominum millibus dissuasit Calvinum, & Lutherum.
 Dissuaseras Geneva, nisi fides Politica obstitisset divina.
 Quam corrigere viuis non potuit, emendabit beatus.*

ABI VIATOR.

*Ne quare qua morte obierit, quali voluit,
 Oravit, exarsit, amavit,
 Extendit mors hunc amorem, & aeternum fecit:*

Obijt anno D. 1622. ætat. 56.

*Vultus ei Angelo similis si Angeli vultus haberent;
 Fuit qui crederet intueri se vultum Christi,
 Quoties intuebatur vultum Salesij.*

REDI VIATOR.

*Vixit Salesius in eo Ordine quem instituit,
 Impressit illi Spiritum suum, & seipsum.
 Appellauit Virgines Marianas; quas appellare poterat Salesias.
 Fallor appellauit Salesias dum vocauit Marianas:
 Totus Salesius Marianus erat.*

BEATI FRANCISCI SALESII

EPISCOPI GENEVENSIS,

AD SVAM GENEVAM.

PARÆNESIS.

AVDI Pastoris vocem dilecta Geneva;
 Vera loquar, nescis purum mendacia Cælum;
 Fallere nec superi possunt, & fallere nolunt;

Dam.

*Damnaret fraus illa Deum; decepta Geneva
 Errores agnosce tuos; deceptio prima est
 Eiurasse fidem Petri, Romamque Magistram,
 Et Christum finxisse novum, nova Sacramenta,
 Templum nova, & nuda, & sacris Altaribus Agnum
 Presentem vacuis representare figuris,
 Et sterili cœnare fide: sed inanis imago
 Si placet in Cœnam, cur non in imagine Christus
 Penè iterum moriens, iterumque ex arbore pendens,
 Cur Arbor non ipsa placet? Cur Matris imago
 Dissiplet, & Cœli Virgo, mundique Patrona,
 Cur non est Patrona tui? Cur Cœlituum Aula
 Non est Aula tibi? Procuresque, & Regis amicos
 Cur dubitas posse esse tuos? speculumque videntes,
 Monstrantemque Deum, cur cacos esse Beates,
 Aut cacum vis esse Deum.*

*Grege dilecte mihi, quis te per devia Pastor
 Abduxit, pradamque lupis obiecit edendam?
 Et lupus ipse fuit? pellis decepit ovina,
 Sed lupus, & falsa Tygris sub pelle latebat,
 Et Pastor decepit ovem. Miseranda Geneva
 Doctrinam didisce novam, Romamque docentem,
 Et fidei antiqua veteres agnosce Magistros.*

*Enumera Patresque tuos, Patrumque Nepotes,
 Doctrinaque nona iuvenes miraberis annos:
 Quin etiam vivunt intra tua Mœnia cives,
 Qui videre nova nasci cunabula secta.*

*Aspice sublimes turres, pendentiaque ara,
 Incisosque metallo annos, impressaque signa,
 Monstrabunt hac ara Petrum, Romamque sonabunt.*

*Descende, & stratos lapides, & marmora lustra,
 Hic iacet indutus solenni veste Sacerdos,
 Elatusque calix, & sacra insignia Missa,
 Et qua tu rides mysteria marmor adorat.*

*Sublimes attolle oculos vitreasque fenestras
 Aspice, vivit in hac rediitque imagine Christus,
 Graturus Virgo, sacrisque dat oscula plantis,
 Et tacitus Matri narrat miracula Natus.*

*Parte alia Cœlum scandit, spectantque, dolentque
 Discipuli, sequitur tristis singultus in auras,
 Excipitur Cœlo, auditur super æra cantus,*

Et vitrum sudat lacrymis, & gaudia sentit.
 Hic medios inter Laurentius uritur ignes,
 Apparent flamma, & parcunt incendia vitro.
 Hic Stephani carnes lacerant immania saxa,
 Admittit lapides vitrum, saxisque resistit:
 Heu veteris vitrum fidei vestigia servat,
 Et veteris delet fidei monimenta Geneva!
 Quod solidum est non durat, & est durabile vitrum.
 Grex dilecte mihi, veteres agnosce Magistros,
 Et dedisce novos, nova te doctrina fefellit,
 Et falsum est dogma omne novum; divina vetusta,
 Nil caeleste novum est, Deus ipso erroneus esset,
 Si posset novus esse Deus.

ELOGIUM SANCTI IGNATII.

Hic capax gloria ingenium nactus,
 Quasivit illam ubi nobiles quarere solent,
 Ratus eam armorum primum esse, & vulnere,
 Fracto etiam crure ad illam currebat.

Miraculo opus fuit ut meliorem gloriam quareret.
 Sanavit agrotum Petrus & Apostolum inchoavit;
 Succedens Deipara ut Iesuitam faceret, Marianum fecit;
 Inspirarunt amorem virtutis sancti dum eos legit;
 Momento ex aulico, & milite sanctus evasit;
 Hoc miraculo Castellum Loyola stupefactum intremuit.

Non abdicavit tamen aulicum, & militem, sed correxit:
 Pro purpura sacco, pro armis baculo munitus,
 Appensa ad Aram Virginis seculari militia;
 Meliori militia nomen dedit,
 Sub vili sacco illustrior, quam sub nobili sago.

Ibat nudus capite, & claudus pede, & nunquam rectius iuit:
 Manresa ex nobili diuite mendicus ignotus,
 Novi belli exercitia spiritualia scripsit, dum didicit:
 Nullo Magistro homo illiteratus, & doctus
 Vno libello omnes doctos erudit;
 Admirata libellum Roma, laudavit illum ex cathedra;
 Altero libello de Trinitate ea scripsit, qua vidit:
 Vidit maiorem Dei gloriam, & deinceps quasivit;
 Octo diebus extra se, & ad Deum raptus,

vidit

Vidit iam fluere annos olim fluxuros ;

Vidit Societatis statum ante ipsam Societatem ;

Quidquid deinde gessit, eius extasis historia fuit.

Rex mira, qualis futura erat Societas, talis iam nascitur ;

Martyres habitura, concipitur in monte Martyrum,

Diuisura quondam orbem iam socijs diuidis,

Deuouenda summo Pontifici, iam Roma se deuouet,

Pontifex ante vota, iam deuotam admittit ;

Ne quare quis decem homines regeret, Dei gloria rex it ;

Nondum statutis legibus hac gloria pro legibus fuit :

Digessit illam Ignatius in regulas publicas, & priuatas,

Neque aliud sunt leges Ignatij, nisi huius gloria particula ;

Neque aliud tota Societas, nisi eius gloria communitas.

Hac gloria decem hominibus Europam diuisit,

Hac gloria Xauerium ultra orbem misit ;

Hac gloria filijs Ignatij nouos orbes apernit.

Non facile est dicere quid per Ignatium hac gloria gesserit ;

Non facile est dicere quid pro ea gloria Ignatius pertulerit ;

Pati pro ea felicitatem putabat :

Recusaturus gloriam ut pati posset pro gloria :

Denique meruit gloriam Ignatius pro qua diu mernerat.

Obijt anno D. 1556. ætat. 65.

Hoc symbolum reliquit filijs, pati pro gloria ;

Falleris noua doctrina dum socios Ignatij accusas & damnas .

Auges Societatis gloriam, non imminuis,

Hoc Societatis symbolum est pati pro gloria,

E L O G I V M

BEATI FRANCISCI XAVERII.

LAUDO prolixè Xauerium dum Ignatium alterum uoco,
Idem utrique spiritus, ab illo datus, ab hoc acceptus ;

Id Xauerius agebat Goa, quod Ignatius Roma :

Nondum Societas leges habebat, & uterque lex erat.

Veneratus Ignatium Xauerius scribebat ad illū dē genibus,

Veneratus Xaueriū Ignatius præficere cogitabat Societati, & sibi:

Audi

*Audi obedientiam hominis, una syllaba reuocabat ab Indijs,
Vna litera ad Indias miserat.*

*Audi modestiam, Nuntius S. Pontificis, & pene Legatus Regis,
Ne famulos admitteret, omnium famulus fuit.*

Zelo hominis integer Orbis minor erat,

Vltra Indiam Sinas, ultra Sinas novos Orbes quarebat:

Scilicet vas electionis Deo plenum,

Optabat nuntiare Deum ubicunque Deus erat:

Nec mirum si alter Thomas, & Paulus alter vocetur,

Non pauciores populos quam uterque lustrauit,

Et quod Paulus Occidenti, hoc Xauerus Orientali fuit:

Millionem hominum lustrauit aquis, plures instruxit,

Nec minora passus est pro Christi nomine, si gladiū excipias;

Nec ille tamen gladio, sed ei gladius defuit.

Audi vota crucis, & mortis

Inter delicias Dei, satis clamabat, & recusabat Deum;

Inter cruces amplius clamabat, & prouocabat Cælum.

Sed satis iudicans, qui pugnas desinit, & palmas,

Dum renocatur ad Occidentem, mori in Oriente voluit;

Et futurus Indiarum Patronus debuit apud Indias mori

At uide qua morte obscura, & gloriosa.

In Mapali ignobilis insula, sine ope, & pene sine teste,

Mortem obit Vir humilis, & amat latere.

Exaltauit humilem Deus, & miraculis publicum fecit;

Iniectam calcem corrupit mortuus, & corrumpi non potuit,

Hodieque integra caro probat integritatem virtutis.

Ne quare miraculorum numerum, vix Oriens numerare potuit,

Mirata numerum Roma, pronuntiauit non minorem Apostolis.

ABI VIATOR.

Et caliti utrique hymnum cane.



HYM.

HYMNVS ECCLESIASTICVS⁵⁹

SANCTO IGNATIO.

HNC Mater in praesepio
Parit futuri nescia,
Iam Iesuita nascitur
Christi futurus assecla.
Ad Pampilonis moenia
Graui ruina sternitur,
Nunquam cucurrit restitit
Quam dum laboras tibia.
Morbis fit illi sanitas,
Dum facta Sanctorum legit,
Fit ipse Sanctus, & fatit
Pijs legenda posteris.
Apparet agrote Petrus,
Virgo saluti vendicat,
Miles futurus filij,
Prius Maria militat.
In ade sacra Virginis
Appendit arma Militis,
Vili lacerna clarior,
Quam dum rubet sub purpura.
Ut impudici temperet
Flammis, aquis immergitur,
Non ante visus frigidis
Amor ferire spiculis.
In ade sacra Martyrum
Ponit rudimenta Ordinis,
Qualis putas erit domus
Nascens super cacumina!
Bis quinque Christi Milites
Dicunt Sacramentum Deo
Conuersioni Gentium,
Et Mundus est votis minor.
Nouos Iesus Milites
Suo coronat nomine,
Sed quanta sint olim docet,
Sub hoc ferenda nomine.

Ignatius Sodalibus
Orbis labores diuidit,
Et primus in laboribus
Omnes labores suscipit,
Famem, catenas, verbera,
Amore Christi pertulit;
Sed pœna maior omnibus
Non posse plura perpeti:
His vixit in laboribus,
Cali sed inter gaudia,
Nunc despicit qua sapiens
Suspexit olim sydera.
Tibi Pater fit gloria,
Tibique Patris vnice,
Tibique Sancte Spiritus,
In seculorum secula.

HYMNVS ECCLESIASTICVS

SANCTO FRANCISCO XAVERIO.

A *Vthore Natura Deo*
Natura mutat Ordinem,
Lux Solis inde nascitur
Vbi mori consueuerat.
Franciscus Indis Gentibus
Cœleste Numen nuntiat,
Plagis Eois Occidens
Solem, diemque commodat.
Aurum, lapillos India
Gemmas, odores congerat,
Æquale nil Ganges habet
Quod Occidenti deferat.
Dum dormit Indi sarcinam
Pendere collo somniat,
Somno solutus cursitat
Vtraque onustus India.
Ingens, & orbe vastius
In orbe pectus astat,

Chri-

*Christoque Mundos subdere
Plures duobus cogitas.*

*Sat est Deus, clamat, sat est,
Mens plena Cæli gaudijs;
At non sat est, sed amplius
Exclamat in laboribus.*

*Francisce pectus explica,
Totumque Numen exripes
Adsunt quibus superflua
Rores refundas gratia.*

*Orantis è manu crucem
Excussit unda fluctuans,
Fleuit minasque fluctuum
Vna repressit lacryma.*

*Cancer recurvis branchijs
Crucem reportat littori,
Dum sic adorat quem videt,
Recta tetendit semita.*

*Iam millionem Gentium
Sacris fluentis merferat;
Minor capaci pectore
Et Indus, & Ganges erat.*

*Melas Sinarum viderat,
Et Solis incunabula,
Vltra diei limitem*

Lucere Sol novus parat.

*Francisce gressum, comprime,
Cæloque permuta Sinas,
Qui nunc negantur hospiti,
Olim patebunt cœliti.*

*Tibi Pater sis gloria,
Tibique Patris unice,
Tibique Sancte Spiritus,
In seculorum secula.*



C A P V T

D. IOANNIS BAPTISTÆ.

INTER humana capita nullum caput hoc maius fuit;
Minor est Ioanne quisquis non est homine maior,
Ille solus maior est, qui est homo-Deus.

Nullum caput vocalius, nullum taciturnius fuit:
Antequam Patrem haberet, indixit Patri silentium;
Reddidit linguam Patri, dum ipso vix habuit.

Intra uterum matris vocale, & mutum,
Expressit motu, quod ore non potuit;
Exultavit, & lucem quam non videt ostendit;
Nondum exire poterat, & Præcursores agit.

Nemo citius locutus est, nemo tardius;
Ex utero matris Verbum salutavit in Vtero Virginis;
Ne salutaret homines in eremum secessit;
Illic triginta annis loqui tacendo didicit.

Nemo diutius tacuit, nemo post silentium plura dixit:
Echo omnium Prophetarum, quidquid dixere repetit:
Verbum Verbi, quidquid Verbum dixerat, dixit:

Eheu donatum est hoc caput puella saltatriei!
Mauult mater adultera caput inimicum, quam regnum;
Et saltationis pretium est caput regno dignum.

Nec mora præfertur in disco inter pocula caput sobrium;
Ostenditur conuiuiis sanguis, & pendè bibitur:
Et natale conuiuium funesta cade corrumpitur.

Aspice hoc caput Rex impie, quod te aspicit;
Cerne oculos exanimos, & adhuc flagitij tui testes;
Audi silentium lingua, & flagellum luxuria:

Os illud est, cuius sententiam ferre non poteras, neq; adhuc potes;
Hac lingua est, quam arguentem timebas, & adhuc times.
Obtruncasti caput innocens, & vocale fecisti;

Sequetur te hoc caput exulem, ut ubique te damnet;
Hodiequo Lugduni sepulcrum duorum Amantium,
Accusat incestum Herodis, & Merodiadis.

D. PAVLI PRÆCISVM.

DI CAT elogium huius capitis os Chrysostomi ;
 Nulla lingua laudare Paulum potest , nisi sit aurea :
 Hoc caput humana sapientia domicilium est , & diuina :
 Infudit se utraque huic capiti , ut illud impleret :
 Hoc caput altius terris raptum est , ad tertium Cœlum ;
 Hic vultus Angelis permixtus penè Angelus fuit ;
 Hi oculi viderunt Christum ut hominem , & penè ut Deum ;
 Ha aures audierunt arcana verba , qua non licet homini loqui ;
 Dixit illa tamen hoc caput , dum nescire se dixit .

Hoc caput redux ad terras cœleste fuit ;
 Proclamat ubique quod in Cœlo didicerat ;
 Quid aliud cructaret , quàm quo plenum erat ?
 Exiuit in omnem terram huius capitis sonus :
 Et verba ultra mundum perlata ibant ad Cœlum :
 Nimirum eò redibant , unde descenderant .

Quid agis impie Nero dum hic caput abscindis ?
 Occidisti in Seneca Magistrum Urbis , in Paulo Orbis :
 Pati tales Magistros malus discipulus non potuit .

At loquitur præcisum caput Epistolis , dum non licet verbis .
 Et calamo vocali iterum dicit , qua scripsit .

Probat Romanis latere in rebus creatis Deum , & patere .
 Docet Corinthios fidem grandibus factis constare , non verbis .
 Docet Galatas minus sapere , dum nimis sapiunt .
 Laudat Ephesios , ut laudabiles reddat ;
 Amat Philippenses , & amari vult non Paulum , sed Iesum .
 Dicit Colossensibus fidem Coleffum esse immobilem :
 Victoriâ ostendit Thessalonensibus , & hortatur ut vincant :
 Facit Timotheum similem sibi , ut faciat filium .
 Vult Paulum esse Titum , ut Titus sit Paulus .
 Ut Philemoni commendat Onesimum , commendat Paulum ,
 Probat Hebrais ex umbris veteris Testamenti , diem novi .

Interea rorat hoc caput lacte , non sanguine ,
 Perfudit hic liquor carnifices , & fecit Martyres ;
 Manant lacte Epistola Pauli ;
 Orbis totus uiuit hoc lacte ,

Episto-
 læ qua-
 tuorde-
 cim Pau-
 li .

D. PETRI INVERSVM IN CRUCE.

INVERSVM est hoc Petri caput, & rectum;
 Iacere sic debuit ut rectè Cælum aspiceret;
 Nunquam rectius aspexit, quam dum sic vidit.
 Puto sic aspexerat, dum ita Christo respondit,
 Tu es Christus Filius Dei viui;
 Non reuelarat hac verba caro, & sanguis;
 Audiuit Patrem reuelantem, & repetijt;
 Petra erat, & Petrus esse meruit.
 Penè naufragium in mari fecit, dum aliter aspicit;
 Inuertit caput ad Christum, & exasit.
 Nec fugisset in horto, nec negasset in Palatio,
 Si sic aspexisset.
 Nemo peccaret in Cælum, si cælum aspiceret.
 Pradixerat hunc situm Christus, dum his verbis admonuit,
 Cingebas te, & ambulabas ubi volebas,
 Extendes manus tuas, cinget te alius, & ducet quo tu non vis,
 Nolebat cum Roma exiuit, & crucem timuit;
 Voluit cum admonitus fuga ad crucem redijt.
 Inuersus cruci affigi voluit, ne posset anfangere,
 Inuersus, ut à terra iter ad Cælum faceret;
 Inuersus, ne aliud præter Deum, & Cælum videret;
 Inuersus, ut pendentem à cruce Magistrum cerneret;
 Inuersus, indignum se ratus, qui rectus penderet.
 I Petre nunquam rectius ambulasti quam capite,
 Scilicet itur ad Cælum affectibus magis quam pedibus.
 Emolare rectus in Cælum Simon Magus tentauit, & corruit,
 Tentauit inuersus Simon Petrus, & rectè iuit.





LIBER SECVNDVS.

E L O G I A

THEOLOGICA, ET PHILOSOPHICA.

Illustrissimo, Nobilissimoque D.

D. ALEXANDRO
DV PILHON

Consiliario Regis Clerico, in Suprema Curia
Delphinatus.

DEDICATIO LIBRI.

NVENI artem laudandi Te, & tacendi de Te,
VIR ILLUSTRISIME, abstinco laudibus
tuis quia iubes, dum tamen abstinco, illas dico,
scilicet hæc omnium laudum maxima est, nolle
laudari, & laudabilem esse: mereris laudes om-
nes, dum omnes reijcis; & quisquis hoc dicit de
Te, dicit laudes tuas, dum de illis tacet.

Nouum Elogij genus dicere magna dum nihil dicis; loqui dum
taces, laudare dum laudibus abstines, & pulchro silentio laudare
laudari nolentem.

Quam magna dicerem de Te nisi prohiberes, sapientiam inge-
nij

nij, prudentiam iudicij, maturitatem consilij, integritatem vtriusque fori; misces humana diuinis, nec confundis; attollis illa, nec ista deprimis; consecras forum ciuile Canonico, & pulchra pace verumque concilias.

Quam illustria adderem de Parentibus, de Auis, & Atrauis tuis, nisi tu eas etiam laudes vetares; taceo illas quoque, & illas dico; appello Maiores tuos omnes dum Te appello, designo singulos nomine suo dum tuum enuntio, viuunt omnes in Te hærede virtutum, reuocas ætates eorum præteritas, & quinque secula quæ olim fluxerunt, iterum redeunt, & apud Te fluunt.

Fefelli modestiam tuam, Senator modestissime, laudaui Te etiam inuitum, noua arte laudandi; abstinco denique laudibus tuis, ne arti irascaris, & artifice: Amabis tamen laudes Augustini veri, & damnabis insidias falsi; occultauit se homo astutus sub nomine Augustini, quasi sub Annulo Gygis, cuius palam sic obuertebat, vt Iansenium celaret, & Augustinum ostenderet; denique excæcauit Annuli gemmam Umbra Augustini, & ostendit sub ea gemma noctuam latere, non Aquilam. Viue, & faue.

Humillimus & addictissimus seruus
P. L' ABBÉ . .

DIVI AVGVSTINI

ELOGIVM DOGMATICVM.

INGENIVM Augustini nemo hætenus totum nouit:
Ingenij sui limites Augustinus ipse nesciuit:

Monstrum ingenij fuit alijs, & monstrum sibi.

Exhaust se Africa dum tale portentum tulit:

Adolescens non tam discere, quam meminisse videbatur:

Dixisses non acquirere scientias, sed innatas habuisse:

Didicit Aristotelem sine Magistro;

Vix eum Aristoteles sine Doctore didicisset:

Exhaustis omnibus scientijs adhuc sciendi anidus,

Didicis errores Manichæorum, vt haberet quod disceret:

Landauit eos errores dum nesciuit, refutauit dum didicis,

Et nondum fidei discipulus iam pugnanis pro fide.

Superata Natura diu luctatus est cum gratia :
Expertus est se ab ea non cogi, dum diu resistit :
Nec violentus consensus fuit, quem negavit dum voluit :
Agnovit tamen sufficientem fuisse gratiam, qua vinci potuit;
Non accusaret moras suas, nisi properare potuisset,
Nec potuit, nisi vires offerret gratia sufficiens, & nondū vincens.
Vicit tandem Gratia efficax vinci volentem,
Sic delectavit ut suaderet, sic suavit ut cogeret;
Recusare illam poterat, etiam dum admisit;
Admisit illam voluntas libera, sed non sola :
Prævenit gratia nolentem, & adiuvit volentem :
Incepit Deus sine Augustino, ut vellet Augustinus cum Deo.
Nec meruit Augustinus gratiam qua fecit merentem,
Data est immerenti bene cum gratia merituro;
Nemo acrius gratia resistit,
Nemo fortius pro gratia stetit.
Mirata discipulum Gratia mutavit in Magistrum,
Docuitque artem vincendi dum Augustinum vicit.
Post eam victoriam nemo Augustino par fuit;
Pelagius, Iulianus, Donatus umbram Augustini timere;
Nec tantum errores præteritos refutavit, sed futuros;
Damnauit Iansenium nondum à Roma damnatum.
Opposuit Antitheses erroribus futuris,
Distinxit Augustinum ab Augustino,
Et puto cum Antipodes negavit, Iansenium intellexit.
Debet Augustinus gratia quod de gratia didicit,
Debet Augustino gratia quod de gratia docuit;
Debet multum Augustino Roma,
Plus Roma Augustinus debet.
Non esset doctor Gratia, nisi esset discipulus Roma.

A L B E R T I M A G N I

ORDINIS PRÆDICATORVM,

E L O G I U M.

ALBERTVS Deipara Philosophus,
 Thomas Verbi Theologus fuit;

E 2

Bene

Bene hic de Filio, bene ille de Matre scripsit:

Vter plura sciuerit ambiguum est;

Vterque scinit omnia, neuter plura.

In Alberto aliquid eminet, unde illi cognomen Magni,

Rudis aetate prima, & ultima,

Parum debuit natura, multum gratia:

Momento eruditus, momento indoctus,

Didicit omnia simul, omnia simul dedit:

Abstulit scientias Virgo, qua illas dederat,

Vt sciret qui reddit, alienum esse quod redditur.

Bene usus scientijs quas acceperat commodatas;

Impleuit Orbem octingentis voluminibus,

Satis unus omnibus Bibliothecis,

Sibi ipse vix fuit satis.

Non facile est dicere quid Albertus nesciuerit;

Nulla opinio etiam falsa fefellit Albertum,

Modum posuit artibus curiosis ne ultra pergerent;

Ostendit ubi desineret Natura, unde inciperet Gratia.

Petierat à Virgine ne falli posset, addidit illa ne falleret;

Nemo errauit sub Alberto Magistro, & Thoma discipulo;

Vterque erudiuit Orbem, uterque correxit.

Media aetas Alberti erudita, tota humilis fuit:

Magister sacri Palatii, Romam deseruit, ut Palatium defereret:

Ratisbonenses insulas sponte exiit, quas inuitus induerat;

Vix inter suos Prouincialis esse voluit, qui Ordini regēdo par erat.

Denique dum ex cathedra dictat, nō tā verba quā Oracula;

Obmutuit extemplō oraculum orbis:

Et cuius memoria sapientia promptuarium erat,

Id unum tunc meminit, se nihil amplius meminisse:

Vnum est quod obliuisci, non potuit nomen Maria;

Scinit illud antequam aliquid disceret:

Illud sciuit postquam omnia dedit:

Prima hac vox erupit Infanti, & ultima Seni.

Nec mutum tamen Alberti silentium fuit;

Albertus Senex, & mutus adhuc Orbis Magister erat;

Probat immemor diuinū fuisse, quidquid memor dictauerat.

Obijt an. ætat. 87. Clarus miraculis.

Ipse eruditus, & ignarus miraculum fuit.

Nec minore prodigio amisit scientias, quam accepit:

Beatus qui dum scientias, amisit virtutes retinuit.

SANCTI THOMÆ

DOCTORIS ANGELICI,

ELOGIUM.

THOMAS Angelus erat, antequam esset Doctor Angelicus.
 Angelorum discipulus, & penè amulus fuit;
 Multa ab Angelis didicit, quadam Angelos docere potuit:
 Aut Theologiam ad terras deduxit è Cælo,
 Aut sciuit in via quod videtur in Patria:
 Audiuist Apostolus arcana verba, sed illa tacuit;
 Qua Paulo dicere non licuit, hac Thomas dixit.

Mysteriorum compendium est summa Thoma;
 Collegit in ea quidquid doceri potest, aut sciri:
 Inclusit Ambrosios, Hieronymos, Augustinos, Gregorios:
 Inclusit seipsum, maior seipso, & se minor.
 Epitomen fecit aliena sapientia, & summam sua:
 Didicit omnes qui Thomam intelligit,
 Nec totum Thomam intelligit, qui omnes didicit;
 Vbi alij dubitant Thomas non ambigit;
 Vbi omnes desinunt, inde incipit:
 Inde progressus è ascendit quo nemo prauierat,
 Sequitur prauiam fidem, & illam ducit;
 Discipulam facit Theologiam, & Magistram:
 Ostendit quod illa credit:

Neque aliud superest nisi lumen gloria post Summam Thoma.

De Deo sic loquitur, quasi vidisset,
 De tribus Personis, quasi singulas nosset;
 De Angelis sic disputat, quasi Spiritus esset:
 Ingenerat horrorem peccati dum describit;
 Amabiles reddit virtutes dum ostendit;
 Incarnatum Verbum sic explicat quasi vox Verbi.

Siste aliquando Thoma, peruenit ad summum Summa tua:
 Ire ulterius non potes, nisi aliquid queras post omnia.

Bene scripsisti de me Thoma.

Probat scripturam hominis qui character est Patris;
 Silete lingua ubi Deus laudator est,
 Fallere non potest qui laudatur, dum qui laudat non fallitur.
 Appellent alij Thomam Angelum Theologia,
 Dicant Pontifices Summam tot miraculis constare, quot titulis.

E Plus

Plus dicit una vox bene.

Christus est Verbum Patris, Thomas adverbium filij.

Quam ergo mercedem accipies?

Quam benè scripserit collige ex testimonio,

Quam benè vixerit disce ex pramio,

Vt scias meritum virtutis, datur optio pramij.

Quid eligat nisi Deum, qui nouit pretium Dei?

Nec potuit eligere maius, nec debuit minus;

Male scripserat si aliter elegisset.

DIVI BONAVENTURÆ

DOCTORIS SERAPHICI,

ELOGIUM.

Hic à bonis venturis nomen sortitus,
Æternitatem penè possedit intra tempus:

Destinatus à Matre Ordini S. Francisci antequam natus,

Si nomen mutes penè alter Franciscus fuit;

Fundator Ordinis futurus, nisi Franciscus precessisset;

Et penè fundauit dum ruinas restituit.

Æqualis S. Thoma annis, & meritis;

Vterque Doctor, ille Angelicus, hic Seraphicus;

Hic tamen optimam partem elegisse visus,

Eò iuit affectu, quo alter intellectu,

Et quod Thomas credidit, Bonauentura gussauit.

Vt scias Seraphice doctum,

Vno breuiloquio complexus naturam, & Deum;

Ex primo principio omnia,

Ex omnibus primum Principium,

Ex Deo demonstrat Deum.

Nemo de Deo breuius, nemo clariùs scripsit;

Creditus est Seraphim commodasse alas scribenti;

Et puto dictum Seraphini alas descripsit, illas habuit.

Interrogatus aliquando à S. Thoma cui libro studeret,

Ostendit pendentem ex Cruce hominem Deum,

Illustris liber scriptus intus, & foris!

Medi-

*Meditabatur hunc librum Bonaventura ,
 Nec aliunde nisi , à Deo haurire potuit , qua de Deo scripsit .
 Idem scribentem vitam S. Francisci interpellare non ausus ,
 Sinamus , inquit , Sanctum de Sancto scribere ;
 Nonum historia genus , dum Sanctus scribit , & scribitur :
 Neuter fallere aut falli potest , uterque Sanctus .
 Vis scire aliunde qualis Bonaventura fuerit ;
 In eo Adamus non peccauerat , vix ipse in Adamo ;
 Rediisse videbatur ad Statum Innocentia ,
 Qui veteris Adami nihil haberet .
 Affero aliquid illustrius Angelicum , & diuinum ,
 Dicitur Angelus Eucharistiam ori hominis admonuisse ,
 Dicitur ipse Christus per latus cor hominis subiisse .
 O nouum communionis genus !
 Bonaventura gemino aditu Christum excipit latere , & ore &
 Gemino palato gustat delicias Dei !
 Mirantur Angeli nouas artes amandi ;
 Miratur Christus , & miraculum facit .
 Omissi laudare purpuram , ut parcam rubori ,
 Erubuit vir modestus dum illam gereret ,
 Nunc quoque erubesceret ad laudes .*

IOANNIS SCOTI

DOCTORIS SVBTILIS,

ELOGIVM.

Hic pene ante subtilis quàm homo fuit ,
 Occultauit Patriam dum nascitur , ut subtiliter nasceretur ,
 Tres populi de eius ortu disputant , plures de obitu :
 Nullibi penè natus est dum ubique nascitur .
 Cessate lites Patria Scoti subtilitas est ,
 Idcirco hactenus latuit quia subtilis est :
 Subtilè Deipara fecit , ut subtilitatè conceptionis defenderet ,
 Inde illi subtilitas tanta , ut ipsum etià nomen subtile sit .
 Inuenisset Philosophiam , nisi Aristoteles praeceffisset ,
 Sic eam tamen ornavit , ut eius inuentor dici possit .
 In Theologia penè aequauit S. Thomà dñ superare non potuit ;

Et ne unicus Princeps esset, eam in duo regna diuisis;
 Arcana diuinitatis sic explicat, quasi Deus reuelasset.
 Nunquam tamen subtilius, quam pro conceptione pugnaui;
 Ducenta argumenta ita repetijt, quasi Deus suggeret,
 Ita dissoluit quasi Deus responderet,
 Probauit deinde filiam esse Adami Deiparam, sed Parentis non
 peccantis,
 Impeditam esse ne in Adamo peccaret,
 Redemptam à peccato futuro,
 Sanatam nondum agram, & nondum captiuam liberatam.
 Puram igitur esse debuisse, ut Deipara esset.
 Persuasa Argumentis Sorbona in Scoti verba iurauit,
 Nemo admittitur ad lauream, nisi hac in parte Scotista sit.
 Non arrogauit sibi hanc victoriã Scotus quã miraculum peperit;
 Dum pergit ad pugnam implorauit opẽ Virginis, & Virgo promissit.
 Inclinauit caput imago saxeæ, & stetit promissis:
 Adhuc perseuerat inclinatio imaginis, testis miraculi,
 Ne quis de antiqua victoriã dubitet, qua semper noua est.
 Nec subtilior doctrina Scoti, quam virtus fuit;
 Coloniam destinatus, ut illuc sapientia Coloniam institueret:
 Perrexerat insalutatis Parisijs, ut obedientia caca esset:
 Ibat pedes vir triumpho dignus,
 Satis oneratus Scoto, nisi subtilitas onus leuaret.
 Redintegrata Conceptionis pugna renouauit victoriam;
 Vicit discipulos Colonia, qui Parisijs Magistros vicerat;
 Non incrementa tamen victoriã dum post pugnam interijt;
 Testis immaculata Conceptionis dum vixit, & victor dum obiit;
 Occultauit ingeniose mortem, qui natales celauerat;
 Tam acutẽ interijt, ut adhuc de mortis genere dubitetur:
 Scilicet subtiliter mori voluit, qui subtiliter natus erat;
 Ipse etiã mortis annus incertus est, ut sit atas tota subtilis:
 Illud certũ est tã multa scripsisse, ut ijs legẽdis vix atas sufficiat;
 Pugnat voluminibus cum Thoma,
 Plura scripturus si scripsisset minus subtiliter.
 Vterque Doctor, ille Angelicus, hic subtilis:
 Sed hic subtilis esse non posset, nisi Angelicus esset.

ROBERTI BELLARMINI⁷³

CARDINALIS, ELOGIVM.

SCRIBENDO Bellarmini Elogio unus Orator non est satis;
Laudant illum omnes docti,

Ipse omnium Doctorem laudator fuit.

Vivunt apud illum scriptores mortui, & rediunt;

Examinauit omnium doctrinam lance qua debuit:

Legi possunt sine errore, etiam qui errarunt,

Purgavit illos Bellarminus, & fecit ne fallerent:

Hac prima laus Bellarmini scivisse omnes scriptores;

Altera laus id etiam scivisse, quod ipsi nesciunt,

Scire omnia debuit qui omnium iudex fuit.

Nihil tamen Bellarmini scientiâ certius probat quâ Controuersias;

Extra controuersiam est eruditum opus;

Mirantur omnia ingenia ingenium unum;

Inclusit uno volumine omnia volumina;

Sufficit omnibus scientiis, vix ei omnes scientia sufficiunt:

Mirantur haeretici expugnari se ab uno hoste,

Et vinci uno certamine haereses sexdecim seculorum.

Quod admirabilius est placet victoria etiam victis:

Amatur hominis modesta doctrina, etiam dum arguit;

Debet Ecclesia huic operi clypeum quo se tegat;

Debet arma, & tela quibus haereses vincat:

Debet illi fides ne sit amplius ceca;

Scilicet illustrat res credendas, & pene demonstrat;

Addit Summa Angelica alteram Summam,

Et quondam una, nunc pene duplex Theologia est.

Neque eminentior est Bellarmini doctrina, quam pietas;

Nihil in eo humile est nisi humilitas;

Hac tamen humilis, & sublimis fuit;

Nepos Marcelli secundi, & dignus qui esset tertius;

Erubuit ad oblatam purpuram, plus ipsa purpura,

Adigendus fuit à Clemente VIII. sub culpa, & poena;

Et poenam admissurus erat, si carere potuisset culpâ.

Capuanas insulas admisit ut Aulam fugeret;

Dum retineri se vidit Insulas exiit.

Recusauit prouentum Tituli, qui Titulum abdicarat;

Et velleis ouium noluit qui Pastor non erat;

Sin-

Singulis annis subtrahabat se vita, ut morti studeret;
 Aiebat faciendum id bene quod tantum fit semel,
 Nec bene fieri nisi fiat ex arte,
 Nec artem ab eo sciri qui arti non studuit:
 Meditabatur subinde aternitatem, & penè gustabat,
 Et beatus olim futurus, pene iam erat.
 Extant singulorum secessuum libelli singuli,
 Sapi di eorum gustui qui aeterna sapiunt, non caduca.
 Denique obiit, Vir Magnus qui iam penè obierat,
 Nec patriam mutauit, nec pene vitam;
 Eò inuit quo ire consueuerat, & ubi iam erat.
 Inuifere moribundum Cardinales, & appellarunt sanctum,
 Idem dixit Pontifex priuata voce, & poterat dicere publica.
 Abrepta est mortui purpura, & quidquid tetigerat sacrum
 fuit.
 Omiseram testamentum, & vir pauper testari vix debuit;
 Haredem ex asse scripsit Societatem, & assis vix obolus fuit.
 Ante purpuram pauper, sub purpura pauper fuit;
 Mutauerat colorem non vestem,
 Sub utroque colore Iesuita fuit.



75

PHILOSOPHIA S E N E C Æ IN EPITOMEM REDACTA.

Illustrissimo, Nobilissimoque Domino

DIONYSIO LE GOVX
DE LA BERCHERE

MARCHIONI DE SANTHENAY,
Ordinario Regis in omnibus Consiliario, & in
Senatu Delphinatus Præsidi Primario.



VIVIT in Te Seneca superstes sibi, VIR ILLUSTRIS-
SIME, restituis illi vitam, quam amisit;
Talis est intra Te, qualis intra se fuit, veracem
facis eius doctrinam; quod speculatur hoc sapis,
quod philosophatur hoc vivis, quod præscribit
hoc exequeris: aut alter Seneca es, si fuit gemi-
nus, aut idem rediuvius, si fuit vnictus.

Offero Tibi compendium Senecæ, & totum Senecam, totum
Solem in radio, totum circulum in centro, totum florem in
succo: inest singulis rebus immixtus spiritus quo res quæque
consistit; hic spiritus arte chimica eductus essentia vocatur: Pars
est rei, & res tota, anima floris, succus liquoris, spiritus auri,
mens metalli: Non satis dixi, flos est floris, liquor liquoris,
aurum auri, metallum metalli: Spiritus Senecæ est hic libellus,
anima operum, succus librorum particula Senecæ, & Seneca totus.

Placebit vt spero Tibi, morale, & politicum Xenium, cui mo-
rales, & politicæ quæstiones placent; Magister morum est Se-
neca, politicæ magnus Author, & penè inuentor; scilicet scribit
res magnas, & gessit: instruit Magistratus, & fuit; docet facien-
da, & facit; similis est Tibi, & Tu illi; displicere Tibi non potest
Seneca, nisi Tu ipse displiceas Tibi,

MAGNITVDINIS TVÆ,

Additissimus servus PETRVS L' ABBE'.

CAPVT SENECÆ MARMOREVM.

HOC Caput magni Seneca, & totus in Capite Seneca est ;
 Aut vinit, aut agit mortuus, quidquid egerat viuus ;
 Meditabundo similis, & adhuc in marmore Stoicus est.
 Dicitur Epistolas, & scriberet, si manus haberet :
 Describit naturam ira, & irasci videtur in lapide .
 Consolatur Heluiam, & Romam exulem facit, ne Solus exulet :
 Negat Polybio dolendum in morte vnius, dum omnes morimur.
 Probat Martia non perijisse filium, sed vixisse :
 Disputat de beneficijs, & magnum ipse beneficium est .
 De Prouidentia Christianè differit nisi fatalem assereret.
 Persuaserat Neroni clementiam, nisi illam cum Matre occidisset.
 Negat opes nocere Sapientia, si doceantur sapere .
 Quirit tranquillitatem animi, & tandem inuenit in marmore .
 Probat vitam non esse breuem, si tota viueretur bene .
 Statuit constantiam Sapientis, & ne sit inconstans statua est.
 Disputat de Natura, & dum illam definit pene supra naturā est.
 Controuersias fingit, & adhuc magna ipse controuersia est .
 Definit litem Augustinus ;
 Adfuit Sapientia Christiana scribenti, viuenti defuit.

EPISTOLÆ SENECÆ.

DICTAVIT Epistolas Senecæ Sapientia, & Seneca scripsit ;
 non aliter loqueretur virtus si loqui ore humano vellet ;
 Non satis dicit qui eas Epistolas Sapientiæ thesauros vocat ;
 singulæ lineæ sententiæ, singulæ sententiæ sunt totidem gemmæ :
 nulla est virtus quam non doceant, nullum vitium quod non
 arguant ; satis doctrinæ habent, vt omnes erudiant, satis sapien-
 tiæ, vt omnes inde sapiant ; si talis esset Lucilius qualem Episto-
 læ instruunt, aut Lucilius Seneca esset, aut Seneca Lucilius .

DE BENEFICIIS .

DISPUTAT libris septem de Beneficijs, & docet hanc esse
 hominis pulcherrimam artem bene mereri de homine: An-
 te hunc Magistrum nesciebatur ars beneficij ; nemo dabat vt da-
 ret,

ret, nemo gratis, nemo donabat nisi sibi, mittebantur beneficia instar pilæ, vt redirent; perijsse credebatur quidquid alter non redderet: sic omne beneficium fœnus, & omnis liberalitas vsura erat. Erudiuit naturam Seneca, docet dandum esse beneficium, vt vincas alterum, non vt alter te vincat; addit beneficium non esse quod tribuitur, sed animum tribuentis, hunc animum vult esse beneuolum vt det libenter, magnificum vt liberaliter, alacrem vt celeriter; dum sic de beneficijs differit, nonne ipse magnum beneficium est?

DE PROVIDENTIA.

LOQVERETUR de Prouidentia Christianè, nisi fatalem assereret: Probat illam ex ordine mundi quem nec statuere potuit fortuna cum sit cæca, nec stabilire natura, cum sit infirma. Cur autem prouidentia permittat male esse bonis cum sit optima; ita ait decere Deum ita vtile esse bonis, atque malis: Scilicet gerit Deus paternum animum aduersus bonos; at eos non amaret fortiter, nisi haberet seuerè; atque hoc spectaculum dicit Deo dignum, virum bonum cum aduersa fortuna compositum; consulit etiam bonis viris Prouidentia dum illos præparat virtuti, & sibi: male autem de illis iudicat quos indignos putat rebus aduersis: quin etiam hortatur malos exemplo bonorum. Nec potuit meliùs illudere fortunæ quam dum illam ostendit rideri posse: Atque hæc Christiana sunt; corrumpit omnia dum addit fortibus viris patere mortem si vita displicet; scilicet nec ingredi in vitam possumus sine arbitrio Prouidentia, nec exire debemus sine imperio.

DE IRA.

IRATO similis videtur dum habitum iræ atque ora describit: nemo irasceret si ante iram Senecam legeret, nemo iram retineret si eius damna perpenderet: fingenda tamen inquit aliquando est ira, non induenda, emittenda est ad tempus, & reuocanda; regendæ eius habendæ quasi equi ferocis: ac velut captius leo ostenditur ex cauea, nec laxatur: sic ostendenda est aliquando ira non laxanda: nunquam seriò irascendum est etiam malis; imbecillis animi argumentum est ira non fortis: habent vermiculi iras, & quidquid serpit iracundum est: Rex Apum aculeo caret, & plus irarum musca habet quam Aquila: habent immortales superi fulmen non iram: perijsset pridem genus humanum si toties irasceret Deus quoties prouocatur ad iram,

PERSVASERAT Neroni Clementiam nisi illam cum Matre occidisset; iterum occidit illam dum occidit Senecam. Qualis vox illa, & quali Imperio digna si Nero sapuisset! Nemo corona dignus est si nescit parcere: ille meretur subditos qui nullum nouit cui bene non fecerit: Augustior ille sermo, auxi numerum ciuium non imminui, enumerare possum genus humanum, nulla est vita quam non seruari, nemo me sensit iratum nisi hostis, atque hic non fuit hostis meus nisi dum fuit publicus: Addit aliquid diuinius, non alia est inquit natura Dei quam Clementia, non condidisset Deus genus humanum nisi ut haberet cui beneficeret.

DE VITA BEATA.

DISPUTAT de vita beata quam omnes appetunt, pauci querunt; nec male illam constitueret in sapientia si illam nosset; sed dum Christianam non nouit fingit Stoicam, & frustra conatur esse sapiens, dum mauult discipulus Zenonis esse quam Pauli: Illud tamen non male de diuitijs, docet eas non nocere Sapientiae si doceantur sapere; habeantur inquit à nobis nec nos habeant: sint captiuæ ne nos capiant, querantur innocenter, emittantur liberaliter, seruiant non imperent; & qui vult beatus esse, sit Dominus auri non famulus: Atque ibi sistit Philosophus unde oportebat incipere; nec mirum si felicitatem præsentem non inuenit qui futuram non credidit; illud probrosum nobis si post fidem eò non imus, quò ante fidem iuit Philosophus.

DE OTIO SAPIENTIS.

INGENIOSA disputatio de otio Sapientis, nisi esset fictitia; nemo otiosus esse potest si sapit, difficilis, & grandis labor est sapere; desidiosus est qui desipit; igitur non est deses qui sapit: hoc tamen quod appellamus otium Sapientis, vtilius est humano generi quam omnium actiuorum labores; secessus est à publico non fuga, solitudo est non desidia; liceat ergo otium Sapienti sed actiuosum; assignetur labor sed alternus, eatur ab otio ad publicum, redeatur à publico ad secessum; nec sit sapientia semper publica, nec semper solitaria; docet solitudinis, & publici exemplum Deus, & semper solus est, & semper publicus, & cessat semper,

79

per, & semper laborat, imitetur Deum Sapiens qua parte potest,
sit alternum virtuti quod non potest esse perpetuum.

DE TRANQVILLITATE ANIMI.

INVESTIGAT tranquillitatem animi, inuenturus si intra conscientiam quæreret, quod extra se quærit; nasci debet intra nos domesticum bonum; vinci debet hostis domesticus ante hostes externos; quid prodest mihi pax orbis terrarum si intra me pugno? at præliatur intra se omnis ratio quæ non est domina sui: vivit intra hominem geminus homo, ille iucunda amat, hic honesta: nunquam intra hominem pax erit, donec ea pars regnet cui sceptrum natura dedit, & Deus imperium; hæc prima tranquillitas animi carere hoste, alteram ignoravit homo Stoicus intra corpus, & carnem sola animo vivere, implere se Deo, & bonis futuris, atque intra tempus æternitatis delicias prælibare.

DE CONSTANTIA.

AD E O constantem vult esse sapientem, ut neget eum iniuria affici posse si velit, tangi, inquit, potest iniuria sapiens sed non lædi; ab alio erit iniuria non in illo; inferet illam vir stultus sapiens non admittet; sic Socrates aliena iniuria damnatus est sed sine sua; intulere iudices probum, ille non accepit: Cato affectus est sputis non iniuria, reiecit iniuriam non salivam; sic tu venenum mihi das, ego non bibo; scelus tu facis, ego non patior; scilicet sapiens nullum malum admittit, nisi velit, at malum est iniuria. Denique iniuria aliquid imminuit, aut detrahit; at nihil ei eripi potest qui intra se habet omnia sua; nemo ergo læditur nisi à seipso, at nemo seipsum lædit, si sapit.

DE BREVITATE VITÆ.

NEGAT humanam vitam breuem esse sed fieri non, inquit, exiguum tempus habemus, sed multum perdimus; impendimus bonam partem somno, maiorem otio, aliquam ludo: cur ludimus eam vitam, quam breuem quærimus? cur impellimus illud tempus quod ire velocius dicimus? ita est, non accepimus breuem vitam, sed facimus; neque inopes temporis, sed prodigi sumus: ampla ætas virtuti patet si bene disponatur; at miseri ludimus horas, quibus nihil est pretiosius, longiores putamus si numer-

merandæ sunt, præcipitamus earum cursum, & malumus eas transijſſe, quam ire: Nec mirum ſi vita humana brevis eſt; exigua eſt particula vitæ qua viuimus, & minor qua homines ſumus: prouidet huic malo ſapiens, auget annos virtutibus, arque vt mortem fallat incipit immortalis eſſe dum uiuit.

AD POLYBIUM.

NEGAT Polybio dolendum de morte vnus, dum omnes morimur; fecit, inquit, frater tuus quod tu es aliquando factururus: mundus ipſe, & quidquid in eo eſt hac lege damatur; finem habet quidquid incepit eſſe: Cur luges fratrem tuum vixiſſe, ſi nemo delectatur lacrymis tuis, nec frater ipſe; cur queris eum vixiſſe qui nollet viuere, ereptus eſt fortunæ; cur eum reuocas; parcerem dolori tuo ſi patri placeret, aut prodeſſet; at nemo ſapiens indignatur inde exire quo precario admiſſus eſt: illud dolendum eſſet ſi mori non liceret: Crede mihi Polybi, magna felicitas eſt in ipſa felicitate moriendi: Conſule bonas artes quas amas, dicent tibi naturam nulli neceſſitatis ſuæ gratiam facere, & quod aliquandiu non faciat, gratiam eſſe.

AD MARTIAM.

FLEBAT Martia amiſſum filium, & quæ in alijs lacrymæ tempore exareſcunt, in hac poſt tertium annum vberius ibant: Prouocat eas Seneca vt exhauriat; fluant inquit lachrymæ ſi fleatibus fata vincuntur, at ſi mors tenet quidquid abſtulit, deſinat dolor, qui fruſtra perit; Quid accuſas Martia lacrymis tuis, an ſuperos, an fortunam, an mortem, an te, an filium tuum? accuſare ſuperos non potes, ſi nihil ſponſponderunt tibi, imo erga alios ſeueri, erga te fuere liberales; filium tibi non diu daturi, ſtatim talem dederunt qualis diu eſſe potuiſſet: Nec fortunam damnare debes, quod tibi non pepercerit quæ nemini parcit: Habendum eſt in promptu quidquid illa dedit, nec aliter poſſidendum, quam velut extemplo amittendum: At fortè mors crinis non eſt expers, imo optimum eſt naturæ inuentum, ſolutio omnium malorum, & vltra illam mala non eunt: Neque dicas electam te vnā à ſuperis cui frui filio non liceret, commodarant illum tibi ſuperi non dederant, poſtquam illo potita es, quod ſuum erat receperunt; neque citius deceſſit filius tuus, maturus erat morti: quidquid ad ſummum peruenit ad exitum properat; denique
ima-

imago dumtaxat filij tui perijt tibi, ipse eo deductus est vbi non est amplius moriturus.

AD HELVIAM.

PROBAT Heluiz Matri exulem se esse, & felicem; neque eam debere esse miseram, vnde ipse non sit miser; negat sapientem exulare posse, qui patriam sibi facit vbiunque est; addit omnem locum exilium esse vnde sapiens abest; aspice, inquit, quidquid intra naturam nobilissimum est, quotidie illud omne stationem mutat non patriam; labitur assidue Sol per omnes signorum gradus; si vnicum illi signum patria esset, exularet quotidie Sol, & omnis alius locus algore rigesceret; omne Cœlum Solis patria est, & omne solum natale sapienti; Solus Deus locum non mutat quia vbiunque est; Solus patriam extra se non habet, quia semper intra se est; nec solitudo sapientem exulem facit, comitantur illum virtutes omnes, neque vnquam Sapientia socijs caret, dum ipsa secum est. Nec paupertatem Sapiens metuit, quidquid diuitias suas intra se habet; vbiunque fuerit, non est pauper.

QVÆSTIONES NATVRALES.

DISCIPLVVS Naturæ est dum Naturæ studet, Magister dum illam docet; didicit ab eo Natura multa, quæ adhuc nesciebat; revelat illius arcana, scrutatur viscera, explorat extrema, descendit ad centrum, ascendit ad fastigium, transcendit limites mundi dum illos describit, si tamen transcendit Naturam, quò euadit? Vbi est dum extra Naturam est? Quærit Authorem Naturæ, & inueniret si crederet.

CONTROVERSIÆ.

AGITAT Controuersias Seneca Pater, & magna filius controuersia est; an fuerit Christianus, necne, dubium reliquit posteris, utinam non sibi, fuit certe discipulus Christi, si fuit Pauli; vixit Christianè, si scriptis vita respondit; an responderit, magna adhuc controuersia est; definire videtur Augustinus, adfuit, inquit, Sapientia Christiana scribenti, viuenti defuit.

LVDI PHILOSOPHICI

V N I V E R S A L E.

ANIMAL extra omnia animalia, hominem extra omnes homines, differentiam extra naturam, accidens extra materiam, proprium extra omne subiectum fingunt Philosophi, nec mentiuntur dum falsum dicunt, nec falluntur dum fallunt, nec decipiunt dum nobis imponunt.

O nobilem vniuersalis statum? supra fortunam est, & fere supra naturam, infra Deum, sed penè vltra mundum; homo in eo statu extra omnes homines est sed non exclusus, intra omnes sed non inclusus, in singulis vnus sed non totus, in omnibus multiplex nec diuisus, homo viuit in eo statu, nec vescitur, rationalis est nec ratiocinatur, risibilis nec ridet, oculatus nec videt, auritus nec audit, sensitiuus nec sentit, homo in eo statu nihil habet nisi se, & seipso est diues.

Quid ais subtilis Philosophia? quis est ille homo extra omnes homines? estne albus an niger? iuuenis an senex? subditus an Dominus? estne auulsus ab omnibus an immixtus? estne idem an diuersus? estne multiplex an vnus? Iterum quæro estne immortalis an mori nescit? estne intra tempus an æternus? estne alicubi, an nullibi? an mouetur, an mouet? an videtur, an videt? an tangit, an tangitur? an ferit, an sentitur?

Ludis sane Philosophia & illudis, pugnantia loqueris, & chimeras fingis; si ille homo vniuersalis est extra omnes homines, igitur extra seipsum; si est abstractus ab omnibus igitur non est inclusus; si est idem igitur non est diuersus; si est multiplex igitur non est vnus: vrgeo te & conuincio, si ille homo mori nescit, igitur non potuit nasci; si est intra tempus igitur non est æternus; si nec mouet nec mouetur, igitur est otiosus; si nec videt, nec videtur, igitur est inuisus. Denique si est alicubi igitur est singularis, si vbique igitur est immensus; si nullibi, igitur non existit, si non existit quomodo viuit? si non viuit quomodo est rationalis? si non est rationalis igitur non est homo.

Respondet Philosophia vniuersale hoc ipsum est quod tu assermas dum negas, quod capis dum explicas, quod intelligis dum nescire te dicis; homo ille quem impugnas idcirco vniuersalis est quia extra omnes, idcirco communis pluribus quia multiplex est; inepte autem quæris an sit albus, an niger, hæc sunt accidentia quibus

quibus exiit; an videatur, an videat, hæc sunt officia sensuum quibus non utitur; an sit immortalis, an morti obnoxius, nescit; an ori qui ortum, non sensit; an sit alicubi an nullibi, in loco non est qui loco non eget; si quæreret pergis ubi sit, intra intellectum tuum est, & extra illum: intra te subiectiue, extra te obiectiue; locas illud dum cogitas, facis dum abstrahis; abstrahis dum nudum concipis: Tu illius sedes, tu hospes, tu faber, tu artifex, tu subiectum, tu principium; vide quid egeris, probasti vniuersale dum impugnare voluisti.

L V D V S S E C V N D V S

P H I L O S O P H I C V S .

R E L A T I O .

RELATIONIS elogium inde petendum est unde ratio originem ducit; atque hæc origo intra Deum est: sine Relationibus Deus non esset Trinus, & nisi esset Trinus non esset Deus. Nec tamen antecedit aut subsequitur Deum æquæua Deo, adeo antiqua est ut sit æterna, adeo nobilis ut sit diuina, adeo potens ut sit infinita.

Audi efficaciam Relationis intra Deum, hæc ex tribus Personis vnâ Patrem, alterâ Verbum, tertiam Spiritum facit? hæc Patris character, & sigillum, & patrimonium est; quidquid præter illam habet commune bonum est non proprium: per illam est prima persona Pater æternus qui bis fecundus semel Verbum generat, semel amorem spirat, bis duorum principium nec tamen geminum.

Per illâ est secunda persona Verbum quod est imago Patris, radius Solis, fons Oceani, nec tamen est iunior ætate aut minor virtute, aut inferior potestate: hoc vno impar, nihil reddit Parenti à quo omnia accipit; nec Pater aliquid repetit qui nihil amittit.

Per hanc est tertia persona Spiritus Sanctus qui est halitus duorum spirantium, osculum se amantium, nexus se amplectentium, totam à duobus diuinitatem accipit, sed exhaustam, Pater exhaurit omne verum dum se intelligit, Pater & Filius omne bonum, dum vterque se diligit: propterea intra Deum Spiritus Sanctus est sterilis: nec ditior tamen qui impertit quam qui accipit;

eadem diuitias tres habent nec sunt tres diuites; tres tamen Personæ sunt, nec pauciores esse possunt nec plures.

Mirabilis tamen relatio quæ Personam multiplicat non naturam: eadem substantia sæpius sua, semel diuina, sæpius eadem nec distincta, sæpius data & retenta, vna est in tribus Personis, sed non diuersa.

Denique per hanc relationem idem Deus nec totus vnus, nec totus Trinus: in se manens, à se digressus, exiens à se, & ad se rediens, amabili circulo inter tres societatem exercet, & amorem; debent duo esse qui se ament, & tertius esse debet cui amoris delicias duo communicent.

Descende Philosophia ad res creatas, nec tamen adhuc à Deo recede; qui æternos respectus, intra se habet, temporales ad res creatas habere voluit: Quot creaturas producit omnipotens Deus tot respicit; nec eas produceret nisi aspiceret, & quamdiu conseruat, tamdiu spectat; plenus est orbis terrarum aspectibus diuinis, & Deus seipso plenus nouos tamen aspectus ad res creatas non excludit: nec mutatur dum nouas intuitus acquirit, aut amittit; accidentia sunt, sed Metaphysicaj; non augent diuitias Dei dum accedunt, nec dum recedunt imminuunt.

Scilicet Deus vndequaque infinitus nec ditior est dum relationes acquirit, nec pauperior dum amittit: diuites nos facit Deus dum nos aspicit, nec dum aspiciunt ipse ditescit; quin etiam nec minus sapiens esset si non aspiceret, nec minus potens si non produceret: crescimus aspectibus diuinis ipse non crescit; proficimus eius omnipotentia, ipsa non proficit. O timidam Philosophiam quæ Deum ad res creatas referre timet, ne aliquid Deo accedat, aut pereat.

Longius iuisti Philosophia, ad res purè creatas te reuocò; Quid est relatio? aspectus duorum, nexus plurium, ordo vnus ad alterum, amicum bellum, hostile fœdus, cognata inimicitia; aspiciunt se duo extrema vicina, & remota; at vide quam officiose se saluent, & quam valde se ament; tamdiu existunt dum se aspiciunt, & dum cessant se aspiciere, cessant esse.

Scilicet totum suum esse relatio habet ad aliud, alienum bonum est magis quam suum, viuic alteri potius quàm sibi, nunquam magis est sua quam dum extra se tota, nunquam propior sibi, quam dum à se digressa.

Ac vide fecunditatem relationum, laborat orbis terrarum propagationi respectuum; hic paries albus tot acquirit similitudines quot nascuntur albedines; Ne quære numerum relationum, innume-

merabiles possidet pauperrimus quisque; ambulamus pleni respectibus, sedemus, currimus his onusti thesauris; nec nos onerant diuitiæ sine pondere, gazæ sine mole; gestamus illas nec sentimus; vident nos illæ, & nos relationes videmus, & nescimus.

Vnum est hac in re luctuosum, tam facile moriuntur relationes quâ nascuntur, vno partu mille in lucē prodeunt; vno funere mille intereunt: nec tamen hæc ingens iactura est, manet illibatum fundamētum, & nouorum partuum ferax, ad primos terminorum ortus compensabit iacturam, & tot reparabit relationes quot amisit.

LVDVS TERTIVS

PHILOSOPHICVS.

DE PVNCTIS.

QUID est Punctum? si colorem quæris, expers est, si partes non habet, si nomen nihil acutius, si naturam nihil obscurius, si officia nihil incertius; nec corpus est quia materiam nescit, nec spiritus quia quantitatem respicit, nec quantitas, quia partes excludit.

Quid est Punctum? nihil est si experientiz credis, aliquid est si rationem consulis, & aliquid & nihil si Philosophos audis: aliquid est quia partes nescit, & nihil est quia dum est punctum vinculum esse nequit: quomodo enim partes nescit si non tangit? quomodo tangit si non adæquat? quomodo adæquat si est minus? quomodo non est minus si est punctum? & si est minus quomodo id totum vnit quod totum non tangit? quomodo totum tangit si vnum est minus, & alterum maius? quomodo vnum non est minus si est punctum, & alterum maius si est totum.

Acuta sanè hæc prima tela, quæ vt aliqui obtundant diuersa latera, & diuersas facies puncto assignent; O homines obtusos in re acuta: geminas facies puncto assignant cui partes negant, quasi facilius sit diuersas facies habere, quam diuersas partes, aut quasi diuersi vultu esse possint, si in eadem partes sint.

Geminos vultus Iano suo adscripsit antiquitas: nec mirum, quatuor aures habere debuit, vt fabulas vndique colligeret: quaternos oculos, vt duobus res veras, & duobus res falsas aspiceret: geminam linguam vt sæpius mendax esset, geminam frontem vt vtrimque impudens esse posset.

Quid faciunt in puncto plures oculi si utrimque cæcum est? gemini vultus, si nec aspicere potest, nec aspici; diuersa latera, si nec tangi ab vna parte potest, nec tangere altera? sed forte virtuales partes habet si formales habere non potest: subtile effugium sed virtuale non formale; si punctum virtualiter dimissibile est, cur linea virtualiter superficies non erit, hæc virtualiter corpus, corpus virtualiter spiritus, materia virtualiter forma, hæc æquialenter materia; si punctum virtualiter pars esse potest, cur pars non erit virtualiter punctum? Subtiles certè, & graues nodi in scirpo, difficilia bella in puncto, periculosi conflictus in atomo: obtruderent hæc omnia punctum nisi punctum esset; sed quia punctum est, non minus pungit dum negatur quam dum admittitur; iisdem armis impugnatur, & pugnat; iisdem vulneribus cadit, & exsurgit, & dum ridetur à Philosophis, Philosophos democritos facit.

Idem globus perfecte sphæricus dum mouetur in plano puncta inducit & destruit: dum enim voluitur aut aliquid tangit aut nihil, si nihil, quomodo aliquid frangit si nihil tangit; si aliquid tangit vel illud est diuiduum vel indiuiduum; si primum, cur difficilius est partem tangi à puncto quam planum à curuo; si sola puncta globus tangit, & partes omittit, quas choreas agit dum partes transilit? si perpetua puncta tangit, quomodo duo puncta faciunt maius si neutrum magnum est: quomodo vnum crescit ex altero si alterum non est quantum; quomodo est quantum si est punctum.

Sed supponatur Deus punctum efficere vel creare; puto non negabitur Deus posse facere punctum qui fecit spiritum; si possit efficere, voluatur ab Angelo vel trahatur; non negabis Angelum posse trahere punctum qui voluit Cælum: Si manis, demittatur ingens mola in punctum medio ex aere pendulum; vel sustinebit delabentem molam, & quibus humeris, si caret membris? vel demoluetur sub mola, & quomodo tanget molam si non adæquet? aut si tangere molam in parte potest, cur non poterit in continuo tangere partes, & vnire?

Hæc pro Punctis & contra puncta; o rem inquietam! & mobilem, imo nec mobilem, nec quietam; nec moueri punctum potest quia locum non deserit, nec quiescere quia locum non acquirit. Quid est Punctum? si nihil est, vnde tam acutum, si aliquid, vnde tam minutum. Quid est Punctum, si non interrogas scio, si vrges nescio, si mauius ludo.

L V D V S Q V A R T V S ⁸⁷

C O N T I N V V M.

NO V V M continui genus, conflatum ex minimis Physicis, & tamen maximum: Quid ais noua Philosophia? si minima Physica componunt continuum; igitur sunt continua, si augent quantitatem, igitur sunt quanta; si sunt quanta, igitur sunt diuidua; si sunt diuidua, igitur possunt esse minora; si possunt esse minora, igitur non sunt minima.

Idcirco, inquit, minora esse non possunt quia sunt minima; partes habent sed indiuiduas non tamen indiuisibiles: adeo amicæ sunt inuicem vt seiungi nolint, adeo tenaces vt diuelli non possint, adeo fideles vt periret eorum vita si periret societas: fecit illas à se inuicem pendulas Deus: eget vtraque alterius auxilio vt existat, beneficio vt viuar, commercio vt ditescat: Imitantur naturam modorum nec sunt modi, imitantur indiuisibilia, nec sunt puncta.

O imitatricem veritatis Philosophiam, & idcirco non veram? nemo imitatur seipsum si est ipse; imitantur hæc minima modos, igitur non sunt modi; imitantur indiuisibilia, igitur non sunt indiuidua; separet igitur Deus duas minimi vnus medietates; si partiri illas vltcrius, & vltcrius potest, igitur sunt infinitæ: si diuidere non potest, igitur sunt indiuisibiles: quanquam cur partiri non potest si habent partes? cur dissoluere non potest si potuit vnire? quale illud vinculum, quod nec soluere potest Deus nec abrumper? O ridiculam Philosophiam! laborat Deus in minimis qui ludit in magnis, & exiguum ac vile minimum meta est diuinæ gloriæ, dum est meta potentie.

Quam illustrius continui genus proponit Philosophia antiqua & vera? Continuum est illud quod componitur ex partibus continuis, & semper diuiduis; ne quære numerum partium, tam multæ sunt vt vincant numerantem; Deus ipse tot continuo partes indidit dum illud composuit, vt nesciat numerum, dum nihil aspicit primum, nihil videt vltimum. Quid numeras Arithmetice vbi numerare Deus non potest? quid meteris vbi aliquid semper extra mensuram est, nulla pars continui tangitur tota, quia nulla tangitur sola; hoc ipsum quod tangi vides, tangentes fallit dum excedis; pergis tamen metiri, & pergis illudi: hæc pars si esset prima esset vna, hæc si esset vltima esset sola, vtraque si esset

vnica esset nulla : scilicet omnis pars continua est continuum , & omnis est totum , nec totum esset nisi esset numerosum ; nec numerosum esset , si esset vnicum : singulae partes ita sunt filiae vt sint matres ; ita nummi vt sint thesauri , ita latices vt sint fontes ; propterea nunquam exauriri possunt , quia dum fontem vnum aperis infinitos recludis : foecunda res est continuum , exit ex singulis partibus dum diuiduntur infinitus partium exercitus , eò numerosior quo minutior , eò maior quo minor : idcirco semper immensus quia semper diuiduus ; nimirum hæc est natura continui posse in infinitum diuidi , nec posse exauriri : augetur per damna , reparatur per detrimenta , viuit per funera , vnde decrescit inde crescit , & mors partis vnus , vita est infinitarum partium .

Illustre hoc continuum conflatum ex diuiduis , non vestrum ex minimis Physicis ; Quale illud continuum cuius partes maiores esse non possunt quia sunt minimæ ? quale illud minimum quod nec augeri potest nec minui ? perit si diuidis , moritur si attingis , euanesceat si aspicias , nec videtur adeò est minutum , nec videt adeò est cæcum , nec sentit adeò est obtusum , nec sentitur adeò est exiguum ; infœcundum nihil parturit , egenum nihil acquirit , avarum nihil amittit ; periret si aliquid amitteret , euanesceret si augeri posset ; O inane minimum ! nec continuum est vt possit diuidi , nec quantum vt possit extendi , nec punctum vt partes vnias , nec pars vt totum componat , nec totum vt partes includat . Quid ergo tandem est , minimum vt illudat , & nullum vt fallat .

L V D V S Q V I N T V S .

I N F I N I T V M .

AMBITIOSA res humanum inganium , id scire ambit quod nemo docuit , id intelligere quod nemo didicit ; quærit aliquid vltra verum , fingit aliquid vltra nihilum , eò tendit quo nemo peruenit , viam facit , qua nemo tranſiit , & quieturum ante se negat quàm infinitum inueniat .

Spatiari illi licet intra orbem terrarum , excurrere vltra Cælum , euagari vltra vacuum ; patet illi in campum omnis natura finita , in lycæum omnis Academia ; ac parvipendens quidquid clau-

clauditur finibus : hæc inquit captiuitas est teneri compedibus , hæc paruitas esse finitum , nihil magnum puto nisi sit infinitum : ij sunt limites mei carere limitibus , inquietus vixi donec infinitum attigero .

Ac velut primus ille hominum Parens , cum ei orbis terrarum in dominium , paradysus voluptatis in palatium , & deliciae omnes præsto essent in cibum , pauperem se putauit si arbore vna careret , & famem credidit si pomi vnius potestas deesset : Ita ambitiosum hominis ingenium neglecta cæterarum rerum doctrina , ignorantiam putat nisi infinitum definiat .

Quod admirationem auget , errat in infinito gloriosum ingenium & errorem amat , quærit initium vbi nihil est primum , quærit terminum vbi nihil est vltimum , explorat medium vbi nihil est extremum : addit numerum infinito nec extendit , detrahit partes nec imminuit , partitur , nec diuidit , percellit , nec lædit : Post tot iniurias id vocat infinitum , quod nec fieri potest maius , nec esse minus : quod nihil habet primum nihil vltimum , & dum sic philosophatur , id dicit quod non intelligit , id definit quod nescit .

Vt audacius erret reuocat quæstionem ad Deum , & dubitat an Deus producere possit infinitum , an saltem cognoscere ; audax enim verò quæstio , an ille infinita possit qui est infinitus , an vbi que possit qui est immensus , an ab æterno qui semper fuit , an per æternitatem qui semper erit , an æternitas lapsa sit maior , an lapsura sit minor , an vtraque infinita si nunquam finienda .

Quo pergis humana Philosophia ? audax dum infinitum affirmas , nec minus audax dum negas ; affirmas quod non intelligis , negas quod nescis ; vt neget fingis implicantias quas non intelligis , vt affirmes , proponis argumenta quæ non capis , o audacem intellectum ! fingit difficultates ne vincatur , & dum non soluit vincitur ,

Disputo in eam Thesin qua negatis infinitum ; negatis vt arbitror quod nescitis : Ego id affirmabo quod non capio : pugnabimus Antabatarum more , cæca erit vtrunque pugna , & obscura victoria , felicior tamen erit sors mea quam vestra : si vincitis leue victoriae vestrae pretium erit ; id acquiratis quod nihil esse dicatis : Ego si vicero reportabo illustre victoriae pretium ; infiniti præmium infinitum .

90
L V D V S S E X T V S

MVSICA ARTIS, ET MVNDI.

FA V E T E linguis, Auditores, loqui Musica cupit, & audiri. Res noua PP. RR. quatuor voces audiuntur, & vna loquitur, quatuor loquuntur, & vna auditur, quatuor canunt, & idem concinunt: Quale hoc artis mysterium! si quatuor voces canunt vnde idem concinunt? si idem concentus est, vnde idem grauis, & leuis, depressus & subtilis acutus & obtusus? vnde idem attollitur, & deprimitur, assurgit & descendit, deflectit ab imo, & declinat à summo? Quinimo hoc ipsum est Musica, contrariarum vocum concordia, dissidentium tonorum amicitia, grauium, & leuium sonorum societas, plurium vnitas, omnium harmonia.

Quatuor soni sunt dum in gutture nascuntur, quatuor dum in aere formantur, quatuor voces dum ex ore prodeunt, quatuor dum aures subeunt, sed plures in vnā coalescunt, dum inter se coeunt.

Ingeniosa pugna in qua si hostes diuisos spectes nihil insensius, si coniunctos nihil amicis, grauis & leuis, depressus & sublimis, insensu hostes ante pugnam, ita vires suas pugnando attemperant, vt dum omnes vincunt & nullus vincitur, mirabili consensu in vnum coeant: sic tamen in vnum plures coeunt vt nullus intereat, miscentur nec confunduntur, vnus & plures, amici & contrarij: Imo idcirco vnus ex pluribus nascitur, quia plures pugnant, idcirco consentiunt quia dissentiunt, pax ex pugna, ex lite concordia, ex pluribus vnitas, ex omnibus exsurgit mirabilis Musica.

Miraris factum, audi inuentum; ingeniosæ voces diuersas itinerum vias eligunt vt eodem tendant, descendunt vt assurgant, attolluntur, vt descendant, fugiunt vt assequantur, & ideo sibi occurrunt quia se inuicem fugiunt; dum enim vox leuis attollitur, dum grauis deprimitur, assurgens ab imo grauiorem attollit, declinans à summo leuiorem deprimit, sublimis euehit depressam, acuta excitat obtusam, sic dum vna assurgit, altera decedit; dum hæc premit illa fugit; dum omnes vincuntur, omnes vincunt.

Ex ea pugna vox vna nascitur, atque hæc est vox illa mirabilis quæ eadem antecedit, & sequitur, fugit & apprehenditur, prior seipsa, & posterior, grauis & leuis, depressa, & sublimis, obtusa & acuta, hilaria, & mœsta; atque hæc est ingeniosa

mu-

musica, vox una & plures, ex pluribus una mirabilis harmonia.

Iterum fauce linguis, Auditores, altera musica loqui, & audiri cupit; mundus hic Musicum organum est, aiebat Trismegistus, Chorus Musicae hæc rerum vniuersitas, Chorostates Deus, Cantores Elementa, voces qualitates Elementares, harmonia Elementorum concordia.

Desideratis oppositas voces? dum ignis attollitur sursum nonne altum & sublime canit? dum terra deorsum deuoluitur, nonne graue & depressum mugit? nonne aqua desleat ab imo? nonne aer declinat à summo? vultis amicos & concordantes tonos, dum aer & ignis pugnant in siccitate, & humiditate; nonne conspirant in calore? dum aer impugnat frigiditatem aquæ, nonne amat humiditatem?

Vultis amicam plurium pugnam? nonne duo Elementa inter se consentiunt, duo dissentiunt? inter terram & aerem aqua interiacet ut utramque conciliet, inter aquam & ignem aer medius est ut ignem temperet: atque ut fidelis sequester esse possit, utriusque amicus, utriusque inimicus est.

Vtilis sane & necessaria Elementorum pugna, & amicitia: si Elementa omnia calore constarent, omnia interirent, si solo frigore, omnia torperent, si sola humiditate omnia putrescerent, si sola siccitate, omnia rigerent, dum harum qualitatum permixtione omnia temperantur, calor excitat siccitatem, siccitas mitigat calorem, frigus acuit humiditatem, humiditas retundit frigiditatem; atque hæc est ingeniosa Elementorum pugna, in qua pax ex discordia, ex bile concordia, ex omnibus grata exsurgit Musica mundi, & harmonia.

L V D V S S E P T I M V S.

A N I M A.

AGNOSCE teipsam Anima, dic qualis ipsa sis quæ cæterarum rerum naturas describis; digna res admiratione PP. Anima cæterarum rerum imagines, pingit, & seipsam nescit; oculata in rebus alienis, cæca in suis; foris erudita, intus ignara, ubique extra se præsens, apud se absens, eò sibi ignotior quo sibi propior, nosset seipsam si à se abesset; idcirco seipsam non videt quia sibi præsens est.

Interrogo te Anima, non qualis in triuijs habitas, & textribus, non qualem habent qui te solam habent; eam te interrogo quæ in porticibus instituta, in lycæis exercitata plenam ex Academijs atticis sapientiam eructas, dic qualis ipsa sis.

Animam Plato ex eodem & diuerso? ex vno & binario, ex ternario & quaternario, hoc est ex nullis principijs componit dum ex contrarijs, hoc est vnitatem animi destruit dum ex numeris diuersis constituit.

Dic Democrite, dic Pythagora qualis Anima sit? quam male vterque animum nouit? dum hic animam in atomos diuidit; ille in ramenta dispergit.

Anima in Hippone penè naufragium facit dum se ignem credit, penè in Leucippo se inflamat dum se ignem putat.

Quam inanis est in Diogene dum se aerem, quam mollis in Critia dum se sanguinem, quam leuis in Heraclito dum se exhalationem, quam gravis, & leuis, quam crassa, & subtilis dum se apud Galenum ex Elementorum crasi, & temperatura constituit?

Infelix anima quam aqua humectat, ignis exsiccat, calor absument, frigus interimit.

Quid ais prophana Philosophia? quam abiectè de animis sentis dum eius dignitatem sic abicis? spiritalem accepisti, & diuidis, immortalem, & corrumpis, substantiam, & accidens facis.

Dic Aristoteles qualis animus sit? si tamen animum doces, unde nisi ab animo didicisti qualis animus sit, & si animus docuit, quomodo ante te qualis esset ipse nesciuit? doceat tamen Aristoteles animum, animus Aristotelem, vterque doctor, vterque discipulus, vterque dicat qualis animus sit.

Animus inquit est actus corporis organici potestate vitam habentis: paucis vocabulis quot oracula! Explicent mentem Magistri interpretes animi, & Aristotelis. Corpus inquit ille ante aduentum animæ testudinis, & mutæ cytharæ instar erat; huius cytharæ sensus foramina, tendiculæ nerui, plectrum lingua, indices oculi erant; deerat adhuc anhelitus qui inflaret, digitus qui moueret, sonus qui animaret; immiscuit se huic cytharæ animus, & statim immortalis auditus est sonus.

Explicit ipse Aristoteles genius naturæ, Magister animæ, qualis hic sit corporis organici actus, animus inquit est id quo viuimus, sentimus, mouemur, & intelligimus; animus est quo nutri-

mur, & ipse non crescit, quo augemur & ipse incrementa nescit,

non

non minor in puero, non maior in viro, non fortior in iuvene, non debilior in sene.

Animus est quo sentimus, & ipse subsensus non cadit, qui tangit omnia & ipse non tangitur, qui videt, neque ipse videtur, qui audit, & non auditur; animus colores discernit, coloris experts, distinguit qualitates, atque ijs caret.

Quo mouemur, & intelligimus; animus est omnium Elementorum incola, terram inhabitat, in cœlum euolat, consuescit cum Angelis, pugnat cum feris, cultor soli, victor profundi, in aere auceps in cœlo hæres.

O audacem animum! in cœlum ascendit, nec attollitur, descendit ad terras nec deprimitur: ignibus se immiscet nec exurit; aquis se immergit nec obruitur, lucem aspicit nec hebescit, solis & lunæ defectus intelligit neque deficit, aerem contemplatur nec euanesceit; tenebras ingreditur neque obscuratur; nihilum penetrat nec confunditur; tempora meditatur nec cum annis fluit, momenta numerat, & consistit; motum consequitur, & conquiescit.

Ascende altius anime, & qualis ipse sis ab Authore Deo discere; nemo melius naturam tuam intelligit quam qui condidit; faciamus hominem ad imaginem, & similitudinem nostram, (verba sunt trium Personarum inter se de magno opere deliberantium) faciamus hominem natura nobis subditum, gratia amicum, gloria filium: eluceat in eius ingenio sapientia nostra, in voluntate libertas, in memoria fecunditas: Faciamus hominem qui vices nostras in hac orbis vniuersitate gerat, & ne orbis præsentī Domino careat, fiat in orbe homo spectabilis Deus. Dixit immortalis Trinitas, & tam illustribus lineis imaginem suam in hominis animo pinxit, ut iam tunc oppigneratus sit se hominem futurum; dum hominis animum penè effluxit Deum.

L V D V S O C T A V V S.

CORDIS MIRACVLA.

TRIA miracula cordis agnoscit Philosophia, quantum addit Theologia tribus maius.

Primum cordis miraculum est magnitudo in paruitate; exiguum cor esse debuit ut magnum esset, ingentem virtutem habet

habet quia exiguam molem, eò capacius quò angustius quæ par-
uitas alijs membris noceret ea cordi prodest.

Quæris quanta sit amplitudo exigui cordis, pars est toto suo
maior, exilis hominis portio toto homine grandior, particula
mundi, & mundus ei votorum particula est: admittit omnia nec
impletur: post omnes thesauros adhuc avarum, post omnes deli-
cias adhuc avidum, post omnium bonorum copiam adhuc ege-
num, tunc etiam vacuum est, cum est plenum.

Alterum cordis miraculum est vita in igne, cor fornax est ignis
primigenij, focus domestici caloris, clibanus flammæ vitalis. Sed
ò amabile miraculum! vitam fouet ignis quam extinguere de-
buit, pascitur humore cordis, nec eum resoluit, vescitur impensis
alienis, & abstinet suis, absumit humorem vicinarum partium, &
hospiti suo parcit; quod admirabilitatem maiorem habet, copio-
sus adeps cor oblinat & calorem ambit, videt vicinum ignem nec
emollescit, flammam attingit nec liquefcit; refrigerat ardorem
ignis nec ab eo incalescit: impedit incendium quod adiuuare de-
buit; & ne quid huic miraculo desit, inter cor, & pericardium
serosus humor interiacet: fluitat cor intra humorem aqueum,
nec ignem aqua extinguit, lambit ignis aquam nec absumit, pa-
cem in corde retinent aqua, & ignis: alibi hostes in corde amici
sunt, & domus eiusdem Inquilini.

Tertium cordis prodigium est motus cordis mirabilis, cor per
diastolem opes colligit, per sistolem distribuit: per illam ditescit,
per hanc alias partes diuites facit; per illam sanguinem è venis
exugit, per hanc spiritus impertit arterijs; per illam aerem at-
trahit, per hanc emittit; per illam calorem suum intra se tempe-
rat, per hanc communicat, arque vt eo bono frui possit quod
alijs confert, inter vtrumque motum æqualem quietem captat.

O motum cordis mirabilem! mouetur cor & quiescit, mutat
locum nec amittit; exiit figuram suam & recipit, è triangulo in
circulum transit, ex circulo in triangulum redit; alienam figuram
mutuatur vt se opibus impleat, figuram suam recipit vt se exhau-
riat, avarum sub aliena figura, munificum in sua: influit in se, ef-
fluit in alia: comparat Diuus Thomas hunc motum cœlorum
motui, in eo tamen nobilior est, mouetur cœlum ab Angelo, cor à
seipso.

Illustria sane hæc miracula naturæ, maius est quartum mira-
culum Gratiæ: Adeò amat cor hominis Deus vt illud ab homine
petat: fili præbe mihi cor tuum. O rem admiratione maiorem,
petit cor hominis Deus qui illud condidit, petit quasi rem alien-
nam,

nam, & tamen suam ; petit restitui sibi quod ipse donauit, & minus credit dum suum recipit ! scilicet emancipauit cor Deus dum hominem liberum reddidit , & capacem sui fecit portionem hominis : propterea implere hospitium cupit quod extruxit sibi : ne homo cor recuset , impressit cordi desiderium sui , & tamdiu inquietum reddit , quamdiu eo hospite caret qui solus hospitium implere potest.

O amplitudinem cordis æqualem amplitudini Dei ! quem intellectus capere non potest , cor totum continet . Meditabatur Augustinus mysterium Trinitatis prætergressus naturam ; eò ibat audaci cogitatione quò ire homini non licet ; irrisit Angelus puer Augustinum senem , & fossulam ostendit in quam totum oceanum deriuandum tunc dixit ; cum ipse totum intra se deriuauerit Deum . Agnouit errorem Augustinus clausit ingenium , cor aperuit : & totum excepit Deum .

L V D V S N O N V S.

M I R A C V L A O C V L I.

QUAE est ista pars hominis homine maior ? quæ particula mundi æqualis mundo ? ingreditur oculum terra nec obruit , subit intra oculum aqua nec diluit, inserit se ignis exurit, immiscet se aer, nec mouet ; insinuat se cælum, nec oculum implet.

Sed quæ ista oculi virtus ? aperit se oculus, & mundum recipit, claudit se oculus, & mundum excludit, qua virtute ? quo milite ? quo imperio ? quo obsequio ? at quæ celeritas agendi ? momento ad cælum euolat, momento Solem, & stellas lustrat, momento orbem vniuersum perambulat : si oculus ad cælum euolat quo itinere ? si Sol ad oculum deuolat quo tramite ? si vterque immotus manet, quomodo alter alterum quærit, & inuenit ?

Hæc miracula extra oculum, plura intra oculum fiunt ; humores quibus alluitur, tunicæ quibus cingitur, nerui quibus distenditur ; muscoli quibus mouetur, venæ quibus alitur, arteriæ quibus micat, spiritus quibus subsulcat, totidem miracula sunt .

Ex pluribus oculi miraculis pauca seligo , inprimis quale miraculum est humor CrySTALLINUS ? si est humor fluidus , quomodo

do est crystallus? si est gemma, quomodo est liquida; si est gelu quomodo non est concretum? si est crystallus, quomodo non est gelu? crystallus est, aut crystallo similis, & meretur nomen, dum exæquat splendorem.

Sequitur humorem crystallinum humor vitreus; ille instar gemmæ est, hic instar palæ; inseritur vnus alteri, nec confunditur; innatat humor crystallinus vitreo, hic illum sustentat; amant se inuicem humores similes & se adiuuant; custos est humoris crystallini humor vitreus, & penè nutricius; hic humoris vitrei alumnus est, & penè filius.

Excipit humorem vtrumque tunica Rheti similis, inde Rhetina dicta, tendit vtrique humori amabiles insidias, & dum vtrumque capit, amanter decipit: ac quam vtili fraude? impedit ne humor vterque diffuset, dum vtrumque ambit, administrat sanguinem vnde vterque viuat, deriuat visorios spiritus quibus vterque videatur, & videat.

Huic Rhetinæ proxima est altera tunica folliculo vuz similis, inde vuez dicta; concava est vt humores ambiat, mollis ne lædar, tenuis ne opprimat, pellucida vt quod tegit ostendat.

Exarescerent tunica vuez & Rhetina nisi tertius humor aqueus vtramque irrigaret, & fatigaretur perpetuo motu nisi laborem aqua leniret; Præterea læderet humorem crystallinum tunica cornea si illum attingeret; interfluit humor aqueus, & vulnera excipit quæ non sentit; attingitur à tunica cornea neque læditur, & dum alluit, temperat ardorem tunicæ corneæ, & illam refrigerat.

Non satis tuerentur humorem crystallinum duæ tunicæ, vuez, & Rhetina nisi cornea vtramque firmaret, nec satis illa, nisi tunica adnata oculum totum in sua sede contineret: vides quot præsidij humorem crystallinum natura muniuit? & debuit ea pars in tuto esse quæ principium est visionis & subiectum: eunt ad hunc humorem species impressæ; exeunt ab illo species expressæ; nec possunt nobilius excipi species aduenæ quàm in crystallo, nec nasci illustrius species indigenæ, quàm in cubili gemmeo.

Difficilior est numerus neruorum quibus oculus distenditur, & musculorum quibus mouetur: duo nerui optici ex oppositis cerebri partibus progressi decussant se medio in itinere, & spiritus animales ad singulos oculos deriuant, quasi ad alumnos suos. Septem muscoli septenis oculorum motibus præstant, ille sursum mouet, hic deorsum, alij in omnes partes circumferunt; O motus oculorum mirabiles, velocius non eunt celestes orbes, quam-

uis

97
uis impellantur ab intelligentijs, impellunt seipfos oculi, & se sustunt; hoc libertatis privilegium est sistere se posse, & moueri: gaudent libertate oculi & carent cœli.

Omisi pupillam nobilissimam oculi partem, & amabilissimam; hæc pars oculi minima, & maxima; hæc sedes amoris, & maiestatis; per illam oculus amat, per illam imperat, per illam irascitur, & miseretur: per illam parcit, & punit; per illam videmus alios & nos ipsos: latent sub illa species impressæ, & expressæ: & forte nigra est vt illas occultet, nec impedit visionem pars opaca dum illam tegit; arcana debet esse visionis natiuitas, mysterium esse debet, neque esset mysterium, nisi esset arcanum.

LVDVS DECIMVS.

SPECIES INTENTIONALES.

LVDISNE Philosophia an illudis? dum species intentionales exire ab obiectis, volitare per aerem, & sensibus insinuare se dicis: vt exeant ab obiectis debuerunt intra obiecta nasci; at qua parente? qua matre? quo actu? quo partu? qua obstrictrice in lucem exeunt? qua nutrice crescunt? an sunt pelliculæ obiectorum? at quis eas abstraxit? an imagines rerum, quis eas pinxit? an colores, quis tinxit? an sigillâ, quis sculpsit? an alati obiectorum nuncij? quis emittit.

Exeunt tamen ab obiectis, & per aerem se extendunt, sed si exeunt quo conatu? si emittuntur quo partu? si mouentur quo gressu? si impelluntur, quo impetu? si ascendunt, qua leuitate? si descendunt, quo pondere? si recta eunt quo tramite?

Occupant tamen aerem, & illum implent; sed dum implent, an plures simul, an permixtæ, an diuisæ? si plures simul quam subtiles? si permixtæ, quam exiles? si diuisæ quàm tenues? vbiq; tamen sunt, vt obiectum vbiq; exhibeant: permixtæ sunt, nec confusæ, diuisæ & continuæ, seiunctæ, & vnitæ.

Quis explicet quot probra, quot vulnera, quot clades, quot mortes per aerem patiantur? impelluntur à ventis, obruuntur à pluuijs, exuruntur à sole, inflammantur ab igne; premuntur ab ingredientibus, sugantur à currentibus, turbantur ab occurrentibus;

G dum

dum turbatur ordo partium quis ordinem restituit? dum mori-
uentur hæ partes, quis alias substituit? dum tota species perit,
quis nouam speciem sufficit? O infelices rerum species quam in-
fausta fors vestra! patere semper iniurijs, vulnerari, & diuidi, nasci
semper & mori?

Rident tamen eas iacturas generosæ species; succedunt partes
partibus, totis totæ, mortuis rediuiuæ: secundus obiectorum vte-
rus nouos specierum exercitus submittit, semper grauidus, &
semper secundus, semper plenus & nunquam exhaustus succe-
dunt noui hæredes hæredibus, nec decrescunt opes Parentum, nec
minor est hæreditas post tot iacturas.

Vt tamen eas iacturas fugiant, ingrediuntur sensus nostros, &
tentas se putant dum intra nos latitant; nunc loquuntur auribus
sine voce, iam oculos excitant sine murmure, mox in phantasia
resident sine pondere, vagantur in cerebro sine strepitu, excurrunt
per cellulas sine motu, subsistunt in memoria sine tumultu.

O rem mirabilem nisi esset vulgaris, exhibent res magnas, &
carent magnitudine, res immensas & carent mole: per eas vide-
mus, nec illas cernimus, per illas sentimus nec cadunt sub sensus;
cadunt tamen sub intellectum, sed penè illum vincunt.

LVDVS VNDECIMVS.

DE DVOBVS DOMINIS.

SVBILIS quæstio, sed speculatiua magis quam practica, &
quæ plus iurgij habet, quam lucri. An duo possint esse simul
eiusdem rei Domini. Negant multi, affirmant alij. Placet vtram-
que quæstionem agitare, ameno primùm stylo, deinde Scholasti-
co, & vtroque ludere.



99

AN DVO POSSINT ESSE

SIMVL EIVSDEM REI DOMINI.

LVDVS RHETORICVS.

EVERTIT naturam Dominij, qui duos posse esse simul eiusdem rei Dominos dicit. Dominium est ius disponendi, si totum hoc ius est penes vnum, quænam illius pars est penes alterum? Dominium est ius disponendi de re tanquam sua, quomodo idem ager est meus, si est alienus? quomodo non est alienus, si alter est Dominus? Dominium est ius disponendi in commodum suum, quomodo disponis in commodum tuum, si dum disponis amittis tuum, & nihil acquiris alienum? Dominium est facultas disponendi sine iniuria alterius; potest Titius velle retinere seruum sibi fidelem; potest Caius velle eundem dimittere quia infidelem; quomodo ille non inferet iniuriam alteri si retineat, cui ipse seruus damnum infert si maneat; Dominium est potestas disponendi in omnem vsum; potest Titius eodem equo velle ire Romam, quo Caius vult ire Lutetiam: quomodo vterque disponet in omnem vsum, si vterque vult oppositum. Denique nemo potest duobus dominis seruire, quia cum sint diuersi possunt diuersa velle, dum vnus id vetat, quod alter imperat.

Evertunt sanè hæc argumenta dominium permanens, sed instantaneum non attingunt: idem instans admittere potest duos Dominos quos tempus excludit; idcirco capacius quia brevius, idcirco potest pati diuersa iura quia non patitur, diuersa arbitria: duo Domini idem possunt quia idem volunt, cessat omnis iniuria in instanti, quia cessat pugna. Age quisquis negas diuersa posse esse in eodem instanti dominia? annum potes eodem momento librum accipere, quo ego possum dare; at non potes negare librum tunc esse meum, nisi neges fieri tuum: nemo tunc magis est Dominus, quam cum donat aliquid suum; & tunc alter fit maxime Dominus cum facit aliquid suum; quia nisi fieret Dominus occuparet alienum. O instans opulentiùs tempore! eodem momento vterque est diues quia vterque est Dominus; eodem momento dominium est in donante, quia donare non posset nisi Dominus esset, & simul est in donatario, quia ille dominium non transferret, nisi hic acciperet; eodem momento dominium est in

donante, sed vltimò, in donatario sed primò, in hoc nascitur quia in illo moritur. In vtroque totum est quia transfertur, & nondum translatum est: idcirco hic transferre potest, quia adhuc habet, neque adhuc transferret, nisi alter simul acciperet: felix dominium si in vtroque maneret, imò infelix si diutius viueret; neuter in tempore Dominus esset, quia vterque esse vellet; idcirco in instanti vterque est, quia hic vult desinere esse, dum alterum vult incipere.

LVDVS THEOLOGICVS.

An duo possint esse simul eiusdem rei
Domini in solidum.

VIDEATUR non posse: 1. Quia iura negant dominium posse esse penes duos.

2. Hoc dominium est contradictorium in tempore, ergo in instanti, quia contradictoria æquè pugnant in instanti, atque in tempore, quia quod essentialiter est tale, est tale in omni statu, & tempore.

3. Duo dominia eiusdem rei se habent vt forma, & priuatio, aut saltem vt duæ formæ oppositæ, ergo non possunt esse simul.

4. Alioqui poterit quis eodem instanti esse seruus, & Dominus, quia dum alteri tradet se vt seruum erit Dominus, & dum alterum facit dominum sui, hoc ipso facit se alterius seruum.

5. Idem poterit esse liber, & captiuus; at hoc repugnat, quia libertas dicit negationem seruitutis, & seruitus libertatis.

6. Repugnat dominium transferri simul & haberi, quia transferre est non habere, repugnat aliquem cessisse suo iuri, & retinere, manere dominum, & non manere, extinctum esse, & viuere; at hæc omnia sequentur si eodem instanti dominium eiusdem rei possit esse penes duos.

7. Repugnat eadem numero formam esse simul naturaliter in duobus subiectis; at erit, quia vel Titius transfert hoc instanti idem numero dominium quod habet, vel alterum, si primum, ergo eadem numero forma est simul in duobus numero subiectis; si secundum, ergo non transfert suum dominium, sed alienum.

8. Dominium dicit ius non tantum disponendi de re sua, sed etiam

etiā ius impediendi alterum ne utatur re tua; at nōn potes impedire alterum, si alter eodem instanti est Dominus.

9. Repugnat aliquid eodem instanti esse meum, & nōn meum; at hīc liber erit meus: hoc instanti, & nōn meus, si est alienus; at erit alienus si alter est Dominus.

10. Repugnat aliquem donare alteri quod alter iam habet; at poterit quia Titius accipiens librum à Caio, potest eodem instanti redonare Caio, qui tamen toto instanti est Dominus.

11. Ad transferendum dominium præter titulum requiritur traditio, & ad complementum requiritur possessio; at hæc omnia eodem instanti esse nō possunt.

Denique nemo potest duobus dominis seruire, ut ait ipse Christus; at idem poterit esse seruus duorum, si duo possint esse eiusdem Domini.

CONCLUSIO. Probabilius videtur duos posse simul esse eiusdem rei Dominus in solidum, sed dominijs instantaneis non permanentibus.

Suppono 1. Quæstionem procedere de duobus dominijs in eodem ordine, scilicet vel de duobus dominijs altis, vel præcipuè de duobus bassis; ratio est, quia quæstio procedit de duobus dominijs independentibus, & quæ vocantur contradictoria; at dominia diuersi ordinis possunt dependere à se inuicem.

Suppono 2. Quæstionem procedere de duobus dominijs completis ex parte obiecti, v.g. an Titius, & Caius possint esse simul eiusdem villæ domini in solidum. Ratio est, quia cessaret contradictio si dominia essent tantum completa ex parte subiecti, sic duo hæredes ex æquo instituti habent dominium totale totalitate subiecti in partem hæreditatis.

Suppono 3. Per instans intelligi, vel instans indiuisibile si datur, vel partem temporis diuisibilem, sed inadæquatè, & indiuisibiliter acceptam.

Probatur conclusio. Titius Dominus alicuius rei potest eam donare Caio in instanti, & Caius potest accipere eodem instanti; ergo tunc vterque est Dominus. Antecedens probatur, quia nihil repugnat acceptionem alicuius rei eodem instanti fieri quod est donatio, neque est necessarium ut vnâ actio succedat alteri, quia duæ actiones relatiuæ possunt esse simul; præcipuè si agatur de acceptione, & donatione mentali humana, vel Angelica, quæ nō importat motum successiuum. Consequentia probatur, quia eo instanti quo Titius dat libellum Caio est verè Dominus libri, quia actus secundus probat primum; exercet autem actum secundum

domini, quia disponit de re sua independenter ab alieno arbitratu, & liberè disponit, quia ita dat, ut possit retinere, & licet ex suppositione quod det hoc instanti non possit non dare, tamen hæc suppositio non lædit libertatem, quia est consequens, & quam ipsa libertas facit.

Aliunde Caius fit verè Dominus libri eodem instanti, quia verè accipit dominium libri titulo donationis, quam traditio, & possessio complet; quod ex eo constat, quia Caius hoc instanti accipit ius disponendo de libro ut suo, & si posset operari instantaneè ut Angeli, posset reuera dare librum alteri, & coniungere actum primum cum secundo: Imo donatio, traditio, & possessio possunt esse eodem instanti, præsertim si possessio est ficta, & civilissima.

Confirmatur, quia hoc toto instanti arbitrium Titij donantis non potest dissentire arbitrio Caij donatarij, quia Titius vult Caium uti re donata prout voluerit, quia transfert plenum eius dominium.

Dixi in conclusione dominium instantaneum posse esse penes duos non autem permanens, quia in tempore duo dominia eiusdem rei se excludunt, quia arbitrium vnus potest dissentire ab altero; at in instanti non se excludunt, quia arbitria non dissentiunt.

Ad soluendas obiectiones suppono ex Philosophia ea quæ intrinsicè desinunt, esse ultimo eo instanti quo desinunt, quia hoc instans numeratur quasi intrinsicè durationi, & licet dicere, nunc res illa ultimo est, & immediatè post non erit. Item ea quæ incipiunt intrinsicè sunt primò eo instanti quo incipiunt, quia hoc instans censetur intrinsicè eorum existentia, & licet dicere nunc res illa primo est, & immediatè ante non erat. Quia ergo dominium Titij donantis librum desinit intrinsicè, Titius est Dominus eo instanti, & quia dominium Caij donatarij incipit intrinsicè, est etiam eo instanti. Sic autem incipere, & desinere probatur ex supradictis, & quia nulla apparet implicancia in his formis moralibus, licet in formis substantialibus id neget Philosophia.

Ad primum Resp. Iura non loqui de dominio instantaneo, quod ad legum rationem parum confert, sed de permanente quod ad contractus requiritur, qui ut fiant humano modo fieri debent in tempore.

Ad secundum Resp. Hæc dominia non esse contradictoria instanti, quia uterque dominus idem vult, quia hoc ipso quod vult

vult dare, vult alterum accipere, & sic arbitrium vnus non contradicit arbitrio alterius.

Ad tertium Resp. Hæc duo dominia se habent vt opposita priuatiuè n. vt opposita relatiuè c. at relatiua se inferunt. Et licet duæ formæ substantiales, & duæ accidentales oppositæ, saltem in summo gradu se excludant; at non necessario duæ formæ morales.

Ad quartum Resp. Idem erit Dominus vltimo, & seruus 1°. eodem instanti, sed diuerso respectu, vnus per modum principij disponentis, alter vt se subiiciens dispositioni alterius.

Ad quintum Resp. Toto instanti esse liberum, quia liberè se ligat, ex suppositione autem quod se ligat est captiuus; at liberè, & tantum necessitate hypothetica talis, & in sensu composito quem ipse facit.

Ad sextum Resp. Negando antecedens, ad probationem R. est non habere n. sed est habere vltimo, ad inst. R. repugnat cessasse de præterito, & habere c. repugnat cedere, & habere vltimo, n.

Ad septimum Resp. Transfert eandem formam, & idem dominium specie, amittendo illud quod habet; sic eadem numero forma non migrat de subiecto in subiectum, sed eadem specie.

Ad octauum Resp. Dominium dicit ius ne alius vtatur me inuito c. me volente, n. at vterque idem vult hoc instanti.

Ad nonum Resp. hoc instanti esse meum, non autem non meum, licet sit alienum: ad inst. R. alienum quod à me sit tale non est meum hoc instanti quo volo esse alienum, n. sic vero est alienum & meum, sed alienum primo & meum vltimo.

Ad decimum Resp. Repugnat dare alteri iam suum, R. iam suum dominio nascente n. dominio præterito c.

Ad vndecimum Resp. donationem, traditionem, possessionem, posse esse eodem instanti, præsertim si possessio est ficta, & civilissima. Resp. 2. ad transferendum dominium non requirit traditionem in multis casibus quos Authores citant.

Ad vltimum Resp. Christum loqui de dominio permanente, quia instantaneum, parum refert ad praxin, & ad mores.

P R Æ F A T I O

DE CONSCIENTIA.

NVLLI arti, aut scientiæ præfari minùs congruit, quam cōscientiæ, quia nulla scientia minus loquax, & minus verbosa est. Mirum esset Grammaticam non præfari, quæ loqui docet; sile-re Poësis non debet quæ docet fingere. Eloquentia hoc ipsum docet, qua arte nemo sileat, etiam dum nihil habet quod dicat. Logica ex mutis elementis verba facit ne vnquam discursus defit: Theologia rea esset, si de Deo taceret; interpret scripturæ si taceret, interpret non esset. Sola conscientia est, quæ præfari non amat, quia hoc ipsum contra conscientiam putat magnificè loqui, & mauult facere magna, quam dicere.

Ne igitur expectate fucaram verborum lenocinijs orationem, conscientia fucos odit, ne quærite blandientis oratoris affectus, aut indignantis tumultus, conscientia sincera est dum blanditur, & iusta dum irascitur.

Conscientia sermo nec Grammaticus esse debet, ne habeat aliquid vanum, nec Poeticus ne habeat aliquid fictum, nec Rhetoricus ne habeat aliquid vacuum; nec Philosophicus ne nimis sapiat, nec Theologicus ne mentem excedat.

Erit itaque oratio simplex ne fallat, erit clara vt doceat, erit efficax vt agat, erit prudens vt dirigat, erit lectioni similior quam orationi, ne contra conscientiam aliquid dicat, dum de conscientia disputat.

Acturus igitur de conscientia vnum quæro, quid sit conscientia; conscientia, inquiunt aliqui, domus est perpetuis obsessa tenebris, nec tamen obscura; nullus in ea sol lucet, nec tamen in ea aliquid latet; nullæ in ea fenestræ per quas aspiciat, & tamen omnia spectat; nullæ fores per quas hospitibus pateat, & tamen semper est plena; conscientia domus est obscura, & splendida, clausa & obuia; vacua & plena: quia dum alijs hospitibus caret, implet se ipsam, & turbam facit, etiam dum est sola.

Conscientia aiunt alij, est labyrinthus mille mæandris intertextus, & tamen hospiti suo tutus; domus est gestatilis, quia eam quisque instar limacis gerit: est patria sequax, quia eam peregrinus quisque circumuehit: ita tamen est patria homini si bonus est, vt eadem sit exilium si est malus. O rem prodigio similem! Vir improbus apud seipsum habitat, à seipso exul: Idem

præ-

præfens ſibi, idem abſens à ſe: idem excutere nititur conſcientiam quia aduerſariam, nec tamen illam exuit quia ſecum gerit idem fugit ſeiſpſum quaſi inimicum, nec tamen ſe deferit, quia ſecum fugit: idem liber, & captiuus; idem ciuis & peregrinus; idem hoſtis & amicus: quia conſcientiam gerit hoſtem crimini, & amicam virtuti.

Conſcientia, inquit Baſilius, eſt naturale tribunal animæ; in eo tribunali conſcientia accuſatrix, & teſtis; iudex & vindex damnat ſeiſpſam ſi nocens eſt, abſoluit ſi innocens: mirabile tribunal quod vna perſona conſtituit.

Conſcientia, ait Viſtor, ea eſt apud quam non moritur omne, quod gerimus, ea in factis noſtris teſtatur quod vidit, accuſat quod diſſuaſit, laudat quod conſuluit; ea non habet loquendi uſum, & nescit tenere ſilentium, nihil ei tuum teſtum eſt, quia tecum ſemper eſt; præterita ſcit quia fecit, præſentia quia aſpicit, futura quia dirigit.

Conſcientia, inquit Hieronymus, eſt ſecretum hominis, quia nemo nouit quæ ſunt hominis, niſi ſpiritus hominis, aut qui hominem condidit ſpiritus Dei: nec eam Momus intueri poteſt, ne irrideat: neque alter homo ne fallat, nec genius malus ne noceat, nec bonus ne libertatem impediatur: reueretur illam Deus ipſe, atque ut libera ſit permittit agere improbè, quam vellet agere benè.

Subtiles ſanè prolutiones, ſed quæ aliqua conſcientiæ officia deſcribunt, non naturam definiunt.

Dic Theologia ſcientiarum regina, doce conſcientiam quid illa, & qualis ſit? ſi tamen conſcientiam doces, vnde niſi à conſcientia didiciſti qualis conſcientia ſit; & ſi conſcientia docuit, quomodo ante te qualis eſſet ipſa nesciuit? doceat ramen conſcientia Theologiam, Theologia conſcientiam, vtraque diſcipula, & Magiſtra; vtraque dicat quid ſit conſcientia.

Conſcientia, inquit Theologia, eſt actus intellectus practici, deducens conſiſionem ſyllogiſmi prudentialis, ex principijs à ſyndereſi oblatiſ, & per rationem connexiſ.

Pauciſ verbis quot oracula! conſcientia eſt actus intellectus ut præferat voluntati facem, & oſtendat honeſtatem: eſt actus, vel Ephœbi honorarij prælucentiſ dominæ, vel Domini intellectus imperantiſ ancillæ; imo eſt actus famuli, & Domini, quia eſt actus prælucentiſ voluntati adhuc cœcæ, & expectantiſ imperium liberæ. Debet actus bonus honeſtatem voluntati, debet intellectui honorem; nec ſine voluntate eſſet actus honeſtuſ, nec ſine

in-

intellectu legitimus : vtriusque fœtus id debet vtrique quod Parentibus filius; ingratus si dum voluntatem agnoscit vt matrem , intellectum non agnoscat vt patrem .

Conscientia est actus non habitus, contra Scotum non satis hac in parte acutum : possum operari sine habitu, nec possum liberè sine præuio actus; deponi potest conscientia, nec facilè exuitur habitus: malum est agere contra conscientiam, nec est malum operari contra habitum : Denique præluere, dirigere, agere, testari, accusare sunt actus non habitus : ita tamen conscientia est actus vt possit nasci ab habitu: ita generans habitum vt possit ab habitu generari : ita parens vt sit aliquando filius : tunc tamen non est vnus actus sed geminus , ne idem esset prior seipso, & seipso posterior .

Conscientia est actus intellectus , & minùs propriè voluntatis contra Durandum nimis hac in parte rixosum, placet aggredi hominem autoritate, & conuincere ratione.

Tertullianus appellat conscientiam naturales tabulas, in quibus scilicet vnusquisque legit opus suum, & agnoscit quod scripserit ; at legere, & scribere, officia sunt intellectus scientis legere, non voluntatis scientis tantùm audire .

Damasceus vocat legem intellectus, quam scilicet intellectus promulgat voluntati, non voluntas intellectui, aut saltem quæ vtrumque comprehendit .

Hieronymus illustrem locum Malachiæ sic explicat, custodite spiritum vestrum, & vxorem adolescentiæ vestræ: per spiritum intelligit Propheta intellectum, per vxorem voluntatem, per vtrumque conscientiam: illustre sanè connubium, in quo intellectus est sponsus, voluntas mater, & proles coniugij sunt actus liberi .

Bernardus appellat conscientiam scientiam cordis, non quæ in corde sit, sed quæ est de corde: illustris nimirùm scientia, quæ cor illustrat, subtilis quæ penetrat, ignea quæ inflamat, erudita quæ docet, amabilis quæ mouet, efficax quæ persuadet . At erudire, arguere, illustrare sunt actus eius facultatis quæ videt oculis proprijs; non eius quæ vritur alienis .

Conscientia est actus intellectus practici, non speculatiui: vnus est intellectus in homine, si spectes entitatem, duplex si attendas virtutem: vnus est speculatiuus, alter vel idem practicus.

Agnosce vtriusque naturam, vel industriam; intellectus speculatiuus præscindit à rebus agendis ne aliquid efficiat, laborat ne laboret, agit ne agat, speculatur facta ne faciat : Attende tamen huius intellectus efficaciam dum nihil efficit ; ibi desinit vbi nihil est

est nisi differentia; ibi diuidit vbi nihil est nisi identitas; ibi numerat vbi sola est vnitas : ibi medium quærit vbi nihil est primum , & vltimum.

Aduerte eiusdem intellectus innocentiam, contemplatur opes nec ditescit; dignitates nec insolescit; voluprates nec afficitur, labores nec frangitur.

Attende eiusdem audaciam, ascendit in celum nec extollitur, descendit ad terras nec deprimitur: flammis se immiscet nec exurit; aquis se immergit nec obruitur: lumen aspicit nec hebescit: Solis, & Lunæ defectus intelligit, neque deficit: tenebras ingreditur nec obscuratur: nihilum scrutatur nec confunditur: tempora meditatur nec cum annis fluit: motum prosequitur, & cōquiescit.

O audacem intellectum ! inquilinus est vnus Elementi & incolâ omnium; in terris habitat, ad celum euolat: consuefcit cum Angelis, pugnat cum feris: cultor cæli, victor profundis in aere auceps, in cœlo hæres.

Non ita intellectus practicus, non agit ne agat, non contemplatur vt illic conquiescat; sed præfigens sibi opus vt finem, eò se & omnia destinat, atque vt operetur facilius, antequam opus extra proferat, prius illud intra se format.

O rem miraculo similem ! iam extat domus intra intellectum Architecti, quæ adhuc alibi non existit; iam illic efformata, nondum alibi nata: iam illic absoluta, nondum alibi inchoata: quodque admirationem superat, nobilior est domus in idea sui, quam in seipsa: viuit intra intellectum Architecti, quæ extra non sentit; illic spiritus, extra rude corpus, illic ventos, & imbres, & ruina non timet, vbi nihil eam videt: ibi stabilis subsistit, postquam etiam alibi corruit.

Neque ibi sistit intellectus practicus: sed dum agit, inferiores potentias secum ad opus accingit: atque vt primum celum mobile inferiores sphæras secum rapit, sic intellectus practicus subditas facultates quasi orbes minores ad opus attrahit: præluce operantibus ne fallantur; suppeditat materiam ne orientur: col- laborat operantibus ne conquærantur.

Conscientia est actus intellectus practici, non speculatiui: præluce actus voluntati, & prior agit, proponit opus faciendum, iam intra se factum; inclinât animum volentem, impellit nolentem, adiuuat laborantem: si reluctari voluntatem videat, minatur se aduersariam vt arguat, testem vt cōiunctat, iudicem vt damnet, vindicem vt castiget: si aduertat procliuem ad opus, sed custodiantem, proponit honestatem quæ moueat, vtilitatem quæ pet-

sua-

suadeat, mercedem si agat; coronam si vincat.

Conscientia est actus eliciens conclusionem syllogismi prudentialis, ex principiis vniuersalibus à synderesi propositis, & per rationem connexis: hæc nobilis forma syllogismi practici, synderesis maiorem format, ratio minorem, conscientia elicit conclusionem; synderesis est lumen illud vultus diuini signatum in homine: ratio lumen illud admouet, conscientia per illud videt: synderesis, inquit Hieronymus, est scintilla animæ, ratio filicem verberat, conscientia est expressa flamma. Synderesis, vt loquitur Augustinus, quasi latens in corde imperator consilia dictat, ratio examinat, conscientia promulgat, voluntas obseruat: synderesis est conscientia vniuersalis, conscientia est synderesis singularis.

Atque ex ijs colligere licet quomodo conscientia à Morali, & prudentia differat; nimirum vtraque illa est habitus, conscientia actus: Moralis est ars honesti, prudentia liberi, conscientia recti: Moralis proponit bonum, prudentia eligit, conscientia agit. Denique Moralis est scientia morum, prudentia pars scientiæ, conscientia pars prudentiæ.

Hæc de conscientia Theologia; at tu Philosophia quid de conscientia sentis? conscientia, inquit, est naturalis Logica; ea enuntiat in puero, definit in iuvene, argumentatur in viro demonstrat in sene: ea discurret de bonis & malis, sed dispari forma; in illis est forma delectans, in istis crucians: in illis flamma lucens, in istis vrens: in illis est vermis immortalis ad pœnam, in istis testis æternus ad coronam.

Conscientia, aiebat Seneca, est particula diuini spiritus homini immerfa, vt homo aliqua ex parte sit Deus: particula est non assistens, sed intimè præsens: non extrinsecus addita, sed animo indita; particula tamen est, non totus spiritus, ne hominem absorberet, si totus intra hominem habitaret Deus.

Conscientia, inquit Menedemus, singulis mortalibus Deus est, nec tantum pars Dei; ea intra hominem exercet vices Dei; nec exerceret nisi esset homine maior; nec maior esse potest omnibus mortalibus, nisi sit immortalis Deus.

Quid ais Philosophia? nimis subtiliter de conscientia sentis: accepisti claram, & inuoluisti; accepisti humanam, & diuinam facis: conscientia neque est pars diuini spiritus, qui partes non habet: neque intra hominem Deus est, ne homo sit Deus.

Modestius de conscientia Moralis Philosophia; conscientia, inquit, est commune beneficium, nemo ea caret si homo est:

ne-

nemo eam non videt, quia per eam videt: nemo eam non sentit, quia ipse est ratio sentiendi.

At tu Eloquentia, quid de conscientia dicis? ea, inquit, lex est non lata homini, sed innata; non accepta, sed indita; non incisa marmoris, sed tabulis cordis: lex est lata sine legislatore, promulgata sine præcone, acceptata sine teste: lex est imperans sine voce, persuadens sine oratione, exequens sine arte: lex est docta sine magistro, docens sine studio, sciens quod aliunde non didicit, memorans quod nunquam audiuit. Lex est prælucens, & sequens: imperans, & obtemperans: ostendens agenda, & peragens: lex est nascens cum homine & supra hominem crescens, adulta sæpe in puero, matura in adolescente, senilis in iuvene: lex est nobilis sæpe in rustico, ingenua in seruo, libero in captiuo: Denique lex est nata cum homine, superstes post hominem, æterna inter ignes ut cruciet, immortalis inter astra ut coronet.

Ita scientiæ de conscientia, at definiat conscientiam Deus ipse: nemo eam melius nouit, quam author qui condidit: dicat scriptura laudes quas Deus ipse dictauit; nec fallere potest Deus dum dicit, nec scriptura dum dicta repetit. Signatum est super nos lumen vultus tui Deus. Explico diuina verba & finio: conscientia est lumen: lumen non humanum, sed diuinum; lumen non caducum, sed immortale; non fluxum, sed stabile: lumen vultus tui; si vultus ille est; si vultus ille est Verbum, conscientia est lumen Verbi: si vultus ille est Spiritus Sanctus, conscientia est lumen Spiritus: lumen ostendens Deum & exhibens: lumen pingens intra hominem Verbum & imprimens.

Signatum est, non affusum ut distluat, sed infusum ne pereat: Signatum est, impressum atque ne eruat, incisum ne deleatur, insculptum ne eradatur: Signatum est, quasi character ut legatur, quasi sigillum ut seruetur, quasi imago ut spectetur: Signatum est super nos ut emineat, intra nos ut lateat: super nos ut sublime, intra nos ut familiare: super nos ut dirigat, intra nos ut regat: super nos ut imperet, intra nos ut adiuuet: super nos ut coronet, intra nos ut triumphet: Signatum est super nos lumen vultus tui, lumen Dei conscientia est, lumen luminis, sol solis, radius radij, imago imaginis, character characteris.

Hæc de conscientia Deus, quis audeat post Deum loqui.

Dixi.



LIBER TERTIVS ELOGIA REGIA.

VITA, ET ELOGIA LVDOVICI DECIMITERTII,

I.

Hic qualis, & quantus hoc seculo futurus esset,
Prædixit ab altero seculo Clemens Octavus:
Divinum fuisse oraculum vatis authoritas,
Verum fuisse vaticinium experientia probat;
Hærent hoc plerumque res magna,
Diu videntur postquam esse desierunt;
Habet hoc præ illis LVDOVICVS,
Diu videri cepit antequam esset.

II.

Antecessit magnos natales ingens terra motus,
Trepidantis Europa, vel amantis motus fuisse creditur;
Vt mirum non sit si tota nunc amatur, & timetur Europa
Qui ante timori cepit quam homo esset.

III.

*Auspiciatus est vitam cum hoc seculo ,
 Vt illud virtutibus suis consecraret ;
 Nec immerito hoc seculum Ludonicaum dixeris ,
 Cui idcirco Ludonicus adnascitur ,
 Vt praeipuum eius ornamentum esset .*

IV.

*Exiuit in lucem Sole caelestem libram ineunte ,
 Nascente iustissimo Rege
 Debuit dierum , & noctium aequalitas esse :
 Sed aequalitas in Sole minor quam in Ludonico ;
 Vix ille aqualis in uno alteroque signo ,
 Ludonico dies omnis , & mensis in libra est ,
 Vix ille caelestem libram excessit ,
 Cum Scorpijs , & Canceris se immiscet ,
 Tota Ludonici vita sine monstro est .*

V.

*Lucem adhuc salutabat Ludonicus ,
 Cum ecce nona stella in Cygno caelesti nascitur ,
 Accendit eam Caelum ut magnos natales illustraret ;
 Lucere in Cygno voluit , ut fatidica anis ,
 Quantus heros Gallia nasceretur pradiceret ;
 Fingant Astrologi fatales in stellis horoscopus ,
 Diuinent aliena fata , dum nesciunt sua :
 Ne vanus credatur Ludonici horoscopus ,
 Proponit illum stella nona , & anis fatidica .*

VI.

*Affirmat oculati testes Ludonicum in lucem prodeuntem ,
 Ter manus , & oculos in caelum sustulisse :
 Nemo maturius caelum aspexit ,
 Nec mirum nema plus iuris in caelo habuit ;
 Natale sydus explorat oculis ,
 Intuetur astra sua dum nos spectamus aliena ,
 Dicitur Augustus puer cum stellis luisse ;*

Verum

*Verum lusit Augustus cum alienis astris.
Ludouicus cum suis.*

VII.

*Editus in lucem eruditur ab Henrico Magno ad fortitudinem,
Ab omnibus virtutibus ad sanctitatem,
Ad iustitiam certe, & pietatem disciplina non eguit;
Vtramque habuisse videtur à natura:
Addunt oculati testes candidas manus ex utero matris tulisse:
Innocentis iustitia prasagium erat,
Quis neget iusti nomen Ludouico congruere?
Qui tunc candidas manus habuit,
Cum omnes habemus cruentas:
Non debet hominibus Iusti titulum,
Antequam homines imponerent,
Natura iam dederat.*

VIII.

*His dotibus à natura instructum,
Virtutes alendum susceperè:
Vix unquam meliorem alumnum sortita sunt;
Eam indolem ad omnia virtutis facinora praeferbat;
Vt dubium reliquerit an differret indoles à natura;
Talis erat Diuus Ludouicus dum adolesceret;
Sola atas utrumque discriminat:
Si ambo simul vixissent, vix utrumque distingueres:
Vt similes credas.
Vtrique lethalis noxa tantum in ea aetate odium fuit,
Vt si alterius morte scelus extinguendum esset,
Hac sola inter eos fuisset contentio,
Vter prior occumberet.*

IX.

*Neque illud fortuito accidit,
Vt alter alteri certo intervallo succederet:
Haec tenetur vigesimus quisque Rex sanctitate floruit;
Hunc non fortuito vigesimum esse:
Amer sanctitatis docet.*

X.

*His Magistris ad alias virtutes usus est ,
 Fortitudinem Henrico Parenti debet :
 Hic sanguinem generosum dedit ut Pater ,
 Præcepta fortitudinis ut Magister ,
 Exempla , ut bellorum arbiter .*

*Dicitur infantis adhuc Ludonici manibus
 Victorem ensẽ indidisse :
 Precatus ut eo Dei causam protegeret ,
 Eodem Patria gloriam extenderet ;
 Et miramur victorias Ludonici ,
 Quid non vincat Dei causa ,
 Patria gloria ,
 Ensis Henrici ,
 Et manus Ludonici .*

XI.

*Anno ætatis decimo in Regem consecratus est ,
 Ante oleum iam sacer ,
 Iam throno dignus erat ,
 Cum adhuc in cunis esset .*

*Quis credat , quiescit in hoc rerum cardine ,
 Tremefacta ab Henrico magno Europa ;
 Stetere hostes Gallia , cum eam inuasuri credebantur ;
 Puto timuisse adhuc vel Henricum mortuum ,
 Vel in Ludonico redituum :
 Atque id unum funeris acerbis leniuit ,
 Dum magno Parenti maior hæres succederet .
 Nihil detraho laudibus tuis Henrico dum laudo tua :
 Gloriosum est vinci ab eo filio , cui dedisti unde vinceret :
 Audeo dicere , Magnus es Tu omnibus titulis ,
 Nullo titulo maior quam dum talem filium reliquisti ,*

XII.

*Agebat annum ætatis decimum quartum ,
 Cum Annam Hispanicam uxorem duxit .
 Ut designatam à Deo coniugem scias ,
 Eodem anno , & mense , & hebdomada uterque in lucem prodijt ,
 Tantum ut Aurora Solem ,*

H

sic

Sic Ludovicum Anna paucis momentis antecessit.

Sed non illic aequalitas stetit:

Ambo sub eodem sydere libra oriundi,

Sub eodem aequale connubij iugum subiere:

Vide an iustius esse coniugium potuerit,

Quam dum ad caelestem libellam,

Ipsa etiam momenta librantur.

Neque inaequale connubium thalamus diu infœcundus facit,

Idcirco diu Anna parturit,

Ut parere Augustum aliquem possit.

XIII.

Vix alium Principem castius irretiuit amor thori,

Vix alium grauius occupauit studium belli,

Ipsam connubium bello non caruit,

Inter arma coniugium inijt,

Ab eo tempore omnis ei annus militaris,

Omnis dies Martius,

Et omnis mensis Augustus fuit.

XIV.

Benearnenses haeretici nouam Remp. meditabantur,

Vt rem priuatam euerterent.

Et iam post eiurata fidem Romanam,

Eiurare Regiam cogitabant:

Oppressit rebelles celeritate sua Ludovicus:

Et dum venari feras creditur,

Omnem Prouinciam una venatione cepit.

Miracula ea victoria non caruit;

Quinquaginta anni erant cum è Benearnia Missa exulabat,

Eadem die restituta est, qua exulare coeperat.

Quis non eam diem Iubilæi dicat.

Et mirare dignam hoc Iubilæo Regis pietatem,

Circumferri solenni pompa Eucharistiam voluit,

Vt periuram Prouinciam,

Prius reconciliaret Christo quam sibi,

Atque ut victoriam Deo acceptam referret,

Triumphare maluit Christum quam Ludovicum.

*Nihil generosius est vera pietate ,
 Nec mirum si vincat , qua cum Deo pugnat.
 Hac pietas fanum Engeriacum obsedit, & cepit;
 Si castra Regia spectasses .
 Si propositum publicè in Eucharistia Christum,
 Dixisses esse Castra Dei,
 Eucharistiam arcam fœderis,
 Ludovicum alterum Davidem ,
 Contra Philistæos præliantem .*

S. Jean
 d'Ange-
 ly.

*Tergeminam trium Regum obsidionem,
 Vrbs rebellis eluserat ,
 Quartam obsidionem non tulit ,
 Nec mirum si victa est ,
 Quam cum Ludovico Christus obsedit .*

*Ne quid in posterum auderet vrbs peritura ,
 Nudata est mœnibus qua Regibus suis occluserat ,
 Et dum Pagus Ludovici vocabitur .
 Sentiet in pago iustitiam ,
 Quam in vrbe contempsit .*

Bourg-
 Louys .

XVI.

*Nec minus fortis mari quam terra Ludovicus ,
 Riam Insulam occuparat Soubisus ,
 Ea audacia ut collatis signis ,
 Pugnam cum Rege promitteret ,
 Adfuit Rex cum aequalibus copijs si numerum spectes ,
 Maioribus si virtutem numeres ;
 Rex ipse dum militis & Ducis partem implet ,
 Instar exercitus esse creditus est .*

*Adversam fluminis ripam tormentis hostis armanerat ,
 Necdum se in mare fluctus receperant ,
 Post sex horas redituri ,
 Graue periculum erat in advennda Insula ,
 Gravius erat in mora .*

*Insinuavit se medias in aquas Ludovicus ,
 Immersit se in fluvium cum Rege exercitus ,
 Et dum solo capite ex aquis eminet ,
 Dignum cœlo spectaculum fuit ,
 Rex alter Neptunus ,*

*Singuli milites totidem heroes apparuere ,
 Creditur hac audacia mare terruisse ,
 Cohibuit fluctus ne tam cito refluerent :
 Effluxere audaces unda non hostes ,
 Oppressus est praesentia Regis rebellis exercitus ,
 Et dum sanguine suo arenas Olonaas ,
 Et mare inficit ,
 Docuit exemplo suo ,
 Nec terra prouocandum esse Ludouicum ,
 Vbi Mars alter est ,
 Nec mari , ubi est alter Neptunus .*

XVII.

*Hac victoria de subditis , qua sequitur de externis ,
 Sedebat ad Raam exhaustus Anglus ,
 Quam prateruolando rapere sperauerat ,
 Centum numerabat non tam nauigia quam castella ,
 Tam denso agmine per Oceanum disposita ,
 Vt solis auibis non nauibus iter mari pateret :*

*Et tamen viginti lintros Gallici ,
 Quos una Naui Anglicae sorbere potuisset ,
 Per effracta repagula , & per omnia clausa
 Inuenere viam :
 Quam ipsis piscibus clausam Angli crediderant .
 Nec felicior Anglis terra quam Oceanus fuit :
 Vtrumque Elementum aequalis causa corruerat :
 Innumera Anglorum millia arcem oppugnabant ,
 Nulla alia re nisi Toerasij virtute munitam .
 Et tamen innumeros hostes , pauci ,
 Recentes fatigati ,
 Bene valentes penè mortui ,
 Tamdiu sustinuerunt , dum accurrerent auxilio viui :
 Nemo quarat quid fecerint viui ,
 Vbi vicerunt mortui .*

*Schombergius , & Toerastus duo duces vincenda orbi pares
 Tot hostium corpora ceciderunt ,
 Vt si penes mortuos eius terra quam occupant dominium esset ,
 Totam Raam Angli possiderent mortui ,
 Quam non cepere viui
 Ex tot Anglorum millibus ,*

*Tam pauci in Angliam rediere,
 Ut redeuntium militum & nauium numerus,
 Pene aequalis esset.*

*Eam victoriam sic duo duces partiti sunt,
 Ut unus Anglos sustinuerit,
 Vterque repulerit,
 Ludonicus vicerit.*

XVIII.

*Oppugnanda Rupella Raa praludium fuit;
 Tunc se Rupella ream Maiestatis fecit,
 Cum Raaam dedere Anglo cogitauit.
 Irridebat tamen vrbs rebellis Regem suum;
 Dum euocabat alienum,
 Contemnebat vires Regias,
 Dum numerabat suas.*

*Si prateritas atates euolueret.
 Non quot Reges habuisset numerabat,
 Sed quot vicisset,
 Si fastos suos consuleret,
 In illis hi dies sacri erant,
 Quibus Sacramentum aliquod abrogasset:
 Si solennes & festi,
 Quibus de Rege suo victoriam aliquam reportasset.*

XIX.

*Hac erat vrbs insolentia, quam omnes capiendam,
 Nemo tentandam putabat:*

*Et certe inexpugnabilis Rupella videri poterat,
 Nisi arma Ludouici prouocasset.*

*Ille ut late vagantem furorem cohiberet,
 Trium leucarum aggere coercuit.*

*Hoc primum de insolenti vrbe supplicium fuit,
 Angustius tribus leucis imperium habet,*

*Qua Gallias hostibus externis diuidebat.
 Adhuc tamen se Reginam vocabat.*

*Dum appellere manibus sui Oceanum vestigalem videbat,
 Ludonicus operoso aggere mare franauit,
 Nec aliud ex toto Oceano Rupella reliquit,
 Nisi stagnum, & lacum, & mare captiuum.*

*Ne quare qua arte mirabilis agger surrexerit ;
 Ille ipse qui extruxit Architectus artem nescit :
 Stetit sine fundo firmissima moles ,
 Et solidus murus sine calce coeuit :
 Principio iniecta sylva , & montes tumultuario opere ;
 Hic tumultus ars fuit .
 Nam dum Oceanus iniectas moles dissolvere tentat
 Composuit ,
 Dum euertere laborat
 Fundavit .
 Et dum hiatum aggeris sapius ingreditur
 Luto , & arena compleuit :
 Sic ipse carcerem sibi , & vincula
 Imprudens Architectus extruxit .*

XXI.

*Denique medio in aere visenda porticus stetit ,
 Et solidum ambulatorium supra Oceanum stravit ;
 In ea porticu miles obambulans ,
 Æstus tuos Neptune videt ,
 Quos sub pedibus mori videt ,
 Ignes tuos Rupella spernit
 Quos aqua diluit .
 Relictus tamen est medio in aggere tolerabilis hiatus ,
 Ne mare desperaret :
 Atque ut transeuntes per hanc labem procella ,
 Rupellam admonerent ,
 Cederet Regi suo libens ,
 Cui natura cessisset :
 Nec recusaret compedes ,
 Quas ipsa procella admisissent .*

XXII.

*Cessisset ijs monitis Rupella nisi rupes esset ,
 Adhuc ab Anglis auxilium sperat ,
 Nec videt hunc aggerem carcerem sibi ,
 Anglis limitem esse .*

Nec

*Nec transituras Anglorum acies,
Qua vix vnda transiere.*

XXIII.

*Geminum exercitum navalem Anglia conscripserat,
Primus cum hunc aggerem tentare armis non auderet,
Tentaui oculis:
Promiserat Annonam Rupella,
Ostendit,
Et fidem suam non famem alienam soluit:
Venerat ut vinceret,
Vidit nos inuitos esse, & fugit:
Hac fuga Rupellensis si Raana ingatur,
Testatum Anglia reliquit omnibus,
Si vires manibus defuere;
Non defuisse animos pedibus;
Et si vincere in terra nescires,
Scire se in mari fugere.*

XXIV.

*Secunda Classis ijs ignibus armata venit,
Ut orbem incensura crederetur:
Verum agger ignes non metuit, qui imperat Aquis:
Atque id unum Ludouici triumphis deerat,
Ut post superatas cum terra Aquas,
Quartum Elementum superaret.
Nec otiosus tamen hic secundus aduentus fuit,
Tardè ad suppetias Anglus venit,
Maturè ad exequias:
Vindex esse obsidionis non potuit,
Testis fuit deditionis:
Nec inusiles tamen Anglorum ignes fuerunt.
Praluxere Rupella exequijs,
Et triumphis Ludouici:
Ne sine numine id factum putes,
Anglorum ignibus Franci,
Diu ante candelabra parauerant.*

*Quid expectas infelix Rupella?
 Disce toties superata semel vinci,
 Iam te Elementa destituunt, iam natura deficit;
 Quid sola rebellis expectas?
 Nec te rerum ultima Regi tuo dedis?
 Iam tredecim ciuium tuorum millia fames absumpsit,
 Si longius resistis, breui hic te status excipiet,
 In quo nec vinci poteris, nec seruari.*

XXVI.

*Quis credat? post victa tria Elementa
 Tandiu resistit, quamdiu quartum Elementum supersuit,
 Et sufficere aerem putauit qui auihus ipsis non sufficit.
 Denique corrupto peste, & morte aere
 Tunc desperauit, cum spirare ultra non potuit;
 Quid primum admirer in ea victoria,
 Vbi omnia miracula sunt?
 An victoria annum?
 Hic climatericus fuit,
 Eo anno seruata est Rupella quo perire debuit,
 An deditionis diem?
 Victa est Cœlitibus omnibus sacro die,
 Qua omnes Cœlites execrata erat.
 Sed pietatem Regis admirari placet:
 Ille triumphantem in Eucharistia Christum,
 Pedes tota urbe prosequi voluit:
 O Triumphum Cœlo spectatore dignum!
 Antiquos triumphos sequebantur Reges captini,
 Sequitur triumphantem Christum Victor, & pedes LVDOVICVS,
 Vix vnquam gloriosius triumphauit Deus.*

XXVII.

*Admirare sociam pietatis LVDOVICI clementiam,
 Hac cum iustam iram per tredecim menses collegisset,
 Iram cum Rupella vicit:
 Pepercit abiecta ad pedes Rupella,
 Dum eam calcare potuit;*

Nec

*Nec viuis tantum hostibus pepercit:
Libenter mortuos ad vitam excitasset,
Vt omnibus ignosceret.*

XXVIII.

*Obsignet hac omnia mirabilis Aggeris illustris ruina,
Hic Agger quem nec Rupella suis machinis,
Nec Anglia suis flammis,
Nec mare suis procellis euertere potuit;
Hic Agger abeunte Rege sponte corruit;
Vt probaret se solo eius imperio stetisse;
Capta Rupella superesse noluit,
Ne fideli noceret,
Qui ideo tantum surrexerat
Vt vinceret infidelem.
Relicta est memorabilis valli pars exigua,
Vt sciat posteritas quale hoc miraculum fuerit,
Cuius adhuc reliquias Elementa reuerentur,
Et ne unquam rebellet Rupella,
Dum ultimam ruinam minatur hac ruina.*

XXIX.

*Hic finis rebellis Rupella.
Quis non post eam victoriam vicendi finem fecisset?
LVDOVICO finis unius triumphus gradus est ad sequentem:
Dum captare quietem creditur, iam ad Alpes peruenit;
Nec difficile arduas rupes conscendet,
Cui ad ascensum Rupella substernitur.
Obsidebat Casale Hispanus,
Vt cadentis Rupella fragorem accepit à longinquo,
Vt effracta Susa repagula audiuit à propinquo,
Prudenter ei Victori cedendum putauit,
Cui ipsa etiam natura cessisset.*

XXX.

*Admiratus hanc victoriam Vates Romanus,
Sudate, inquit, artifices foci,
Et metalla in statuas animate,
Si statua adhuc vocales non fuissent,*

*Inciperent nunc primum his verbis loqui,
Venit Iulius Caesar, & vicit quos vidit hostes,
Venit Ludonicus, & vicit quas non vidit acies.*

*Admiratus hunc triumphum Poeta Gallus,
Quale, inquit discrimen Anglos inter, & Francos;
Obsessa Rupella auxilio venere Angli,
Videre obsessos fratres; non adiuuere,
Obsessi Casalis auxilio venere Franci,
Obsessam urbem liborant quam non videre.*

XXXI.

*Quid si eam victoriam ut spectarent,
Noui apparuere Soles,
Vix Alpium iuga LUDOVICVS ascenderat,
Cum ecce sex Italiam Soles illustrant,
Quinque Roma numerabat,
Sextum adorabat Susa,
Sed huius sexti quinque alij Soles parelia erant:
O nouum oculis sed maius ingenijs spectaculum!
Quinque Soles apparent, ut maior solito numerus,
Significet spectaculum supra naturam esse:
Roma visuntur, ne quis de eo prodigio dubitaret,
Quod credendum Roma proponeret,
Media die in aere consistere,
Ut omnes oculos oblectarent,
Per tres horas subsistere,
Ut omnes aspectus satiarent.*

XXXII.

*Quam pertinax malum harosis est!
Ausu est Regi suo reluctari,
Cui Alpium iuga cesserunt:
Nec aduertit Ludonicum dum ad alta conscendit,
Solo descensu posse rebellem obruere:
Priuatium vrbs arte, & natura munita,
Obsidionis Regia laudem ambiebat:
Id affecuta est, ut ubi priuatium erat,
Nihil hodie nisi cadauer urbis, & priuatio sit.
Territum hoc supplicio Montalbanum*

*Vt prima obsidionis memoriam aboleret ;
 Secundam expectare noluit ;
 Paruit urbs sapientissimis magni Cardinalis consilijs ,
 Spemque omnibus fecit ,
 Breui se Romano Pontifici credituram ,
 Qua Cardinali iam credidit .*

*Nemausus hoc exemplo prouocatus ,
 Munitiones nouas sponte destruxit ,
 Vt retineret antiquas ,
 Timuit arena sua , & amphitheatro ,
 Ne ubi quondam fera luserant
 Ipsa rebellionis , & perfidia ludus esset .*

XXXIII.

*Denique haresis citra omnem pratextum tunc paruit ,
 Cum nullas amplius arces pratendit :
 Centum anni erant cum in hanc potentiam excreuerat ,
 Vno momento consenuit :
 Gloriabatur trecentas sibi arces esse , totidem annis expugnandas ,
 Ludouicus totidem diebus eripuit ,
 Addebat pecto se quinquaginta pralijs cum Rege decernere ;
 Vno pralio victa est ne toties interires .*

XXXIV.

*Vix intra Galliam pax erat ;
 Cum Gallica arma iterum Casalis implorat ,
 Obsidebat Casale Spinola ea rerum gestarum gloria ,
 Vt sola nominis fama captura urbem crederetur ;
 Et certe vicerat nisi tum Ducem opposuisset Ludouicus ,
 Quem aequalem sibi hostis ipse laudauit .*

Dum vincere Annibalem Marcellus non potest ,

Æquali utriusque gloria

Casale utriusque diuisum est .

Tantique momenti urbs una credita est ,

Vt in altera eius parte ,

Duo Reges triumphare se crederent .

Indutiarum ea conditio fuit , ut nisi ad dictam diem

Armatus Francorum exercitus præsto esset ,

Toto Casali excideret .

Ad.

*Adfuere audaces, & armati Franci,
Post victam famem, & pestem, & seipso:
Veneratus fortunam Ludouici Hispanus,
Accedentibus ad Casale Francis,
Officiosè decessit è via,
Et dum depositam urbem restituit,
Non minus fidelem se, quam tenacem probauit.*

XXXV.

*Eò gloria Ludouicus ascenderat,
Vt quò altius euaderet, post superatas Alpes non haberat:
Ausus est tamen morbus ad illud gloria culmen adrepere
Scilicet id unum Ludouico deerat, post omnia superata,
Vt de ipsa etiam morte triumpharet.*

*Tentaui eum Lugduni periculosus morbus,
Penè illic vitam exiit,
Vbi eam primùm conceperat.
Vnde vigesimum voluebat ætatis annum,
Nec breuiorem vitam conquestus est,
Nec longiores annos optauit, sed æternos:
Mensis idem & dies erat quo lucem primùm aspexerat,
Eum diem eodem vultu,
Et salutauit ut primum,
Et adorauit ut postremum.*

*Æquales tunc dies lucebant,
Nec mirum sol in cælesti libra erat;
Æqualis erat Ludouicus sibi ipsi,
Etiam dum Eclipsin expectabat.*

XXXVI.

*Iacebat interea afflicta mærore Aula Regia,
Et cum Rege suo tota Gallia laborabat;
Flere omnes,
Ille omnium lacrymas his verbis leniebat,
Quid fletis si eò pergo, ubi amplius mortalis non ero,
Regnum non amitto, sed muto,
Nemini plus iuris in Cælo est, quam Regibus Gallia,
Illic lilia deesse non possunt,
Vnde olim venerunt.*

*Se d digniora cedro exempla quam verba ,
 Ignosci sibi ab omnibus voluit ,
 Qui neminem offenderat :
 Generales conscientia rationes ,
 Apud Confessarium ea seueritate posuit ,
 Vt iustus hoc etiam nomine videri possit .*

*Christum in Eucharistia ,
 Aspexit ut presentem ,
 Credidit ut latentem ,
 Excipit ut via ducem ,
 Adorauit ut aternitatis Regem .
 Creduntur hac omnia mortem terruisse :
 Nunquam eam grauius penituit ,
 Quam dum Ludouicum sic armatum tentauit :
 Denique redijt ad sanitatem Ludouicus ,
 Renixit cum eo Gallia ,
 Et mors ita territa recessit ,
 Vt diu speretur non reditura .
 Viue , & de nostris Regi Deus augeat annos ,*

Prosequi reliquam vitam Authori non licuit .

LVDOVICI XIV.

ADEODATI

ELOGIVM GENETHLIACVM.

DEDERVNT primũ nomen Parentes, & impetrarunt secundum:
*Nec tamen dedissent primum, nisi Deus donasset secundum,
 Non esset Ludouicus XIV. nisi esset Adeodatus .
 Inter miracula natus est , inter vota conceptus erat:
 Die Sancto Xaucio sacra conceptus creditur ,
 Procurauerat Xauerio honores sacros Ludouicus ,
 Procurauit Ludonico heredem Xauerius .
 Orauerat saepe Regina , & scuerat ,*

*Et lachryma sæcunda fuero ,
Lacrymis suis seruntur Lilia.
Currente sæculo natus est ,
Vt totum cum Patre coronaret ,
Mense Decembri in lucem editus est ,
Vt mensis idem Parentibus , & liberis natalis esset ,
Ludonicus , & Anna hoc mense in lucem exiere ,
Hoc mense iniere coniugium ,
Hoc mense Parentes fuere .*

*Nonis S. Victorino sacris in lucem prodijt ,
Vt nomen , & dies victorias pradiceret :
Hora de die undecima ,*

*Penè dum nascitur meridiem attigerat :
Lucebat interea è Cælo signum Virginis ,
Et Leonis ac Libra rigorem temperabat ,
Excipiebat hos influxus Ludouicus nascens ,
Et generosis ac insis spiritibus clementiam admiscebat ,
Non potuit sub Astris melioribus nasci ,
Nullum in ortu portentum est ,
Nullum monstrum in vita erit ,*

*Plus tamen debet Ludonicus Deipara Virgini ,
Quam signo cælesti .*

*Vix assumpta erat à Ludouico in Patronam Regni ,
Cum Patrem fecit ,*

*Adiuit oblatam hereditatem , & heredem dedit ;
Idcirco inter Assumptam Virginem , & nascentem editus est ,
Vt debeat nascenti vitam , & Assumpta coronam .*

*Timete hostes Galliam , si timetis Mariam ,
Ex quo Ludonicus Iustus deuouit Maria Galliam ,
Regnum Gallia est Regnum Maria ,
Et Virgo Deipara est penè Regipara .*



VOTVM PRO DELPHINO¹²⁷

VT SIT PARENTI SIMILIS.

VIVE, vale, & vince heroum purissime sanguis,

Et nostri fortuna ami : dum Te astra salutant
Progeniem venerata suam, dum publica vota
Cuique licent ; votis unum communibus addo ;
Cresce Puer, Patremque tuis virtutibus aqua,
Nec possum tibi velle minus, nec fingere maius ;
Cerne Patrem, Regesque omnes spectabis in uno ;
Nec tamen impletur cunctis ; versetur imago
Ante oculos tibi nota tuos, ne exempla require
Mortua, prasenti viuunt in imagine Reges,
Maiores quam in se, ne quare per extera regna
Quod natale tenes, prasens apparet Achilles,
Coram Casar adest, viuuntque domesticus Hector,
Gentiles in Patre tuo ; sic splendet in una
Pantarba gemma omnis honos, germana pyropo est,
Sed non tota rubet ; credas viridem esse smaragdum,
Sed non tota virescit, minor est carbunculus in se,
Maior in hac herede sua, qua possidet una
Quos alijs diues gemmis partitur honores,
Sed nullas ex asse beat ; sic colligit omnes
Heroas Pater, & maior superaddit honorem :

Hunc Te aquare decet, sic fies Gallicus Hector,
Sic iterum prasens in Te visetur Achilles,
Sed tantum pars una tui.

Et licet in Patris vultu spirantia videntur :
Virtutis simulacra omnis ; tamen ominet inter
Tot formas pietatis honos, amor amulus aequi,
Et virtus immota malis : sic nobilis Iris
Quamuis tota micet, nec opaca obnubilet umbra,
Et nubes sit tota color ; tamen anteit omnes
Caruleus, viridisque decor, flauisque venustas,
Et triplex fit in arcu arcus ; sic Patris in ore
Emicat omnis honos, tamen hac tria lumina vincunt,
Iris in ore triplex : talem Te publica vota
Exoptant ; cresce ergo Puer, virtutibus auctus,
Et patrijs assuesce bonis non paruulus hares ;

*Maturè propera, veloxque attinge Parentem
Vt possis Pater esse diu.*

*Non satis optavi, regalia crescite vota
Vt crescat per vota Puer, similem esse Parenti
Voximus. id magnum est, sed nunc maiora vouemus,
Vt maior sis Patre tuo; nec deprimo Patrem
Dum Natum attollo, non est ignobile vinci
Palmam à te dum victor habet, victoria nati
Vincentis sit palma Patris, communis utrique
Crescit honos, gaudet vinci quia vincere fecit.*

*Ac velut in vacuo sol pulchra parelia format
Luce sua pictor, credas solem esse gemellum,
Et dubium est, sitne ille Pater; spectatur imago,
Nesciturque Author; duplex apparet & idem est;
Si tamen Authorem pretiosa excedat imago
Nulla Patri fraus est, superari in imagine gaudet
Cui superare dedit, vincit quia vincit imago.*

*Tu quoque cresce Puer, nec magnum equare Parentem
Aut superare time; cresce, & crescetis uterque,
Ille tua laudis consors, Tu sanguinis hares.*



129

EDV CATIO REGIA

L V D O V I C I X I V .

Ad Eminentissimum Ecclesiæ Principem
Cardinalem

I V L I V M M A Z A R I N V M .



MA VIS Sapientiæ Regiæ Minister esse , quam Ma-
gister, (C A R D I N A L I S E M I N E N T I S S I M E)
imitaris eas stellas, quæ circa Solem de nouo de-
prehensæ appellantur comites Solis , & ministræ;
eæ lucem Solis è propinquo hauriunt, non tam si-
bi, quam orbi; propterea subtiles sunt vt radios So-
lis excipiant, fideles ne retineant, pellucidæ vt transmittant; ipsæ
ministerio suo contentæ videri nolunt, vt per eas Sol videatur; sed
dum non videntur separatæ , videntur coniunctæ , felices dum se
cum suo Sole confundunt.

Nemo aptior est instituendo Regi quam Tu qui antiquæ . Sa-
pientiæ discipulus, Magister es nouæ; inuenisti nouam artem Sa-
piendi quam ipsa sapientia nesciebat ; hæcenus aliter sapiebant
Itali, aliter Hispani, & Germani, conflasti ex pluribus sapientijs
vnam, & fecisti Gallicam; miratur Italia sciri se à Gallia , neque à
se Galliam sciri; miratur Germania Gallos sapere Germanicè, nec
tamen Germanos Gallicè; facit hoc ministerium tuum : Magister
es Europæ, dum es Minister Galliæ.

O si Ideam Sapientiæ tuæ dictare velles Mazarine , quæ my-
steria orbi detegeres! Da veniam si describo Ideam sapientiæ non
facis similem tuæ, nemo Ideam Solis æqualem pinxit, nisi Sol ipse
dum parelia facit ; patitur tamen Sol alias imagines sui , & se li-
benter intuetur etiam dissimilem sibi; Agnosces forte in hac Idæa
mea vmbra aliquam tuæ , amat Sol vmbas quas facit ; felicem
me putabo, si dum sol ingeniorum es, sim vmbra aliqua Tui.



EDVCATIO REGIA

LVDOVICI DECIMIQUARTI,

CHRISTIANA, ET POLITICA.

P A R S P R I M A.

I.

AGIS annum septimum LVDOVICE, & excedis; metitur alios ætas, tu ætatem metiris, sequuntur te anni quæ præcurrunt alijs, antecedis ætatem virtute, sapis ante annos, & qui in alijs esset annus septimus, in Te est penè decimus quartus.

II.

VIS ostendam tibi primos rationis radios quos iam vidisti; vis proponam futuram sapientiam qua iam sapis; & appello educationem Regiam Christianam, & Politicam, quia uterque esse debes Politicus, & Christianissimus; coniungo utramque, nec confundo, perfecit Deus virtutes politicas dum fecit Christianas.

III.

DEVS REX EST.

ANTE omnes Reges est Deus, qui ut nobiles subditos haberet, fecit Reges; hic nunquam incepit Rex esse, & semper Rex fuit, hic ut hæredem Regni haberet, filium Regem genuit: uterque dum Regem se diligit amorem Regem produxit; sic intra Deum tres Personæ regnant, nec tamen sunt tres Reges: hæc prima lectio tua Ludovice, quam ut intra te discas, imprestiti illum intra te Deus; non eges Magistro ut Deum, scias, Magister tui est intra te Deus, & Te intra Te facit Magistrum tui.

QUALIS DEVS.

GERIT coronam Deus quam non accepit, nec debet alteri sceptrum suum, nec debet sibi; auctorem non habet, neque ipse est auctor sui; antiquissimus non habet originem, æternus non videt finem, infinitus nihil acquirit, immutabilis nihil amittit, post omnia potest plura, scit aliquid ultra verum, amat aliquid supra bonum; vbique est sine loco, extensus sine spatio, præsens omnibus sine situ, mouens omnia sine motu: Deus est id quo nihil est melius, Deus Rex est, nec tamen Rex est Deus.

V.

REGES A DEO.

IMPRESSIT Deus aliquid sui Regibus vt penè sint Dij; humanum est quod cernimus, diuinum quod timemus, atque hoc appellatur Maiestas Regia: latet intra Deum Diuinitas, & apparet; sentitur, & nescitur; vis definire Deum Rex est; vis definire Regem est personatus Deus: amat latebras Deus, sed Regias; gaudet latere sub purpura, & premi se patitur sub corona.

VI.

REX SVM FRANCORVM.

CÆTEROS Reges natura facit aut fortuna, Francorum Reges instituit Gratia: propterea è cœlo Ampulla, & labarum venere donatiua gratiæ. Quales decet esse Reges Francorum quibus è cœlo pluunt tot munera!

Huic oleo mitis collum suppone Sicamber,

Non alijs similis Regibus vnda pluit.

Hæc olim Ludouico primo dixit Rhemigius, & prædixit decimo quarto.

VII.

SVCCEDO REGIBVS.

AVDIO quid intra te dicas LVDOVICE, & si permittis explico: succedo Regibus sapientissimis, magna mihi im-

posita est necessitas sapiendi; hæres sum sanctissimorum Regum, virtus in alijs libera, in me est necessaria; Caroli, Philippi, Henrici, Ludouici Maiores mei sunt, & maiorem me volunt; idcirco deerunt vnde vincerem vt vinci possent: nec tamen hæc mea ambitio est victorem esse, satis mihi est non esse degenerem; nec degener ero, si similis sim, vel æqualis: & dum maior esse non possum, si non sum minor.

VIII.

SUCCEDO LUDOVICO.

NEPOS sum Ludouici Sancti, & filius Iusti, appellare potui vtrumque Sanctum, & vtrumque Iustum, sola ætas vtrumque distinguit non vita; vtrumque imitari volo, & si Sanctus esse non possum, ero iustus.

IX.

REGINA.

MATREM habeo ei similem, quæ Ludouicum Sanctum peperit, & me format æqualem; nihil docuit BLANCH quod ANNA non suggerat; & quod illa donauit, hæc restituit; plus aliquid tamen Matri debeo quam cæteri Reges: alij sanguinem debent, ego etiam lacrymas; viginti annorum lacrymis parituriuit me Mater, & votis peperit: liliorum hoc priuilegium est posse nasci e lacrymis.

X.

PATERVVS.

PATREM mihi maturè mors abstulit, & reliquit; supplet Patrem fidelis Patruus, atque vt appareat amor & fides, partem aliquam honoris recusauit, & nullam oneris; Reginam ex lege Gallica Regentem esse voluit; ipse Regis gratia contentus Patrem mauult supplere quam Regem.

CONSANGVINEVS.

PARTEM alteram consilij ille facit, qui solus consilium implere posset; ille præterita nouit, & penè futura aspicit; ille obsequijs meis impendit seipsum & filium, vterque Aquilæ, & Leoni similis, nec Leonem amat, nec Aquilam, vt me amet.

XII.

MAZARINVS.

CONSILIARIAM habeo in MAZARINO Ecclesiam, & Europam; scit ille quid aperiant Claues Romanæ, & quid claudant, scit Europæ mysteria, scit Aquilam, scit Leonem, scit Apes, scit arma, scit Pacem, scit Reges, & Principes; atque idem omnium Regum Magister esse posset, nisi vnus Minister esse mallet.

P A R S S E C V N D A.

I.

DELIBERANTIS naturæ Idea prima fuisse creditur de formando Rege, minorem se credidit, nisi Regem pareret, & post partum minorem se inuenit, dum maiorem peperis; Deus ipse nihil intuetur Rege maius; intra se videt se Regem, extra se in Rege se videt, sed maiorem.

II.

QUALIS ERGA DEVM REX ESSE DEBET.

AVDI qualem te velit Deus LVDOVICVS, vult te esse similem sibi, non æqualem; credidit tibi Regis vices, non Dei; nec æternum ius Regni concessit, sed breuem vsu; cœpisti Rex esse, & esse defines; succedet tibi sceptrum tuum, non tu illi; Agnosce Te minorem Deo, delere potest omnes purpuras, qui omnes tinxit, & qui ex cinere fecit Reges, potest ex Regibus cinerem facere.

QUALIS ERGA REGNUM.

Sic administra Regnum ut Deus mundum; inde petas oportet exempla regnandi, unde est autoritas Regni; credant subditi latere intra te Deum & apparere, credant imperare dum loqueris, misereri dum parcis, irasci dum punis: magna tibi imposita est necessitas sapiendi, sapere debes ut Deus; regat te hæc Idea dum alios regis, sic ageret Deus; excitet Te mane hæc cogitatio, hodie gerenda mihi est persona Dei; claudat diem hoc examen, Deusne hodie an homo fui?

IV.

QUALIS ERGA MATREM.

Talis esto erga Matrem, qualis est erga Te Mater; peperit Te illa sentel, & semper parturit; formavit Te intra se hominem, extra se Regem; & Tu vitam illi debes unam, & alteram. Non satis dixi, habes in femina virtutes virorum, habes in Regina exempla Regum; & quamdiu illa reget habenas Regni, nec Tu carebis Patre, nec Gallia Rege.

V.

QUALIS ERGA SANGVINEM REGIVM.

Hic purpurarum fluuius est, nulla ferè trabea est quantus hic sanguis non tinxerit; probant omnes ferè coronæ antiquitatem suam ab hac origine, splendorem ab hoc colore. Reuerere hunc Sanguinem **LYDOVICE**, quem hauris à centum Regibus, & quem centum Reges haurire debent; pretiosum puta quidquid consanguineum est; omnis sanguis Regius concolor est, & fluit ab eodem fonte: regnare poterat secundus sanguis, & tertius si fuisset primus.

VI.

QUALIS ERGA NOBILITATEM.

Hæc est Gallici Regis gloria plures numerare nobiles, quam multi alij indigenas milites: Hi ad arma nati, aut alieno san-

sanguine rubere amant, aut suo; nulla fere est mundi plaga ubi non vicerint; Gallicus esset pridem orbis terrarum si hæc nobilitas semper pro Rege vicisset; Augenda est honoribus L V D O V I CÆ, hæc nobilitas ad honores nata; quærendus illi hostis foris, ne inueniat domi: præeat illa Tibi semper, aut sequatur te; potes cum illa recuperare vtrumque imperium, quod olim fuit tuum.

VII.

QUALIS ERGA MINISTROS REGIOS.

MINISTROS Regios eligi tales oportet, non tales nasci; meliores efficiet sapientia quam natura; Elige in illis virtutem, falli non potes si virtus seruiat; adde ingenium virtuti, satis illa non sapit si est sola: At Tu, Rex maxime, effice eos magnos ne velint crescere; nemo sit à quo sperent maiora, & quem velint maiorem Te: sciant se amari ne inuiti seruiant, sciant se videri ne fallant; dignus es cui purpura seruiat, etiam sacra; nulla est Eminentia quæ non sit Te minor.

VIII.

QUALIS ERGA POPULUM.

FRANCI sunt quibus imperas, amant libertatem quem donarunt orbis; id vnum nunquam didicere, iugum pati; sint primi inter populos dum Te faciunt primum; participant victorijs tuis, dum pro Te vincunt; ne sint miseri sub Te beato; crescant dum augent Te, & dum extendunt limites publicos, ne amittant suos.

IX.

QUALIS ERGA ECCLESIAM.

VT Christianissimus esces quæ fuit Ecclesia oleum è Cælo, quo Te vngeret; collegit inter Astra flores quibus Te coronaret; donauit labatum sub quo Deus ipse pugnaret; addidit strumarum miraculum vt maior natura Rex esces; Nemo Ecclesie debet plura quam Tu, fac vt nemini plus debeat Roma quam Tibi: habeat apud Te ius Asyli, inueniat intra Galliam alteram Romam; nec se exulem putet dū Tu illi Patronus, & Gallia Patria est;

QUALIS ERGA EVROPAM.

MAIORES tui donarunt coronas, quas alij ambiunt; maluerunt populos habere fœderatos quam subditos; diuiserunt regna quæ confundere poterant, & cum facere vnâ domum ex Europâ possent, maluerunt ex vna domo facere Europam; propterea tuum est tueri coronas quas dedisti, & tuum est seruire Regnorum limites quos olim fixisti: sciat se esse hostem Galliarum quisquis est hostis Europæ; tunc facti sunt Maiores tui Christiani orbis Patroni, cum noluerunt esse Domini.

XI.

QUALIS IN BELLO.

NVL LVM Bellum honestum puta nisi sit necessarium; nemo Te hostem sentiat nisi nocens, & semper armet Te iustitia prius quam vindicta: si bellum gerendum est, administret illud virtus non scelus: nolo Te victorem esse cum crimine: finiat victorias tuas hostis victus, cessa vlcisci post vindictam; nouum, victoriæ genus est scire parcere: meretur veniam superatus hostis cum illa petit.

XII.

QUALIS IN PACE.

AMA Pacem intra Galliam; nullum bellum periculosius est quam ciuile: inuictus erit Francus quamdiu non vincetur à se: Ama pacem Europæ cuius es arbiter; nulli vult seruire nisi Tibi; nec Tu eam vis seruit re, quam fecisti liberam: nec tamen otiosam pacem volo; necessarius est hostis Franco, ne fiat hostis suus: nec deerunt hostes dum non deerunt scelerati, quisquis est hostis publicus potest esse tuus.



137

T E R T I A P A R S.

M O R E S R E G I I.

MO R E S Regij debent esse virtutes, cæteris hominibus singulæ ferè sufficiunt; pauciores Rex habet, nisi habeat omnes; implere non potest coronam vna virtus, nec regere sceptrum natura si est sola: nulli tamen virtus æque necessaria est, ac Regibus Galliæ, facit eos Reges Dei Gratia; at hæc Regina est, & Gratiæ Aulicæ sunt virtutes.

I.

F I D E S R E G I A.

FE C I T Deus nobiles fidei testes dum fecit Reges; occultat se alijs Deus, Regibus se reuelat, sentiunt intra se Deum quem alij credunt, & fides in alijs cæca, in Regibus Galliæ penè est oculata; nemo tamen melior fidei testis est quam Reges Galliæ: credunt alij miraculis, Reges Galliæ miracula faciunt; propterea fides in alijs libera, in Francis penè est necessaria.

II.

S P E S R E G I A.

CA D V C A esset Regum conditio, si semel tantùm Reges essent spectare debent alteram coronam post vnâ; & postquam desierint esse homines, adhuc erunt Reges: Nemo sperare plura potest in cœlo quam Reges Galliæ, & nemo iuris plus habet; venit illis è cœlo Auriflamma vna, & mansit altera; florent etiam nunc lilia inter Astra: macte animo, L V D O V I C E, post regnum liliorum potes esse Rex syderum.

III.

C H A R I T A S R E G I A.

A M A T Deus Reges, & amari vult à Regibus, Deus vt nobiles amatores haberet creauit Reges, & solus amore Regum dignus

dignus est Deus : nemo tamen plus amatur , aut amat quam Reges Galliarum ; amarunt Deum Regum primi , & amabunt ultimi . coronabit mundi vitam amor gallicus , atque eadem erit corona ultima quæ fuit prima ; Amauit te Deus L V D O V I C E antequam esses , idcirco venisti in lucem tardante natura , vt donum esses gratiæ ; at gratia idcirco datur , vt ameris , & ames .

IV.

PIETAS REGIA.

ALLOQVNTVR se duo Reges , cum Deus oratur , & Rex orat , placet Deo supplex purpura , & facile cælum audit preces coronatas : nulli tamen pietas promptior esse debet quam Regibus Galliarum ; in ijs ante virtutem ipsa ferè natura est pia : Inter tot Reges pauci minus boni , nulli fuere impij : Pepererunt Te vota L V D O V I C E , vt paterent pium , lacrymarum , & precum filius , potes à lacrymis appellari Pius .

V.

PRUDENTIA REGIA.

VI D E R I debent à Regibus futura , dum alij vident præsentia : Atque hæc est prudentia Regia , studere futuris dum alij student præteritis ; antevertere euentus rerum , præoccupare res agendas , occurrere malis venturis , supplantare hostes futuros , pugnare ante pugnam , & ante quam vincas reportare victoriam : hæc debet esse prudentia tua L V D O V I C E , anteverte annos venturos , age antequam agas , absolue antequam incipias , & quidquid olim extra te futurum est , iam intra te fiat .

VI.

FORTITVDO REGIA.

PRIVILEGIUM Regum est nasci fortes ; licet omnis sanguis concolor sit , non omnis tamen est æqualis ; natat intra venas sanguis Regius , & plenus spirituum statim vt vivit iam Regem se probat : Nec vllus tamen sanguis generosior est quam Gallicus , nec vllus animosior quam tuus L V D O V I C E ; teneri non

non potuit statim ut lucem sensim; ebullit intra venas, atque ut pugnaret exitum petit; secunda fuit vena Infanti, roravit purpureo sanguine, quæ vix in alijs maduifcet lacte; quid facies post virum Ludouice, qui fortis eras ante puerum; teneri non poteris intra Europam, qui vix teneris intra Galliam.

VII.

IUSTITIA REGIA.

HÆC virtus intra Deum tribunal habet, index est Orbis Deus atque idem thronus Regi seruire, & iudici; hæc prima origo Iustitiæ; inde descendit ad Reges, quos Deus sedere nollet in throno nisi vellet esse iudices. Nulli tamen charior esse debet Iustitia quam Tibi, *L V D O V I C E*, idcirco Patre iusto natus es, ut nascereris iustus; propterea seruasti nomen Ludouici, ut retineres titulum Iusti.

VIII.

TEMPERANTIA REGIA.

PVLCHEVM est imperantem alijs, Regem esse sui; facit hoc Temperantia dum imperat libidini, & Regem regnare facit meliore parte sui: Quis cum Regem appellet qui seruit iræ, & amoris turpe est extra se dominum esse, & intra se seruum; id coherere *L V D O V I C E*, ut maior alijs non sis Te minor, nihil intra te seruiat nisi pars inferior; sceptrum gerat prius animus quam manus; coronam prius rationem quam frontem, atque imperaturus alijs, esto prius imperator Tui.

IX.

HYMILITAS REGIA.

DI GNVN. Cælo spectaculum Rex humilis sub purpura, & modestus sub corona; vulgare est sub sacco, & cilicio superbe non sapere; illud difficile, & heroicum est sedere in throno, & humilem esse: Quam grata sit Deo hæc virtus ex eo collige, fecit se hominem Deus, ut faceret humilem, & flere didicit, ut Deum celaret: Disce à Deo hanc virtutem, *L V D O V I C E*, magnum te vult Deus, & humilem; novum magnitudinis genus est, unde decrescis, inde magnum esse.

CLEMENTIA REGIA.

HÆC est virtus Cœlorum tonare, nec lædere, vlcisci posse, & parcere, lædi iniurijs hominum, & bene facere: sic agunt Planetæ & sydera, ludunt radijs, & vlciscuntur se beneficijs: altior est Planetis, & Stellis hæc virtus, non alia est natura Dei quam Clementia, & benignitas; dum conderet Deus vniuersitatem rerum, partitus labores sex diebus requieuit septima die, quia inuenit cui parceret: Imitare hanc virtutem *L V D O V I C E*, nemo est corona dignus qui nescit parcere, ille est corona dignus qui ignoscere mauult, quam punire.

XI.

LIBERALITAS REGIA.

NVLLA re propius accedunt ad Deum Reges quam liberalitate: non esset Deus nisi donare posset; neque vnquam dedit aliquid maius quam dum donauit Reges, quos idcirco facit diuites vt faciat liberales: natus es cum hac virtute *L V D O V I C E* dum à Deo datus es: propterea donum Dei es vt donare possis: existima hanc diem perijsse tibi qua nihil dederis: volo tamen Te liberalem esse non prodigum, da præsentis diuitias non futuras, inueniant Te anni sequentes diuitem vt inueniant liberalem.

XII.

SCIENTIA REGIA.

INGENIORVM Te Regem esse oportet, non tantum corporum; nec potes regere ingenia nisi ea noscas, nec potes ea nosse, sine scientia, inuitari te solem volo, illustrat stellas quibus imperat, & prius est Rex radiorum quam syderum: discant Te subditi *L V D O V I C E*, non doceant; habeat Te Gallia Dominum, & Magistrum; oculatum sit sceptrum tuum, videat quod imperat, neque apud Te Regem sit virtus ignara; experiatur Te bellum Martem, & Pax Apollinem, yterque esse debes, vt feliciter imperes.

CONSCIENTIA REGIA.

HÆC est Magistra Regum, & Domina; hæc intra Regem thronum habet dum Rex in throno sedet: hæc Reges admonet, hæc accusat, hæc laudat; hæc alloquitur purpuras sine rubore, hæc accusat coronas, & sceptrum non timet; hæc interest consilij arcanis & publicis; hæc ostendit facienda, hæc examinat facta; hæc est quam nihil latere potest, quia quidquid latet intra illam est; reuerere conscientiam tuam L V D O V I C E, ut illa vereatur Te; neque illam celare aliquid potes; neque illa celabit Te: innocens es si illa non accusat, iustus es, si illa Te laudat.

DEUISES ROYALES.

AV SACRE DV ROY LOVYS XIV.

I.

Vne malsue d'Hercule.
Et belli, & tessera pacis.

ECPHRASIS POETICA.

MV R M V R erat Superos inter quis traderet arma Alcidi, ut monstris terras purgaret, & orbem, Suppleretque Deos terris; ipse, inquit Apollo
Arma dabo, splendentem arcum, celereque sagittas,
Et pharetram fato gravidam, tela ille vibrabit,
Ipse oculos dextramque regam; Mars obtulit ensen,
Et clypeum, fugiuntur ait, fugiuntque sagitta,
Hunc ensen mors nulla fugit; mea, Iuppiter inquit
Progenies armanda mihi est; placet igne trifulco
Harades armare manus, dumque ipse tonabo
Astra super, sub me ille tonet, Patremque Deosque
Exhibeat terris, & tutum præstet Olympum,
Securosque Deos.

O Pater , ò Dini meliorem sumite mentem
 Pallas ait , noui Alcidem , Alcidisque furorem ,
 Si Martis gladium , si trañet Apollinis arcum ,
 Si partium fulmen , postquam purgauerit orbem ,
 Post domitos terrarum hostes , tentabis Olympum ,
 Et superis fiet peior Titanibus hostis :
 Arma tamen sunt danda homini , sed noxia monstris ,
 Non Superis ; nodosa mihi famulatur Oliua ,
 Ex illa Clauam effingam , qua commoda belli ,
 Et Pacis studijs utriusque inspiret amorem ,
 Et Superis sit sacra Dijs .

Assensere Di , mox grandi Pallas oliua ,
 In Clauam versa Alcidem donauit inermem ,
 Dum vino madidus frondente sub Arbore stertit ,
 Pigmaosque inter somnum vincire volentes .
 Exterret statu , & solo debellat odore :
 Euigilans ille , & plenam densa arbore dextram
 Miratus , sensit bellicue & Pacis amorem ,
 Agnoscensque Deam ex olea , dedit oscula Claua ,
 Iurauitque fidem Superis .

Denique purganis monstris horrentibus orbem ,
 Restituit pacem terris , Cæloque pepercit ,
 Et Numen post fata fuit .

Quam dedit Alcidi mendacem fabula Clauam ,
 Hanc Tibi veracem Clauam tua Gallia tradit ,
 Hanc Lodeise geres , erit hac quoque cognita monstris ,
 ET BELLII vindex , ET sacra TESSERA PACIS ,
 Alcides Tu verus eris .

II.

Vn Soleil formant des Parelies.
 Quos pinxit delere potest.

EPIGRAMMA .

QVOS PINXIT DELERE POTEST, hac Regia laus est,
 Possè sibi similes pingere , nolle pares.

Vn Soleil couronné d'un Alo.
Me nubila victa coronant.

EPIGRAMMA.

Insidiata mihi ME NUBILA VICTA CORONANT,
Hofis erat qui nunc est diadema vapor.

TROIS DEVISES
 SVR LA MALADIE DV ROY
 LOVYS XIV.

I.

Vn Lys mourant sur son oignon.
Impediunt nec Regna mori.

EPIGRAMMA.

Suppositum calcat moriens flos Regius orbem,
Nec florem IMPEDIUNT subdita REGNA MORI.
Nec Te orbis, nec Te sceptrum Lodoice iuuabit,
Ipse etiam mortis subditus orbis erit.

II.

L'œillet de Virgile languissant.
Nec iam Mater alit tellus.

EPIGRAMMA.

Qualem Virgineo demersum pollice florem,
Sen mollis viola, sen languentis hyacinthi,

*Cui neque fulgor adhuc , nec dum sua forma recessit ,
NEC IAM MATER ALIT TELLYS ; viresque ministrat ;
Talis erat LODOICE , tua hac languentis imago .*

III.

*Vne Estoile qui semble tomber.
Frustra casura timetur .*

EPIGRAMMA.

*Fixa est , & FRVSTRA cælo CASVRA TIMEVR ,
Stat globus , & firmo est insita stella globo .
Tu quoque casurus frustra LODOICE timeris ,
Fixus es , & sato est Gallia fixa tuo .*

L V D O V I C I X I V .

PERICVLOSE ÆGROTANTIS.

PARÆNESIS AD FRATREM.

*A V D I Borbonides frater verba ultima fratris ,
Quo mea sit fortuna loco , quò vita redacta ,
Quid fuerit Regem esse vides ; nec me arma tuentur ,
Nec victor miles ; mors tela irridet , & arma ,
Et telis , armisque caret ; datur ultima vita
Linea , quam nulli fas est excedere Regi ;
Et Regum limes punctum est .*

*Hac est meta mei , repetit Deus ille coronam
Qui dedit , hanc reddo , & vitam ; super altera vita est ,
Es melior ; nec sceptrum illic , nec lilia desunt ,
Illa olim venere polo .*

*At Tu Borbonides frater succede corona ,
Mortali tamen , hanc centum gessete Parentes ,
Et centum amifere Patres ; stat nobile Regnum ,
Et per eunt Regni heredes , & Tu quoque frater
Cæsaris quondam Rex esse , Tuque corona*

Non

*Non tu hæves illius eris; Tibi commodat illam,
Non illam donat propriam Rex publicus orbis,
Francorumque Deus proprius: Te Gratia Regem,
Et Regem facit ipse Deus.*

*Supple igitur regnando Deum, fac Gallia credat
Intra hominem latitare Deum; sic sceptrum teneret,
Sic ageret Rex ipse Deus: dum præmia iustis,
Dum pœnas statuis sceleris, timeatur, ameturque
In Te ultor, iustusque Deus.*

*Audi iterum qualem poscat Te Gallia Regem
Pro-Regem vult esse Dei, similemque Tonanti,
Non tamen equalem; Regem me Gratia fecit,
Nec potuit facisse Deum. Tu te ergo minorem
Crede Deo; constare potest ex pulvere Reges,
Et cinerem me penè vides.*

*Dixerat, & Cælo placuit reuerentia Regis,
Paulatim vires membris rediere, colorque,
Et Rex vicinus cineri sua funera vicit,
Territa mors fugit iuuenem, nec sena redibit
Ad Regem nisi forte Senem.*

LYDOVICO XIV.

OB REDDITAM SANITATEM,

SOTERIA.

LABORAVIT tecum vniuersa Gallia, LYDOVICE, & tecum vniuersa conualuit; senserunt æstus tuos omnes populi, publicus fuit morbus tuus, & maculis febris tuæ omnis Aula purpurata fuit.

Qualis esset priuatus omnium amor probauit amor publicus; nemo est qui vitam suam non vouerit ut seruaret tuam; perire voluit omnis senectus ne perires; obtulit omnis iuuentus annos suos ut augeret tuos; neque irritæ preces fuere; timuit mors vota tam publica, & pepercit vitæ tuæ, ne in vna vita omnes vitas extingueret.

Quis explicet affectus Reginae Matris ægrotante Te, dedit illa
K la-

lacrymas nec steriles; dicuntur lacrymis suis feri lilia, fleuit illa ut te conciperet, iterum fleuit ut seruaret Te; & Tu bis lacrymarum filius; bis illa Regina, & iterum Mater est.

Probauit fidem, & sapientiam suam in hoc rerum cardine Minister Eminentissimus; stetit immotus, etiam oppressus doloribus, sic egit auspicijs tuis quasi Tu ageres, diuinauit quid imperares dum files, quid loquereris dum taces, quid velles si velle posses: auxit victorias tuas dum Tu penè vincereris à Te: prouidit securitati Regiæ & publicæ, fecit ne timerentur pericula Te periclitante; nec timuit præsentem fortunam, nec futuram, fidelis Regno futurus, etiam post Regis cineres.

Quis credat amauit Te hostis ipse, etiam dum vincitur à Te, indoluit ægritudini tuæ, & precatus salutem officiosis verbis, optauit ut viueres, & penè ut victor esses: scilicet adeo est amabilis virtus ut placeat hosti, etiam in hoste: Tu quoque amas virtutem in hostibus, neque vnquam intulisti bellum virtuti, sed necessitati.

At Tu interea **L V D O V I C E**, quo vultu aspexisti mortem, penè præsentem? non excusasti iuuenem, & victorem, & Regem: Agnouisti Te mortalem, maiorem alijs dum viuis, & æqualem dum moreris, dixisti sperare Te æternitatem non timere: super esse illic Regibus Galliæ alterum Regnum, nec deesse in Cœlis lilia vnde olim venerunt; addidisti alia, & qualia sentire solent animæ è corporibus egressuræ; & visus es non tam loqui verba, quam æternitatis oracula.

Nec longè aberas ab æternitate, quam ut inires purus purgasti animum à peccatis sine quibus non viuitur; sic expiatus impleuisti Te Deo hospes Dei; amasti breui videndum, & penè vidisti: mirata mors hoc spectaculum, & territa fugit; non reditura ad Te nisi senem, quem iuuenem experta est immortalem.

Grande adiunxisti periculum **L V D O V I C E**, & prope fuit, ut careremus Te; maturus eras æternitati, & volebat Te illa subtrahere tempori; magna æternitatis inuidia est perfecta virtus, & quidquid peruenit ad summum festinat ad exitum: Annosum Te æternitas credidit dum merita vidit, & iniuria erat reddere Te tempori, nisi esset erga nos beneficentia.

Restitutus ergo es **L V D O V I C E**, non tam tibi, quam nobis: Quantum amant Galliâ Superi qui maturo ad cœlum **LYDOVICO**, carere voluerunt, ut eum Galliæ iterum commodarent! Quantum amat Galliam **LYDOVICVS**, qui cùm æternitatis metas attingeret, adhuc mortalis esse voluit ut Galliâ redderet immortalem!

Nolo

Nolo dicere quo euasuræ res erant si obijsses, malo dicere quo euadent Te bene valente, incipit nouos Triumphos sperare Gallia dum Te videt de morte triumphantem; nec Tu ob aliam causam vinci adhuc à morte noluisti nisi vt victorias de hostibus nostris absolueres; eos triumphos restitura tibi sanitas persuadet, quam superi non reddidissent, nisi diurnam esse vellent: nec diurnam esse vellent, nisi Gallia, & Europæ gloriosam esse decernerent.

V O T V M

PRO DELPHINO FUTURO.

O Hymenæ, ð hymen, non qualem fabula finxit
 Gentilem mentita Deum; sed quale Redemptis
 Proponit populis Ecclesia Sacramentum,
 Nexum hominis, nexumque Dei; sub coniuga verbo,
 Mortalesque inter sponfos durabile vinculum:
 Et nulli violandum homini: Te prouoco votis
 O hymenæe sacris: ades & connubia nocte
 Exoptata diu; pacemque & bella marito
 Coniugio sponсорum vno, plaudentia ducunt
 Astra choros, & quos sociali fœdere iunges
 Sunt stella, solesque duos: nec sola vouemus
 Gaudia, DELPHINVS votum est, & testera voti:
 Hunc sacris concede thoris, & pignore magno
 Tereſiam Matrem, & Lodoicum effice Patrem,
 Et Reges centum Proauos; sis imago Parentum
 Filius, & similis similem demonſtret utrumque,
 Et veteres demonſtret Auos; spectentur in vno
 Permixti heroes, Gallusque; & sanguis Iberne
 Heroem generent, animos ex Matre trahentem,
 Atque animos ex Patre suo; sis liliger hares
 Qualem BLANCHA dedit SANCTVM, qualem edidit ANNA,
 Equalem des uterque Parens; hac gloria Patrum est;
 Hæredes genuisse pares; sis maior imago,
 Hac quoque laus Patrum est hæredibus vſe minores,

*Maioresque alijs : gaudent ab imagine vinci,
Et vincunt in Prole Patres.*

*Dixeram, & oppressis irrepfit somnus ocellis,
Et somnus induxit hymen; ium illustra spectra
Visa mihi; stabant centum gemino ordine Reges,
Liligera gentis Reges, & gentis Ibera,
Ollis dissimiles vultus, diuersaque forma
Maestas similis; vidi Regalia sceptras,
Et timui penè esse Deos: at tu optime vates
Ne timeas subrisit hymen, commercia Pacis
Inter se Reges agitant, olim hostibus hostes
Nunc positis odijs uno certamine certant
Esse pares; maiora animis ego suggero vota
Esse vnos, atque esse duos; si sanguis Iberus,
Et Gallus socij iungantur fœdere lecti,
Et magno coeant diuortia Sacramento.
Audi tractantes connubia Regia Reges,
Infantis, Regisque sacri: dum fœdera firmant,
Interea Regum vultus, animosque latentes
Inspiciam, & varios Pigtor miscebo colores,
Vmbraeque & radios, & pulchra in imagine pingam
Inclusos centum heroes heroes sub uno.
Hic DELPHINVS erit, manibus da lilia plenis,
Dixit, & excussis somnum deterfit ocellis,
Euigilo admirans, & vota, & somnia narro;
Et vates ventura sciunt.*

HOROSCOPVS DELPHINI,

EX PARENTVM ASPECTV.

NON ego vos stella, non vos interrogo Parca
Delphini fors qualis erit, vos fabula vatum.
Non Regum fortuna estis; sibi sydera Reges,
Et Reges sunt Parca sibi; tamen astra tueri
Si placet, Augustum est Mater THERESIA sydus,
Tuque Astrum LODOICE Pater, vos nobile fatum
Vos Pueri fortuna estis; Delphinus vtrumque

Ore,

Ore, oculis, & fronte refert; Theresia tota,
 Totusque est in prole Pater, ne Gallia quare
 Delphini fors qualis erit, Matremque, Patremque
 Aspice, talis erit qualem miraris utrumque.

At qualis quantusque Pater! spectantur in uno
 Quacunque heroes olim fecere beatos,
 Et qua olim fecere Deos; olli ardua forma,
 Maiestas capitis, radiorum innata corona,
 Et toto Rex ore patet; decepta videtur
 Natura humanos homini dum fingeret artus,
 Et pinxit sub Rege Deum. Quid corporis hospes
 Humanis oculis si mens diuina pateret?
 Quos animis, oculisque sui generaret amores?
 Inuitum traherent ad se Regna omnia Regem,
 Et posset satis esse unus.

Coniugis est narrare tuas Theresia dotes,
 Illi tota places, vobisque placetis uterque;
 Tu tamen affectusque tuos, animique vigorem
 Totum impressisti Delphino, & Regia proles
 Reginam, Regemque refert; hac Matris imago est,
 Illa tamen plus Patris habet.

Parue & Magne Puer permitte ut flamina vita
 Aspiciam, non qua fatales nere sorores,
 Finguntur mendace colu, sed qua auspice dextra
 Et volente Deo, magni neuere Parentes;
 O quales video sortes! & qualia fata!
 Longauum aspicias olim Regnare Parentem.
 Exemplisque Puer discas regnare paternis,
 Et regnare voles; ne desint patria regna
 Antiquas repetes patrias, fuit orbis eus
 Gallicus, & per te quondam vult Gallicus esse:
 Iam captiua diu implorat Te Turcica luna,
 Et solem vult esse suum, iam regia Memphis
 Et Tyrus, & Solyma expectant, & Persicus ignis
 Vult radijs lucere tuis, iam cerno cohortes
 Liligeras, partim terris, totoque volare
 Oceano, sed cerno alias Cælo ire cohortes,
 Liligerumque Ducem, toto patet ore beatus,
 Et nonum se prodit Anum; qua verba loquatur
 Non licet ore loqui, at vultu dextraque loquaci
 Ostendit terris palmas, Cælogue coronas.

*Maſte ergo generoſe Puer, tecum omnia pugnant,
Et coniuratis Cælum Tibi militat armis.*

*Nec fruſtra natiua dies, & feſta Beatis
Eſt natiua Tibi; nec inani naſceris hora,
Aſcendente die mediꝝ faſtigia Cœli,
Et Solo incumbente tibi; Solemque decebat
Naſcentis teſtem eſſe tui, Solemque orientem
Fraternis radijs & toto lumine vultus,
Et pleno illuſtrare die.*

*Crefce Puer Patri conſors, Horoſcopus ille
Sit ſyſtus, fatumque tuum; ſunt ſabala Parca,
Et Parca eſt, & ſtella Pater.*

MOMMEDI CAPTI.

PROSOPOPEIA.

MOMMEDI moles, & inexpugnabile Caſtrum
Ecce ruo, exemploque meo, illuſtrique ruina,
Inuiſtum nihil eſſe probo: mihi fundamentum
Immanis rupeſ, & præceps undique ſaxum
Vallum erat, & murus; rupem natura crearat,
Et caſtrum de rupe fui: ſed maior ab arte
Fama mihi, victrix natura induſtria caſtrum
Adiecit caſtro, & primis nona mœnia muris,
Et circum turres, & propugnacula ſeptem,
Lunaſque, & luna bis ſex fragmenta, nouumque
Impoſuit montem monti; vix ulla per orbem
Arx erat exaquanda mihi: ſecura ſedebam
Intra arces Regina meas, grandique tributo,
Vicinos late populos, vrbeſque premebam;
Et Reges olim, & Caſar mihi præda fuere;
Nec bene ab euentu malediſti nomina montis
Inuidia impoſuit, victrix à Caſare viſto,
Et felix dici morui; ſed grandia linor
Non minuit dum dente terit, inuat umbra colores,
Et proſunt malediſta mihi.

Talis eram cum me audaces cinxero phalanges.

Prim.

Principio visi Gallos, & Gallica castra;
 Tunc capiar dixi cum gens armata volucrum,
 Ascendet per inane volans, nec inania dixi
 Nam pennas & Gallus habet, vidi impete facto
 Ire leues Gallos per pendula, & ardua montis,
 Cautesque, & rupes, & præcipitantia saxa;
 Scilicet obstupui, & coepi noua bella timere;
 Opposui flammæ, ignes, tormenta, globosque,
 Obieci teli omne genus; per tela, per enses,
 Per flammæ fecere viam, penè esse Gigantes,
 Penè videbantur Dini, nisi vulnera, mortesque
 Arguerent non esse Deos; post funera viui
 Pugnant tamen, aut egressa è corpore mentes
 Bellum exercabant; minus est quod Græcia finxit,
 Quam quod gesserunt Franci, mendacia vatum
 Inuenere fidem, fuit olim fabula Troia,
 Nunc est Mommedij historia.

Nec minus audaces pellebant mœnibus hostem
 Dux, milesque meus; capta est, & sapè recepta
 Pars eadem vallis; & turris, lunaque bicornis;
 Quod passus totidem pugna, vestigia montis
 Singula victori, & victo certata fuere;
 Pugnarunt Elementa mihi, flammæque, globique,
 Saxaque; quin etiam ut toti in mea tela paterent,
 Neue legi possent, Francis se terra negauit;
 Post tela effossi proieci viscera montis,
 Nec tamen impactis turbaui rupibus hostem,
 Nec monte oppressi toto, totisque Elementis;
 Per rupes, montesque, elementaque victa, volatu,
 Aut saltu inuenere viam.

Denique naturam Franci vicistis, & artem,
 Mommedium captum est, post insuperabile castrum
 Inuictum nihil esse potest: Rex maxime Regum
 Ingressum in castrum quod sub te milite captum est,
 Et sub Te Duce, paucorum est ea gloria Regum
 Exemplo superare suo; mihi Regia laus est
 Regali cecidisse manu.

152
DÉVISE SVR LE MESME SVIET.

Des Lys naissans des fentes d'un Rocher.
Vbique seruntur.

EPIGRAMMA.

IN modijs saxi rimis, & VBIQVE SERVNTVR,
Et saxum, & rupes est genitale solum.
*Scilicet hos flores terris quondam astra pluerunt,
Et ne deficiant, semen vbique pluit.*

ARAVSIO CAPTA.

ELOGIVM.

NOVVM victoria genus;
Obsidere oculis urbes, & capere,
Sic obsessa est Arausio, & expugnata.
Urbs erat intra Galliam hostis Gallia,
Receptaculum falsa doctrina, & propugnaculum noua,
Soror Geneva, & altera Caluini coniux:
Audacem faciebant intra arcem vnâ plures arces,
Addebant animos foederata urbes, ne vinci vellet;
Offerebant auxilia ne vinci posset,
Venit LYDOVICVS vidit, & vicit.
Nec dedecus est victam esse à Rege victore,
Et Pacem admisisse quam admisit orbis.
Redi Arausio ad fidem quam olim propugnasti,
Gemina synodus tua damnauit antiquos errores.
Damna nouos, & damnabis antiquos;
Efellit te nouus Pelagius,
Falle nouum qua damnasti antiquum.
Falsa est fides de Deo, si est noua.

STA VIATOR, ET LEGE.

*Hic vbi mons nudus fuerat, castra ardua stabant,
Arx ruit, & mons est, mons vbi nudus erat.*

PRO-

PROSOPOPEIA DVNKERKÆ.

AN loquar an fileam de me ludentia fata,
 Et sortem Dunkerka meam? dudum alea belli
 Et dudum fortuna fui; ter capta, recepta,
 Ter victrix, ter victa simul, ter amica, ter hostis,
 Mutavi dominos dominis, atque hostibus hostes,
 Atque inter tot fasta steti.

Vnde tamen laus ista mihi meruisse tot hostes,
 Et Regum tot bella trium? quid denique sperant,
 Quid de me tria Regna timent? tamen una ruina
 Hac est causa mea, veteris mihi gloria fama,
 Et nova fama nocet; sedes mihi commoda bello,
 Et Paci, statio externis malefida carinis,
 Et securi meis; fortis sine mœnibus effem,
 Oceanus mihi pars muri; pars altera stagnum,
 Pars effusa palus, hostilibus inuia castris,
 Et Solis accessu auihus, populoque natantum.

Me tamen, & turres, & propugnacula cingunt,
 Et prarupta arces, intus defensor, & extra;
 Et duplex Dunkerka vocor.

Hac seges inuidia est, per me tria Regna timentur,
 Et per me tria Regna timent; per me arduus olim
 Albiacas victor Caesar penetrauit in oras,
 Et per me victor redijt; per me Anglia triplex
 Nuper erat terror Gallis, & terror Iberis,
 Et poterat metus esse maris: per me acer Iberus
 Europa, & mundi fines terrebat utrosque,
 Terror ego terroris eram; nunc Gallia per me
 Non timet affines populos, populisque timendam
 Causa facit triplex, soror est Grauelina Calati,
 Et soror est Grauelina mihi: nec me illa carere,
 Nec consanguinea possum ipsa carere sorore,
 Antiquis Gallus titulis inhiabat virique,
 Nunc illam superatam armis, me possidet emptam:
 Vna soror, pluresque sumus.

Nunc ergo ad veteres dominos euicta reuertor,
 Et qualis quondam fueram nunc Gallica fio:
 Ne dominos olim mutem, sua iura Brittanus
 Vendidit, admirans pactis consensit Iberus

Dum

*Dum tacuit ; Gallus nummis presentibus emit
Ipsa libens emor , & ne unquam me deserat emptor ,
Emptorem dum vender emo .*

Serenissimæ , Potentissimæque Principi ,
ac Dominæ

D. CHRISTINÆ

SVECORVM, GOTHORVM,
VANDALORVM REGINÆ,

Magnæ Principi Finlandiæ, Ducissæ Esthoniæ,
Dominæ Ingridæ,

ELOGIUM.



VENISTI in Regnum natale tuæ Indoli , & penè sanguini , REGINA SERENISSIMA , tanta est affinitas inter ingenium tuum , & genium Gallicum vt non magis Suecia corporis tui , quam Gallia animi Patria appellari possit .

Tria in primis Te Gallicam faciunt, puritas linguæ, elegantia ingenij, & generositas Indolis.

Ac lingua quidem Gallica in Te adeo est pura, vt puriora non sint ipsa lilia ; non illam corrumpit singultus , non hiatus non halitus, pronuntias verba molli ore non gutture; & accentus omnis virgineus est, & tamen masculus ; nec tantum linguam calles, sed delicias linguæ, non mollius loquitur Aula non nobilius; didicisse linguam videris Parisijs, aut Blæsis non Stokolmij ; quod admirabilius est loqueris Gallicè etiam Germanica lingua , temperas austeritatem accentus suauitate Gallica; mirantur octo Nationes pronuntiarì à Te verba quæ sciunt , & accentum quem nesciunt .

At nihil in Te magis Gallicum est quam ingenium ; facile est , & subtile, amœnum & solidum, atque ex ingenij. dotes sunt Gallicæ ; Gallica quoque est eruditio tua, dum amplectitur omnia ;
satis

fatís est plerisque ingenij scire pauca, vt credant se scire omnia : Tu id omne nosti quod pauci sciunt, & omne quod nesciunt: scis nouem Musas & posses esse decima; scis Palladem intus erudita, & foris armata; scis Herculem; & Apollinem & vterque te nescit; de Te verum est quod de illis est fictum, veraces facit Poetarum fabulas, & in Te figmenta sunt vera.

Illustrius est ad laudem ingenij tui, quod adijcio, emendasti fabulas dum legisti; reuelasti, quod tegebant, purgasti quod corruperant, eruisti mysteria ex mendacijs, & sacras literas ex profanis: ex Poetis progressa ad Patres Græcos, & Latinos hausisti veritatem ex fontibus ipsis, deprehendisti errores tuos, & tuorum, & Magistra Tui ex mala aliorum fide veram fidem collegisti.

Ingeniosa in exploranda fide, generosa fuisti in amplectenda; hæc quoque generositas Gallica est; emisti regno integro, & tribus coronis seruitutem Christi, secuta es nobilis exul veritatem fidei ex patria tua exulantem, quæsiuisti illam apud Cathedram Petri vnde olim in Sueciam venit; mirata est Italia nouum spectaculum, Reginam per calcata diademata ad fidem properantem, & capta toties à Gothis Roma gaudisa est Gothiam venisse in Regina captiuam.

Et nunc reportas in Patriam exulem fidem, eris illic Magistra veritatis vbi olim Regina fuisti, facies illiæ Carolum fidelem quem fecisti Regem; credent populi Reginæ Christianæ qui crediderunt Christianæ, & Tu popularibus tuis eris rediuiua Brigitta, & noua Catharina.

Perge igitur nobilis hospes, & Augusta Regina, non amisisti Regnum, sed mutasti, nec minuisi tria diademata, sed auxisti; nouo titulo Regina es dum Regnum spreuisti: nemo melius coronam meretur quam qui deposuit; nemo dignior est throno Regio; quam qui ex throno sponte descendit.

Perge Regina per Galliam amicū tuæ familiæ regnum, exspectat Te Reginam Regina Mater, exspectat Christianam Rex Christianissimus, fecit Te Roma Christianam, facere Te Gallia potest Christianissimam.



156
DEVISES SVR LA REINE
D E S V E D E .

I.

La Gerbe de Suede.
Terra retinacula soluit.

EPIGRAMMA.

HÆREBAT, TERRÆQUE SEGES RETINACULA SOLVIT,
Nec Te Terra, triplex nec diadema tenet.

II.

Vne Nacre depouillee de ses Perles.
Exuvijs suis caret bonis.

EPIGRAMMA.

EXUVIIS SVS HABRET HONOS, & diues, & orbatus,
Gessit, & amissum nunc quoque stemma gerit.

III.

Vn Lys depouille de ses fauilles.
Adhuc in stipite regnat.

EPIGRAMMA.

EXCVSSIT FLORES, & ADHVC INSTIPITEREGNAT,
Quod superest, sceptrum floribus esse potest.

IV.

Vn Lys sur son oignon.
Subiectum possidet orbem.

EPIGRAMMA.

SUBIECTVM non impositum flos POSSIDET ORBEM,
Calcas Regali subdita sceptra pede,

L'Estoi-

L'Esſoile Polaire attirant l'aimant.
Vis arcana trahit.

EPIGRAMMA.

VIS ARCANA TRAHIT, *tacitumque inspirat amorem,*
Et tu sponte trahis proxima regna polo.

HENRICI BORBONII

PRINCIPIS CONDÆI.

EPITAPHIUM.

STA VIATOR VBI PRINCEPS STETIT.

Meditabatur heroem natura dum hunc Principem fecit,
 Dedit ingenium regium dum dare sceptrum non potuit;
 Nobilissimus Principum, eruditissimus Regum fuit,
 Europam quasi familiam, orbem quasi urbem sciuit:
 Intus eruditus, foris armatus:
 Palladem aquavit, & Martem,
 Vicisset omnia, si victorias ingenium daret non fortuna:
 Expertus sæpe utramque fortunam,
 Sub adversa sapere didicit, sub prospera docuit,
 Virtutes ut nobiles faceret, omnes principes fecit,
 Hæreseon hostis, novorum dogmatum adversarius fuit:
 Consilij Regij primarius Administer,
 Si dicebat primus omnes sententias rapiebat,
 Si ultimus sæpe omnes mutabat.
 Denique principem vitam clausit principe morte;
 Accuratas vita rationes posuit apud hominem iudicem;
 Et vitavit iudicem Deum, dum prævenit;
 Venienti in Eucharistia Christo pramissit principes filios,
 Quasi honorarios aulicos;

Ipse

*Ipse ita Deum excepit quasi videret, non crederet;
Et nunc quem Viator coluit, adorat possessor.
Obijt anno Ætat. 59.*

ABI VIATOR, ET MORI DISCE.

Mors neque Regibus parcat, nec Principibus.

ITER GERMANICVM ANGVYENI DVCIS.

QUIS iste pugnandi ardor trecentis milliarijs quæreret hostem quem ferias? quæ audacia currere ultra Galliam, ut pro Gallia vincas? quæ celeritas opprimere hostem; cum centum leucis abesse te putat? sic currunt planetæ, & sydera, sic deuolat ex aere fulmen, & dum adhuc in nube tonat, iam terras verberat.

Sic iuisti, ANGVYENÆ, penè velocius quam ire te dixi; anteuertisti famam, & quæ alijs præcurrere solet, vix potuit te sequi: venisti ante nuntios tui, vidit te hostis improuisum, & volasse te credidit; nec diu post dum pugnantem te sensit miratus est Francos, & tam leues esse dum premunt, & tam graues dum opprimunt.

Vix in Germaniam perueneras, & iam cum hoste pugnas: scilicet hæc longi itineris quies, nouus labor; hæc recreatio pugna; hic ludus victoria; sic detergis sudorem viæ dum mutas in sanguinem, sic excutis puluerem Gallicum dum in hostem proiecis; quid facias his militibus quos centum leuæ disponunt ad pugnam, fabulam esse Germania diceret, nisi Anguyenus historiam hostili sanguine obsignasset.

Cœperat Friburgum hostis gemino exercitu militum, & arborum; post captam urbem vicinum collem vallauerat cæsa sylua; ne quis nisi violatu perueniret; ibi incluserat victoriam ne transferret ad nos; sibi inaccessum se putabat Francis nisi deuolarent e Cælo: Quis credat? per omnia clausa Franci inuenere viam, per impeditas arboribus arbores, per fossas, per valla, per aggres, aut saltu, aut volatu transiere; atque integressi collem strauerunt obuia quæque, aut in fugam verterunt.

O no-

O nouam pugnandi rationem, & nouam vincendi attem / op-
primere hostem antequam sentiat, prosternere priusquam resi-
stat, obruere antequam se colligat: collegit se tandem pars nu-
merosi exercitus, redintegravit pugnam, & tu victoriam; post cæ-
sum hostem, & victum permisisti urbem fami, & pesti, & dum ad
maiora pergis, vtraque pugnavit pro te, & suppleuit absentem.

Multi vincere, pauci victoria uti sciunt, scis vtrumque Anguye-
ne, vicisti primam victoriam altera, & vtramque tertia; perrexisti
eadem celeritate qua veneras, deduxisti victoriam per omnem
Rhenum, vix ille plures vrbes alluit quam Tu cepisti; probabat
olim hic fluuius Gallos nudos, nunc probauit armatos.

Philippopolis æmula Brisaci, Domina Rheni, clauis Imperij,
digna erat decenniali obsidione, decem diebus expugnasti; ceperat
eam Suecus vndecim mensibus, Tu diebus; contraxisti annos, &
menses; æquales facis horas diebus, & ferè velocius agis, quam lo-
quantur alij. Increpauit Vienna tarditatem famæ nuntiantis ob-
sidionem post victoriam; dum redijt, inuenit tot vrbes captas, ut
nuntiare Viennæ timuerit; vix audeo ipse percurrere singulas,
dum vnam describo plures cepisti.

Spira, Vormatia, Moguntia tres vrbes, & tres Prouinciæ præ-
uenire victoriam ne experirentur pugnam; maluerunt te victo-
rem quam hostem, agnouerunt in te Proauos Reges, ostenderunt
tibi antiqua lilia, veneratæ noua; mirate sunt respondentem Lati-
nè, & triumphantem Gallicè: inter admirationes publicas saluta-
runt Te Gallicè, & præbiberunt Germanicè.

Cessasti inuitus recedente anno, quem si inchoare maturius,
aut extendere longius licuisset, reparasses anno vno iacturas plu-
rium seculorum, reddidisses Ludouico quod diuisere Ludouici,
restituisses Galliam vbi olim Gallia erat; distinxisses Regna lin-
guis, & quisquis Gallicè loquitur Gallus esset.

Hæc sunt præludia tua Anguyene, vbi alij quiescerent; ascendis
per magna ad maiora, & primum vestigium tuum aliorum fasti-
gium est; impleuisti seculum duobus annis, præludit Rocroyum,
Theonuille, hæc Friburgo hoc Philippopolis, hæc alijs urbibus, de-
bellares breui Europam, si singulis annis tot vrbes caperes, & bre-
ui metiretur per te Ludouicus orbem, si ita curreres.



ATREBATVM SERVATVM,

SVB LVDOVICO XIV.

DE Atrebaso quasi de Imperio duo Regna certabant;
 Pendere ab una urbe credebatur libertas, multarū urbium:
 Conuolabant ad victoriam septem Nationes vincendi cupida:
 Iamque inter eas hoc certamen erat, qua prima vinceret:

Praerat exercitui Princeps Ducum primus,

Si pro suo Rege pugnasset,

Intra urbem pauci milites erant, sed omnes heroes:

Iam circumuallata urbs erat altera urbe:

Iam triplex linea solo volatu superabilis erat:

Iam putei circumfossi irruentibus equis naufragia:

Iam interfixi pali repagula erant, aut praecipitia:

Iam opus lunare capum & receptum,

Iam penè dirutum, & adhuc inuictum erat:

Eben talibus assultibus superari poterat Turcica luna.

Denique imminuto obsessorum numero, non tamen animo,

Capiendum Atrebatum timebatur, & fama iam ceperat:

Hac est gloria tua Ludonice, seruasse urbem penè captam,

Hac gloria Francorum victores esse penè iam victos;

Hoc dedecus hostium triumphasse ante victoriam,

Hoc probum cepisse Atrebatum intra Romam,

Et amisisse intra Galliam.

Ne quare qua arte seruatum sit Atrebatum,

Miraculum fuit virtutis, & prodigium fortitudinis;

An transilierint lineas Galli, an transuolarint incertum est:

An aufugerint hostes, an euolarint aque ambiguum:

Illud certum est transisse Francos per praecipitia,

Effugisse hostes per naufragia,

Iuisse utrosque per inuia.

Captum est aus casum quidquid euolare non potuit;

Vt citius fugerent, multi fugere seminudi:

Relictus est exercitus sarcinarum pro exercitu hominum.

Denique Atrebatum seruatum, & iterum Gallicum est.

Nunquam obsidendum post hanc hostium fugam;

Nunquam euincendum post hanc Ludonici victoriam.

*Vicistis Galli, tamen est sua gloria victis,
Penè negat victos nobilis ordo fuga.*

CASALE TER SERVATVM, SVB LVDOVICO XIII.

NVLLA vrbs sapius tentata, nulla sapius servata fuit:
Toties evasit, ut non immerito appelletur Casale Evasij.
Obsideri cœptum est cum Ludovicum Rupella occuparet,
Creditus est accurrere non posse quem Rupes retineret:
Vicit Rupellam Ludovicus prasens, & Casale servavit ab-
sens:
Audiuit hostis aduentare Regem, & famam non tulit:
Venit Ludovicus, & vicit hostes quos non aspexit.
Alteram obsidionem tentavit Spinola, cui vrbs omnis Casale erat:
Capere vrbes docuerat, nisi Toerasius servare docuisset:
Inter inducias mori voluit, ut inuictus obiret:
Nec tamen inducia excluderant malum, sed suspenderant:
Ludovicus Lugduni decumbens speravit salutem Casalis, cum
desperaret suam:
Exercitus Gallicus sub tribus Marecallis ostendisse Hispanis, &
vicit:
Tertia obsidio tota hyeme apparata erat, ut esset ultima.
Iam argenteus lituus deditionem poposcerat, quasi desperata vrbs
esset,
Iam circumducta fossa canebatur ad cytharam clades futura;
Interea accurrit Harcurtius, pugnavit, & vicit,
Atque hac audacia temeritas erat, nisi vicisset:
Nūquam maioribus animis pugnatum est, nec maioribus amulis:
Dixisses redijisse heroum oeramina, nisi hoc maius esset:
Nullibi grauioribus Hispani, eodem in vestigio mori voluerunt;
Perierat integer exercitus si Hispanus fuisset:
Ne futura cladis signa extarent, reliquerant Valentia;
Nec tamen sine vexillo periere:
Quotquot Hispani occisi sunt, totidem fortitudinis insignia fuerunt:
Ne-

Neque alibi Franci leniores ad pugnam, & grauiores ad vi-
ctorem:

Incurrabant in hostem, irrumpebant in castra,
Fuere qui aggeres transuolarent, cum transilire non possent;
Fuere qui deiecti tertia pugna, quarto volatu transiere:
Fuere qui pugna uere membris alienis, mutilati suis:
Et pugnassee post uitam crediti sunt:
Ipse hostis pugnassee (e cū demonibus dixit, ne heroes diceret,

ABI VIATOR, ET LEGE.

Hac est tergemina clara obsidione Casalís,
Ter fuit excidio proxima, terque stetit.





LIBER QVARTVS.

ELOGIA EMINENTIA.

EMINENTISSIMO ECCLESIAE PRINCIPI

CARDINALI DVCI

ARMANDO RICHELIO.

EPISTOLA SAPIENTIAE.



NON facile iudicium est plusne debeas Sapientiae, quam illa Tibi, CARDINALIS EMINENTISSIME, experitur illa in te quid tota possit, hoc ipsum ei debes quod te elegerit, in quo ostenderet quid tota posset: obtulisti capax ingenium, quod impleri posset: infudit se illa totam, nec minor est hospitio, quia immensa, nec maior, quia hospitem inuenit æqualem; sic DIVITIS LOCI facta est inquilina Sapientia, quia amavit diuitias nominis tui, & locum ingenij: vocarem Te compendium Sapientiae, nisi se totam explicaret in te; appellarem discipulum, nisi ubique sapiendi artem doceres: Sub LVDOVICO Galliam sapere docuisti non inuitam, sub eodem hostes Galliae sapere cogis, vel inuitos; decolorasti externas Sapientias, quia fucos deterfisti; timeri per te desierunt hostes Galliae, quia ceperunt agnosci; docuisti nec tam religiosos esse, qui id efficiunt, quod in alijs arguunt; nec tam graues, quos toties fugere compulisti, nec tam tenaces quibus tot prouincias eripis: miratur orbis vimbram esse quod timuit, & eruditus à te nunc demum videt nihil

hil magnum esse quod sola fama magnum est . Placet proponere aliqua Sapientiae tuae aenigmata nisi tu ea factis explicares: haecenus praeterita scire , nec falli in praesentibus tota rei politicae doctrina erat; coepisti ubi alij desierunt, versaris in rebus futuris , & dum alij praeterita discunt, tu futurarum rerum historiam scribis, quia facis . Vt eam efficias percurris orbem terrarum consilijs tuis, ubique praesens quia ubique consulens; numeratas habes omnium Nationum opes, ostendis quid singulae possint , addis ingenium tuum vt posse velint ; partiris agenda omnibus , mirantur singuli laborare se in parte operis , dum tu in toto ludis : idcirco immobilis in orbe, quia orbem moues . Per ea populorum bella pacem quaeris, qua tunc potiturum orbem doces, cum liber erit, tunc erit liber cum seruitutem non metuet, tandiu seruitutem non metuet, quamdiu Ludovicus Europae Arbiter, & Armandus Minister eris haec pars aliqua Sapientiae tuae, dicent partem alteram Academiae .

EIDEM EMINENTISSIMO CARDINALI

A C A D E M I A E .

EXTREVIS Academias quia ipse omnium scientiarum Academia es, CARDINALIS EMINENTISSIME, sed pulchrior est ea quam mente geris quam quae extruitur foris; laudatur in ea octauum miraculum, sed in te primum; describi illa potest, quia poluit extrui, ea quam animo geris omnibus ingenijs maior est, & tamen te minor.

Mirabilis sane Academia in qua omnis humana Sapientia habitat, nec tamen impleteret te nisi accederet diuina; utriusque locus est apud te tam capax, vt miretur Sapientia contineri se totam vno ingenio, nec in angusto esse quia *DIVES LOCVS*, & penè immensus est: Haecenus se in parte Sapientia diuiserat, nemini obtigerat tota; ille sapientior habebatur, cui pars maior obuenerat; inuenit in te hospitium aequale sibi, habitat apud te omnis antiqua eruditio, & adhuc locus est nouus .

Haecenus in singulis ingenijs singulae ferè artes solitariae erant ne vna excluderet alteram, si essent plures; propterea Theologia inculta, Philosophia barbara, Mathematica vacua. Eloquentia enervis, Ethica sterilis, Politica imbellis erat; inuenerunt in te vnde se omnes perficerent; in te Theologia, eloquens, Philo-

sophia elegans, Bloquentia mascula, Mathematica solida, Ethica efficax, Politica generosa, in te singulæ scientiæ se corrigunt, quia in te inuenerunt Magistrum.

Noua laus, sed erudita Magistrum esse sapientiæ, quæ aliorum Magistra est; docere antiquam sapientiam, & inuenisse nouam; scire quod præteritæ ætates nescierunt, erudire præsens seculum, proponere futuris annis vnde sapiant; eo euexisse sapientiam quod nunquam ascenderat, fecisse diuites scientias ne vnquam egeant, fecisse eminentissimas ne vnquam iaceant, & cum omnium Magister esse possis, sub Ludouici Sapientia nonnisi discipulum esse, vel Ministrum.

Quod admirabilis est ipsi hostes Galliæ ex te sumunt exempla sapiendi, æ muli gloriosi, & inuiti discipuli; mirantur præscribi à te consilia sua, penetrari quod occultant, præueniri, quod excogitant, & quidquid decernunt faciendum, iam à te esse factum: coguntur imitari quod docere mallerent; vtuntur sapientia Gallica, discunt à Gallis maturitatem, quam olim docuerant; conqueruntur inuersas esse sapiendi vices, & sub te Magistro Gallos euasisse graues, & se leues; talem oportebat esse Cardinalem Ecclesiæ, & Ministrum Galliarum; tali sapientia opus erat, diuina vt oracula Dei exciperet, humana vt imperia Regis proponeret, fidei vt vtrique seruiret, generosa ne hostes timeret, erudita vt Europam instrueret, probauit amorem suum erga Galliam Deus, dum talem Ministrum prouidit, probauit sapientiam suam Ludouicus dum talem elegit: nec mirum si res Gallicæ feliciter fluant sub auspicijs Christi, sub imperijs Ludouici, sub consilijs eius Ministri cuius sapientia orbi regendo par esset, nisi Ludouico parere mallet.

EIDEM CARDINALI DVCI, FIDELITAS.

EVND^{EM} in re Politica locum amat fidelitas, quem fides in re Christiana: Dux CARDINALIS, reddidisti huic virtuti locum suum dum Eminentissimus Ecclesiæ Cardinalis fecisti fidelitatem Cardinem vitæ tuæ; nec extolli à te sublimius poterat fidelitas quam comparari fidei, nec eminentiorem polum spe-

ſpectare quam Ludouicum , dum fides tua aſpicit Deum : ij duo cardines vite tuæ Deus & Ludouicus; imo nec duo cardines quos eodem oculo ſpectare potes : vides vnum in altero, vtrique ſeruis dum vnj; nec diuerſum exigit vterque obſequium, quia commune eſt vtriuſque præceptum , ſi diuerſa eſſent vtriuſque imperia, nolles placere huic vt diſpliceres illi, nolles fidelitatem tuam eſſe regiam niſi eſſet diuina , nolles fidelis eſſe ſi fideli tuæ aduerſari poſſet fidelitas tuæ; audiat orbis miraculum fidelitatis . nolles fidelis eſſe Ludouico ſi peccandum eſſet, nollet Ludouicus te fidelem eſſe ſi peccares .

Nec facio iniuriam fidelitati tuæ ſi eam cæcam appello , dum fides ipſa cæca eſt ; ignoras tua & teipſum vt Ludouicum ſcias ignorares; tuos ſi Ludouicum nſcirent; audeo dicere quod tu auderes facere, ignorares Galliam ſi Gallia Ludouicum ignorare poſſet .

O cæcam, ſed perſpicacem fidelitatem tuam ! in eo ſimilem fidei, quod vtraque cæca, & oculata eſt, cæca eſt fides dum non videt, quod credit, oculata eſt dum hoc ipſum videt credi debere , quod nſcit: Et tua fidelitas idcirco oculata eſt quia cæca, idcirco maximè Ludouicum videt quia præter eum nihil videt ; nemo eum melius nouit quam Tu , quia nemo vltra eum intuetur minus; aſpicias ipſum ſolum vt videas totum; hoc vnicum ſtudium tuum ſtudere vni, hæc fidelis ſapientia ſcire Ludouicum, & nſcire teipſum .

Ita tamen ſtudes Ludouico Domino, vt ſimul ſtudeas Ludouico Magiſtro, diſcis à Ludouico, quod doceas, & ſub eodem Magiſtro gaudes te habere collegam ſapientiam ! Non antecedis ergo nutus Ludouici, ſed ſequeris, non præfers lucem, ſed accipis; agnoſcis Ludouicum ſolem eſſe, te ſtylum ; accendit ille diem Gallicum tu oſtendis, designat horas tu indicas; percurrit orbem , tu aſſiſtis; perlustrat vicina hemiſphæria comitaris; fidelis ſanè ſtylus qui cum diem illuſtrare poſſet, mauult oſtendere ; mauult vmbra eſſe quam radius, atque ex tot ſplendoribus ſolis ſui, nihil aſſumit ſibi niſi ſtylum vmbrae, & vmbra ſtyli .

Denique vt fides inter pericula, & mortes, & ſanguinem creſcit; ita & fidelitas tua , toties parata ſanguinem pro Rege fundere vt tu ſæpè purpuratus, & pluſquam ſemel Cardinalis appellari poſſis; verum vt fides damnis creſcit, tu quoque creuiſti periculis, & dum Ludouicus aſcendit vltra victorias, Tu fidelis Miniſter vltra inuidiam, & ſupra pericula euafiſti.

EIDEM CARDINALI DVCI, MYSTERIVM POLITICVM.

HOC Tu ipse Myſterium es, CARDINALIS EMINENTISSIME; aspicit Te Anglia nec agnoſcit, legit te Germania nec intelligit, ſtudet tibi Italia, nec te capit, explorat te Hiſpania, nec detegit, meditatur Europa Te, & te nescit: Myſterium es.

Pates omnibus & lates, ſentiris & nesciris, occultus & publicus, negotioſus & vacuus, abſens & præſens, otiaſi videris ubi es, negotiaſi ubi non es; moues Europam, & quieſcis, exerces omnia ingenia, & ludis: Myſterium es.

Permitte vt te legam quia liber publicus es; non attingam eos myſterij gradus qui latent, euoluam eos tantum quos experientia publicos fecit vt paterent; nec tamen omnes numerabo, quia omnem calculum ſuperant præter tuum: imo neque tu ipſe omnes noſti, quia Tu ipſe te totum non capis.

Primus myſterij gradus infimus eſt, & ſupremus; cœpiſti ubi alij ante te Miniſtri Regij deſecerunt, rudimentum ingenij tui eſt quid. quid in alijs fuit ſummum; collegiſti ſparſas per ſingulos ſapientiz diuitias, & inde cœpiſti diues eſſe; debes illis primum gradum ſapientiz tuæ, debent illi incrementum ſuæ, viuunt in te ſinguli, ſed minores te; vigent in te omnes, ſed tantum pars tui; apparet in te omnis antiqua ſapientia, & tantum eſt baſis nouæ; non reiſcis ſuperiorum ætatum ſapientiam cuius DIVES LOCVS ES, ſed eam primum gradum feciſti vnde poſſes aſurgere: Myſterium es.

Inde progreſſus eò aſurgis quò alij nunquam aſpirarunt; eò euchis ſapientiam quo illa nunquam aſcenderat; dubium tamen eſt an præeat illa Tibi, an Tu illi; præire videris, & illa ſequi, ſi tamen non præit ſapientia quomodo aſcendis ſapienter? ſimul ire vos puto, aut viciffim præire; duceriſ, & ducis, illuſtras ſapientiam, & illa præluceſ; doces illam, & diſcis ab illa; mutua doctrina eſt. & æterna diſciplina; Itis tamen, & vias nouas detegitis quas ipſa ſapientia nesciebat; idcirco noua eſt ſapientia tua quia nunquam fuit antiqua; idcirco eſt tua quia nunquam fuit aliena: Myſterium es.

Hic ſecundus myſterij tui gradus ſupra alios ſapientes; tertius ferè eſt ſupra te ipſum: parum eſt tibi ſuperafſe alios niſi vincas teipſum,

teipsum, euadis ultra Te victor tui, excedis hodiernam sapien-
tiam, cras superaddis nouam: crescit illa in dies, non inuenis fi-
nem sapiendi, quia non inuenis finem Tui: exeris vires ingenij
tui, excogitas noua principia sapiendi, ex illis deducis alia, eò
fecundior quo plura parturis; exhauris omnia nec exhauris te,
maior omnibus & semper te minor; quæris aliquid post omnia,
& occurris tibi, quæris teipsum ultra te, & dum attigisti fines re-
rum nondum attigisti limites Tui: *Mysterium es.*

Siste tamen aliquando, *RACHEL*, excedis omnes, exce-
dis teipsum; eò ascendisti quò neque iuere Maiores, nec sequen-
tur posteri; si pergis ascendere, periculum est ne cum excefferis
omnia non possis te sequi: *Mysterium es.*

Et sistis, & descendis ad opus, specularis vt agas, quiescis vt
moucas, moues vt quiescas; inde illa consilia formidata hosti-
bus Galliarum, & amata Gallis; anteuertis hostium consilia quia
ingenia nosti, metiris ingenia quia excedis; scis eò progredi pos-
se, scis non posse extedere; impedis ne eò veniant si excessum
times: expectas dum venerint si progressum rides; sic eludis insi-
dias quia detegis, sic euitas pericula quia emendas, sic supplan-
tas facienda quia prior facis: *Mysterium es.*

Ita tamen detegis aliena consilia vt occultes tua, sumis ea ex
rebus futuris, ne hostes videant, sectaris vias quas ignorant,
aggredieris qua parte non expectant; mirantur hostes ignorari à
se consilia tua, reuelari sua, impediri se ne agant, retineri ne
currant, inuadi ne impetant, supplantari ne decipiant, superari
ne vincant; miratur hostis pati se ea mala quæ parabat nobis,
armari in se suos, quos armauerat contra nos; diuidi Provin-
cias suas, qui nostras diuiserat, vinci se vbique, qui vbique trium-
phabat; atque hæc fieri consilijs tuis: *Mysterium es.*

Neque hic finis Mysterij tui, septimus eò subtilior est quò
apertior; exeris partem vnã sapientiæ, & alias suppressis, o-
stendis digitum, & subducis manum, apparet effectus, & causa
nescitur, sentitur plaga, nec videtur dextera, magnum est quod
ostendis, sed maius quod tegis: *Mysterium es.*

Quod admirabilius est partiris sapientiam temporibus, occu-
pas tam vnã partem, mox alteram, diuidis eam negotijs, nunc
sublimiter, nunc populariter sapis; aptas eam Nationibus, aliter
sapis Hispanis, aliter Italis; atque hoc fallit hostes tuos, putant
videri à se sapientiam Gallicam, vident Germanicam; spectant
popularem, & ignorant sublimem, credunt esse totam, & parti-
cula est: *Mysterium es.*

Vt subtilius sapias mutas partes sapientiæ, nec mutas sapientiam, turbas ordinem sapiendi non artem; ostendis eandem partem, & eandem tegis; educis eandem & apparet altera; eadem est, & diuersa, vna & multiplex, occulta & publica, particula est, & tota penè Europa hac particula sapit: Myſterium es.

I V D I C I V M E V R O P Æ,

DE MORBO CARDINALIS DVCIS RICHELII.

LABORAVIT tecum Gallia & penè Europa, CARDINALIS EMINENTISSIME, publicus fuit morbus tuus, ſenſerunt tumorem brachij tui omnes manus, & vno abſceſſu omnis penè orbis intumuit.

Sed non idem de te omnium ſenſus fuit, doluerunt tecum omnes boni; extulere caput vitia laborante virtute, apparuerunt in te amores & odia populorum, ſperavit victoriam hoſtis ſi brachium Gallix defeciſſet; inchoarant de te homines malæ fidei tragœdiam, feciſti comœdiam dum læto exitu actores ſefeliſti.

Placet perecurrere affectus Nationum, & conualeſcenti tibi exhibere fabulam quam Tu ipſe feciſti.

Primus affectus Gallix fuit; hæc ſi res geſtas aſpiceret amabat authorem, ſi res futuras dolebat eſſe mortalem: quis aiebat retinebit fortunam Gallix cui Richelius trabs erat, & Cardio ne caderet? quis proſequetur victorias noſtras, & reparabit iactuſas? quis euoluet eas artes quibus Europam implicuit? quis antevertet hoſtium conſilia ne priores ſapiant? quis præoccupabit agenda vt deſit quod agant? quis inuitabit populos ad libertatem? quis oſtendet quid poſſint? quis adiuuabit vt poſſe velint? quis eadem fide exequetur imperia Regia? quis æquali ſapientia Miniſter erit Gallix, & Magiſter Europæ?

Longè alius erat de Te hoſtium ſenſus, ex ijs qui boni ſunt optabant te citò beatum nè tu eos miſeros efficeres; ijdem precabantur tibi æternitatem ne tu totum hoc ſeculum Gallicum faceres; qui minus boni erant, paulò aſperius de te ſentiebant; hic vouebat vt diu malè haberes, & gloriabatur vouere ſe benè; ille vnus Prouinciæ iactuſa mortem tuam emeret, ne tu plures Prouincias ſuperares.

Fallor


Fallor dolebant de Te etiam hostes tui ; laudabant te exteri populi etiam subinuiti , fatebatur Hispania ægorasse tecum sapientiam , Italia industriam , Germania fortitudinem , Anglia fidelitatem : magna vis est , & mira virtutis , extorquet etiam ab hostibus laudes sui ; nec verius elogium esse potest quam quod ab hostibus venit ; non assentatur hostis dum laudat , nec mentitur dum id tantum dicit quod extorquet veritas .

Hic erat de Te Europæ sensus , Richeli , exercuisti populorum iudicia dum exerceas ; probasti Te Cardinem Galliæ dum nutrans omnia succussisti : agnouimus Te solem ex Eclipsi , & Tu quam salubre sydus es , nunquam probasti melius quam dum æger fuisti .

Omitto aliorum lætities vt explicem gaudia Ludouicistriumphantium gaudio Ludouicus te conualecente , quo bene valente toties triumphauit ; non incundior ei nuntius accidisset ; recuperatæ alicuius Prouinciæ quam valetudinis tuæ , in qua tot recuperandæ Prouinciæ vertebantur ; visere te non videre voluit Ludouicus , & ardens amore tui , occurrit ultro valetudini tuæ , quam venientem expectare non potuit . Quam suauis illi amplexus Regij ? aperire poterant sinum vlceris si nondum patuisset ; quam gloriôsæ laudes illæ Regiæ , & publicæ ! quam fidelis illa responsio tua , recusaturum te vitam nisi vt eam Ludouico consecrares : nec ingrata vox illa militaris inter amplexus vestros , benè valete ambo , & nostris ensibus cætera permittite .

Restitutus ergo es RICHELI non tam tibi , quam Regi ; reuixit Gallia te valente , quæ te ægotante laborabat ; gratulantur tibi omnes boni , gratulantur nobis hostes etiam irati , & gaudent de te etiam qui te timent .

Id vnum precamur omnes , parce tibi , & nobis RICHELI , age lentius vt diutius agas , moderare vires ingenij tui ; vt te parte tui ; & non te toto ; satis est particula vna sapientiæ tuæ , vt per eam omnis Europa sapiat .



ARMANDI RICHELII,
TESTAMENTVM CHRISTIANVM.

CATHOLICVS fide, Cardinalis dignitate, Minister Regius munere, reddo rationes publicas vitæ meæ, & conscientiam explico coram Sole, vt legi ab omnibus possit quod Sol ostendit.

De fide mea id testor, idcirco purpuratum me credidi vt fidem tuerer; obsignassem eam libenter meo sanguine, & maluissem hac secunda purpura rubere quam prima; hanc volui esse cardinem vitæ meæ, hanc secutus sum Ducem etiam cæcam; nec tamen in me cæca penitus fuit, eò ferè ingenio attingi quò fides præiuit, sciui penè quod credidi; nec tamen credidi quia sciui; pluris feci cæcam fidem quam oculatam sapientiam, & plus ignorantia mihi credidi quam videnti.

Quid fecerim pro fide diuina testari potest fides humana; abstuli hæresi trecentas arces, ne esset rebellis; auerti aliena auxilia ne esset infidelis, eripui arma ne esset hostis, emendaui mores vt fidem corrigerem, conciliaui animos Regi vt Deo subijcerem, erudiui conscientias, tentaui libertatem; eò redegei hæresin vt quæ vim timebat cogi iam vellet.

Nec minus extra Galliam Catholicus fui; prius egi cum fœderatis de Religione Germaniæ quam de libertate; vtriusque me Patronum professus sum, excepi Ecclesias à legē armorum, docui politicum esse bellum non Ecclesiasticum; si quid detrimenti passa est Religio, ille non intulit qui prohibuit.

Cardinalis amaui Ecclesiam Romanam vt matrem, & Gallicam vt filiam; illius aumnus, huius Patronus, illius iura, huius priuilegia tueri volui; sciebam quid Gallia deberet Romæ, quid Roma Galliæ, mutuus est amor, & alterna beneficia; seruiui vtrique dum seruiui vni, & quidquid addidi Galliæ, addidi Romæ.

Nec nocet Aula Ecclesiæ, nec Ecclesia Aula, neutra decolorat alteram quia vtraque est purpurata: administraui Galliam

vt Ecclesiam, seruiui Ecclesie dum seruiui Gallie: ij duo Cardines vitæ meæ Ecclesia & Gallia, Deus & Ludouicus; imò nec duo poli, quorum vnum in altero semper vidi; noluisset me Gallia ministrum si peccassem in Ecclesiam, noluisset, me Ecclesia Cardinalem si peccassem in Galliam.

De me ministro id tertium testor, volui ministerium meum Christianum esse & politicum; conciliaui vtrumque, quia me Ministrum putaui Regis & Dei; sciebam Regem Gallie esse Ludouicum, & Regem Ludouici esse Deum; imitari volui Prouidentiam Dei quia Regnum Gallie est Regnum Prouidentie; exploraui quod præiret Deus, huc sequi volui; neque antecessi nutum Ludouici, sed obseruaui; neque attuli lucem, sed accepi: inde illa felicitas mea sub vtraque fortuna; neutra cæca fuit quia Deus vtrique præluxit; neutra temeraria quia prosperam dedit Deus, & correxit aduersam.

Hæc gemina virtus ministerij mei, fides erga Deum & fidelitas erga Ludouicum: de vtraque id asserere possum, nihil prætuli Ludouico nisi Deum; vtrique studui, vtrumque sciui, & penè vtrique credidi: hæc duplex regula vitæ meæ Deus reuelans, & Ludouicus imperans; agnoui vtrumque vt Dominum & Magistrum; didici ab vtroque quod docerem, atque vt essem Minister orbis, prius fui Discipulus Dei, & Ludouici.

Vt fidelis essem Ludouico imitari volui iustitiam Ludouici; de qua id testari audeo, penè offendi alias virtutes ne offenderem iustitiam; timeri volui vt amaretur Ludouicus; seuerus in paucos fui, vt essem omnibus bonus; nullius tamen hostem me putaui nisi esset hostis Ludouici; amaui iustitiam non vindictam; nihil egi nisi iustum quia Ludouicus nihil imperauit nisi rectum.

De cæteris virtutibus id vnum dico; amaui omnes quia omnium ministrum me credidi; didici omnes vel docui; & dum Ludouicus virtutes omnes facit regias, feci omnes purpuratas; ob eam causam Eminentissimus esse non renui, vt virtutes extollerem; idcirco Cardinalem me putaui vt eas fulcirem; propterea aulam non fugi vt eas in aulam inducerem; inde illa sanctitas veriusque aulæ, prima Regia, altera Ecclesiastica, vtraque aula virtutum fuit.

Hæc de virtutibus; de honoribus id profiteor, admisi dignitates non ambiui; mereri eas volui prius quam assequi; nec tamen post meritum honores admisistem, nisi vt honorarem Ludouicum; honorificum est Soli coronari radijs, pertinet ad maiestatem Oceani derivari in fontes nec imminui; Idcirco Dux,

Par,

Par, & Cardinalis esse non recusavi, ut sciret orbis qualis & quantus est Ludouicus, cuius radius, & riuus fuit Richelius.

Et nunc eos honorum titulos æquè depono libenter, atque gero: tam facile morior Cardinalis, quam homo; sciui sub purpura mortalem fuisse me, quia sciui me esse hominem; assueui æternitati intra tempus, atque ut mortem fallerem mori cœpi adhuc viuus; captus sinistro brachio dextrum obtuli morti & vulneri; circumductus gestatorio ferculo, assueui feretro quasi lecto; destitutus vsu dexteræ, deosculor dexteram Dei; vidi me per partes mori, & didici moritotus.

Et nunc viuus, & moribundus testor sub Ludouico Christianissimo fuisse me ministrum in omnibus Christianum.

EIVSDEM TESTAMENTVM POLITICVM.

A BITVRVS è vita vera dico eo momento quo nemo mentitur; vicinus æternitati quasi æternus loquor: Audi posteritas verba penè vltra vitam prolata, & vera; lege testamentum penè vltra tempus scriptum ne fallat, penè intrat æternitatem, ne pereat.

Electus in primarium Regis mei Ministrum, id primum intendi ut Regem meum facerem Regum primum; volui Christianissimum esse & Potentissimum; volui primogenitum esse Ecclesiæ, & Europæ; volui esse iustum ut sua orbi restitueret, & orbem sibi.

Hæc prima mea cogitatio Maiestas Regis, altera magnitudo Regni: inueni Galliam minorem seipsa; decreuerant omnia, præter linguam; hæc quoque excedebat Galliam, & erat Gallica: populi olim pars Galliæ negabant se esse nostros lingua nostra; Galli erant & hostes Gallorum; armabatur Gallia in seipsam; utebatur hostis nobis in nos ipsos; & victus & victor Gallus erat; idem tortis in alienam gloriam, & perniciem suam.

Hic igitur ministerij mei scopus, restituere Galliæ limites quos natura præfixit, reddere Gallis fratres suos, addere Galliam Galliæ, & linguam linguæ; confundere Galliam cum Francia, & ubicunque fuit antiqua Gallia, ibi restaurare nouam.

Triā

Tria se opponēbant votis meis ; obſiſtebat Gallia ipſa hoſtis ſui ; obſtabant hoſtes Galliarum , ne Gallos haberent æquales ſibi , vel maiores ; obſtabant finitimi populi , idcirco amici externæ potentiæ , quia non poterant eſſe hoſtes .

Vt perrumperem hos obicēs , conciliaui Galliam ſibi , ne intra ſe hoſtis eſſet ; occupaui hoſtes domi , ne bellum gererent foris : oſtendi ſocijs libertatem , & coegi aliquos , etiam inuitos , eſſe liberos .

Duo mala male habebant Galliam , hæreſis , & libertas ; emendauit vtrumque malum Ludouicus armis ſuis , & conſilijs meis .

Primum malum adeo excreuerat , vt intra vnum regnum cenſerentur plura regna ; tolerata à Regibus Religio , legitimus Regem vix tolerabat ; ex ducentis arcibus ſecuritatis , totidem effecerat propugnacula rebellionis : intra centum vrbes , centum conſtat reſpublicas ; intra Rupellam incluſerat rebellionem , & ſeipſam : inde imperabat mari , inde neſcebat ſœdera cum hoſtibus Galliarum ; inde partiebatur authoritatem Regiam , & ne vni Regi pareret , pluribus dominis ſeruiebat .

Aggreſſus ſum hoc monſtrum quod alij ante me Miniſtri irritare metuebant expugnauit Rupellam Ludouicus , & intra urbem vnam omnia elementa vicit ; recepit trecentas arces anno vno , & ſingulis ferè diebus triumphauit : intra Galliam ſuperauit alterum Regnum , & bis Regem ſe fecit ; & ne quis de pietate cauſæ dubicaret , pugnavit armis Ludouicus , & Deus miraculis .

Alterum Galliarum malum erat libertas , amabatur Regia dignitas non poteſtas ; timebantur ſubditi , & peccabant vt timeri poſſent ; emebantur obſequia quæ gratis debebantur : redimebantur auro offenſiones ſupplicij dignæ ; attribuebantur penſiones ne quis rebellis eſſet ; libertas erat conſcientiarum , & neceſſitas criminum ; leniebatur malum muneribus , & creſcebat lenitate .

Vt mederer huic malo volui amari Ludouicum Pium , & timeri Juſtum ; volui imperium eſſe penes vnum , & penes omnes obſequium ; volui deberi amorem Regi , non emi ; volui aurum virtutis præmium eſſe non ſceleris : volui fide litatem neceſſariam eſſe , non liberam ; volui obedientiam oculatam eſſe , ex parte imperantis , cæcam ex parte ſubditi .

Post erectam maiestatem Galliarum deprimenda erat maiestas externa, quæ tot annis Galliam depreſſerat : duæ res fundabant hanc maiestatem externam , conſilij grauitas , & Regni poteſtas .

Adeo

tes, omnes componere crederentur; præsidebat Religio consultationibus ut eas consecraret; assistebat sapientia ut illas erudiret; comitabatur fidelitas, ut eas tegeret, & tunc tantum reue-
labantur facienda cum erant facta.

Perturbaui externam sapientiam dum arcana detexi; reuelau-
ui mysteria quæ nondum texerant, euulgauī consilia quæ non-
dum coperant, præoccupauī agenda ne inciperent; obieci res
factas ne faciendas decernerent; supplantauī consilia dum mate-
riam subtraxi: docui artem sapiendi, quam hostes nesciebant;
mirati sunt doceri se à Gallia, quam ipsi semper docuerant.

Alterum externæ Maiestatis fundamentum erat potentia; ;
hæc maiestas oriri intra fines suos videbat solem & occidere; ;
hæc eos mundos inuenerat quos Alexander cogitabat; hæc tri-
bus orbis partibus quartam partem, & veteri mundo addiderat
nouum: Ex eo orbe nouo tantum metallorum exportabat, ut
rarius ferè aurum esset ubi nascitur, quam ubi venditur: eo au-
ro emebat Prouincias, aut obligabat; amabant populi hoc me-
tallum, vel timebant; eo primum amicos, deinde socios mer-
cabatur; nulla ferè Societas erat, cui non commodaret, quod
deinde repeteret.

Nullibi tamen studiosius miscebat hoc venenum quam intra
Galliam; eo auro corrumpebatur fides subditorum, tentabatur
fides Nobilium, sollicitabatur amicitia hæreticorum; & quo-
rum displicebat fides, eorum emebatur fidelitas: vernalis erat
magna Galliæ pars: hæc si empta esset, vernalis erat Europa.

Ut mederer huic alteri malo, diuisi hanc externam potentiam
ne semper cresceret: interrupti commercia, ne semper emeret;
ingressus sum Patriam ipsam, & inueni fortiorem foris esse,
quam domi: emi ipse vires aliquas, mercatus sum Prouincias;
vici quod non potuit emi; & nunc auctior Gallia bona parte sui,
ostendit quid acquisierit, & quid hostis amiserit. Nec Galliam
tantum auctiorem feci, sed affines adiui: deferebant Galliam
socij, quia eos Gallia deferebat; siebant amici hostium, ne serui
essent; emebantur promissis, onerabantur titulis, & omnis hæc
amicitia honesta seruitus erat.

Ostendi Europæ libertatem dum ostendi Regem, fortem ut
amicos protegeret, iustum ne aliena retineret; amicum ut gra-
tis beneficus esse vellet; ostendi Italiæ Galliam tueri velle quod
dedit non repetere; ostendi Germaniæ liberam esse posse, si neu-
tra esse vellet; ostendi Electoribus quis eligi posset, & quis eligi
nollet; ostendi Protestantibus placere eorum libertatem non fi-
dem;

dem ; obtuli Angliæ amicitiam si amari vellet , & amare ; obtuli Lusitanæ portum intra Galliam , & Galliæ portum intra Lusitaniam .

Sic correxi timorem orbis dum ostendi quid timeret ; sic docui superari posse quod victum est ; sic obtuli libertatem gratuitam , dum ostendi Ludouicum Patronum Europæ esse velle , non Dominum .

Perge L V D O V I C E vt cœpisti , absolue victorias quas inchoasti ; ostendi quo progredi posses , & vbi desinere ; ostendi aliena nunc regna , & quondam tua : ostendi quid debeas Europæ , quid illa Tibi ; quid possis repetere , quid illa reddere : quid sit alienum , & quid tuum .

Accipe L V D O V I C E hunc librum quem Tu ipse distastisti ; habes in priore parte artem belli quam ex Te desumpsi ; habes in altera parte Ideam Pacis quam ex te didici ; habes in tertia parte exemplar Regis , quod ex Te Rege descripsi ; habes vbique artem Ministri Politici , quem Tu ipse formasti .

ARMANDI RICHELII

CARDINALIS DVCIS

EPITAPHIVM SORBONICVM.

STA VIATOR, ET LEGE.

Hic iacet ARMANDVS RICHELIVS, Cardinalis Dux:

Abi Viator in vno nomine Epitaphium legisti ,

Redi viator , audi aliquid minus quam legisti.

Hic oriundus à Regibus , aut pro Regibus ortus fuit ;

Futura Magnitudinis signa adhuc Puer dedit ;

Et parvus aetate iam erat sapientia DIVES LOCVS,

Alumnus Sorbona impleuit eam ingenio, ea tota non plenus ;

Propugnauit in ea Theses , breui ipse mundi Thesis futurus :

Romam profectus Paulum V. ex Papa Prophetam fecit.

Ostendit se qualis erat, & visus est qualis esset futurus :

Redux exhibuit Romæ Gallia, qui Galliā exhibuerat Roma.

Henricus Magnus appellabat Praefulem suum, id est magnum ;

M Et

Et facturus erat si vixisset, qualem fecit LVDOVICVS :

Electus in Ministrum Regium, inde incipit ubi alij desierūt ;

Superavit antiquam sapientiam, dum ei addidit nouam :

Superavit seipsum maior alijs, & semper se maior ;

Nemo sub eo bis errauit, vix ipse errauit semel ;

Idcirco geminata habuit organa cerebri, ut bis sapiens esset :

Sapere docuit volentem Galliam, & Europam nolentem :

Magister Europa, dum docuit nouam artem sapiendi :

Fecit seculum sapientia, Ludonicus iustitia :

Primum illi bellum cum hæreticis fuit, inde incipere debuit Car-
dinalis,

Alterum bellum pro Gallia, contra Galliam gessit ;

Tertio bello fecit maiorem Galliam, & minorem Hispaniam :

Post tot victorias superari à morte vix potuit ;

Aggressa est hominem per partes, non ausa totum aggredi ;

Decepta tamen est, inuonit immortalem dum peremit ;

Scilicet dum toties moritur, immortalem se fecit ante mortē.

Quid moraris Viator, interijt Richelijs vita, non sapientia ;

Venit intra Sorbonam, intra quam nihil totum moritur :

Reparauit ruentem, & facere voluit DIVITEM LOCVM ;

Recusauit opes Sorbona ne sapientia nocerent .

ABI VIATOR, ET PARA TE MORTI.

Quæ Richelio non pepercit, non parcat tibi.

Eminentissimo Principi Ecclesiæ Cardinali,
& Archiepiscopo Lugdunensi

ALPHONSO LVDOVICO

DV PLESSIS DE RICHELIEV.

ELOGIUM.

OBTEMPERO modestiæ tuæ, CARDINALIS EMI-
NENTISSIME, abstineo laudibus tuis, & ne te offen-
dam non Te laudo ; non assero Eminentissimi fratris testimo-
nium,

nium, cuius ingenium, cum penè humano sit maius, fatetur tamen Te etiam in hac parte natu esse maiorem: Non appello Romanam curiam, cuius hoc oraculum fuit, post audita oracula tua, dignum Te esse vna Clauæ Petri, fratrem altera; & vtrumque gemina. Non commemoro recusatas à te dignitates, & ministeria etiam Regia: hæc omitto & plura; hæc etiam pauca dixi te inuito.

Vnum est, quod tacente me, & nolente Te, Lugdunum clamat, & laudat: substitisti Lugduni grassante peste; non fugisti urbem cum vrbs ipsa se fugeret: lustrabas quotidie ciuitatem penè vacuum, & te ipsa plenam; & dum vnus omnia exerces munia, diu solus Lugdunum effecisti.

Impleuisti omnes boni Pastoris numeros; nulla ovis perijt ignota Pastori; numerasti gregem tuum, & pauisti; nihil aliud aspexit Pons nouus per aliquot menses, nisi euntes ad te miserias nostras, & redeuntes Eleemosynas tuas; nulla ovis interijt fame, etiam dum periret peste.

Neque obtulisti tua tantum, sed te ipsum; mirati sunt afflati lue adiri se abs te eo tempore quo vitabantur à suis: singulare facinus est quod commemoro, dignum Carolo Mediolanensi, & Alphonso Lugdunensi; ingressus es tugurium in quo duo viri Religiosi, & cum illis pestis inquilina erat; non expauisti morbi præsentiam, cuius aspectum alij timuissent; credidit vterque vir Religiosus illapsum Angelum, & erat si solum animum aspexissent: affatus es vtrumque ijs verbis, quæ sanitatem afferre poterant, nisi mori maluissent: excepit idem locus verba vitæ, & anhelitus mortis; expiasti peccata vtriusque, quæ iam pestis deleuerat; vterque ouibus tuis vitam suam consecrarat, tu vtriusque tuam: cuius Eminentiam pestis venerata, ex eo tempore languere cœpit, & tecum vrbs tota periclitata, tecum euasisse se credidit.

Audacior effecta lues dum vrbi parcit, domum ipsam Pastoris aggressa est, nec tu eam timuisti domi, qui eam foris prouocaras; non ausa Pastorem lædere, abscessit denique, & gregi parcere coacta est, & Pastori.



LVGDVNI, ET MASSILIÆ
DE ALPHONSO RICHELIO,
SVB NOMINE ARISTI,
AMABILIS PVGNA.
ECLOGA.

PVGNAT Lugdunum de te, & Massilia pugnat,
Vtra magis sit Ariste tua: & dum pugnat utrimque
Neutra minùs, plus neutra tua est: amat utraque totum,
Vtramque, & tu totus amas.

Me, Lugdunum inquit, non te meus ardet Aristus;
Nec tuus hic Pastor, nec tu Pastoris ouile;
Huic ouis est meus ipse leo, sub voce Magistra
Dedidicit rugire ferox, & amore regente,
Iam didicit balare Leo; qua signa fauoris
Expectare potes? totum se Pastor ouili
Præbuit, & ne aliquod speres à diuite donum,
Nil ultra quod donet habet; mihi sanguis Aristi
Ægrota medicina fuit, mihi purpura vestis,
Et vestis Pastoris amor; si totus Aristus
Est meus, unde aliquam speres Massilia partem?
Nec partes admittit amor.

Lugdunum Soror, & chara minus aqua Sorori,
Cur Solem vis esse tuum, si publicus orbis
Est oculus; cur non fiat communis Aristus
Si commune bonum est? quid non opponeret orbis
Si vellem retinere mare? & tua flumina currunt,
Et quidquid commune bonum est, excurrere debet;
Ne fiat proprium; currat communis Aristus,
Ille tuus, sit & ille meus; sat amoris utrique,
Sat lucis sol diues habet; si pergis obesse,
Incipiam fieri ipsa nocens; priuabere iure,
Partiri si iura negas; remorabor Aristum
Ne possit tuus esse redux; tentabo coronis,
Imperium donabo maris; si munera volet,

VICTOREM dabo; vincetur VICTORIS amore;
 Victus eris, victorque meus.

O pugnam elogijs dignam! sic amula signa
 Solstitij pugnant, uter amplius ignis ametur,
 Quis solem plus ignis amet; si vincere posset
 Alteruter, reliquis solem subduceret astris,
 Et fieret sol puncti hospes; sed publicus orbis
 Arbiter, inuisit puncta, & postquam oscula fixit,
 Zodiaci per signa redit, fictasque figuras,
 Et veras sub sole facit; nisi iustus amores
 Diuideret, pars una orbis splendore periret,
 Altera pars tenebris; dum menstrua signa pererrat,
 Equalem facit hospitij aequalibus annum,
 Dumque amat, est communis amor.

Et Tu ignes partire tuos aqualis Ariste;
 Nec te Lugdunum, nec te Massilia totum
 Possideant; sat lucis habes, & amoris usrique;
 Zodiaci percurre vias, & publicus orbi
 Da populis, quibusque tuis de Te esse beatos
 Et radijs lucere tuis.

Eminentissimo Principi Ecclesiæ
 Cardinali

I V L I O M A Z A R I N O,

A N A G R A M M A.

M A S A R I N I.

A R S A N I M I.

E L O G I V M.

A R s artium est scire quid possint humana ingenia, & quid
 velint flectere illa quam in partem velis, ita moderari ve-
 recum velint: dominum esse libertatis alienæ & suæ; & dum alij
 dominantur in corpora esse rectorem animorum.

M 3 Nosti

Nosti hanc artem vel ex nomine tuo, MAZARINE: calles principia huius artis quasi inuentor, exercees illam quasi author; idcirco habes illam pro nomine, quia in alijs disciplina, in te doctrina, & penè natura est.

Placet explicare artem verbis quam tu explicas factis; proponam teipsum tibi vt sis spectator tui; vtar principijs artis tuæ vt pingam te similem tui; describet seipsam ars tua; idem eris pictor, & imago; idem eris ars, & artifex tui.

Primum artis tuæ principium est, nosse ingenia; efformasti intra te characteres animorum, resident intra te Italus, & Germanus, Hispanus & Gallus; nulla natio apud te peregrina est, fecisti omnes domesticas; viuunt intra te infinitæ animorum imagines, nec se confundunt; habitant intra te dissimiles populi, nec se excludunt; extra te hostes, intra te amici, extra te bellum gerunt, intra te pacem colunt; placet hospitium singulis, quia placet hospes; scis placere ingenijs, quia scis artem ingeniorum.

Atque hoc est alterum principium artis tuæ, aptare se ingenijs, & placere; aliter agis cum Italis, aliter cum Germanis, aliter cum Gallis; adhibes maiestatem Romanam cum Romanis, grauitatem cum Venetis, venustatem cum Florentinis, elegantiam cum Neapolitanis; agis prudenter cum Mediolanensibus, magnificè cum Genuensibus; popularem te putant omnes populi dum in Te se vident.

Longè aliter te habes cum Hispanis, assumis maiestatem oris quam natiuam habes; pronuncias oracula, loqueris mysteria, reuelas arcana; mirantur Hispani eminentem sapientiam, & credunt suam; nec putant te ita sapere posse, nisi Hispanus esses.

Hispanus es adscita prudentia, & Gallus natiua; duo te Gallum efficiunt, propensio indolis tuæ erga Galliam, & propensio Gallia erga indolem tuam; elegisses Galliam in Patriam, si eligere potuisses antequam esses; elegisset te Gallia in alumnum si eligi possent in natos nondum nati; amasti Galliam statim, atque amare potuisti; creuit ille amor crescente Te; inde illa officia tua erga Galliam, antequam officia gereres; ministrasti diu pro Gallia antequam eligereris in Ministrum; fuisti manus Richelieu dum ille brachio laboraret, & nunc representas illum rediuuium, & Gallico anagrammate penè ipse Armandus es.

Iules Mazarin,

Je suis l'Armand.

Vt aptes te ingenijs excedere debes ingenia; atque hoc est tertium principium artis tuæ: deprehendis ingenia si astuta, peruadis si solida, percellis si subtilia, scrutaris si lateant, excurreis ultra si pa-

si pateant, ascendis supra si emineant; penetras dum aspicias, examinas dum alloqueris; ponderas dum audis; scis ubi deficient, vides quò pertingant; inuenis terminos si habeant, præfigis si non habeant; metiris ingenia ut aptes te ingenijs, nec metiri posses nisi excederes.

Nee tantum excedere debes alios, ut aptes te alijs, sed te ipsum ut aptes te tibi; atque hoc est quartum principium artis tuæ; fieri debes maior te, & te minor; debes assurgere ultra te, debes descendere infra te; debes æquare te summis, debes aptare te paruis; nec potes aptare te alijs, nisi aptes te tibi: nec scire artem alieni ingenij, nisi scias artem animi tui. Ars es alieni ingenij, Ars es ANIMI TVI.

EMINENTISSIMO CARDINALI
I V L I O M A Z A R I N O,
N O V A P O L I T I C A.

NO V V M Politicæ genus, quod ignorauit antiqua ætas, & ignorat nostra; quod omnes Politici quærunt, & omnes nesciunt; quod ille solus nouit qui inuenit; hæc est Politica tua **CARDINALIS EMINENTISSIME**; idcirco noua quia incognita alijs, & nota tibi.

Placet explorare rem ignoram; dicam de Te quod Europa dicit, nec te dicam; percurram omnes politica, nec inueniam tuam; Imo inueniam dum dicam esse nouam; cognoscam, dum dicam esse incognitam, & dum probabo illam esse quam omnes nesciunt, illam sciam.

Experiri voluit Anglus ille politicus politicam tuam, certastis diu vter plura abijceret, vter plura refelleret; enumerastis bella præterita, & ostendistis futura; dixistis antiquas victorias, & antiquas iacturas; quas vrbes, & Prouincias intra Galliam Anglus cepit, & quas amiserit; quid fecerit dum esset Galliæ Cliens, quid peccauerit ne esset amplius Cliens; quid possit Anglia si iungatur hostibus Galliæ, quid posset Gallia si iungatur æmulis Angliæ; quid si Anglia se adiungat Gallis hæreticis, quid si Gallia addatur Anglis Catholicis; quæ pauca timenda à Rege iuue-

ne, quam pauciora à Rege exule: denique contentionum hic exitus fuit; euoluit Anglus politicam suam, nec explicuit tuam; exhaustæ artes suas, nec didicit tuas: abruptit certamen politicum dum vinci timet: & quod bellum minabatur Galliz indixit Hispaniz.

Percurro alias politicas, quæ te nesciunt, & quas tu nosti; decennium est cum Hispania meditatur politicam tuam, nec illam attigit; tentauit illam Germania, & nondum intelligit; admiratur illam Italia, & adhuc nescit; quod admirabilius est, videt politicam tuam Gallia, & illam ignorat; videt artificem, & nescit artem, videt effecta non causas; sentit beneficia, nec satis agnoscit authorem.

Vt tegas politicam tuam, sumis illam ex rebus futuris quas omnes nesciunt, non ex præteritis quas omnes norunt; vides ineunte anno annum totum; vides intra annum decennium; ex ea scientia digeris consilia, disponis facienda, & penè facis futura; nec tantum vides annos nostros, sed cernis externos; expendis ingenia hominum, & penè metiris; exploras arbitria, & penè penetras; examinas vires hostium, enumeras opes, scis quid singuli possint, & penè quid velint; atque hæc dum vides, eludis consilia hostium dum detegis; anteueris facienda dum prior facis; supplantas insidias dum in hostem vertis; mirantur hostes falli se artibus suis, & penè superari à seipsis.

Hæc est politica tua soli perspecta tibi, atque Regi; nouit ille sapientiam tuam, cui tu sapis; & tu ab illo habes vnde sapere possis: ac velut primarius ille solis administer, & Phosphorus haurit à sole vnde præluceat Soli, sic tu à Rege tuo accipis lucem, & reddis; lucet illi, & lucet ab illo, & lucet radijs Regijs, vt luceas tuis.

Dixi politicam tuam dum illam non dixi; probaui esse nouam dum probaui incognitam, ostendi esse incognitam alijs, & soli notam Regi, & Tibi.



185

TROIS DEVICES SVR LE MESME SVIET.

I.

Le Nil, duquel on ne scait pas la source .
Parte sui meliori latet .

EPIGRAMMA.

PARTE SVI MELIORE LATENT *miracula Nili ;*
Nascitur , & nondum Patria prima patet .
Et Tu parte tui nescis meliore videri ;
Facta patent orbi publica , causa latet .

II.

Vne Grenade à demy ouuerte .
Nobiliora latent .

EPIGRAMMA.

QUOT grana ostentat , tot sydera punica malus ;
Sydera sub granis NOBILIORA LATENT ;
Magna licet pateant de Te , maiora teguntur ;
Dum te aperis , intus nobiliora regis .

III.

Vn Ver à soye .
Ars pretiosa latet .

EPIGRAMMA.

ARS PRETIOSA LATET , *qua bombix viscera voluat ;*
Deque suo textor serica fila neat .
Ars pretiosa latet , qua Tu hosti retia texis ;
Et pacem , & nobis serica fila facis .

I V L I O M A Z A R I N O ,

E L O G I V M .

V I C T O R I I N V I D I Æ .

VICTORIARVM ultima victoria est superasse inuidiam ; primus Eminentia gradus est facere inuidiam sui alter ; & superior scire inuidiam pati supremus, & vltimus eò ascendisse quò inuidia, nec audet sequi, nec potest.

Eò ascendisti, **CARDINALIS EMINENTISSIME**, fecit initio virtus tua inuidiam sui ; sciuit illam pati dum te illa, ferre non posset ; & nunc eo extulisti merita tua, quò inuidia sequi non potest nisi per laudes .

Illustre Elogij genus laudari ab ipsa inuidia, vel inuita ; audire retractantes se linguas, & fatentes eam famam dignam esse elogijs, quam onerant probris ; nemo negabit eas laudes esse veras quas inuidia asserit ; fallere potest hostis dum accusat, nunquam sefellit dum laudat .

Nolo dicere quid de te mentiretur inuidia, malo dicere quæ Tu illam arte vicisti ; obiecisti fabulis Historiam magnarum rerum ; & refutasti iniurias non verbis, sed factis : illustre defensionis genus tueri se fortibus factis, & nobilis Apologia est innocens vita .

Placet admirari vitam ministerij tui, & fines intueri quos tu ipse præfixisti tibi ; primus ministerij tui scopus fuit, finire bellum quod tu inuenisti non fecisti, & pacem stabilire quam semper propositam habuisti ; ignorat mysterium politicæ tuæ quisquis de hoc mysterio dubitat ; ex ipsæ conditiones quibus impeditam à te pacem mentiebatur inuidia, rationes erant sciendæ pacis si eas admisisset hostis qui nunc eas requirit : Quid ais inuidia ? vter pacem noluit, qui rationes pacis proposuit, an qui reiecit ? iustas fuisse probat ipse hostis, dum illas nunc expetit .

Alter ministerij tui scopus fuit supplere annos Regis dum minor erat, & probare omnibus Maiestatem Regiam nunquam iuuenem esse, & regnum in ætate immatura posse esse maturum ; quam gloriose id præstiteris testatur Europa, & experitur : nemo est extra Galliam Rege maior, nemo intra Galliam qui non sit
mi-

minor, nemo est primus nisi vnus, nemo secundus, & tertius qui non sit subditus; nemo ciuis est hostis; nulla vrbs est intra Galliam, quæ non sit Gallica, & multæ extra Galliam sunt Gallicæ.

Tertius ministerij tui scopus fuit extendere regnum, & reddere Galliaë limites quos natura ipsa donarat: promouisti opus, & absoluisses nisi inuidia obstitisset; sed interrupit illa consilium tuum, non corruptit: addidisti Regno centum arces, aut vrbes; addet cæteras pax publica quam meditaris, aut bellum euincet, quod nunc geris.

Post tantas præclarè res gestas, nihil arrogas tibi ex tot victorijs nisi nomen fidelis ministri, & Mercurij vices, non iouis; explorasti semper mentem Regis, obseruasti nutus, & fortiter executus es motus: agnoscis Ludouicum Solem esse te radium, pendet à sole radius, & lucet aliena luce non sua; & tu pendere te agnoscis à Rege, & luces accepta luce non tibi, sed Regi.

Molliuit inuidiam modestia tua, vicit fidelitas, & clementia triumphauit; nullas vnquam iniurias vltus es nisi Regias; pepercisti inuidis tuis dum ipsi vix parcerent; scilicet difficile parcat qui læsit, facilius ignoscit qui læsus est; & tu aliquando lædi voluisti, vt posses ignoscere; atque hæc est eminentia magnæ mentis, & posse, & velle parcere: nulla metamorphosis nobilior est quam ex hostibus amicos, & inuidis facere laudatores: Laudat Te superata Inuidia, MAZARINE, & faretur falsum esse quod dixerat, dum affirmat verum esse quod laudat.

DEVX DEUISES SVR L'ENVIE.

I.

Vn Soleil faisant de grandes ombres en son leuer.

Spargit longas dum nascitur umbras.

EPIGRAMMA.

Sol oriens LONGAS SPARGIT DVM NASCITVR VMBRAS;
Inuidiam quimis nobilis ortus habet.

Le Soleil ne faisant quasi plus d'ombre en son Auge.
Vmbra vix spargit in Auge.

EPIGRAMMA.

PRONECTUS sublime VMBRAS VIX SPARGIT IN AVGE,
Nec te audet, nec te liuor adire potest.

Eminentissimi Cardinalis

I V L I I M A Z A R I N I,
 I M A G O V I T Æ.

IVLIVS MAZARINVS ortu Romanus, origine Siculus, multis nominibus Gallus appellari potest: fuderunt sanguinem suum illustres Proavi pro causa Gallica intra Siciliam; fudit nuper generosus Nepos intra Galliam, sæpè ipse per annos viginti vitam exposuit pro salute Regni, & diu ante gessit purpuram Gallicam, quam Romanam.

Vt paternum erga Ludouicum animum gereret, vices gessit Patrini; vt necessariam Regni curam susciperet vnus ex sex Consiliarijs necessarijs fuit; credidit illi Ludouicus voluntates vltimas, & si diutius vixisset, credidisset publicas: imitata Ludouicum Regina primarium Regni Ministrum esse voluit, atque vt necessarium probaret, etiam innitum retinuit.

Qua felicitate Ministerium obierit probant plurium annorum res secundæ, qua fide, testante paucorum annorum res aduersæ; totis octo annis crescebant victoriæ crescente Ludouico; numerari poterant anni Regij, à captis vrbibus, & captæ vrbes à Regijs annis: iam auctior sexta sui parte Gallia recuperabat sua, & restitui curabat aliena; decrescebat interea hostis, & felicitas nostra, damnum illi, & iactura erat.

Interruptit cursum prosperitatis nostræ per hostes domesticos hostis externus; diuisit familiam Regiam, vt diuideret Galliam; armauit Prouincias in seipsas; fecit hostes ex ciuibus, & ciues ex hostibus; atque vt tegeret artes suas, damnavat Ministerium, vt

accusaret Regnum, ipse interea auxiliaris, & hostis adiuuabat clades nostras, vt restauraret suas.

Nulla est virtus quam interea fidelis Minister non adhibuerit ad auxilium Regni, & sui; adhibuit sapientiam, præuidit res futuras, anteuertit pericula, & obuiam iuit malis venturis; adhibuit fortitudinem dum capiti suo nihil timuit, etiam vernali; adhibuit prudentiam dum exiuit e regno, & fidelitatem dum rediit; exiuit vt odia publica secum exportaret, rediuit vt probaret reditu suo quinam essent hostes priuati, & quinam publici.

Quam necessarius fuerit hic reditus, probant hostes dum illum improbant; interea cessauit bellum domesticum, & ciuile: nemo ciuis est hostis, nemo hostis est ciuis, nulla vrbs intra Galliam est quæ non sit Gallica; nulla tesseræ nisi amica; nulla funda nisi Regia; nemo intra Galliam est primus nisi vnus, nemo est extra Galliam Ludouico maior, nemo intra Galliam qui non sit minor.

D E V I S E.

Vne Estoile qui semble tomber.

Dum radiat cecidisse putant.

E P I G R A M M A.

DV M R A D I A T C E C I D I S S E P U T A N T; *scintillat imago*
Syderis, & sydus creditur umbra cadens.
Tu quoque fulgebas dum Te cecidisse putabant,
Interea si quid decidit, umbra fuit.

MYSTERIVM PACIS.

AD EMINENTISSIMVM CARDINALEM

I V L I V M M A Z A R I N V M.

MYSTERIVM Pax erat antequam eam efficeres, C A R D I N A L I S EMINENTISSIME, & postquam illam fecisti adhuc mysterium est; sentimus illam, & nescimus; tenemus & du-
 bi-

bitamus ; adeo operosum erat negotium Pacis, vt penè negemus factum quod desperabamus faciendum.

Desperabamus citram iraculum, & Tu eius miraculi administer persuasisti pacem Regi etiam victori, & docuisti optimum genus vincendi esse, imponere modum victorijs: scilicet non æquè in bello, atque in ludo fortuna se gerit, qui vincit ludo nihil amittit, & penès victum totum dispendium est; at in bello vincuntur populi dum vincunt, exhauriunt vires alienas, & suas; & dum inter pares certatur æqualis penè iactura est victoris, & victi; agnoscit iacturas suas Gallia etiam victrix, videt se exhaustam victorijs, & fatetur penè se victam esse dum vincit; optimum igitur victoriæ genus est vincere victoriam ipsam, & cessare à bello victorem.

Decennium est cum meditabaris hanc pacem, nec citius capi hæc Troia potuit; tentasti Monasterij negotium Pacis, sed adhuc expertus immaturum, diuisti rem arduam, & partem aggressus, quæ matura erat, fecisti pacem Germaniæ, & Galliæ, olim facturus Europæ; sic prælusisti Paci parte altera Pacis; sic partitus difficultatem nunc denique absoluesti diuisum opus, quod totum simul absolui non poterat: atque hæc est pars prima Mysterij.

Admirandum planè Mysterium Pacis, sed admirabilior adhuc modus mysterij; duo homines examinant iura Regnorum, & Regum; duo capita capiunt orbem terrarum; duo Ministri Regij consultant de orbe quasi orbis administri: nec plura ingenia adhibenda erant; scilicet ingeniorum quoddam bellum est, nec tantum armorum, & sæpè ingenijs acrius pugnatur quam armis: difficilis est idem sensus à pluribus, sapiunt diuersa dum sapere volunt, & ne nihil dixisse videantur dicere idem nolunt, etiam verum; tuentur deinde, quæ dixerunt, & dum pro sententia pugnant, nocent paci priuatæ, & publicæ; at duo ingenia facilius conueniunt, propinqua sunt, quæ parum distant, & facile accedunt ad vnum quæ vno numero differunt.

At qualis, & quam mysticus silentij modus! duo Ministri sciunt mysterium Regis sui, & sensim illud reuelant, vt sensim consentiant, nec vterque totum ante sciuit, quàm vterque consensit: nemo alterius arcanum sciuit, nemo coniecit: mirabile planè, & nouum silentium! duo homines quotidie spectabiles se omnibus exhibent, nemo interea agnouit ex vultu quid sentirent, nemo ex verbis quid dicerent: Spectatores colloquij, & penè auditores, id nesciunt, quod penè audiunt; subtiles aulici coniectores rerum futurarum ignorant hodieque non futura, sed præterita, nec dicenda, sed dicta: nec paucorum dierum silentium fuit, sed plurium

men,

mensium: toto eo tempore ignorauit orbis quid ageretur de orbe: atque hic silentij modus adhibendus erat; infectum esset etiam nunc negotium Pacis, nisi fuisset ignotum.

Nec minus admirabilis fuit vtriusque Ministri mutua vrbinitas, & vtriusque Aulae familiaris beneuolentia; dixisses eandem aulam esse, & eandem familiam; crederes omnes Hispanos Gallos, & Gallos Hispanos nisi accentus falleret: hic quoque tam eleganter fingebatur, vt natiuus videretur etiam fictus; nec verbosa tantum amicitia fuit; certatum est inuicem mutuis donis, & epulis: biberunt Gallicè Hispani, & Galli Hispanicè: inter hæc amoris argumenta, aut nunquam fuisse hostes, aut nunquam futuros diceret.

Fouebat amicitiam æqualitas, æqualitatem amicitia; id vnum ambiebat vterque Minister, ne alter, aut minor esset, aut maior; omnia inter vtrumque paria, nisi vnitas, hæc quoque ex paribus conflata paritas erat: ipse locus colloquij, vt esset æqualis insula erat partim Gallica, partim Hispanica; tentoria æqualia, par apparatus, sedes ad colloquium ita disposita, vt neutra esset secunda, vtraque prima: ingressus æqualis, par exitus: colloquium cum nisi alternum esse non posset, sorte non arte primum fuit: æmulati eandem æqualitatem: Aulici certabant inter se quis secundas obtineret non primas; & dum nemo vult esse maior omnes erant æquales.

Neque hæc æqualitas maiestatem imminuit, sed illam auxit; apparebat in vtroque Ministro Rex vterque, & vultus & gestus, & sermo supplebat absentes Reges, & exhibebat; sic ageret, aiebant omnes, vterque Rex præsens, sic sentiret, sic loqueretur, sic vellet: Ornabant eam maiestatem Aulici quibus elegantior elegantia ipsa non erat; reuerēbantur Hispani Gallos, & Galli Hispanos; placebat vtriusque maiestas aliena, & sua; imo neutra erat aliena, confundebatur vtraque, & confusio ipsa maiestas erat.

Audiuit eam maiestatem Europa, & amauit: credidit duobus Ministris quasi duobus arbitris iura, & iniurias suas; nemo vlli hostis esse voluit sine alterutro Rege: nemo satis potentem se credidit, si vterque Rex hostis esset; nemo sequi recusauit quæ vterque iret: sic inita est inter duos Reges pax libera, inter ceteros necessaria: O rem miraculo similem! duo homines intra breuem insulam totam administrant Europam.

Claudit negotium Pacis coniugij Regij negotium, & vtrumque negotium mysterium fuit; destinati sunt in cælo coniuges antequam

quam nati, ambo æquales meritis, ambo annis pares, ambo amarunt se inuicem antequam amare scirent; ambo inter arma amarunt imagines suas, & nunc idcirco Pacem amant, vt se inuicem diligant: taceo cætera amoris mysteria, vñm illud tacere non debeo; Mysterium esse debuit negotium Pacis vt esset sacrum; Mysterium est negotium coniugij dum est Sacramentum.

AD EMINENTISSIMUM

CARDINALEM MAZARINVM,

FVTVRA POST PACEM.

MEDITARIS futura dum nos studemus præteritis, & admiramur præsentia, **CARDINALIS EMINENTISSIME**, iam intra Te sunt facta, quæ nos expectamus facienda; anteuertis euentus futuros, præoccupas lapsura tempora, fluxere apud Te anni venturi, vides initia rerum & fines, vides exitum currentis seculi, & ortum futuri.

Ne augere res videat, produco experientiam testem præsentis temporis, & vadem futuri: decennium est cum vidisti hunc annum; iam feceras ab eo tempore, quod videmus nunc fieri, iam scripseras articulos Pacis quos hic annus descripsit; iam veneras Aquas sextias; iam Massiliam, iam Arausionem cogitabas; exequitur hic annus antiqua consilia; iterum facis, quod ante iam feceras; annosum est quod apparet nouum; & annus nobis sexagesimus, intra Te est septuagesimus.

Illustris enimvero sapientia, & politicæ doctrinæ eminentissimus gradus, sapere experientia futuri temporis, antequam tempus sapiat, & venturos annos erudire dum alij erudiuntur præteritis; hæc est Politica tua, **CARDINALIS EMINENTISSIME**, proponis Regi futurarum rerum consilia, & expectas imperia; ostendis quid possit, & exploras quid velit; exequeris deinde natus Regios, neque aliud arrogas tibi ex victorijs Regijs, nisi obsequium fidelis Ministri, & prudentis meritum.

O si liceret introspicere animum tuum! quales futurarum rerum Ideas intra Te intuerer! audacter dico viderem illustria facinora, facienda olim, & iam facta; viderem **FVTVRA POST PACEM,**

PACEM, & narrare si scirem, quæ vidi, dum alij scribunt historiam præteriti temporis, scriberem historiam futuri; & scribi potest futurarum rerum historia, quam Tu intra te facis.

Permitte vt ex innumeris futurarum rerum Ideis quas intra Te geris pauca reuelem, & dicam aliqua futura post Pacem; erit hæc pars altera mysterij Pacis, erit mysterium mysterij, nec tamen erit merum vaticinium, sed historia rei faciendæ, & iam intra Te factæ.

Prima post Ideam Pacis Idea, est Idea Religionis, & fidei: nec vera esse potest fides nisi sit vna; nec Deus ipse verus nisi esset vnus; destruit veritatem fidei qui illam diuidit, & totum Deum negat qui totum non credit: pugnarent inter se Numina si essent plura, nec bello abstinere populi quamdiu sunt diuersa credituri: Stare diu Pax Regni non poterit, si desit Pax fidei? magnum argumentum vnus fidei sunt Reges Christianissimis, idem omnes hæcenus crediderunt; fuere inter Reges aliqui minus sancti, nulli fuere impij: Cur recusent credere Christiani, quod credunt Reges Christianissimi? ne fallantur, aut fallant sunt omnes Thaumaturgi.

Taceo lapsa è cælo Lilia, Auriflammam, & plenam miraculis Ampullam; hæreditarium est Regibus Galliæ miraculum, insanabilem Strumarum remedium, non alia arte quam vera fide; succedunt Reges huic miraculo dum succedunt Sceptro; & Ludouicus Decimus Quartus quinquaginta Regum hæres est, & mille miraculorum.

Altera mentis tuæ Idea est Maiestas Regni; auxisti illam bello, auxisti Pacem, quam Tu adeo gloriosam fecisti, vt appellari possit Pax Augusta, & Iulia; cæteræ Paces Gallicæ penè fuerunt iacturæ; hæc Pax nihil ademit Galliæ, & multum addidit: restituti sunt Galliæ antiqui limites; Pyrene, & Rhenus sunt fines Gallici, creuit Gallia magna parte sui; nunquam maior vnico Regi paruit, nec maior vnquam Ludouico Rex fuit: hæc fuit industria tua. **MAZARINE**, tractare de Pace victorem; vicit hostes, & bellum Ludouicus dum pugnavit; vicit victoriam ipsam, & pretium victoriæ **AVGVSTAM TERESIAM**.

At hæc iam sunt penè præterita, & maiora sunt post Pacem futura, cognita Tibi, & nobis adhuc ignota; scimus publicos Pacis articulos, ignoramus arcanos, scimus coniugij Regij promissam dotem, nescimus speratam; scimus conditiones præteriti temporis non futuri: nescimus quid eueniret, si hoc accideret; hæc scientia tua est, **MAZARINE**, præparas causas vt agant, &

N iuuas

i uuas effectus ut fiant; nec mirum est si prænoscis futura, qui illa intra te facis antequam fiant.

Tertia mentis tuæ cogitatio est felicitas Regni post Pacem futura; fabula penè est seculum aureum, historia erit sub Ludouico Rege, & Te Ministro; restitues Galliz opes antiquas, & adijcies nouas; exhaustis nos bellum triginta annorum, vicinus hostes, & penè victi sumus dum vicinus; ditabit victores, & victos libertas commercij, & Tu huic libertati iam intra Te prouidisti; nulla penè regio est opportunior commercijs quàm Gallia, coronatur utroque mari ut exportet opes Gallicas, & importet externas; plenum est mare nauibus alienis, & nautis Gallicis; nostra esset pars magna orbis si nauigassemus nobis non alijs.

Quarta magnæ mentis Idea est reparatio publicæ æquitatis; corrumpit hanc virtutem temporum malignitas, creuere lites inter arma, quæ cessare debuerant; sæpè exegit debitor quod creditori debebatur; sæpè pecunia forum corrumpit, & forum pecuniam: deterior adhuc est status iustitiæ vindicis, peccatur à sceleratis impune, quia flagitia tolerantur; creuit inter arma insolentia, armantur scelera ut timeantur, & inermis iustitia eos timet à quibus timeri debuerat; pars tamen aurei seculi est iustitia, fortunatum esse non potest nisi sit iustum, nec iustum esse potest nisi reddatur iustitiæ libella ut examinet iura, & gladius ut puniat flagitia.

Quinta post Pacem cogitatio est delectus seuerior Magistrarum qui res publicas gerunt; eligatur in illis virtus magis quàm pecunia, aut natura; nemo sit hæres muneris nisi sit hæres virtutis; nunquam scelus benè seruauit; facile decipit Regem qui Deum fallit, nemo est bonus alteri, si est malus sibi.

Hæc sunt futura post Pacem, & iam intra Te facta **CARDINALIS EMINENTISSIMÆ**, hæc pars aliqua consiliorum tuorum, cætera intra te latent, & intra Regem: ignosce Pictori non satis erudito ut diuinet arcana, nec satis eloquenti, ut explicet; hæc certè culpa mea est, sed non tota, pars aliqua tua est quæ dum omnem artem excedis, omnem opprimis.



Eminentissimo Cardinali

I V L I O M A Z A R I N O ,

Æ G R O T A N T I .

OPTAT VALETVDINEM CORPORIS
EX REMISSIONE INGENII.

VIx aliud est quod possimus optare tibi præter valetudinem corporis, **CARDINALIS EMINENTISSIME**, vicisti inuidiam dum vicisti fortunam; vicisti quidquid extra te vinci potest; procurasti pacem Europæ, vel inuitæ; id vnum superest vt vincas te ipsum, & pacem procures intra te: Scilicet intra te est domesticum bellum, & hostis tui tu ipse es: cessa pugnare tecum, & frui pace, quam procurasti alijs; laborat Gallia te ægrotantes publica est inualetudo tua, & pax Europæ integra esse non potest, si desit tua.

At vnde illa inualetudo corporum in magnis viris? similes esse oporteret motuibus cælorum intelligentijs primarios regnorum administratos, nec minus operosum est mouere regnum quam cælum; at præsidēs illi cælorum genij imprimunt motum cælestibus sphaeris, nec mutant locum; diuidunt subiectis elementis influxus astrorum, nec sentiunt; partiuntur ætates, & annos, nec senescunt; fallor, sentirent impressiones cælorum si carne constarent; mouerentur dum mouent, & dum partiuntur annos, ipsi senescerent.

Hæc origo inualetudinis tuæ, **CARDINALIS EMINENTISSIME**, inæquale est immortali animo mortale corpus, minus est ingenti hospite nobile licet hospitium; nec tolerat ingentes animi curas debilis caro, nec sensus satis spirituum magnæ menti sufficiunt, nec caput quamuis capax totum ingenium capit: agitat se intra hospitium generosus animus, & penè egreditur; retinere vult abeuntem corpus, aut sequi; inde ille organorum conatus, & labor, & dolor; obnituntur interea dolori animosa membra, & pugnant vt dolorem excutiant; excussus dolor ad pedes defluit, & dum vltèrius ire non potest, ibi aliquamdiu sistit.

Permitte vt dicam aliquid de vtrâque hac parte tui, de viribus ingenij, & doloribus corporis: verum quis explicet capacitatem

N 2 mea-

mentis tuæ nisi Tu ipse : imò neque Tu explicare te totum potes, qui te totum non capis, vides magnitudinem mentis tuæ non vides finem ; vides mensuras non metas ; ultra te tendis capacior te ; supra te assurgis eminentior te ; quæris te extra te ; & postquam te inuenisti vterius pergis, sic semper anterior, & semper sequax, nunquam te apprehendis dum semper excedis ; non ita effugiunt res ceteræ extra te ; apprehendis illas, & anteuertis ; sequuntur te negotia non tu illa ; maius negotium tibi tu ipse es ; experiris te, nec te totum metiris ; adhuc nescis limites tui, & dum attigisti fines alienos, non attigisti tuos.

Quis igitur dicat quo ire ingenio possis, imò quis dicat quo iueris? adeo mirabilis est Historia ministerij tui, vt superet omne ingenium præter tuum : experiri te voluit vtraque fortuna, & tu ingenio vtramque vicisti : mutasti vtriusque vices, & neutra mutauit te ; stetisti volente se rota, & fuisti penè rota rotæ, & fortuna fortunæ; quod admirabilius est, rexisti eodem ingenio fortunam Galliæ, & penè Europæ, & regni vtriusque administer omnium penè regnorum fortunas tractasti.

Placet distinguere triplicem Ministerij tui statum; primus decem annorum fuit, & plurium victoriarum ; crescebant illæ crescentibus annis Regijs, & dum plures eodem anno crescerent vincebant annos Regios, & ab illis vincebantur; mirabantur hostes Galliæ vinci se à Rege infante, & metuebant annos viriles qui impuberes tolerare non poterāt: at tu interea supplebas ætatem Regiam, addebas experientiam sapientiæ, & minores annos in puero iam exhibebas maiores ; ostendebas Regi quid posset, proponebas quod eligeret, exequebaris quod vellet ; pugnabatur consilijs tuis, & regijs auspicijs vincebatur ; nec tu aliud ex tot victorijs arrogabas tibi, nisi laudem fidelis radij emanantis à Sole, & soli præeuntis.

Alter ministerij tui status turbulentus, nec minùs tibi gloriosus fuit ; secessisti volens ex aula, & regno, & tecum penè aulam, & regnum traxisti ; ibant ad te maiora negotia, & consilia ad Regem redibant ; absens eras & præsens ; extra aulam, & intra illam; nec minus interea utilis regno extra regnum, necebas fœdera cum externis Principibus, & futuræ pacis fundamenta iaciebas ; agnouit breui Gallia necessitatem tui, dum te diu carere non potuit; probauit sapientem constantiam suam Regina Mater, dum te etiam absentem primum Ministerium retinuit ; probauit amorem Ludouicus dum amanter reuocauit; & tu probasti fidem erga Regem dum pro Gallia extra Galliam gloriose laborasti ;

sti; obstupuit ad reditum tuum inuidia, & quas in te virtutes ode-
rat amare cepit, aut timere.

Interruperant interea victoriarum cursum tumultus ciuiles; pugnabant secum Prouinciæ, & Gallia victrix seipsam vincebat; at tu redux expulisti bellum extra Galliam, pugnasti intra fines hostium renouasti antiquas victorias, & addidisti nouas; miratus hostis mutatas tam citò fortunæ vices, expugnari arces suas, capi vrbes, periclitari Prouincias, decrefcere regna, cogitare serio cepit de pace, quæ impedita fuerat; & tu amplexus occasionem quam sæpè quæsieras persuasisti pacem Regi, etiam victori; & nouo victoriæ genere fecisti vt vinceret victoriam ipsam, dum volens cessauit vincere, & maluit triumphos interrompere, quam augere.

At quàm admirabilis illa Pax tentata diu, & tandem absoluta! mysterium adhuc est publicum, & arcanum; sentimus illam omnes, & pauci capimus: Quis neget pacem illam maturæ sapientiæ opus esse, quam decem annorum consilia peperere? quis neget mirabilem quam sub duobus Regibus duo capita concludere? quis neget vtilem esse, quæ Galliæ nihil abstulit, & arces, & vrbes, & Prouincias integras dedit: cæteræ paces superiorum ætatum penè à nobis emptæ, hæc penè à nobis vendita fuit; audeo dicere A V G V S T A M T E R E S T A M huius pacis pretium esse, malo dicere victoriæ ipsius esse victoriam; quid si addam sciri à nobis publicos pacis articulos, nesciri occultos; patebunt illi indies, & gloriosæ pacis mysteria reuelabunt; qua etiam in re appareret ingenium sapientiæ tuæ, obstruere poteras omnia ora si omnia pacis arcana simul detexisses, mauis partiri illa annis venturis: & sic nouam pacem singulis ferè annis distribuis: tacete linguæ maleuolæ, nunquam sub Rege vno Gallia maior extitit; nunquam Rex maior Ludouico fuit.

Post eos pacis, & belli labores quis quietem non caperet? quis ea pace quam alijs procurauit frui noller? quis non listeret prouectus ad summum? at Tu ibis non listis, M A Z A R I N E, præludium est ingenij tui, quod alijs fastigium esset, extendis te vltra te; meditaris altiore adhuc Galliæ fortunam, excogitas nouas victoriæ vias, & vltra fines gloriæ nouos gloriæ tramites quæris: ac velut præsides cælestium sphærarum genij, nec quiescere orbem sibi creditum sinunt, neque ipsi quiescunt; ita tu maiora meditaris post magna? cum hoc tamen discrimine, remetuntur orbés cælestes idem iter, tu nouas gloriæ vias, & nouos victoriarum quæris post vltimos fines.

At quis explicet eas ingenij tui vias nisi tu ipse? ò si intueri liceret ideas mentis tuæ? viderem intra te digestos plurimum ætatum successus, & euentus; viderem annos futuros iam præfentes, viderem facienda iam intra te facta; viderem florere lilia vbi olim florebant; viderem antiquos Galliarum limites, & viderem novos; viderem quid sentias te Anglia, quid cogites de Hollandia, quid mediteris de Germania, quid moliaris de Europa; viderem decrefcentem lunam, & solem crescentem; viderem restitui fidem Romanam vbi olim erat, viderem eò inferri vbi non fuerat; viderem quid cogites de Italia, & quid cogitet de te Roma; viderem plura, nec inuenirem fines ingenij tui, quos tu ipse non inuenis.

Ij sunt ingenij tui ludi, & labores corporis MAZARINE, ire eodem gressu non possunt corpus, & animus; & tamen amant se inuicem, & vellet partem vnâ sequi pars altera, & ire neutra vult sola; sed eunt ambo non æquis passibus; ludit ingenium tuum etiam dum excurrit, lustrat Prouincias, explorat regna, percurrit Europam, & Asiam, post tot itinera redux ad corpus fatigatum inuenit, & penè exhaustum: scilicet conatur ire cum animo, & dum sequi non potest se exhaurit: atque hæc est inuالتudinis tuæ causa, MAZARINE, tolerare ingenium tuum corpus non potest, nisi tu ipse te adiuues.

Moderare igitur ludos ingenij tui, & labores corporis: nec tamen volumus vt sistas, sed vt lentius eas; exhausisset sol vires suas si tecum curreret; at ille æquali gressu per signa Zodiaci graditur, & per monstra: & Tu æquali gressu incedis, nec minus celeri: Eget valetudine tua Gallia, & Europa; & vtræque gratulatur restitutam Tibi partem sanitatis, & precatur totam. Ego felicem annum sexagesimum opto, & ab illo centesimum.

EMINENTIAE TVAE,

Additissimus, & humillimus seruus
PETRVS L'ABBE.

I V L I O M A Z A R I N O ,
V O T V M D I V T V R N Æ V I T Æ .

P E R M I T T E ut longos voueam tibi Nestoris annos ;
Vna Tui Regno , & Regi non sufficit ætas ,
Optamus tria secla tibi ; tot flamina vita
Fatidica heroi Pyllo neuere Sorores ,
Et breuius meritis filum fuit ; ille Pelasgis
Principibus belli socius , magnique Minister
Atrida , pacem & bellum tractabat inermis :
Parebant Reges monitis ; mittebat Achillem
Et reuocabat iter ; magnisque Aiacibus Ajax ,
Et Ducibus Ducis instar erat ; sine Nestore Troia
Staret adhuc ; Priamusque Asia Regnator , & ingens
Gloria Dardanidum ; mendax est fabula Pallas ,
Includensque atres equus , insidiæque Simonis ;
Vendidit Antenor Patriam ; Æneasque Penates ,
Nestor utrumque emit ; Regnumque , Asiamque Mycenæ
Transtulit , & longa vidit tria secula vita ;
Et meruit vix posse mori .

Hac umbra est , M A S A R I N E T V I , Tu Nestore maior ,
Et geminis tuus est maior Lodoicus Atridis ,
Nec magni Aiaces desunt ; & maior Achilles ,
Et centum Troiana arces , & Pergama centum ,
Consilijs cecidere tuis ; si vincere pergis
Europa iunges Asiam ; nec inutile votum est ;
Imperium Francis quondam seruiuit eum ,
Et Francos noua luna timet ; nec vana Sibylla
Eois iterum promissit lilia terris ,
Et poterant ferri , si Flandria victa Damascus ;
Si Dunkerka Rhodus , Sidon Grauelina fuisset ;
Pacanda est Europa prius , Regique marito ,
Et Matri , & Francis ungendus Liliger hæres ;
Tunc belli socius Francis heroibus ibis ,
Aiacesque novos , veteresque videbis Achilles ,
Et veterem Nestor Troiam , & noua Pergama vinces ,
Jam triplex ætate senex .

TROIS DEVISES SVR LES ARMES DE L'EMINENTISSIME CARDINAL MASARIN.

I.

Vne Hache Romaine droite.
Nulla inflexere procella .

EPIGRAMMA.

Romanos fasces NVLLAE INFLEXERE PROCELLAE;
Non Aquilo, & quidquid flaminis auster habet.
Hoc animi est Emblemata tui, stetit integra virtus,
Et dum nutaret Gallia; Roma stetit.

II.

Vne Hache Romaine eleuant sa pointe en l'air sous vne bande.
Ne noceat sublime micat .

EPIGRAMMA.

NE NOCEAT SVBLIME MICAT Romana securis,
Et timet ulcisci quos violare potest .
Frustra illam retinet sublimis fascia rectam;
Sponte sua ut posset parcere, recta foret .

III.

Trois Estoiles .
Prudentia triplex .

EPIGRAMMA.

Vna alijs, innata tibi est PRVDENTIA TRIPLIX,
Et tota hac virtus est MASARINE TVA,
Praluces Regno, & Regi, fideique Minister,
Vnica stella alijs, est tibi stella triplex .

NOBILISSIMI DOMINI

D. PAVLI MANCINII

NEPOTIS CARDINALIS MAZARINI.

E P I T A P H I V M.

STA VIATOR.

Vbi nobilis iuuenis fortuna stetit.

Hic est PAVLVS MANCINIVS,

*Equestris turma lenioris Praefectus;**Origine Italus, animo & voto Francus fuit:**Non satis dixi,**Et Gallus est sanguine quem pro Gallia fudit:**Nec minus est donare sanguinem Galliae, quam debere:**Ad Stampas cadere sub se Equum vidit, nec cecidit:**Ad Lutetiam plumbea glande perfossus mori vix potuit:**Diu intra viscera retinuit glandem, & mortem,**Superauerat illam, nisi inter intestina latuisset.**Inuist agrotantem LVDOVICVS, & amavit;**Ipsē id unum innuebat ostensa sanguinis purpura,**Mori se Nepotem Cardinalis pro Rege purpurati.**Obijt anno ætatis decimo-septimo.**Ostensus tantum terris, si fata tulissent,**Qualis erat? florem maluit esse Deus.*

Eminentissimo Cardinali, & Principi Ecclesiæ

F R A N C I S C O

DE LA ROCHEFOUCAULT,

EPISTOLA PHILOSOPHICA.

Quod Philosophamur hoc viuīs, quod spectulamur hoc agis;
 quod profitemur hoc sapiēs, CARDINALIS EMINEN-
 TISSIME, vita tua vera Philosophia est, quia idem semper
 pu-

putasti, vivere, & sapere; nemo ferè hoc sæculo diutius, quam tu sapuit, quia nemo sapere incepit prius: cœpisti sapere, cum cœpisti vivere: & vix addiscenda à te fuit sapientia, quia vix in te differt à natura; creuit illa tecum, & quæ præcedere vitam, non potuit, superauit ætatem, diu ante insula digna, & purpura, quam palleres sub illa, & sub ista ruberes: Hic est vitæ tuæ status priuatus, alter est publicus: amauit te adhuc Episcopum Claromontensem Henricus Magnus, optauit tibi purpuram Romanam, & dignum putauit qui occupares Cathedram, approbauit hoc iudicium Romanæ curiæ pars melior, maior probatura erat, si omnes Baronij, aut Bellarmini fuissent; sentiebat vterque de Te quod tu de vtroque sentiebas; optabat vterque tibi eam dignitatem quam nolebat sibi; digni omnes sede Petri dum se arbitrantur indignos. Quanti æstimarit hoc paternum, & Romanum iudicium probauit Ludouicus, dum te primarium Ministrum Consilij Regijs præfesse voluit; præfuisi aliquamdiu, sic administrans Galliam quasi Ecclesiam; & breui consecrasses aulam, si sequi illam voluisses diutius, cum illa vellet te sequi: sed nimirum fugisti honores Gallicos, qui recusaras Romanos; neque ea est laboris fuga quem semper ambijsti; testis illa vox tua dum diocesim Episcopus peragrare, sic ibat Abraham terras lustrans, & astra numerans. Et nunc præludis æternitati intra tempus; auspicias vitam futuram; mereris aras quas alijs excitas; Illustras Patronam Parisiensem Genouefam, olim ipse inter Patronos futurus; interea implorat patrociniū tuum mea Philosophia, vel hoc nomine quia tua est, dum liberalitatis tuæ est alumna.

Eidem Eminentissimo Cardinali

F R A N C I S C O
DE LA ROCHEFOUCAULT,
ELOGIUM LIBERALITATIS.

ALUMNVS liberalitatis tuæ, non facio arroganter si beneficia laudo quibus viuo, **CARDINALIS EMINENTISSIME**, id etiam homini erga Deum licet, adorare beneficia,

cia, quæ exequare non potest : Tecum nata est liberalitas, & vix in te differt à natura, tecum creuit, sed maioribus augmentis quam ætas tua ; iam magna erat in te cum puer esses, robusta cum adoleres, mascula in viro ; matura in te sene ; adhuc integra est post tot annos ; adhuc diues post effusas diuitias ; adhuc plena postquam impleuit omnia ; similis fonti qui post omnes effusiones suis adhuc seipso plenus est, breui exhauriendus si effunderet alienum, semper plenus quia effundit se ipsum ; hæc liberalitas magnum te Galliarum Eleemosynarium creauit, qui ante creationem iam talis eras ; & nunc post abdicatum sponte officium adhuc talis es, sed hoc discrimine ; præsidebas antè largitionibus Regijs, nunc præfectus es tuis, & dum elargiris tam multa, qualis semper fuisti, nunc etiam magnus rerum tuarum Eleemosynarius es. Quis numeret occultas Eleemosynas tuas ? quas tu idcirco arcanas esse voluisti, vt soli Deo paterent ; id satis publicum ratus quod Deus videt : De publicis hoc vnum dico, nullus est ordo pauperum qui te non agnoscat vt Patrem, nulla domus Religiosa, quæ te non amet vt protectorem : fundasti literarum seminaria, vt sapientia tuis stipendijs viueret, erexisti pauperibus Xenodochia, vt miseriarum hospes esses ; extruxisti ægris insanabilibus Nosocomia, vt mortem ipsam cogeres vincere ; ipsæ ædes tuæ dum omnibus egenis patent, quid aliud sunt quam charitatis domicilia ? & dum quotidiana mendicis alimenta subministras, nonne habes quotidie domesticum, & conuictorem Deum ? nec clauditur limitibus Galliæ liberalitas tua, penetrauit in nouum orbem, quasi hic sit angustior, peruasit externas Prouincias, & dum vno in regno resides, omnium regnorum popularem te facis : illic solaria lachrymas quas nō vidisti, emollis gemitus quos non audiisti, adiuuas egestatem quam ignorasti : mirantur externi amari homines se & ignotos esse, videri se ab absente, adiri à remoto ; instruuntur exemplis quorum authorem non vident, discunt credere ex fide tua, excitantur vt ament Deum in te, cui se vident amabiles propter Deum ; sed prouehitur alius largitas tua, dum erga ipsos Cœlites liberalis es ; debet tibi aliquid Genouefa cui tantum debet Lutetia ; restaurasti collabentis templi ruinas, reparasti sacraria, ornasti aras, reddidisti Abbatem Ordini, restitisti disciplinam Claustreis, & tot, ac tantis beneficijs Genouefam cumulaisti, vt quam Parisienses agnoscunt Patronam, tu eius ferè Patronus appellari possis : Soli immortales Cœlites norunt quot illis altaria extruxeris, quot calycès consecraris, quot donaria obruleris ; atque haud scio an ab alio libentius aras

admirant, quam ab eo quem nunc ita spectant mortalem, ut olim immortalem dignum altaribus videant: Neque otiosè viuis inter sanctorum Reliquias olim ipse sacer futurus; honores Cēlites, & honorem mereris; excitas altoria alijs, & fundas tibi; accigisti annos Genouefæ, & virtutes imitaris. Miratur Gallia Cardinalem octogenarium ire rectum sub tor annis, agere Cardinalem ea ætate qua alijs vix agunt hominem; fulcire Ecclesiam dum alijs sunt fulciendi; scribere libros dum vix alijs legunt; impugnare hæresim ut eam sepeliat, quam nasci vidit; præsidere Gallicanis Synodis eo iudicio quo poterat toti Ecclesiæ præsidere; domum suam perpetuam Synodum facere, in qua viri eruditi de virtutibus deliberant, & post multa consilia vincuntur à liberalitate tua, quæ plura exequitur quam illi consulant.

Hæc laus aliqua liberalitatis tuæ, cuius & nos pars aliqua sumus; indigna quidem beneficijs tuis, sed non ingrata; idcirco laudamus beneficia quibus viuimus; amamus authorem, & gratias agimus non quales debemus, sed quales possumus.

INNOCENTII X.

SVMMI PONTIFICIS,

ELOGIVM.

I.

DIONVS eras Pontificia Tiara antequam gereres P. M. destinabaris honori supremo adhuc priuatus; fuere qui de te dicerent, post aliquot annos hic Papa erit; fecisti ubique Prophetas tui, visus es diu antè qualis eras futurus; antecessit vox populi vocem Dei; si vtraque tempora iungas superabis annos Petri; antequam Petro succederes, diu ante successor fuisti.

II.

PRÆPARAVNT te huic dignitati magna privilegia naturæ, & maiora gratiæ; Columba, Oliua, Lilia gentilitiæ
fest.

tesseræ, nomen ipsum Pamphili, virtus, scientia, experientia, destinant te Sedi Romanæ antequam sederes; elegerunt te vota ante suffragia; agnouere te oues nondum Pastorem; coronatus es ante Tiaram; & penè antequam esses iam Papa eras.

III.

SANCTITATIS symbolum columba est penè ipsa sancta; remissa à Noë libera esse noluit periclitante mundo: rediit ad arcam fidelis, reditura ad Ecclesiam; nec hospitari voluit intra mundum adhuc sceleribus madidum: Altius ire cum columba placet, hæc diuini spiritus signum, & penè sigillum est; deuolauit ad Christum Deo plena, incubuit Deo, & impressit Deum: Diuinitatis penè Vicaria est, & Tu Vicarius; obtulit Noë oleæ ramum, offert tibi Pamphilio ramum, & Innocentio Deum.

IV.

DEBEBATVR temporibus nostris olea tua, vt pacem afferret Europæ, vel iuitæ; hæc est temporum nostrorum conditio, omnes pacem volunt, omnes nolunt; impedit eam victoria, & iactura; nemo vult esse minor etiam victus; Procuratores Pacis examinant iura priuata, non publica; pugnant Ministri ne pugnent Domini; nec minus operosum est conciliare seruos quam Dominos; debetur Pax oleæ tuæ, & Columbæ; vtraque repressit antiquum diluuium, & arcebit nouum.

V.

NIHL habes inter tesserarfa symbola nobilius quam Lilia; venerunt olim è cælo in Gallias, nec mutarunt originem dum transierunt ad te: ne frustra sit hæc communitas florum, gentilitia habes Lilia Gallica, habeant te Lilia Gentilitium; pars magna tui Gallica est, talis esse debet pars magna tui: ama flores è cælo lapsos, ama Lilia Innocentius, quæ amasti Pamphilius.

PAMPHILIUS amabile nomen præfuit Innocentio dum Innocentem te fecit; amasti semper omnes, amabilis omnibus; fecisti delicias tuas genus humanum, & te generis humani deliciū; nec mirum si te elegit orbis in Pastorem, quem iam amor Pastorem fecerat; paucisti orbem Pamphilius, & nondum Innocentius; mutasti nomen non officium; imo neque mutasti nomen, nemo potest esse Innocentius nisi sit Pamphilius.

VII.

FVNDARVNT hunc amorem indoles, & virtus, si tamen indoles à virtute differt; attulisti tecum semina virtutis; auxisti ea cum indole; crevit tecum innocentia, & nulli minus nocere vitia quam tibi; talem oportebat eligi Pontificem qui ante consecrationem sacer esset.

VIII.

NEC minor esse debet Pontificis scientia quam probitas; scire orbem debet ut orbem regat, & Vicarius diuinæ potentiae, debet penè esse Vicarius scientiæ; hæc est scientia tua, Innocenti sapientissime; didicisti antiquas disciplinas, addidisti novas; scis ius vtrumque quasi inueneris, & posses inuenire vtrumque si nullum esset; scis illustrare vnum altero; scis emendare vbi fallit, scis supplere vbi deficit; scis interpretari vbi obscurum, scis conciliare vbi contrarium, scis facere, vbi nullum; euoluisti totam sapientiam quasi Rotam: diu auditor Rotæ diu Magister fuisti: audiuit illa te adhuc Pamphiliū, nunc audit Innocentium.

IX.

NEC sterilis sapientia tua, sed negotiosa fuit quasi Rota; reuixisti diu orbem consilij tuis antequam regeres imperijs; circūuit Europam experientia tua salutaris Rota; vidisti Galliam, lustrasti Hispaniam, expertus es ingenia, didicisti mores, fuisti Auditor orbis, fuit orbis Auditor cui: explorasti oues nondum Pastor, & futurus Pastor populorum fecisti Te omnium regnorum popularem.

DENIQUE ascendisti per omnes gradus ad supremum; proximus eras Tiaræ cum attigisti; Innocens eras ante Innocentium, nonus ante decimum; addita est tibi authoritas non dignitas, & penè declaratus es Papa non factus.

TALIS debebatur orbi Pontifex qui repræsentaret omnes, & vnus esset; talis eras adhuc Pamphilius, talis nunc es Innocentius; apparet in te antiqua Roma, & videtur noua, vitum in te nouem Innocentij, & gaudent esse pars decimi; reuoluiscunt in Te Urbani, Clementes, Pauli, Pij; erant omnes amici in Te Pamphilio, nunc sunt Collegæ in Innocentio.





LIBER QVINTVS.

ELOGIA ILLVSTRIA.

ILLVSTRISSIMO DOMINO

D. PETRO SEGVIER
GALLIARVM CANCELLARIO.

ELOGIVM GENTILITIVM.

NVENI artē. laudandi Te, & tacendi de Te,
CANCELLARIE ILLVSTRISSIME; absti-
nebo laudibus tuis, & illas dicam; laudabo te
etiam nolentem laudari: offendam modestiam
tuam, & illam non lædam, obsequar tibi, & morem
non gerā, & Tu laudari voles dum laudes prohibes.

Ad laudem tuam pertinent Maiores tui; interijt eorum vita
non fama; vixisti in illis omnibus, sed non totus; viuunt in te
omnes, sed tantum pars Tui: antecedunt merita tua, & sequun-
tur: Maiores sunt, & minores te, nec dedignantur minores esse, vt
sint Maiores tui.

Nec laudari igitur possunt sine te quia sunt portio tui; nec tu
eorum laudes odisse potes, quibus hoc ex parte debes, vt laudabi-
lis sis: laudat te eorum gloria, & tu illis gloriam addis: crescunt
ex te, crescis ex illis: mutua laus vestra est, & alternum elogium
in vicem estis.

Nec

Nec tamen enumero omnes Maiores tuos, ne plures ætates enumerem; intra hoc vltimum seculum tot florere antecessores tui, vt ex Seguierijs Consiliarijs, si simul viuerent, Senatus integer, ex iisdem supplicum libellorum Magistris Consilium publicum sub te capite; ex omnibus Zodiacus Iustitiæ conflare posset sub Te sole.

Auustus P E T R V S S E G V I E R, Regius in Curia Advocatus Iulij III. Summi Pontificis, & Henrici II. causam sic egit, vt vtriusque Patronus, vtriusque Cliens, pro vtroque vicerit, dum neuter vicit: mirata est Gallia in eodem oratore vigenrem antiquam eloquentiam, & nascentem nouam; debet illi antiqua Eloquentiæ, quod non perierit, debet illi noua, quod cum eo nata sit; Electus in Præsidem Henrico II. & Carolo IX. gratosus fuit: persuaserat vtrique magna si longius vixissent, additurus triumphos si addere annos potuisset; ipse dum mori Reges videt quæsiuit Dominum qui mori nesciret: addixit se totum Deo dum librum edidit de rudimentis cognitionis Dei, & sui: probauit se eruditum dum de Deo magna scripsit, probauit se humilem dum rudimenta appellauit, probauit se pium dum eam scientiam liberis testamento reliquit; inde illa S E G V I E R I I S familiaris Pietas, quia hæreditaria, inde illa domestica Sapientia, quia Gentilicia.

Ex ijs liberis primus ita expressit Patrem, vt diu penè cum Patre confusus sit: ex Consiliario Præses diu Parentem repræsentauit in Senatu; amabatur in Patre filius, in filio Pater, spectabatur absens, loquebatur mutus, audiebatur rediuius, numerabantur duo, & erant vnus: pretiosa fraus, innocens mendacium sic imitari Patrem vt esse videaris, sic lucere vt dubitetur vter Sol, aut imago sit Solis.

Alter liberorum P E T R V S S E G V I E R, ex Consiliario Prætor, ex Prætoris Præses Curie, Maiestatem Senatus ita sustinuit, vt ipse penè esset instar Senatus; sæpe ad Reges Senatus nomine verba fecit, quasi publica Senatus lingua; sæpe pro Curia pugnavit quasi Curie dextera: diffidebant Senatus Gallicani de dignitate, ipse Maiestatem Curie Parisiensis sic defendit vt primarios aliorum Senatu Præsides subiecerit postremis Parisiensibus, docueritque & Lutetiam esse urbium maximam, & Senatum urbi esse æqualem: Nec est obscurum illud Seguierij Elogium Senator amauit Senatum æquè, ac domum; Præses administravit rem publicam pari fide, ac suam; nec oblitus est se esse iudicem dum egit Patrem.

Tertius fluminum & saltuum Regionum Præfectus aptauit vitam

O

offi-

officijs, & inde collegit sanctitatem arbitratus se fontem esse debere dum aquis regijs præest, inuitabat omnes vt ex se haurirent tanquam ex fonte; nemo abiisset ab eo pauper si omnes dîcare potuisset; dixisset Præfectum esse miseriarum non fluminum; deleuisset omnes si deleri aquis potuissent; ex Præfectura saluum collegit amorem solitudinis, vivebat extra Aulam inquilinus Aulæ, publicus erat, & solitarius; inueniebat Deum in Rege, Cælum in Aula, solitudinem in turba, prælibabat æternitatem intra tempus, & mortalis adhuc vitam auspicabatur immortalem.

Quartus Ecclesiæ Parisiensis Decanus, & primi Conclauis Senator Clericus, diuisit se duobus officijs, nec officia confudit; sociauit pietatem Iustitiæ, vt sociaret virtutes; egit Senatorem in templo dum Curiam administrauit quasi Ecclesiam; egit Sacerdotem in Senatu dum Senatum mutauit in templum; vtroque pius & iustus, Senator, & Sacerdos, arbiter, & iudex; vtroque diuersus, & tamen vnus: & scias pretium hominis, audi qualis non fuerit, non fuit Abbas, non fuit Episcopus, id totum non fuit, quia esse recusauit, imo id totum fuit dum esse noluit, scilicet hæc vera magnitudo est velle humilia, & mereri summa.

Quintus Antonius Seguiet per omnes Togæ gradus ascendit ad summum, tunc dignus supremo Magistratu cum exerceret infimum; ex Patrono publico Aduocatus Regius, ex illo Consiliarius, ex Consiliario supplicum libellorum Magister, ex eo Præses in Senatu totum Themidis cælum adeò gloriosè decurrit, vt nullo debeat incrementa sua nisi sibi: Æstimator magnus meritorum Henricus magnus accersitum ad se laudauit his verbis: Et tu, inquit, eadem arte Regem possides qua ego Regnum, ego ense meo, tu meritis tuis: sic laudatum legauit ad Venetos, idcirco vices Regias ei committens, quia dignum inuenerat quem compararet sibi: miratæ sunt Venetæ in vno capite omnium virtutes Nationum, & magnitudinem Henrici veneratæ sunt in dignitate legati: temperauit eam Maiestatem amore pauperum, ex quibus eos maxime amauit in quibus nihil erat amabile præter Deum. Parum habuit solari præsentibus absentibus, nisi prospiceret; audiuit eorum gemitus qui gemere adhuc non poterant; deterisit eorum lacrymas qui flere adhuc nesciebant; impediuit eorum interitum qui nondum vitam ingressi erant; prouidit exponendis Infantibus matres, patrocinium viduis, asylum puellis; fundauit domos futuris etiam miserijs profuturas; nec plura de eo homine cuius elogium miseriæ ipsæ prædicant, scilicet fecit eas eloquentes cum fecit felices.

Sextus fuit Ioannes Seguier Cancellarij Pater, hic stetit in gradu vertente se rota, tunc immobilis cum nutaret fortuna; probauit fidem erga patriam dum seruiuit iracundæ; probauit amorem erga Reges cum amauit minus felices; secutum est Henricum III. penè fugientem; adhæsit Henrico IV. cum sperare nihil ab eo poterat nisi periculorum Societatem: arbitratus ibi exilium, esse ubi Regem non videret, carere sponte voluit Parisiensi Prætura, quia Parisij carebant Rege: Henricus cum diuidere suis nihil adhuc nisi pericula posset præfecit eum S. Dionysio, vt inde Parisios regeret, nec spes Regem fefellit, exul Parisijs Seguierius Parisios rexit; dixit ius ciuibz ubi ciues non erant; euocauit ad se Lutetiam cum eam adire non posset; conciliauit Patriam Regi; adiunxit Henrico Galliam dum adiunxit Lutetiam, & dum induxit in urbem triumphantem Regem, ipse pars aliqua triumphi fuit: nihil deerat vitæ tam gloriosæ nisi corona ciuica, meruit illam dum mortem obiit pro Patria; successerat bello pestis, quam idem extinguere voluit qui bellum extinxerat; afflauit enim pestis halitu mortis, & odore immortalitatis, obiit Prætor Lutetiæ, & sæpe Pater Patriæ.

Hi sunt Maiores tui, CANCELLARIE ILLUSTRISSIMÆ, non parum ad prolis laudem pertinet nasci ex bono semine transit in liberos cum sanguine imago Patris, & licet omnis sanguis contolor sit, sæpè tamen in eo imagines apparent discolores: successisti Maioribus iustis vt iustus esses, domesticam habes iustitiam, quam alij habent accersitam; cœpisti bonus esse antequam esses, & postquam extitisti ferè necessarîo es bonus: dum es Seguierius.

Ita tamen succedis magnis Maioribus, vt illis sis maior, debes illis primum gradum magnitudinis tuæ, debent illi tibi supremum suæ, viuunt intra te omnes, sed non implent te, collegisti sparsas per singulos virtutes, & inde cœpisti maior esse.

Nec plura de te, quia prohibes plura; inueni tamen artem laudandi te, & tacendi de te, dixi ad alienas laudes, & dixi tuas; dicam tuas, nec alienas cum cessabis prohibere.



D. CAROLI DE CREQVY

Ducis, Paris, & Marefcalli Galliaë.

ELOGIVM FVNEBRE.

STA VIATOR.

AD sonitum ruina, & mirara, vel time.
 Tormento bellico CREQVIVS occubuit; minori telo
 non poterat:

*Eminus mors peremit, non ausa è propinquo ferire;
 Priori ictu pulverem excitavit, ut insidias togeret,
 Altero globo peremit, dum caneri ictus non potest;
 Abruptum est corpus in membra, ne integrum mori non posset;
 Quod colligi potuit hic iacet, magnitudo cladis ubique est;*

Nec tamen incautum mors oppressit,

Ea die aternitati studuerat;

Ante horam sacramentis se munierat, ne imparatus obiret;

Horã alterã non subtraxit aternitati, dum impendit Regi;

Sed audi aliquid prodigio simile, vel miraculo;

Appensam è collo crucem fatalis globus impressit cordi;

Sensit cor admotum sibi Deum, & amavit;

Emendavit amores humanos hic amor ultimus,

Clausit vitam in vulneribus proprijs, & in vulneribus Christi;

Reperiri ultrà in terris cor ereptum non potuit;

Dua res sursum extulerant, crux quam attigit, amor quo arsit;

Postquam attigerat Deum regi humo non debuit;

Nec ignotus aternitatem ingressus est;

Ad quam tot opes pramiserat;

Vt festine beneficus esset

Pramittere se aibat ad cœlũ dinitias, nec illic pauper esset.

ABI VIATOR.

Et provide aternitati,

REDI VIATOR.

*Et disce qualis Crequius fuit dum vixit ;
Centum heroum nepos , omnium virtutes suas fecit ,
Gentilitio clamore bellico dignus .*

A Crequy, Crequy le grand Baron, nul ne s'y frotte ;

*Domesticis titulis Ducem , Parem, & Marescallum addidit ;
Comestabilis de Lesdiguières Gener ,
Comes omnium pugnarum merebatur honores stabilis Comitis ;
Nulla est Provincia Gallia ubi non pugnaris , & viceris ;
Apud Subalpinos eo propugnante Verruca una non perijt ;
Eo impugnante Verruca una non stetit :*

*Legatus extraordinarius apud Romanum Pontificem ,
Ostendit Roma quid Roma posset si Gallia protegeret ;
Quid non posset , si Gallia desereret :*

ABI VIATOR, ET LVGE.

*Vir ille quem Roma suspexit
Apud Bremam interiit.*

PROSOPOPEIA BREMÆ
AD MARESCALLVM
CREQVIVM.

BREMA meis famosa malis , mea funera ploro
Dum funus deploro tuum ; tecum incluta starem ,
Staret adhuc si vita Tibi : fugisset Iberus
Præsentem Crequium , qui sæpe ad nominis umbram
Palluit , & fugit quem non aspexerat hostem :
Armata facilis servasset mœnia Brema ,
Qui nuper Verruca hostem defendit inermi ;
Et nunc vincendi limes Brema esset Iberis ,
Et via vincendi Francis ; sed ò aspera fata !

*Fata tibi, dira atque mihi ! mors inuida laudis,
 Absentem Crequium immaturo funere merfit,
 Et funus me mergit idem : mallem esse Mapala
 Exiguum, vel qualis eram sine nomine vicus,
 Et soli notus pecori, quam Martia Brema,
 Aut soror, aut hostis nimium vicina Casali;
 Magna mihi fortuna nocet, claresco ruina,
 Et damnis sum nota meis; seruire duobus
 Impellar Dominis, captiva utrique futura,
 Et neutri mansura cliens, dum victus uterque
 Et victor succedet Herus; sic semper egea
 Alternas mutabo vices, ut prada prioris
 Et Domini sim prada novi; sic carnis egenum os
 Mussantes rodunt catuli, retrahuntque, trahuntque,
 Hic pradam nunc fauce rapit, nunc eripit alter,
 Mutat prada vagas fauces, nec vulnera mutat;
 Iamque ossi vacuo solus vix nidor adheret,
 Ipse etiam mordetur odos; hac fabula Brema est.*

ILLVSTRISSIMI HEROIS

IOANNIS TOERASH

GALLIÆ MARESCALLI.

E P I T A P H I V M.

STA VIATOR VBI TOERASIVS STETIT.

Hic eas virtutes habuit, quas in heroibus antiquitas finxit.
 Et quod in illis fabula, in hoc historia est.
 Fecerant ea virtutes Regi amabilem, quia facerant similem,
 Praefectus Raana Insula virtutem instar arcis esse docuit,
 Dum urbem sine mœnibus, & arcem sine arce defendit:
 Victus est ad Raam duplex exercitus navium, & hominum,
 Mirata Anglia victam se à nullo penè milite,
 Desperavit Rupellam in Ra, & Galliam in Rupella:
 Datus Casali propugnator, Spinolam hostem habuit, non victorem;
 Ille

*Ille urbes capere docuerat, nisi docuisset iste servare:
Dum vincere uterque vult, & neuter potest;
Casale utrique diuisum est, ut uterque vinceret:
Inter inducias Spinola mori maluit, ut inuictus obiret;
Maior Toerasio futurus, si cum vicisset,
Nec tamen minor dum post mortem victus est.*

*Post eas victorias Marescallus à Rege creatus,
Dum gloriam vincit, non vicit inuidiam;
Extulit tamen hac inuidia Toerasum non depressit;
Stetit in gradu vertente se rota;
Et probauit amorem Patria, dum seruiuit irata;
Nec inutilis fuit Gallia, dum iuberetur esse:*

*Euocatus Romam meruit admirationem vrhis, & Urbani;
Repræsentauit Roma Camillos; Scipiones, Marcellos;
Et spectasse omnes in uno Roma credidit.*

*Restitutus gratia Regia, & militia:
Victurus omnia sperabatur sub Principe VICTORE;
Inuidit mors homini, cui fortuna inuiderat;
Transfixit incautum inglorio vulnere quem armatum timebat:
Id unum peccauit vir magnanimus,
Procedere ad vulnera nudus non debuit;
At hac heroum fiducia est, nihil timere.*

ABI VIATOR.

*Et mortem ne time, sed caue,
Et ne te illa fallat, illam falle.*

EPISTOLA VRBANI VIII.

SVMMI PONTIFICIS

AD ILLVSTRISSIMVM TOERASIVM,

POST SERVATAM RÆAM.

VRBANI generosus amicus fortissime fili,
Virtutis fama alta tua, & par dextera fama
Digna est in laudes cui Musa Urbana laboret,

Et Patria modulentur Apes.

*Fumantem Anglorum Romano ex Tybride Classē
Vidimus, implevit Capitolia nostra sonorus
Flammaram crepitus, vicina per aquora late
Stridet adhuc cladis murmur, clamatque Britannos
Ad Raam cecidisse reos: Tua dextera fili.*

*Vicit, Io vicit, diuina & Regia tela
In manibus tonuere tuis; communibus armis
Contemptas Petri clauēs, & Regia iura
Vltus es; & fortis Regi tutela fuisti,
Defensorque Petro: sed non hoc Anglica Classis
Sperabat, dum sœta viris, armisque superba,
Iactabat veteres titulos, & lilia quondam
Sub Dominis captiua Rosis; & nunc quoque florum
Delapsam cœlo triadem violare parabat,
Partirique sibi; sed nescit vulnera Cœlum,
Nec patitur segmenta Trias: temeraria Classis
In puncto periit dum Regnum, & lilia tentat.*

*Vidimus infirmas crebris assultibus arces
Pulsari; raros homines morbusque, famesque
Fecerat, at Tu vnus morbumque, Anglumque, famemque
Viciisti, & triplex in laudem proficit hostis.*

*Vidimus infestis acies concurrere signis,
Incubuerē Anglis Franci; totidemque leones
Vt pardos pepulere Anglos; Toerastius instar
Fulminis, urgendo punctim, casimque metendo
Obuia quaque rapit; fugiuntque, caduntque Britanni,
Et breuior patet ora fuga.*

*Ergo age cū nostris accrescat laurea vittis,
Qua fidei accrescis, LODOICI applaudo triumphis,
Et meritis dilectæ tuis; tua gloria, fili
Vinet, Io viuet, dum Musa Urbana vigebit,
Et memori obscuram celebrabit carmine Raam.*

*Sperabant Angli Regna, inuenere sepulcra,
Ad Raam periere rei; cepere sepulti
Quam non ceperunt vini; digna Insula nomen
Sortiri melius, iusta est qua lilia seruat,
Et quam Toerastius seruat, Toerastia terra est;*

CAROLI DE NEUVVILLE

DOMINI D'HALINCOVRT,

Marchionis de Villeroy, Lugdunensium
Proregis.

ELOGIUM FVNEBRE.

CAROLVS de Neufuille magni Villaregij filius, vt totum Patrem exprimeret vnigenitus fuit; anno 1567. natus, anno 1642. mortuus, superioris seculi, & præsentis virtutes ita coniunxit, vt vir duorum seculorum appellari possit.

Vt Regijs ministerijs innutritur alumnus Regum fuit; idem illi sapiendi Magister & Pater, idem quatuor Regibus Minister extitit; hac tantum in parte non satis Secretorum Regionum tenax, dum omnem sapiendi artem cūmunem filio fecit: inde illa Halincurtij sapientia quæ nunquam errauit, etiam dum error publicus fuit, inde ille Regū fauor, à Carolo IX. susceptore Carolus appellatus est: successoribus Regibus carus idem nomē pluribus debet.

Ne Gallicè tantum sapiens esset, missus in Italiam sapientiam Italicam sic didicit vt Gallicam non corruperit; omnium vrbiū hospes ex singulis optima quæque collegit, & se sapientiæ Italicæ thesaurum fecit; neque aptior Legatus extraordinarius ad Clementem VIII. ordinarius ad Paulum V. Honorarius ad omnes Italix Principes destinari potuit quam qui vbique hospes, & vbique popularis esse videbatur; propterea Venetos conciliauit Pontifici quia Romanus, & Venetus; Henrico magno statum Equestrem Romæ erexit, & Romam Gallicam fecit; Sfortiæ, & vrsino Regionum Ordinum torquem tradidit; vt illic Equites crearet vbi Regem crexerat: denique ita publicus, priuatusque rem gessit, vt quod Pater erat Gallix, hic penè esset Italix.

Fortitudinem adiecit sapientiæ, Palladem imitatus quæ intus sapiens, & foris armata est: sub Marefcallo Matignionio Gallicum vexillum protulit, & dum illud hostili sanguine cruentauit, tunc maxime candidum fecit: Montem Acutum sub Duce Mayenio cepit, & signa victoriæ ad Regem tulit; sub Duce Ioyeusio caphractæ Equestri turmæ sic præfuit, vt meruerit habere propriam,

priam, dum sic regit alienam; sub his bellorum Magistris euasit ipse Magister Bellandi; nullum per ea tempora bellum gestum, est in quo Mars ipse, aut Mercurius non fuit; omnium certaminum particeps, omnium victoriarum pars fuit.

Sed præcipuum ei bellum cum hæreticis fuit: Pontæsiam, duobus exercitibus dedere recusauit, ut seruaret fidei, seruaturus diutius nisi glans ferrea fregisset animos ciuium dum fregit brachium Ducis, & fecit Martyrem manum; amaui eam manum Henricus Magnus, & regendam Pontæsiam Catholicus ei tradidit, qui eam seruauit Catholicam.

Sed angustior erat Pontæsia tantæ virtuti; debebatur Lugduno Prorex Villaregius, qui Lugdunum efficeret regiam urbem: Et verò ut erat magnificus armauit Lugdunum propugnaculis ad securitatem, ornauit publicis monumentis ad maiestatem, instruxit amœnis ambulatoriis ad voluptatem, totamque urbem sic immutauit, ut Neouillam de suo nomine appellare posset, nisi maluisset mutare vetustatem urbis quam nomen: nemo ingreditur Lugdunum nisi per eius beneficia; ambulamus inter eius monumenta, viuimus inter decora; vbique prostant tesscraria Halicurtij insignia, quia vbique extant benefacta.

Neque ibi stetit magnificentia hominis; liberalitatem suam sacram esse voluit, ut æterna esset; nullum reliquit templum ubi aureas preces non fuderit; nullum penè altare, quod tesscrarijs crucibus non ornarit: Monialibus à Carmelo dictis Monasterium, ac templum extruxit, ubi etiam sepeliri voluit, ut quiesceret in beneficijs suis.

Ibi sepulcrum posuit sibi adhuc viuus, & diu ante mortem mori didicit: superstat imago sepulcro; imò sola imago sepulcro regitur; imago ænea est, quia animus imperterritus fuit; torquati Equitis insignia gerit, hæc decora meretur mortuus, quæ decorauit viuus; aduoluit genua, & manibus supplicat, hic gestus est æternitatem ambientis.

Neque alia imago, aliud Archetypum fuit; præuidit diu antequam aduentum mortis, & ne rudis æternitati se listeret, sæpe æternitatem animo voluit; denique armauit se Sacramentis Christianis, ut ante mortem sacer iam esset.

Sic armatus non ex palluit ad nuntium mortis, quam ipse prior nuntiauerat sibi; surrexit ea die, quæ postrema illi fuit, quasi longum iter aggressurus; torquati Equitis cæruleam vittam induit, torquatus & concolor ad cælum iturus: excepit aduentantes amicos, & docuit fidelem amicitiam nunquam mori; tractauit res

publicas, & moriturus Proregem egit; scripsit ad Marchionem filium moribunda manu, & pene post mortem; commendauit Abbatibus, vt familiam regerent quasi Ecclesiam; disposuit agenda post vitam, quasi adhuc post mortem victurus.

Monitus vt conscientiae prouideret, accusauit illam, inquit, ne me illa accuset; inuitatus vt decumbens mortem expectaret, quid interest ait, sedensne, an erectus moriari; rogatus pronuntiare nomen IESU, pronuntiauit, adorauit, amauit; denique eo vultu mortem aspexit quem illa non mutauit: impacto pede percussit terram, & collecto impetu ad aeternitatem euolauit.

Abi Viator non est mortuus Halincurtius viuut in liberis, immortaliter victurus, si tales semper succedant haeredes.

Illustrissimo, & Reuerendissimo Domino

D. CAROLO DE NEVFVILLE

LVGDVNENSIVM ARCHIEPISCOPO

Primate Galliarum, & Proregi Lugdunensium,
amari, & timeri.

ELOGIVM POLITICVM.

INVENISTI artem sociandres duas, quae sociari vix possunt, amorem & timorem, ARCHIPRAESVL ILLUSTRISSIME, excludere solet amorem timor, & timorem amor; ille ad rem amatam currit, hic fugit; ille apprehendit bonum, hic deserit; uterque alas habet, sed ille quibus veniat, hic quibus fugiat.

Mutauerunt in te naturam suam affectus gemini; in alijs oppositi in te amici sunt; distinguis vtrumque, & confundis; amat te timor, & timet te amor; uterque in alijs diuersus, in te est simplex, & vnus.

Ac facile quidem dictum est vnde nascatur amor, non ita facile est dicere vnde nascatur timor; amabilem te facit indoles tua, amabilem affabilitas, amabiliorem beneficentia; haec ego tria cum dixero, dicam vnde oriatur timor.

Et

Et quidem indoles tua adeo bona est vt vix in te bonitas differat à statura; quam illustris laus illa bonitatis tuæ; nullum hominem esse, etiam malum cui bonus non fueris; nullum esse cui nocueris, etiam hostis; nullum esse hostem tuum qui non sit publicus, nullum esse publicum qui non sit tuus.

Auget amorem tui affabilitas tua, communicas te omnibus, & nulli te negas: alienum bonum es magis quam tuum; omnis hora tua publica est, & nulla domestica; confuleris quasi Athenarum respondes quasi oraculum, nemo excluditur à te etiam miser, nemo antefertur etiam diues: audis omnes quasi Echo publica, hac tantum in re dispar, respondes interrogantibus dicenda non dicta.

Nec verbosa est tantum eloquentia tua, sed benefica; placet dicere de te quod tu facere mauis quam dicere; nulla est calamitas publica quam non subleuaris, nulla priuata quam non minueris, nulla fortuna beata quam beatiorum non feceris: viuimus per te securi inter ruinas publicas, & malorum inspectores non participes, solis oculis infelices sumus; inuident nobis vicinæ Prouinciæ felicitatem, & si liceret inuiderent authorem.

Dixi vnde nascatur amor tui, dicam paucis vnde oriatur timor; ex Te Pastore nascitur, & Prorege.

Blandum est Pastoris nomen, sed idem terrificum, ingenerat hoc nomen amorem & timorem; amant oues Pastorem & timent; & pera, & fistula, & pedum, & sagum instrumenta sunt amoris, & timoris: amant oues hæc insignia, & illa timent; fallor totus Pastor est amor, & amor est Pastor; timent oues amorem dum timent Pastorem, atque amor ille est timor.

Minus blandum est nomen Proregis, & fortè in alijs Proregibus terribile est, sed in Te amabile; vt mollires hoc nomen miscuisti Abbatem Proregi, & postea Præsulem; & nunc regis Lugdunum, vt Episcopus non vt Præfectus; nec minuis timorem Proregis dum addis amorem Præsulis, nec confundis vtramque dignitatem, & vtramque distinguis.

Ac vide quàm hæc laus tua sit vera non ficta; oblitus est iras suas sub te Pastore, & Prorege Leo Lugdunensis; rugiebat olim sub alijs Proregibus, & pene Regibus, & rugitum Lugduni audiebat Luteria, & timebat Gallia: & nuper iter factiones si Lugdunum rugisset, turbare poterat vniuersam Galliam, & excitare Europam: mutasti in ouem leonem Lugdunensem; siluit sub te Pastore, & Prorege, & prouocatus licet minis, & præmijs balare maluit quam rugire.

Fecit hoc amor tui, & fecit timor; fecit hoc vterque affectus,
& fe-

& fecit vnus; inuenisti artem sociandi amorem, & timorem; misces vtrumque, & vterque se auget: amor est timor tui, & timor est amor, vterque multiplex, & vterque simplex.

DEVX DEVICES SVR LE MESME SVIET.

I.

Le confluent du Rhosne, & de la Saone.

Miscetur in vnum.

EPIGRAMMA.

Lentus Arar, Rhodanusque celer *MISCENTVR IN VNVM:*
Ille amor, hic timor est; lentus hic, ille celer.

II.

Vn sep de Vigne en Prouence percant le corps d'un Oliuier, faisant du vin qui sent l'huile, & l'Oliuier de l'huile sentât le vin.

Mixtus utriusque sapor.

EPIGRAMMA.

Nascitur ex Baccho Pallas, de Pallade Bacchus:
Hac amor, hic timor est, MIXTVS VTRIQVE SAPOR.

Illustrissimo, ac Reuerendissimo

CAMILLO DE NEVFILLE

LVGDVNENSIVM ARCHIEPISCOPO

AC PROREGI.

A N N V S N O V V S.

PRECAMVR Tibi fortunatum annum qui tot annos nobis
fortunatos fecisti, ARCHIEPISCOPV, ET PROREX
ILLV-

I L L V S T R I S S I M E, gratulamur annum quinquagesimum sextum, & vouemus centesimum; cœpisti penè cum hoc seculo noster esse, & nos esse tui; absolue hoc seculum, quod inchoasti, nec te illud absoluat; imo supera ætates omnes, nec ullus annus sit tibi vltimus nisi sit æternus.

Ac vide quam sint publica vota nostra; optamus felicitatem publicam dum optamus tuam; vouemus omnibus, quod vouemus Pastori: pendet ex salute tua felicitas nostra, nec tu vis esse felix nisi ut nos felices efficias.

Placet percurrere præteritos annos felices Lugduno te felice, fuere pacifici inter arma, securi inter pericula, quieti inter factiones politicas, nec satis regias: stetit immotum Lugdunum dum Gallia moueretur, stetit fidele etiam tentatum de fide, retinuisti ne caderet, firmasti ne titubaret, animasti ne metueret; steterunt exemplo nostro finitimæ Prouinciæ, securæ Lugdunum quasi centrum quocunque se verteret.

Nolo dicere quod euasura res erat si Lugdunum vacillasset: malo dicere debere nos sapientiæ tuæ quod tunc steterimus cum Lutetia ipsa vix stetit; nimirum gubernabas Lugdunum eadem fide qua frater tuus Ludouicum; & vterque sapienter monebat pugnandum semper esse pro Rege, nunquam de Rege.

Placet comparare felicitatem nostram cum sorte aliena; dum exortes disciplinæ militaris Legiones in vicinis Prouincijs non tam exigent hyemem quam vbique facerent; dum Prædones non milites, dum hostes non hospites, dum quæ damna non intulissent alienæ barbari, ea inferrent indigenæ Galli, dum omnia rapinis, cædibus, sacrilegijs miscerentur, sola malorum fama Lugdunum peruenit: spectauimus incendium è propinquo, & solus flammarum odor nos læsit; stetit Lugdunensis Prouincia sine damno, & penè sine periculo; transiuerunt Lugduno milites, alibi hostes, apud nos hospites, alibi raptores, apud nos emptores; viguit commercium inter tumultus bellicos, & bellum, quod cæteris Prouincijs nocuit, Lugduno vtile fuit: Cui debemus hanc felicitatem nostram nisi sapienti tibi, & felici?

Nec fortunatos tantum annos præstas Lugduno verum etiam sacros: agis Gubernatorem, & Præsulem; coniungis vtrumque munus non confundis; socias vtramque potestatem; adiuuas vnam altera, & vtramque consecras: atque ut verbo dicam repræsentas Lugduno Ambrosium patria Lugdunensem; egit ille Mediolani Episcopum adhuc Præfectus; egit Præfectum iam Episcopus, & tu exerces vtrumque munus,
& Ca.

& Camilli nomen apud te sacrum simul, & politicum est.

Agit tibi gratias Lugdunum nouo Eucharistici genere, fatetur se esse in ære tuo, nec exire velle; agnoscit debere tibi quod non vult soluere; imo enumerat antiqua beneficia, & exoptat noua: idcirco precatur tibi felices annos, & multos; vt crescat felicitas nostrâ Te diu felice.

Nec plura audemus dicere ne erubescas ad laudes tuas: imo vt altius erubescas id precamur vt breui rubor tuus fiat purpura, & viola rosa.

ILLVSTRISSIMO DOMINO

D. ABELI DE SERVIENT
COMITI DE LA ROCHE,

Marchioni de Sablè, & Boisdauphin, &c. Ministro
Politico, & Regij Ærarij supremo Præfecto.

IMAGO VITÆ.

ASCENDISTI per omnes honorum gradus ad eum quem geris, VIR ILLVSTRISSE, ex Procuratore Generali, Magister libellorum supplicum, ex illo varijs in Prouincijs iuri dicundo Præpositus, ex illo legatus Regijs, ex illo Præses primarius, ex illo à Secretis Regijs, & mandatis: ex illis plenissimi iuris de Pace legatus; ex illo Minister Politicus; ex isto denique Regij Ærarij supremus Præfectus.

Nec ascendisti præcipiti saltu, sed emerito gressu; gradus fuit honor vnus ad alterum; prælusisti secundo dum gerebas primum; exercuisti quartum in tertio; sextum in quinto; meruisti octauum in septimo, & nonum in octauo: accessisti ad singula ministeria veteranus non nouus; penè iam gesseras antequam gereres: propterea superasti officia dum gessisti; neque adæquant ingenium tuum singula, neque implent vniuersa.

Placet relegere officia vitæ tuæ, & proponere tibi imaginem cui; miraberis te eundem, & multiplicem, similem & diuersum, vnum in pluribus, & plures in vno: expressit imaginem corporis
cul

tui ingeniosus sculptor, ego animum pingo, vter felliciori stylo iudex erit quicumque te nouit.

Procurator Generalis in Senatu Delphinatensi, fuisti asyllum legum, iustitiæ propugnaculum, suator rerum bonarum, & censor malarum: Nemo publicè sceleratus fuit qui te censorem non senserit: nemo leges damnauit innocens, neminem leges damnarunt innocentem; nemo iustitiam contempsit impune, neminem iustitia oppressit iniquè, arbitratus rationes Regias esse publicas, & publicas Regias, egisti Procuratorem Regis, Patronum Regni, & Patrem populi.

Alligari non debuit vni Prouinciæ vir omnibus aptus; minores erant res forenses ingenio tuo, & te ad res Politicas natura formauerat; admissus ad supplicum libellorum Magisterium statim dignum te probasti cui ardua quæque negotia committerentur, nec te implicatæ rerum difficultates terruerunt, illustrasti illas instar solis per Zodiaci monstra gradientis, & docuisti difficultates sæpè astra esse non monstra; viciisti aliquando ingenia vt monstra superares, & sæpè superaisti difficultates vt ingenia vinceret; ita gessimisti hoc alterum munus, vt non tam libellorum supplicum quam difficultatum Magister esse videreris.

Præpositus iuri dicendo per Aquitaniam, difficilè Prouinciam adedè demerueras Regi, & Tibi, vt nec alium Principem vellet nisi Regem, neque alium iudicem, nisi te Præsidentem, & tu donatus à Rege gratuita dignitate Primarij Præsidis in Senatu Aquitanico, retinueras Prouinciam in officio si retinere officium voluisses: præuenisses seditiones futuras, non expectasses; parasses antidotum malis futuris, sanasses morbos nondum natos, & nouo genere medicinæ politicæ, ne orta rebellio inualesceret, fecisses ne oriri posset.

Missus à Rege trans Alpes, semel exercitui Gallico præpositus iudex, semel atque iterum Legatus extraordinarius, repræsentaisti Italiæ Maiestatem Gallicam, & gemino foedere apud Secusum, & Cherascum penè iterum Alpes Gallicas, & Galliam fecisti transalpinam. Paucis attingo, quæ tu multa & magna fecisti, & penè ea confundo, quæ tu tam aptè distinxisti; Per te effectum est ne Mantuanus opprimi posset, & ne Sabaudus posset opprimere: spectauit Rex Christianissimus in illo societatem, in hoc affinitatem, diuisit se vtrique, erga hunc Ludouicus, erga illum iustus, erga vtrumque vterque fuit.

Per te Rheria in libertatem vendicata laqueos seruitutis effugit: Per te Ratisbonensis negotiatio correxit intra Italiam quod in-

intra Germaniam peccauerat ; per te Casale neutrum esse voluit, vt esset liberum : per te Mantua Domino suo restituta est præter opinionem publicam & priuatam . Per te Pignerolium redditum est Sabaudis, vt seruaretur fides publica, & receptum , vt seruaretur arcana .

Dignus eras Secretis Regijs qui noueras secreta facere , & seruare : placet describere radios solis vt munus hoc tuum describam: nihil secretius est radijs solis, vident omnia, & vix videntur, apparent & latent , per eos sentimus omnia , & vix ipsi sentiuntur ; nihil subtilius ijsdem radijs, peruadunt soliditatem celorum nec franguntur ; permeant ignem , nec exuruntur ; percellunt ærem, nec læduntur; immiscent se aquis, nec merguntur; insinuant se terris , nec obruuntur; nihil eisdem radijs efficacius , secundi sunt in terris , salubres in aquis, illustres in aere, purpurei in igne, argentei in Stellis, discolors in Planetis, omniformes in gemmis ; denique nihil eisdem radijs fidelius, pendent à Sole neque ab ijs sol pendet, eunt ad imperium, redeunt ad nutum, adherescunt Soli, & perirent nisi adhærescerent: talem oportet esse Ministrum à secretis, & mandatis Regijs, & Tu talis fuisti .

Talem te esse oportebat vt plenissimi iuris de pace Legatus in Germaniam mittereris ; & breui probasti te esse radium solis, secretum vt tegeres arcana Gallica, subtilem vt explorares aliena, eloquentem vt persuaderes, efficacem vt ageres, fidelem ne fallere velles, sapientem ne falli posses .

Longum esset dicere quid cum Collegis Legatis feceris; placet ea secernere , quæ solus fecisti; digressus à Germania in Hollandiam persuaseras Hollandis reciprocae defensionis cum Gallia, fedus ; euiceras ne aliam pacem vellent quam publicam, monueras si aliter facerent læsuros libertatem publicam , nec empturos priuatam; neque inane vaticinium fuit, dolent hodieque id euenisse, quod prædixeras euenturum .

Regressus ex Hollandia conciliasti Germaniam cum seipsa , & Galliam cum Germania ; atque id fecisti dum Gallia secum ipsa pugnat ; & dum Lutetia obsidetur à seipsa; tunc temporis per te victrix fuit Gallia intra Germaniam dum vincitur à se intra seipsam: nec exiguus fuit Pacis Germanicæ fructus, per illam gemina Alsatia loqui Gallicè didicit, per illam Philisburgum, & Brisacum olim clauis Germaniæ vt aperirent Galliam , nunc clauis sunt Galliæ vt illam claudant, & recludant Germaniam .

Dum absens hæc geris designatus es Minister Politicus, & eras antequam esses , dum extra Galliam administrabas res Galli-

cas: nemo ad ministerium ascendit per altiores gradus, fuisti prius Minister Europæ ut esses Minister Galliz, didicisti arcana Regnorum, & Legatus Regius; examinasti quid possent, explorasti quid vellent, distinxisti virtutes Nationum, collegisti mores Gentium, conflasti ex pluribus sapientijs vnam, & per hanc sapientia omnium; atque inde fit ut si magnum aliquid cum externis populis pertractandum sit, si fœdus ineundum, si pax sancienda, omnes te statim appellent, omnes te optent quasi Ministrum Galliz, & Legatum Europæ.

Post exercita tot ministeria vnum deorat. Ærarij Regij Ministerium, & illud nunc geris; difficile sanè ministerium, & te dignum; Præfectum esse ærarij non famulum, Dominum Auræ non seruum, retinere decolores manus inter metalla, & pauperem esse posse inter diuitias; similem esse Soli qui aurum parit, & purus est, imitari terram, quæ parturit argentum & reddit, æmulari ignem qui perficit metalla, nec se inficit, instar esse sigilli, quod auro se implet ut Regem imprimat, & se exhaurit, ut restituat; talem te miramur, & maiorem; scis ærarium Regium sanguinem publicum esse, distribuis illum sapienter non effundis; impendis bono publico, & restituis venis unde fluxit; putas Regem satis diuitem esse si regnum sit diues, & paupertatem publicam tunc tantum timendam doces, si priuati omnes sint pauperes.

Non abdicasti cætera officia dum istud geris, collegisti omnia in vno, & Præfectus Ærarij omnes præfecturas in vna geris: Agis Procuratorem generalem dum procuras regium bonum, & publicum; agis supplicum libellorum Magistrum dum libellos supplices admittis, & expedis: Præpositus es iuri dicundo varijs in Prouincijs dum protegis iura prouinciarum non opprimis; dicis ius exercitibus Regijs dum stipendia militi assignas non prædas; scribis mandata regia dum scribis aurea; administras pacem, & bellum dum administras ærarium; denique omnium rerum ministeria simul geris, dum aurum omnium rerum ministrum fidelis minister distribuis.



D. ABELI DE SERVIENT

VITA PRIVATA, ET PVBLICA.

ILLVSTRE viuendi genus priuatum, & publicum; vacuum & negotiosum, solitarium, & aulicum, **VIR ILLVSTRISSIME**, vixerunt hanc vitam Politici antiqui & tu illam viuus; partiris te aulæ & solitudini; diuidis te vrbi, & ruri, viuus duplicem vitam, & vnâ efficis.

Capacis ingenij necesse est te esse quem totum Aula non capit; quem negotia totum non occupant, & quo omnes curæ minores sunt; scilicet subdis tibi negotia non te illis, Dominus curarum es non seruus; commodas te rebus non donas, tradis te illis, & retrahis, partiris ingenium tuum, & dum vna pars tui magnis in rebus laborat, altera penè vacua est, & solitaria.

Fallor nec vna pars tui otiosa est, nec tu solitarius es, etiam dum es solus; trahis tecum quocunque pergis totam politicæ rei doctrinam, sequuntur te magnæ virtutes, & scientiæ; latere non potes quem omnia faciunt publicum: Non satis dixi, inuenis Aulam extra Aulam, & regna intueris in symbolis; vides in Rosa Angliam, in Tulipa Hispaniam, in Imperiali Germaniam, in Lilio Galliam; & quod Lilium est floribus hoc vides Ludonicum esse Regibus: ex horto progressus in porcum metiris in orbis mappa interualla regionum, examinas antiqua iura regnorum, & noua; reuisis protinicias quas olim Legatus obijisti, & nouo Legationis genere percurris orbem terrarum, & immotus manes.

Neque adhuc satis dixi, eruditi ingenij est scire præterita, prudentis intueri præsentia, sapientis meditari futura, hoc studium tuum est vacare futuris, & speculari facienda non facta: vis ut reuoluam aliquid ex ijs, quæ animo voluis, hac arte, inquis, terri Aquila potest ne ad Alpes volet, hac arte impediri Leo si cum Leopardo pugnet; hac arte iniri pax stabilis si nemo vincere velit, & nemo vinci; hac arte ditari fiscus si populus diues, & regnum sit locuples: hac arte victrix esse potest Gallia si seipsam non vincat.

Plenus his meditationibus politicis, & redux in Aulam rogaris sententiam, & effata dicis; respondes de legibus imperij quasi interpret, de factionibus Italicis quasi sequester, de mysterijs ex-

rernis quasi myſtes : loqueris de rebus futuris quaſi de præſentibus, de agendis quaſi iam actis, de negotijs alienis quaſi de Gallicis; nec dicis tantum res ipſas, ſed cauſas rerum, & initia & fines, & curſum & exitum : nihil à te quaeritur, quod non prævideris, nihil obijcitur, quod iam non ſolueris.

Ex Aula redis in hortum ; nec Regiam deferis dum ad lilia rediſ ex lilijs ; ſic miſces priuatam vitam, & publicam, ſic viuſ alijs & tibi ; nec illuſtrior vita eſſe poteſt quam quæ omnibus eſt utiliſ, vixere hanc vitam Scipiones, & Lælij, Cicerones, & Attici ; viuſ Meudoni inter ſtatuas virorum illuſtrium, & tu aliquando inter ſtatuas, & imagines eriſ.

DEUISES SVR LE MESME SVIET.

D'VNE VIE PRIVEE, ET PVBLIQUE.

I.

Les fontaines de Paris.

Quod bibimus de rure venit.

EPIGRAMMA.

QUOD BIBIMVS DE RVRE VENIT ; poſtquam alluit urbem ;
Mobilis ad patrios unda recurrit agros.
 Tu quoque poſt Aulam, & ſiſcum, & myſteria regni,
Vnde nouus redens ad noua rura rediſ.

II.

Le Nauire de la Ville de Paris.

Reditura perambulat orbem.

EPIGRAMMA.

VT GAZAS REFERAT REDITVRA PERAMBVLAT ORBEM ;
Et quas collegit diuidit orbis opes.
 Regius eſt Nauis ſiſcus ; Tu nauita ſiſci ;
Diuidit allatas Te Duce Nauis opes.

III.

La Seine.

Exit nec deserit urbem.

EPIGRAMMA.

Quam properare vides, *EXIT NEC DESERIT VRBEM,*
Et fluit, & semper mobilis vnda manet:
Tu quoque Meudonum repetis, nec deseris urbem
Et procul, & presens nobile flumen ades.

IV.

Vn Compas.

Centro pes alter adharet.

EPIGRAMMA.

Pes alter graditur, *CENTRO PES ALTER ADHARET;*
Ni foret immotus non numeraret iter.
Tu quoque terrarum fines Legatus obisti,
Et centrum, & semper circulus Aula tibi est.

EIDEM ILLVSTRISSIMO DOMINO

D. ABELI DE SERVIENT

POLITICA, ET CHRISTIANA QVÆSTIO.

AN SOLITARIVS ANIMVS POSSIT ESSE SOLVS.

POLITICA, & Christiana quæstio, an ingens, & excelsus animus possit esse solus dum est solus. Te spectat hæc quæstio, *VIR ILLVSTRISIME*, permitte vt de Te apud te disputem, an Meudoni sis solus etiam dum es solus: orator ero eruditæ causæ, tu iudex, priuata controversia erit, nemo nos audiet nisi solitudo; fallor si solus

se non potes audient nos quicumque sunt comites.

Videtur excelsus animus posse esse solus dum solus est, qui potest priuatus esse etiam dum publicus est; abesse potest ab vrbibus etiam intra vrbes, & subtrahere se multitudini etiam cum est præsens: scilicet maior negotijs commodat se illis non se donat; nec totum se rebus impendit, sed partem sui; atque hanc ita emittit à se, vt eandem retineat: igitur repetere se à negotijs potest, quibus tradidit se non vendidit; igitur dicere cum Philosopho potest publicis curis, ite curæ placet vacare, & solum esse, at vos non estis solæ.

Neque extra se tantum, sed intra se ipsum excelsus animus Dominus est; fecit illum Deus dominum sui cum illum condidit; emancipauit dum liberum fecit; velle potest, & non velle; emitte- re actus suos, & suspendere, agere & cessare; & ne otiosus sit dum otiiatur, agit aliquid dum nihil agit, vtitur arbitrio dum vult non vti, & dum liberè cessat tunc Dominum sui se esse probat: potest igitur solus esse qui potest carere cæteris rebus, & penè carere se: admittere potest hospites curas, & illas eiicere, potest sibi ipsi in- quilius esse, & sui hospes.

Aliunde ingens, & capax animus, nec solus esse potest nec va- cuus; plenus est imaginibus rerum quas intra se pinxit; intra se vrbes, & Prouincias, & regna gerit, quæ lustrauit; intra animum Germanus & Italus, Hispanus & Anglus, Suecus & Danus, Polo- nus & Moschus bellum tractant, & pacem: meditatur hæc omnia politicus animus & penè exequitur: quis dicat eum animum esse solum cui mundus est socius.

Quod admirabilius est præsentes sunt animo solitario res præ- teritæ, viuit quod præterijt, sistit quod fluxit; illi omne tempus præsens, omnis dies hodiernus, omnis antiquitas nouitas est; ha- bitant intra illum magni viri olim mortui nunc rediuiui decla- mant apud illum Cicerones, philosophantur Platones, speculan- tur Aristoteles; quis dicat eum animum esse solum, cui omnis ætas socia est, & comes omnis antiquitas.

Non satis dixi, exit extra se ingens animus, & ad res futuras se procul extendit; meditatur res olim venturas, diuinat, conijcit, consulit & antequam fiant penè illas facit; atque hæc est ingen- tis animi nobilis occupatio studere rebus futuris, & adhuc nullis; interesse rebus faciendis quasi iam factis; scire historiam tempo- ris futuri, & penè scribere: eruditi ingenij est didicisse præterita, vulgaris scire præsentia: politicus & sagax animus anteuertit an- nos venturos, viuit vita futura, & senex annis elapsis iuuenescit lapsus.

lapsuris: Quis eum solum esse dicat cui homines olim futuri iam adsunt socij?

At hæc politica sunt quæ sequuntur Christiana, solitarius, & pius animus retractat ætatem præteritam, & emendat; recognoscit annos elapsos, & meliores facit dum facit pios: neque ibi pietas sistit, assuescit morti olim moriturus; experitur artem moriendi ne ibi erret, ubi nemini errare bis licet; atque ut mortem ludat incipit immortalis esse dum viuit: ut pergat ulterius auspiciatur æternitatem intra tempus, ponit rudimenta vitæ venturæ, præmittit merita ad cælum quibus coronetur, & felix olim futurus, præludit felicitati ne ad illam accedat ignarus.

Egi oratorem, & penè decepi te, VIR ILLUSTRISSIME, descripsi te, & de te tacui; laudaui etiam nolentem laudari, sumpsi ex te exempla sapiendi; neque aliud dixi quam quod tu facis: neque tamen omnia dixi, vincis eloquentiam factis, & minus est quod illa dicit quam quod tu agis.

Illustrissimi, & Reuerendissimi Domini

D. ARTHI DE LYONNE

EPISCOPI VAPINCENSIS.

EPI T A P H I V M.

STA VIATOR, ET LEGE.

Nouum Elogij genus

Dicere de eo quem laudas, qualis non fuerit;

Dominus Arthus de Lyonne,

Non fuit Episcopus Nemausensis,

Non fuit Episcopus Valentinus,

Non fuit Episcopus Massiliensis,

Non fuit Episcopus Baiocensis,

Non fuit Archiepiscopus Ebredunensis,

Id totum non fuit quia esse recusauit:

Fallor id totum fuit dum esse noluit;

Scilicet hac vera dignitas est nolle honores, & mereri.

Ex Consiliario Sacerdos

Consecrauit vita genus non mutauit;

Ante Sacerdotium pius, & pendè sacer iam erat:

Admisit tandem Vapincenses insulas, sed inuitus;

Fleuit ne Episcopus esset;

Et tandiu esse noluit, quandiu fuit;

Retinuit tamen minores insulas, ut recusaret maiores.

Pastor amauit gregem, & sapè paui de suo;

Felix ouile id unum timebat ne Pastorem amitteret:

Et sapè insidias tetendit ne clam aufugeret.

Nulla vita innocentior, nulla tranquillior fuit:

Temperabat curias publicas priuatis studijs;

Excellens Mathematicus mundum aestimabat ut punctum,

Extendebat lineas ultra tempus,

Et pulchrum ex aternitate circulum faciebat:

Denique octogenarius ultimo puncto vitam clausit;

Quam piè obierit ex eo collige

Biennio ante obitum exiit insulas quas inuitus in duerat;

Interea ante mortem mori didicit:

Et obiit ea morte qua potest esse ars bene moriendi.

Adfuit Episcopo morienti successor Episcopus,

Et qua omnes imitari possent uidisse se dicit;

Excepit Illustrissimus filius exeuntem vitam Parentis,

Et superstes in filio Pater uiuit;

ABI VIATOR, ET DISCE MORI.

Mors neque ouibus parcit, nec Pastori.

Posuit filius Parenti, & ouis Pastori.



D. NICOLAI DE BALLEVL

E P I T A P H I V M.

STA VIATOR, ET LVGE IACTVRAM PVBLICAM
SI ES PARS PVBLICI.

Hic iacet, VIR ILLVSTRISSIMVS D. NICOLAVS DE BALLEVL,
Præfes Infulatus Senatus Parisienfis,
Alumnus Henrici Magni, & Ludouici Iusti,
Didicit ab illo præstare magna, ab hoc iusta:
Donatus ab illo dignitate Confiliarij, ab hoc Præsidis;
Quas dignitates non emerat, nulli vendidit:
Nemo ab illo damnatus est nisi reus,
Nemo iniuriam accepit, etiam inimicus;
Nemini inimicus fuit, etiam laesus:
Legatus trans Alpes penè illas iterum Gallicas reddidit;
Cancellarius Regina omnem ceram beneficam fecit,
Præpositus Aerario publico ditauit regnum, non domum;
Vrbæ Prætor populofam Lutetiam quafi familiam rexit;
Præfectus Hofocomio pauperes aluit quafi alumnos Dei;
Denique publico bono natus magis quam fuo;
Pertafus vita inter mortes ciuiles;
Mori voluit ne fub fe Præfide pax publica interiret.

ABI VIATOR.

Et luge plures Magistratus in vno periiffe;
 Obijt anno Domini 1652. Etæ. 63.

REDI VIATOR,

Vinit fupertes in filio præfide,
Pars erat Patris dum vineret,
 Nunc totus eft Pater.

ILLVSTRISSIMI DOMINI
D. NICOLAI DE MESGRIGNY
E P I T A P H I V M.
STA VIATOR.

Iacet sub hoc marmore vir magnus,
Sub quo marmor iacere debuit.
Dominus Nicolaus de Mesgrigny,
Non fuit Marchio, non fuit Praeses,
Non fuit Abbas, non fuit Episcopus,
Id totum non fuit quia esse recusauit:
Fallor in Patre Marchio, in fratribus Eques, & Praeses fuit;
In uno primarius, in altero insulatus, illustris in omnibus:
Ex Aduocato generali cencionator Ecclesiasticus,
Consecrauit Eloquentiam non mutauit:
Popularis cum sublimia diceret, sublimis dum popularia,
Temperabat utramque eloquentiam, & bis eloquens erat.
Nec facundior illi lingua quam vita,
Omnis eius viuendi ratio sermo eloquens fuit;
Canonicus primaria Ecclesia Parisiensis,
Regularem vitam egit sine votis
Inter diuitias pauper,
Inter aequales subditus,
Inter subditos penè aqualis vixit.
Tres prioratus pauperum vsibus admisit non suis,
Recusaturus titulos nisi fructus donare potuisset;
Reparauit sacras ruinas, ornauit aras de suo,
Et tribus beneficijs quartum ipse beneficium fuit.
Propositus primario Nosocomio,
Confundens sua cum Egenis,
Sapè illos diuites, sapè se pauperem fecit:
Seſtabantur illum pauperes quasi honorarij assecra,
Quinquagenis quotidianam portionem distribuit,
Neque vnquam solus, aut sine Deo cenauit.
Denique ne alios haredes haberet quam pauperes,
Erogata egenis utraque supelleſtili,
Vix lectulum reſeruaui ſibi in quo mori poſſet,

Obije

Obijt anno Domini 1652. Ætat. 37.

*Dignus longiori vita nisi dignior fuisset aeterna ;
Meditabatur aternitatem intra tempus ,
Præmiserat ad illam res suas , & seipsum ,
Idcirco maturè peruenit quia celeriter iuit .*

ABI VIATOR.

*Et propera ad aternitatem
Nihil esse stabile potest sub fugaci tempore .*

ILLVSTRISSIMI DOMINI

D. PETRI LE GOVX

DE LA BERCHERE,

Primarij Præsidis, in Senatu Delphinatensi.

ELOGIVM FVNEBRE.

STA VIATOR.

ET lachrymis publicis adde tuas ,
Meretur utrasque iactura publica .

Hic iacet Illustrissimus D. PETRVS LE GOVX DE LA BERCHERE.

Ignorat historiam Gallicam qui hanc familiam nescit ;

Pars est historia Gallica nobilis domus ,

Armata in Marchionibus, Ducibus, Marefcallis,

Togata in Consiliarijs, Præsidibus, Cancellarijs,

Insulata in Præsulibus, & Archiepiscopis,

Facere de suo potest illustrem historiam :

Nepos auorum illustriū domesticis virtutibus addidit suas ;

Nec fuit minor magnis Maioribus .

Sapientia in illo Præsas, & Præsas ipse sapientia fuit ;

In utroque iure didicit Magistrum Pacium, & docuit ;

Deduxit illum Patavio in Galliam ,

*Et uterque Romanam sapientiam Gallicam fecit :
 Vno Senatu maior duorum Senatum Princeps fuit ;
 Bis ad eum prima purpura venit ,
 Dionisi data , Gratianopoli reddita ;
 Iustum se probavit Ludovicus cum dedit ,
 Iustiorum cum reddidit .*

*Interea nec se exulem putavit extra Patriam ,
 Nec accusavit adversam fortunam dum relegavit ,
 Nec laudavit prosperam dum restituit ;
 Aequalem vultum ostendit utrique fortuna ;
 Et dum Senatu caruit egit Praesidem sui ;
 Secuta sunt omnes virtutes euntem , & omnes reducem :
 Iustitiam amavit semper , sed virginem ,
 Omnem eius partem castam esse voluit , nullam lasit :
 Non facile iudicium est iustiorne fuerit , an clementior ;
 Nullam vindictam amavit nisi publicam ;
 Vnius rei immemor iniuriarum suarum ,
 Aiebat nihil diuinus esse quam posse parcere ,
 Nihil humanius esse quam velle .*

*Intra Senatum index , extra Senatum Pater erat ;
 Nemo ab eo reiectus est , etiam miser ,
 Nemo exclusus domo etiam pauper ,
 Nemo ab eo recessit iratus ,
 His etiam placuit , quos aliquando damnavit :
 Invidit hominem aternis temporibus ,
 Et maturus erat meritis , non adhuc annis .*

Obijt anno Domini 1653. Aet. 52.

*Admonitus rogari votis publicis longiorem vitam ,
 Respondit nihil videre sibi longum nisi esset aeternum .*

ABI VIATOR, ET IRASCERE MORTE.

Parcere ei debuit , qui saepe illi pepercerat .

REDI VIATOR.

*Vinit superstes in liberis ,
 Et successor purpura frater , vix est alter .*

ELOGIUM FUNEBRE

D. RENATI DE VOYER.

D. D'ARGENSON.

I Acceres sub hoc marmore nouem seculorum gloria
Si mori posset.

Hares erat gloria tam annosa

D. RENATUS DE VOYER, D. D'ARGENSON.

Ex familia Vicecomitum de Paumy

Inter palmas natus,

Numerabat centum illustres Maiores, nec erat minor,

Primus inter suos togam armis praposuit;

Nec decolorauit unam purpuram, dum addidit alteram;

Nullus est honor toga quem non meruerit;

Ex Senatore supplicum libellorum Magister,

Ex illo Consiliarius politicus,

Ex utroque varijs in Prouincijs iuri dicundo prapositus,

Exhibuit ubique presentem Regem, & suppleuit absentem:

Nec bello abstinuit vir togatus,

Sexdecim expeditionibus bellicis praefectus iudex,

Fecit ubique victorem exercitum dum fecit iustum;

Lotharingia persuasit ut vellet esse pars Gallia,

Rheno ut vellet esse limes,

Alpibus ut vellet esse Gallica,

Taurinensibus inducijs victoriam preparauit,

Gloriosus intra Mediolanum, etiam dum esset captiuus.

Tumultuanti Catalonia persuasit foedus Gallicum,

Murmuranti Aquitania dissuasit externum;

Utilis Regi dum acquirit novas Prouincias,

Fidelis dum conseruat antiquas.

Post tot vitas meditatus nouum vita genus,

Inauguratus Minister diuinus, qui fuerat Regius,

Consecrauit officia non mutauit;

Libellorum supplicum Magister fuit dum preces Deo obtulit,

Consiliarius dum animos ad pietatem instituit;

Iudex dum conscientias absoluit.

Carere diu tali Ministro Aula non potuit;

Destinatus est Venetias Legatus Regius,

A.

*Atque ut legatio illustrior esset ,
 Legato Parenti substitutus est Legatus filius .
 Nec inani consilio additus est filius Patri morituro ;
 Vix ingressus erat Venetias priuatus ,
 Breui ingressurus publicus ,
 Eheu dum solennis illi paratur ingressus ,
 Oppressus morbo mutauit Legatum Regium in diuinum :
 Fallor non mutauit mors legationem , sed diuifit ,
 Agit Pater legatum in cælis , & filius Venetijs ,
 Senatus Patri pompam luctuosam ,
 Filio Regiam ,
 Vtrique legato ornauit publicam .*

ELOGIUM FVNEBRE
 D. IOSEPHI DV BERNET.
 STA VIATOR.

Iacet sub hoc marmore magni viri exiguus cinis ;
 Hic est illustrissimus D. IOSEPHVS DV BERNET ,
 Senatus Aquitanici Princeps .
 Olim futurus Praeses , adhuc puer pralust Praesidi ;
 Inter coactaneos primus , & penè semper praeses fuit :
 Anno aetatis 20. Theses publicas de utroque iure
 Non tam sustinuit quam docuit ;
 Ita discipulus ut Magister dici posset .
 Aduocatus Generalis cum per aetatem esse non posset ;
 Suppleuit annos matura eloquentia ,
 Dixit publicè , & suffragia extorsit ab inuitis ;
 Ex magno Consilio Praeses apud Burdegalam ,
 Eloquentia Oratoris addidit Maiestatem Praesidis ;
 Sensit hanc eloquentiam tumultus Aginensis , & conticuit .
 Apud Salyos Princeps Senatus ,
 Officio primus , primum se probauit ingenio ;
 Inde illa authoritas nulli secunda nisi Regi ;
 Inde inuidia creuit , unde fauor nasci debuerat ;
 Iussus priuatam vitam agere apud Biturigas ,
 Negabat ullam virtutem pulchriorem esse quam exulem .
Re-

*Renocatus Burdegalam primarius Praefes ,
 Dis seruauit patriam , etiam perire volentem ;
 Denique dum apud Lemouicas exulem Senatum colligit ,
 Enocatus ad caelestem Senatum quem nulla bis diuidit :
 Nec imparatus inuit vir caelo maturus ,
 Semel moriturus quotidie mori didicerat ;
 Stationes Iubilaei sic obiuit quasi iturus ad caelum ;
 Et Sacramentis Christianis expiatus ,
 Egit iudicem sui , ut iudicem Deum praeuerteret ;
 Obijt anno Aetatis . 63.*

ABI VIATOR.

*Hic magni viri exiguus cinis
 Olim magnum resurget in virum.*

ELOGIUM FVNEBRE D. LVDOVICI GIRARD.

PERFUNCTVS magnis honoribus ,
*Superauit honores quos gessit ,
 Meruit quos non gessit ,
 Dignus sigillis Regijs , quae intra familiam geri vidit ,
 Ex Senatu Redonensi translatus ad Parisiensem ,
 Per unam purpuram transiit ad alteram ,
 Ex Senatore supplicum libellorum Magister ,
 Ex illo apud Pictauos , & Xantones iuri dicundo Praepositus ,
 Repraesentauit Regem duabus Prouincijs ,
 Et solus instar Senatus fuit .
 Ad Rupellam ne disfluente militi as deesset ,
 Oberauit nomen suum , & suppleuit ararium ;
 Victus hac arte Soubisus praelusis vincenda Rupella ,
 Author victoria Montmorancius , Girardus adiutor fuit .
 Extincto fratre Regiarum rationum Procuratore generali ,
 Successit dignitati qui successerat meritis ,
 Arbitratus Regem esse diuitem cum regnum est diues ,
 Temperauit rationes regias , & publicas ,*

Es

*Et sic egit Procuratorem Regium ;
Vt non omitteret publicum .*

*Et se quòque credidit Procuratorem Dei,
Nec segnius curavit rationes diuinas quam regias ;
Procuratus more Christiano ultimis Sacramentis :
Ex fisco regio translatus est ad cœlestes thesauros ,
Illic futurus locuples ubi nullus est pauper .*

ABI VIATOR.

*Et da lacrymas magno cineri ,
Publica iactura est cum vir magnus sit cinis.*

ELOGIUM FVNEBRE
D. TALON
ADVOCATI GENERALIS.

STA VIATOR, ET AVDI.

IACET sub hoc marmore, & adhuc loquitur,
Magnus Gallica eloquentia Patronus Regius,
Hic est Illustrissimus DOMINVS TALON,
In Senatu Parisiensi Regiarum causarum generalis Patronus,
Actor causarum publicus antequam Regius,
Mervit Patronus Regius esse dum fuit publicus ;
Nec confudit utrumque munus dum miscuit ;
Patronus Regij iuris eras, & Pater publici ;
Nemo eo actore Maiestatem regiam contempsit impune,
Neminem Maiestas regia oppressit iniuste :
Ratus nihil aequale esse Regni nisi regnum,
Dicere se pro Rege putavit dum pro regno dicit :
Omnium iurium defensor,
Omnium iniuriarum actor,
Omnium bonarum rerum suavor,
Omnium malarum censor fuit.

Nec Regis tantum, sed Advocatum Dei se credidit ;

Verius-

*Vtriusque cliens, vtriusque Patronus :
 Protegebat regia iura diuinis, & diuina regijs ;
 Nemo Romanum forum, & Gallicum sapientius miscuit,
 Nemo vtrumque sapientius distinxit,
 Certus infallibilem esse Cathedram Romanam, non rotam,
 Credidit dogmata Cathedra non examinauit,
 Examinauit decreta Rota non credidit :
 Nemo fidei Romana obseruantior,
 Nemo libertatis Gallicana tenacior fuit.*

*Triginta annis egit Patronum Regium, & publicum :
 Vt vidit armari Lutetiam in seipsam,
 Inter imperia Aula, & preces Lutetia medius,
 Inter dissidia negotiator perpetuus,
 Idem representabat Senatum Regi, & Regem Senatui ;
 Idem rogabat Senatum ne opprimi vellet,
 Idem orabat Regem ne vellet opprimere,
 Et fecerat pacem si saepe auditus,
 Audiri adhuc postremò potuisset.*

*Denique siluit inter arma vox publica & Regia,
 Dedit lacrymas ruina publica,
 Daturus sanguinem si prodesse potuisset :
 Interea intumuit lacrymis magis quam aquis,
 Duorum annorum hydropifis
 Extinxit hominis vitam non gloriam.*

Obijt anno Ætat. Domini.

*Nec tamen totus interiijt
 Viuit eloquentia Patris in filio ;
 In uxore constantia,
 Apud Regem fidelitas,
 Apud Senatum integritas,
 Apud omnes fama.*



ELOGIVM FVNEBRE
NOBILISSIMI EQVITIS
HENRICI DE LA VIEVVILLE

STA VIATOR VBI EQVES GENEROSVS STETIT.

Hic est HENRICVS DE LA VIEVVILLE
Nobilis Eques Melitenfis;
Formauerat illi corpus elegantia vt Aula placeret,
Nemo illum oderat etiam hostis
Nemo illi inuidebat etiam maiori,
Placebat nobilis indoles etiam inuidis:
Patri imprimis amabilis fuit,
Natura filius, pendè consilijs Pater erat.
Splendorem generis probauit Melita dum Equitem fecit;
Nec unum Equitem tantum illustris prosapia dedit;
Augere ordinem consanguinei possent, si omnes viuerent;
Nec indocta Equitis nobilitas fuit,
Ornauit illam politionibus literis, vt bis nobilis esset;
Lustrauit populos, collegit omnium virtutes non mores,
Didicit omnes Aulas, & perfectum Aulicum fecit:
Placere poterat externis Regibus
Nisi Ludouico placere maluisset.
Apollini similis intus eruditus, foris armatus erat;
Præfectus castrorum, imperij parcus,
Exempli prodigus fuit.
Erumpens hostis ex obsessis Stampis
Arbitratus militem, laesit Ducem;
Vulnerauit eminentiam pedis,
Non ausus ferire maiestatem capitis;
Achilli similis hac sola parto corporis mortalis fuit;
Sensit hoc vulnus omnis Aula,
Solutus qui accepit vix sensit.
Ab eo vulnere mutatus in Aulicum cælestem;
Placere cœpit aternitati qui placuerat temporis;
Monitus illam ex momento pendere,
Momenta singula aterna fecit, ne ullum periret;
Mæstus perisse sibi quidquid cælo non dederat;

*Cervexit morbo sanitatem, & compensavit damna virtutibus;
 Doctus cœlum vanale esse si quis doloribus emeret;
 Inter acerbos cruciatus anidus patiendi,
 Augeri poterat vires, ut dolor cresceret.
 Denique crevit corrupti vulneris & amoris ignis,
 Exarsit, amavit, pœnituit,
 Et ne quis de pœnitentia dubitaret, publicam fecit.*

ABI VIATOR.

Et sapere disce ex nobili iuvene.

ELOGIUM FVNEBRE D. FRANCISCI VAVTIER PRIMARIi MEDICI REGII. STA VIATOR VBI STETIT ILLVSTRIS MEDICVS.

IRATA mors quod illustres sibi prædas eriperet,
 Perculit hominem ignoto morbo ne medicina sanaret;
 Fuit diu primus Medicus antequam esset primarius;
 Representavit Aula antiquam medicinam, & addidit novam;
 Creditus est cum eo redire Hippocrates, & Galenus,
 Vtriusque discipulus, utriusque Magister,
 Inuenit aliquid quod Graciâ latuit, & quod Roma nesciuit:
 Addidit politicam Medicina, ut bis Medicus esset;
 Sanauerat Reginam Matrem si Medico credidisset,
 Erupit sæpe in has voces, Cur tibi Vauteri non credidi?
 Timuere hunc Regina Medicum qui Reginam timebant;
 Inclusus est carcere Regio, non quia nocuerat,
 Sed ne noceret,
 Et reus sine crimine,
 Luit pœnas culpa futura, & nondum sua;
 In eo secessu meditatus nouam artem medicina;
 Et Stellas & gemmas, & peno omnem naturam Medicam fecit,
 Et debuit esse natura Medicus, ut esset Regius.

*Postulatus extra Galliam à Regina matre ;
Exiit ut iret , atque ideò non iuit quia exiuerat ;
Mysterium fuit carcer , & libertas anigma .*

*Expetitus à Ludouico Iusto moribundo ,
Sanauerat morbum , si curare cœpisset :*

*Electus in Medicum primarium qui primus iam erat ,
Breui ostendis in filio quid in Patre fecisset ;
Seruauit utrique vitam priuatam , & publicam ,
Facturus immortales si arti natura respondisset :*

*Irata mors homini immortalitatem cogitanti ,
Dum Regem balneo admouet , nec reformidat solem ,
Perculit obuium caput tot telis quot radijs ,
Et ne ardor sanabilis esset , venenum feбри admiscuit :
Sensit insidias vir sagax , & curare neglexit ;
Arbitratus ardorem pretiosum quem pro Rege conciperet ;
Passus est Solem etiam ladentem ne Regem desereret :
Nec impune mors vicit , nec sine certamine ,
Superauerat illam nisi intra Mesenterium latuisset :
Ne imparatus aeternum iter susceperet ,
Sacramentis Christianis , & diuino Viatico auctus ,
Decem dierum itinere ad aeternitatem peruenit :*

ABI VIATOR.

*Et disce nullum Aphorismum veriore esse :
Morimur tempori , & nascimur aeternitati .*

T V M V L V S DVORVM AMANTIVM APVD LVGDVNVM ERECTVS.

IACENT intra hunc tumulum duo Amantes ,
Et adhuc se amant ;
Extincta est utriusque vita , non flamma ;
Adhuc viuit ignis sub cinere ,
Erupturus foras nisi tegetur hoc lapide ;

Fin-

Fluxerunt decem aetates cum amare ceperunt ;
 Perierunt mille anni , amor non periit ;
 Viuit adhuc , & pendè vrit ;
 Nec obruit illum lapis , sed regit ,
 Ipse intra hoc sepulcrum quasi intra sacellum est .

Hoc primum amoris miraculum , audi alterum ,
 Iacent intra hunc tumulum duo amantes , sed virgines ,
 Inuenit coniugium castos , & effecit ;
 Primo nuptiarum die vouerunt amorem , sed virginem ;
 Idem thalamus coniunxit utrumque , & diuisi :
 Coniugium fuit animorum , & diuortium corporum :
 Nunc quoque idem mortuis thalamus est ,
 Idem coniugium cinerum , & diuortium ,
 Iacent contigui coniuges , & impermixti ;
 Et quorum amores virgines fuere ,
 Virgines quoque sunt cineres .

Extra urbem conditi sunt ,
 Minus secura est intra urbes virginitas
 Ad ripam araris situs est tumulus ,
 Hic quoque fluius virgineus est :
 Nubit Arar Rhodano , & uterque coniux est castus ;
 Idem utrique alueus est , & quasi thalamus ,
 Voluunt contiguas aquas , & impermixtas ;
 Intran Oceanum coniuges , & manent virgines :
 Nec Herodis hic tumulus est , nec Herodiadis ;
 Adulterium utriusque fuit non connubium ,
 Vterque ante obitum corruptus ,
 Integer esse non potest post cineres ,
 Nec Romani fuere hi duo amantes , neque Ethnici ;
 Sciri vellet Roma si esset patria ;
 Neque essent casti si essent Ethnici :

Ne quare quidam sint ? latere voluerunt ;
 Declarant tamen nomen suum , dum dissimulant ;
 Christiani sunt coniuges , & virgines ,
 Nec ignoti esse vellent nisi essent Christiani :
 Nec tam fidelis esset amor nisi esset coniugalis ,
 Nec tam diuturnus nisi esset purus .

Substitere Lugduni nobiles amoris exules ,
 Aduena Lugdunenses dum viuerent ,
 Post mortem indigena :
 Aruernos fuisse hos amantes coniectura est .

*Tenacis iudicij sunt Aruerni, & tenacis virtutis,
 Aut amantes ipsi, aut eorum amor Aruernus est.
 Facis Lugdunenses Moyrona dum adibus donas,
 Accipis ab illis nomen, & reddis,
 Hospes es duorum amantium, & amas tertius,
 Et solitudo olim duorum amantium,
 Nunc est trium.*

ILLVSTRISSIMO DOMINO

D. IACOBO MOYRON

BARONI DE SAINT TRIVIER,

Ex Prætori Lugdunensi, & Supremi Consilij
 Regij Consiliario.

DOMVS DVORVM AMANTIVM DOMINO.

E L O G I V M.

FRVSTRA solitudinem, & latebras quæris, VIR ILLVSTRISSIME, nec latere potes, nec esse solus, quia publicum oraculum es: trahis tecum quocunque pergis totam vtriusque iuris doctrinam, sequuntur te omnes scientiæ, & virtutes, priuato tibi esse non licet, quem tot ornamenta faciunt publicum; nec duo amantes totum te possidere possunt, qui amor es omnium, nec vllus locus est capax tui nisi sit publicus; frustra igitur urbem fugis qui urbem facis ubicunque es: ex quo secessisti in suburbium Lugdunense; aut suburbium intra urbem, aut magna pars vrbis intra suburbium est.

Nec te Lugdunum tantum, sed Aula ipsa quærit etiam latentem, amaris vbi es, desideraris vbi non es, æstimaris vbique; audiuit Rex qualis esses, & dignum putauit quem adhiberet omnibus Consilijs Regijs; nec capacior adhiberi potuit consilijs priuatis, nec sincerior politicis, nec innocentior ærarijs; nullum est Consilium cuius non merearis esse arbiter, nullum ministerium

cu-

cuius non possis esse Magister ; fuisti hætenus oraculum publicum, potes nunc esse regium .

Captas tamen solitudinem quantum potes , & illa te captat ; reddis te tibi qui tandiu dedisti te alijs ; oraculum priuatum esse vis , qui tandiu fuisti publicum ; consulis te ipsum , & respondes tibi ; examinas rationes tuas qui toties examinasti alienas , statuis intra te tribunal iuridicum ubi testis , & actor , & iudex tui , anteuertis diuinam sententiam dum te accusas , & absoluis ; sic præparas te alteri vitæ intra istam , sic mortem fallis dum incipis æternus esse adhuc viuus .

Patere , Vir Illustrissime , vt adiungam me solitudini tuæ , non interpellabo silentium tuum dum silebo ; si tamen loqui aliquando velis , loquar dum loqueris , dicam quod dices , agam quod ages . Sic eris solus etiam me comite , sic erimus plures , & vovs , sic erimus duo amantes , sed tu amicus , ego seruus

Addictissimus P. L' A B B E .

ELOGIUM FVNEBRE
D. DE CHASTEAVNEVF
REGII SIGILLI CVSTODIS.
NOVVM ELOGII GENVS
FACTIS LAVDARE NON VERBIS.
STA VIATOR, ET LEGE.

IL L V S T R I S S I M V S , Excellentissimusque Dominus Carolus de Laubespine , Marchio de Chasteauneuf , Baronum , Marchionum , & Præsidum sanguis , collegit omnia Maiorum decora , & fecit sua : natus anno 1580. & mortuus anno 1658. duarum ætatum Nestor fuit : anno 1602. Senator in Curia Parisiensi , & plusquam Senator fuit : anno 1606. Legatus in Hollandiam , anno 1609. ter in Belgium missus utrobique de pace egit : anno 1617. Principes Regi , & Principibus Regem conciliauit : anno 1620. Legatus ad Imperatorem , & Principes Germaniæ

docuit Germaniam liberam esse non posse nisi germana sit Gal-
liæ: anno 1626. ad Principes Italiæ, ad Venetos, ad Rhetos, &
Heluetios missus, ostendit Galliam populorum fœdera ambire
non iura: anno 1629. Legatus in Angliam probavit tria regna sta-
re diu non posse, si sint tria: Post lustratam varijs legationibus
Europam, Turonum Prorex, & Regij sigilli custos creatus est:
quam bene hoc vtrumque munus gesserit, ex invidia collige: an-
no 1633. exulare iussus inculismæ docuit nullas virtutes nobi-
liores esse quam exules: anno 1643. restitutus est libertati publi-
cæ, qui nunquam priuata caruit: anno 1650. redditus est sigillis
Regijs: anno 1651. adhibitus est primario Ministerio. Anno 1653.
secedere Leuillam iussus abduxit secum virtutem ne solus irer:
hæc semper illi intra Aulam, & extra illam comes fidelis fuit. Hęc
denique anno 1653. clausit hominis vitam, & magnarum rerum
historiam.

Legisti Viator vitam prosperis rebus, & aduersis permixtam:
expertus est vir magnus vtrumque fortunam, & eodem vultu,
mutata est sæpe illa, non ille; emendabat vtramque virtute, &
Dominus semper non seruus, stetit erectus cadente fortuna, & ro-
tam fefellit dum sola cecidit.

ABI VIATOR, ET TV QVOQUE.
Fortunam virtute Rege.

NOBILISSIMI HEROIS
DOMINI CAHEVSACII
LEVIORIS TVRMÆ,
EMINENTISSIMI CARDINALIS ARMANDI RICHELII
DVCTORIS.

EPI T A P H I V M.
STA VIATOR, ET LVGE HANC MORTEM.

*Q*uam Mars ipse fletet, si flere sciret.
Vt scias qualis hic fuerit, ex eo collige,
Fleuit eius mortem Cardinalis Richelius,

Fle-

Fleri ijs lachrymis gloria vellet, si mori posset.

Merebatur eas lacrymas hic heros,

Quem Anglus, Germanus, Hispanus lugerent, nisi hostes essent.

Obsesso apud Raam Insulam Toerasio,

Scapharum 29. commentum inuexit ea via,

Qua solis piscibus patere potuit;

Init per omnia clausa, eadem arte ad Regem redijt;

Eadem auxiliaribus copijs dux via fuit;

Iturus per aerem, si maria defuissent:

Per aerem ferè venisse crediderunt Angli,

Dum eos es D. Christophori insula momento expulit.

Nec minus illustre est quod adiungo,

Oppugnabantur omnia Elementa in una Rupella,

Ipse vnum Elementum ex parte clausit,

Dum ad aggerem maritimum pugnans,

Instar aggeris alterius fuit.

Gloriosum est quod attexo,

Victoria qua Casalís obsidionem soluit, pars magna fuit:

Electus à voluntarijs ductor spontaneus,

Solo aspectu, & gestu hostem terruit;

Et Toerasium semel ad Raam,

Iterum ad Casale victorem fecit.

Maius aliquid heros hic gessit,

Leuioris turina Em. Card. Praefectus

Totidem heroes in Germaniam duxerat,

Si duxisset immortales:

Cum hac Equitum manu in Croatarum agmen irrumpens,

Tot facinora edidit ut Mars alter haberi posset, nisi cecidisset

Numerofo exercitu obsessus includi non potuit,

Signifero vexillum Aquila vulneratus eripuit,

Hoc trophæo se obuoluens, & moriens,

Heroicam sibi in Aquila Apotheosin erexit:

Sic extinctus adhuc timebatur,

Mortuus pugnare creditus est,

Territi hostes hoc facinore victoriam nostris cessere,

Rati pugnare se cum heroibus qui nescirent mori,

Aut qui pugnarent mortui.

Iturus in hostem, Marchionem de Mouy amplexus,

Eamus inquit, & fidem Deo probemus, & Regi,

Iuere ambo, pugnarunt viui, & vicerunt mortui,

Miratus heroes Cardinalis Richelius,

Vtri-

*Vtrique lacrymas amoris testes impendit .
Lugendus uterque heros , sed laudandus ,
Hac morte uterque periit , qua moriuntur heroes*

ELOGIVM FVNEBRE
D. PHILIPPI DE TORSI
D. D E L A T O V R ,
Atrebatensium Gubernatoris.

STA VIATOR, ET IRASCERE MORTI.

Qua non ausa heroem palam aggredi,
Per insidias occidit .
Hic per omnes militia gradus accesserat ad supremum ,
Marescallus futurus qui Mars alter iam erat
Missus trans Alpes ad Galliam olim Cisalpinam,
Manuam Gallicam reddidit , & pene Cremonam ;
Gubernator Casali datus ,
Evertit casae obsidentis exercitus , & Casale servavit .
Post servatum Casale datus est servando Atrebato ,
Tradere se dixit Ludovicus gloriosam urbem fidei Gubernatori ,
Et fidelem Gubernatorem gloriosa urbi :
Vt ageret Gubernatorem Patrem egit , & iudicem ;
Temperabat poenas amore , & crimen puniebat non hominem ,
Inde ille amor Gubernatoris quasi Patris ,
Et metus quasi iudicis :
Imperij tenax si iussisset , abstinens ne iuberet ,
Nullum imperium sterile sensit ,
Nullum obsequium difficile .
Nemo severiorem appellavit dum puniret ,
Nemo molliorem dum parceret .
Vt subditos haberet homines , erat ipse subditus Deo ,
Amabatur in illo Deus , & timebatur ,
Nemo imperantem spernit , ne spernaret Deum .

Hic

*His occupatum curis Apoplexia oppressit ,
 Non tamen imparatum :
 Sape tales insidias mors heroibus struit ,
 Dum palam non audet aggredi .*

ABI VIATOR.

Et mortem falle , ne illa te fallat .

T V M V L V S
 DOMINORVM DE BOURLON
 S T A V I A T O R
 AD NOVVM TVMVLI GENVS,
 DOMVS EST HIC LOCVS, NON TVMVLVS.

IACENT sub eò tres nobiles fratres ,
 Et iacebit olim tota fratrum familia.

Ii sunt ,

D. Nicolaus Bourlon , Eques de Lyons , & de Chally ,
 D. Ioan. Bourlon , Actuarius primarius Curia Rationum ,
 D. Math. Bourlon , Rationum Magister , & Consil.

*Neque hos fratres vita diuisit ,
 Nec mors diuidere potuit ,
 Idcirco eodem tumulo condi voluere ,
 Ut quorum mores indiuidui fuere ,
 Indiuisi sint cineres .*

Primus ex illis sine liberis vixit ,
 Alter sine uxore ,
 Tertius decem liberos sustulit ,
 Ex lectissima coniuge D. Christina de Bally ,
 Nobilis D. de Bally , Praesidis Computorum filia.

Ii sunt liberi ,

D. Nicolaus Bourlon , Consil. in Senatu Parisiensi ,
 D. Carol. Bourlon , Conditor Suesionensis ,

D. Ioan.

D. Ioan. Bourlon, Consl. in Senatu Metensi,

D. Math. Bourlon, Rationum Magister.

Quintus Ordinis S. Augustini Regularis Canonicus,

Ex quinque filiabus tres Deo virginitatem vouerunt,

Vt scias omnes Paterna concordia heredes esse,

Tredecim sunt si numerum spectes,

Vnus si animum :

Fouet hanc concordiam annosa virtutis Mater,

Viuunt omnes eodem spiritu matris,

Et decies vinit Mater in singulis.

Nec noua est hac concordia, qua seculum videt,

Et erit semper noua dum erit aterna,

Fouebunt illam venturi nepotes,

Tamdiu heredes illustris familia,

Quandiu heredes paterna concordia.

ABI VIATOR.

Et disce concordiam immortalitatis causam esse,

Mors ipsa nihil aliud est nisi vita discordia.

ELOGIUM FVNEBRE D. GASTONIS DE RANTY

STA VIATOR AD NOBILEM TVMVLVM.

IACERET sub eo virtus si mori posset,
Audi qualis fuerit GASTO DE RANTY.

Nobilis sanguine, nobilior fuit virtute;

Bellum gessit heroum more non pradonum;

Correxit duellum dum vitare non potuit;

Pugnauit ut parceret non ut vinceret;

Et victor celauit victoriam suam, & sui iniuriam;

Coniugium coluit quasi nexum animorum non tantum corporum.

Ad altiore vocatus sanctitatis gradum,

Omnes vocantis gratia gradus efficaces reddidit;

Nulla est virtus qua in eo summa non fuerit;

Ama-

*Amabat in via Deum amore patria ,
 Amabat proximum amore gratia , non natura :
 Benignus erga omnes , benignior erga miseros fuit ,
 Vt subleuaret miseras , saepe se miserum fecit ,
 Vt solaretur egenos , saepe ipse egere voluit .
 Potior illi tamen animorum cura fuit quam corporum ,
 Neminem allocutus dicitur , quem meliorem non fecerit ,
 Sape etiam meliorem frugem persuasit inuitis ,
 Nullum est crimen quod non emendaret , vel flenerit ,*

ABI VIATOR, CAETERA NOSTI.

*Tota hominis vita publica historia est ,
 Illud omnibus elogijs dignum ,
 Professus est palam virtutem ,
 Ne quis eam inhonestam putaret ,
 Docuit facilem esse inter arma ,
 Et pulchram sub purpura .*

ET TV VIATOR DISCE.
*Generosi animi esse amare virtutem ,
 Ignavi timere .*

NOBILIS DOMINI NICOLAI DE BOESSAT

E P I T A P H I V M

STA VIATOR, ET MIRARE
 NOVVM AVDACIÆ GENVS.

INSOLENS Parca ausa est aggredi Spiritum, & occidit,
*Is est Nobilis D.N. DE BOESSAT, agnomine Spiritus
 Haftenus Spiritus extra mortis aleam erant ,
 Nec videri poterant expertes coloris.
 Nec apprehendi expertes molis,
 Nec vulnerari expertes corporis ,*

Boes-

*Boesatus spiritus erat, & tamen occubuit;
 Quasiuit mors vulneri locum, & inuenit
 Oppressit hominem Apoplexia ne vulnus sentiret,
 Obstruxit meatus sensuum, & spiritum interceptit.
 Fallor non interceptit spiritum, sed emisit;
 Hospes corporis animus, & indigena cæli,
 Indignatus obstrui sibi vias sensuum,
 Penetrauit clausos aditus, & exiuit;
 Et facilis fuit exitus dum caro non sentit;
 Hac arte dum mors parabat fallere, mortem fefellit.*

ABI VIATOR, ET IMITARE SI POTES.

*Boesatus nomine spiritus erat,
 Et poterat appellari virtus.
 Mutauerat penè carnem in spiritum,
 Et spiritum in virtutem,
 Tu si spiritus esse non potes,
 Esto virtus.*

E P I T A P H I U M
 D. I V L I A N I B R O D E A V
 ILLVSTRIS CAVSARVM PATRONI.

STA VIATOR.

VBI VIR ELOQVENS STETIT.

AD dicendum natus adhuc Infans eloquens erat,
 Addidit artem natura, & bis eloquens fuit,
 Omnes scientias eloquentes fecit, dum didicit.
 Admirare tamen modestiam hominis,
 Interpres alterius esse maluit quam Magister,
 Equauit tamen aut vici, dum vinci voluit,
 Omnium causarum actor, omnium victor,
 Nullam causam admisit nisi probabilem,

Nul-

*Nullam reliquit incertam , dum probavit,
 Persuadebat ut actor , concludebat ut index ,
 Decreta dictare videbatur dum diceret.
 Vna tamen est causa cui victui succubuit ,
 Causa mortis .
 Sciebat Dei decretum esse , & vinci voluit.*

ABI VIATOR.

*Te quoque hoc decretum manet
 Morieris .*

REDI VIATOR.

*Totus non interijt vir magnus
 Viuit pars hominis in libris , & pars in liberis .*

EPITAPHIVM NOBILIS INFANTIS FRANCISCI FOVQVET.

HIC IACET FRANCISCVS FOVQVET,
*Infans erat trium annorum si aetatem spectes ,
 Maior Infante si merita numeres .
 Formauerat illum elegantia ut omnibus placeret ,
 Omnium oculorum Ocellus ,
 Omnium amorum amor erat ,
 Nihil in illo puerile nisi aetas ,
 Ipse fletus amabilis ,
 Ipse risus grauis ,
 Ipse gestus serius ,
 Ipse sermo maturus fuit .
 Iam crescebat ad magna annis maior ,
 Iam representabat annos venturos ,
 Iam spes domestica eras , & penè publica .
 Eheu quam citò interijt flos maturus !
 At hac maturarum rerum conditio est , citò mori .
 Eripit se ex oculis perfectà virtutis ,*

*Et quicquid ad summum peruenit currit ad exitum;
 Ostensus est puer tempori, & redditus aternitati,
 Neque hac aternitatis iniuria est,
 Commodauerat illum Parentibus non dederat,
 Postquam ostendit, quod suum erat repetijt;
 Imo hoc aternitatis beneficium est,
 Filium datura, sed non diu
 Qualis futurus erat statim dedit.*

ABI VIATOR, ET LEGE HOC SYMBOLVM.

Hemerocallis.

Vix obiit, qua non vixit.

EPIGRAMMA.

*V*na dies nasci videt, & videt una perire,
 Fallor vix obiit, cui neque vita fuit.

ELOGIVM FVNEBRE ILLVSTR. D. D'ANCIER

STA VIATOR

AD MONIMENTVM NVNQVAM CASVRVM.

*Quæ alia monumenta deterit,
 Hoc monumentum posteritas conseruabit.*

DOMINVS Franc-Antonius Gauthior, Dominus d'Ancier,
 &c. cum hæredes morituros noller, eos sibi hæredes adsciuit
 qui nunquam mori possent; Societatem Iesu ad bona vocauit,
 eruditam vt beneficium sciret, religiosam vt eam memoriam vo-
 tituam haberet, nunquam perituram, ne pretiosa hæreditas vn-
 quam periret.

Vis nosse beneficæ in societatem voluntatis aliquam causam;
 Collegium instituendæ iuuentuti magnificum amplissimi Gu-
 ber-

bernatores Vesontionensis Ciuitatis extruxerant, deerat membrum aliquod vt totum ædificij corpus perficeret, templum deerat vt totum opus consecraret; successit opportunè in partem sumptuum vir patriæ amantissimus, absolui Collegij extruccionem ære suo voluit, vt liberalitatem suam publicam faceret; extrui templum imperauit vt opes suas consecraret; sacellum in eo templo sibi destinauit, vt publicas simul preces, & priuatas haberet.

Vnum vno in loco sacellum voluit, & plura vbique habebit, nam Societas toto pene orbe diffusa quot sacerdotes vbique, & socios alet, tot piæ voluntatis alumnos esse credet: Imo vt semel dicam erit sacellum in quo votiue pro eo preces, templum erit in quo amicæ gratiarum actiones, gymnasium erit, in quo eruditæ ei persoluentur laudes.

Obsignauit breuiorem hominis vitam hoc vltimum facinus, de finire illustrius vita non potuit; Romæ hoc testamentum scripsit; voluit in publico orbis theatro illustre facinus edi; longè à Patria sciunctus ei beneficus fuit, vt sciat patria quam ei cara fuerit, quam vt viuus, & præsens suis consilijs, sic absens, & moribundus suis beneficijs auxit; infirma valetudine firma, & sana mente eas tabulas scripsit, vt scias & piè illas, ac sponte scripsisse.

Dicerem nobilitatem hominis nisi eam sparxæ toto Burgundiæ Comitatu affinitates scutis, ac tesseris gentilitijs abunde loquerentur: vnum dico, hoc ipse Maioribus debet quod familiæ suæ splendorem ad eum transmiserint; hoc ei Maiores debebunt quod eum ille splendorem efficiet immortalem.

Dicitur, & bellum in Palatinatu gessisse honorarius Eques, vbi etiam illic didicit artem homines vincendi, sed hanc postea artem homo mitis ingenij scire maluit quam exercere; ne quid in homine nobilissimo elegantiarum requiras, nobiliter eruditus fuit: quantopere bonas artes amarit ex eo collige, nobile Gymnasium scientijs absoluit ex parte, & Magistros Gymnasij hæredes suos ex æse scripsit.

Abi Viator, & pro eo preces, vel ei laudes offer, qui tibi & tuis gymnasium, & templum ornauit, gymnasium vbi laudes discas, templum vbi preces fundas.



ELOGIVM FVNEBRE
ILLVSTR. D. DE BRVILLART
BARONIS DE COVRSAN.

STA VIATOR, ET DISCE
QVALIS COVRSANVS FVERIT, EX EO QVOD
NON FVIT.

DOMINVS BARO DE COVRSAN,
Non fuit legionum tribunus,
Non fuit castrorum Praefectus,
Non fuit ductor exercitus,
Id totum non fuit, quia esse recusavit.
Fallor id totum fuit dum esse noluit,
Legiones vexit, sed sine Tribuni nomine,
Castris praefuit sed sine Praefecti munere;
Exercitum duxit, sed sine Marescalli dignitate.
Admisit onera titulorum reiecit titulos,
Timuit praefesse militi, cum rapina timebantur,
Tunc praefuit dum nihil timebatur nisi hostis,
Cedebatur ei acies quasi alteri Marti,
Victoriam sperabat Miles, si Coursanus imperaret.
Nullum sub Henrico Magno bellum gestum est,
Vbi Coursanus non vicerit:
Adbuc fortitudo, & conscientia Coursanij prouerbium est,
Palliat Coursanij, aut vincere sciunt, aut mori,
Conscientia Coursanij timet aurum, non ferrum.
Hac cogitatio eum recreabat morientem,
Pugnanti, ne alieno ditekterem,
Vici Henrico Magno nec sum maior,
Vixi priuatus etiam dum fui publicus,
Hic circulus vita mea Rex & Deus.

ABI VIATOR, ET DISCE.

Neque armis nocere virtutem,
Neque arma virtuti.

ELO-

ILLVSTRISSIMÆ DOMINÆ

D. CAROLÆ DAMASCENÆ

BARONISSÆ DE COVRSAN.

STA VIATOR

Hic iacet Mulier fortis
Alibi inuendu difficilis.

Hac est CAROLA DAMASCENA

Nomen ipsum Maiestatem sapit.

Ex Regibus oriunda, omnes regias virtutes collegit in fœmina,

Inde illi omnia Regia prater fortunam,

Suppleuit illam virtute, & imperauit sine sceptro:

Fœminarum animos rexit quasi fœminis superior,

Nobilium Virorum duella composuit quasi viris maior,

Popularium lites diremit quasi iudex,

Pluribus Prouincijs ius dixit quasi præsēs.

Nemo ab ea discessit nisi beneuolus,

Nemo abiisset pauper si omnes ditare potuisset,

Eos omnes censebat domesticos qui domo carebant,

Pietatem domesticam habuit, & tesserariam crucem,

Similis erat nobilis domus Religiosa familia,

Seruabantur in ea vota sine votis,

Et pietas sine regulis regula erat,

Ipsa imperio, & exemplo dux ad virtutem & comes erat,

His operibus intenta ibat ad virtutem continuo cursu,

Et ire debebat ex domestico lemmate.

De Thyanges des Rois
de Sicile, &
de Damas.

ABI VIATOR.

Et tu quoque ad aternitatem curre,

Sed ad illam non itur nisi per virtutes.

D. ANTONII DE GILBERTES

ECCLESIAE LVGDVNENSIS COMITIS,
ET ARCHIDIACONI.

E P I T A P H I V M.

Hic iacet D. ANTONIVS DE GILBERTES,
Eius Ecclesia Canonicus in qua omnes sunt Comites,
Et Canonici aliqui Reges.
Accepit ab ea Societate splendorem,
Et splendorem dedit:
Virtutum Comes quas omnes possedit:
Humilitas in eo nobilis, honor humilis fuit,
Ex dignitatibus eas tantum admisit, quas augere posset,
Recusasse infulas dicitur, ne illis cresceret.

Ambiebant Magnates eius gratiam,

Ipse nullius gratiam ambiebat,

Idcirco omnibus gratus, quia nihil egit ex gratia.

Nemo amicus eo melior, quia nemo constantior:

Amicum nunquam mutauit, etiam dum amari desijt,

Spektabat in amico Deum qui semper est similis.

Ut scias puritatem amoris,

Amabat pauperes in quibus nihil est amabile prater Deum,

Ex cœna quotidianum ferculum ijs trans mittebat,

Nec unquam sine Deo cœnauit:

Maiores tamen erant Eleemosyna priuatę quam publica,

Id satis publicum dicebat quod Deus aspiceret:

Maturus erat aternitati, cui assueuerat adhuc viujs:

Tam facile ad eam migravit ut mutasse hospitium diceres,

Imo neque hospitium mutauit,

Eo inquit quo ire consueuerat.

Et tu quoque Viator assuesce aternitati,

Nec ad illam hospes, sed haeres accede.

ILLVSTRISSIMÆ DOMINÆ

D. GABRI. DE GADAGNE

COMITISSÆ DE CHEVRIERES.

STA VIATOR THESAVRVS HIC LATET,
MVLIER FORTIS DIVES THESAVRVS EST.

TALIS est D. GAER. DE GADAGNE, *Com. de Chevrieres,*
Nosti nobilitatem si es Gallus,
Mirare virtutem si pins,
Imitare si Christianus.
Hac post Mariti, & filij unici funus,
Cœpit nihil amare nisi Deum,
Qua prius Deum amabat, & filium;
Nullus unquam filius materno amore dignior fuit;
Elegantia ei pro corpore, virtus pro indole erat,
Fecerant hac omnia Regi amabilem, quia fecerant similem.
Nec dubium quin ea merita compensasset Ludovicus Iustus,
Qua iam amauerat pins.

Anteuertit regia munera Deus,
Remunerari prior voluit qui prior amauerat,
Subtraxit Matri delicias, & fecit suas.
Tot lacrymas expressit Matri tanta iactura,
Vt nunquam gauisuram crederes;
Tot gaudia postea creauit, vt nunquam fleuisse diceres;
Centies de morte Isaaci sui Deo gratias egit;
In eo Sara generosior, risit illa oblato filio,
Hac etiam risit ablato.
Celandum fuit Sara sacrificium filij,
Hac centies Isaac immolauit.

Vt gratior victima esset filium immolabat, & Deum;
Vt haberet ubi immolaret extruxit templa de suo,
Tres religiosas domos fundauit,
Quartam ipsa praestabat ubicunque esset.
Singulos dies vnus hora meditatio,

Singulas horas Dei amor consecrabat ;

Sic nulla ei hora peribat ,

Sic omne momentum aternitas erat.

Nec tantum in animo Deus , sed in manibus erat ,

Quibus vel altaria , vel pauperes ,

Et Deum in utrisque vestiebat .

Abdebat se aliquando apud Moniales ab Annuntiatione dictas ,

Ibi in asceticis munijis ita omnibus pralucebat ,

Vt non tam Monasterij quam instituti fundatrix videretur.

Includi non debuit coenobio , qua in seculo religiosa erat :

Singulis mensibus diem unum ,

Singulis annis octiduum ita Deo impendebat totum ,

Vt temporis oblita frui aternitate videretur ;

Et erat aternitas nisi tempus successisset .

Contineri domo una non poterat nobilis zelus ,

Mittebat subinde ad subditos doctores salutis ,

Non tolerasset in subditis haresin , qua ignorantiam non ferebat ,

Brevi omnes urbes haresi carerent ,

Si Dominos haberent , sed Christianos.

Nec suos tantum hic zelus tam amplectebatur alienos ;

Erga egenos propensor , diuitem se illis putabat non sibi ,

Reddere se illis stipem aiebat non donare ;

Inuisebat frequens Nosocomium , etiam infirma ;

Addixerat se eius ministerio si Confessarius permisisset ;

Prohibita est ne paucis tantum egenis seruiret foris ,

Qua domi omnibus ministrabat .

Tot operibus charitatis intenta flebat otium suum :

Quasi efficacior esse charitas possit , quam dum omnes iuuat ;

Excidia illi tamen aliquando vox illa ;

Viginti anni sunt cum mais commodis non seruiui ;

Quam pure seruiebat Deo , qua non meminerat sui ;

Vt puriorem adhuc amorem efficeret ,

Quotidianas noxas quotidiana ferè confessione expiabat ,

Brevi maculas non haberent ,

Si se toties Sol , & astra purgarent .

Agebat annum atatis quintum , & sexagesimum ,

Matura erat gloria , & satur vita

Biennium erat cum anniuersario funere sibi parentabat ;

Quinto ante obitum die designauit locum sepulturae ;

Apt-

*Aptavit altaribus funebrem vestem quam ipsa confecerat ,
 Nemo officiosior est quam quisque sibi ;
 Prudentis hospitis est lustrare ante domum quam incolere ;
 Et pramittere supelleſtilem , ne in vacuo habites .*

*Eam diem qua precessit obitum sic totam impendit Deo ,
 Ut dubites an pertineat ad hanc vitam ultima ,*

An ad alteram prima .

*Ex tribus eius diei meditationibus tertia fuit amoris divini
 Non interrupt mors eum amorem , sed extendit ,
 Et ne unquam cessaret aeternum fecit ;
 Extrême noctis sopor penè extasis fuit ,
 Circa auroram surrexit , oravit , amavit ,
 Aspexit cælum , salutavit nascentem diem ,
 Et sibi aternitatem .*

*Excitatis ad ultimum agonem domesticis ,
 Stans , & inambulans obiit :*

Extinxit calorem vita gravis humor , non amorem ;

Inter amica suspiria spiritum exhalavit :

*Semihoram vix occupavit hac pugna ,
 Tam facile mortem vicit , quia mori didicerat ,
 Stans obiit ut fortem mulierem scias ,
 Inambulans peruenit ad aternitatem ,
 Ad eam semper perrexerat .*

Sic transijt ad felicitatem qua beata esse iam cœperat ;

Sic septima octidui die cœlitibus sacri .

Auxit cœlitum numerum ,

Digna ijs altaribus qua sanctis erexerat ;

Hæredem scripsit Illustrissimum Marchionem de S. Chamond ,

Amanit in eo paternas virtutes , & proprias ,

Ut amor hæredem faceret , virtus fecerat filium .

Sepeliri voluit in templo Minoris Collegij Lugdunensis S.I.

Ut quibus anima curam tradiderat vima ,

Is curam corporis traderet mortua :

Sed admirare dignam omnibus honoribus humilitatem .

Prohibuit pompam funebrem ,

Ne honores admitteret mortua , quos viua contempserat ;

Quos etiam ut calcaret , sepeliri in vestibulo templi optavit ,

Ut calcari ipsa ab omnibus posset :

Sed Collegium venerabitur semper ut fundatricem ,

Et Societas ut beneficam Matrem ;

Et quia Societas ubique terrarum socios habet ,

*Habebit hac ubique terrarum filios;
Quia Lugduni habet alumnos .*

ABI VIATOR INVENISTI MULIEREM FORTEM.

Tu nisi es fortis , minor sæmina es.

ANTONII L' ABBE

CANONICI SILVANECTENSIS,

& Philosophi Vesontione mortui .

EPI TAPHIUM.

HOc totum est quod vobis remitto , melli consanguinei , mortui fratris titulum, & Epitaphium; cætera quæ interire potuerunt pestis absumpsit. Crudele malum pestis, ex quâ quidquid spiratur venenum est, quidquid emittitur telum, quidquid atrectatur contagium .

Eunesta hæc lues Antonium Labbe fratrem meum sic afflixit , vt ex eo toto nihil reliquerit , nisi triste in hac charta Epitaphium, & in me seruato penè miraculum .

Ne quærite quis casus hoc infortunium inuexerit; malum fuit quod nec præuideri à sano , nec agnosci ab ægroto, nec sanari ab vilo potuit : Alia sunt quæ nec filere testis, nec celare frater debeo. Adfui egrotanti testis infortunij, particeps doloris, conscientiz arbiter, morum Magister, vbique frater, & testari possum, eam pestem quæ corpus corruptit , nec afflauisse animum , nec mores attigisse .

Eo biduo , quod illi extremum fuit, accuratas conscientiz rationes apud probatum Sacerdotem sic posuit, vt in re arcana operarit me habere testem, vbi alij reformidant iudicem . Id vbi non impetrauit , eo ferè momento quo extinctus est, postremos vitæ calculos apud me & fratrem & iudicem numerare voluit, de quibus id tacere non teneor , eos satis fuisse ad graue testimonium , vix satis ad læue iudicium .

Nec plura vt sacerdos, vt Magister eam semper in eo indolem probaui, quæ vt modice loquar ad nullam, vel artem, vel virtutem inepta

inepta erat, charitate certe, & pietate erga suos illustri fuit; constitutus in extremis Avunculi de se optime meriti, memoriam in fine vitæ retinuit, & æternam fecit.

Me quidem fratrem sic dilexit, ut quamdiu me sibi, & pesti suæ vicinum habuit nihil sibi abesse crediderit: Ei certe cum ego amorem rependi ut nihil unquam in eo nisi pestem oderim; à cuius etiam Societatem, nec me pestis, nec periculum mortis exclusit.

Denique, & Sacerdos, & Magister, & frater, & testis id affirmare possum, eo in statu vitam clausisse qui etiam cum peste amari potest. Amate eum statum, mæsti consanguinei, & deflete, sed ea lege doloris, ne vestris lacrymis hoc Epitaphium deleatis, quod illi solum à peste servatum est.

INTERITVS FRATRIS

ET PRO SE A MORTE SERVATO.

CARMEN VOTIVVM.

PENDEAT hoc carmen votiva anathema Thalia
Ex aris Loyola tuis, servataque vita
Auctori grates redimino carmine soluat.

Labbaum fratrem huc longis meus ignis ab oris
Duxerat; ut mores sub me, Sophiamque Magistro
Disceret; heu sortis male conscia corda futura,
Et Sophiam pestemque hausit: Vefontia labes
In ciues grassata suos tandem improba tela
Torsit in externos, & fratrem afflauit acervo
Vlcere, sic saepe externis qua Patria non est,
Aut odijs, aut peste, nocet: secesserat urbe
Ut pestem & mortem sugeret, sed nescius urbem
Et secum pestem traxit; vel perfida rura
Sape agris plus urbe nocent: huic dum omnia desunt,
Ne frater quoque deficeret; præsentia morbi
Et fratris non lentus amor rus ira coegit:
Hic ego ut ignotq vidi tabescere morbo,

*Et flamma pasci interna, quot munera solus
Sustinui? Medici, & fratris, sociique fidelis;
Ars amor & medicamen erat; sed fortior arte
Vis morbi fuit, & tandem mens sola medela
Apta erat; hac hominis pars prima, & nescia lethi;
Huic ego sollicitus providi, huic ultima verba
Suggeffi, & fratrem prope sum comitatus euntem.*

*Hic mihi fons morbi, tractataque alea pestis;
Scilicet has inter curas, vigilesque labores:
Noxius irrepsit membris languentibus ardor,
Sine is amor, sine ignis erat; quam pestifer esset,
Iam nigra, mox vda alba vestigia lingua
Prodebant nocui fuligo, aut spuma veneni;
Hinc Medicis, atque inde metus: iam publica iura
Interdicta mihi, tellusque, & publicus aer
Privatim tantum esse meus: sic cuncta timentur,
Tactusque, aspectusque mali, spirataque verba,
Ipsa etiam pestis propè formidatur imago.
Mons Charitum est, Nymphis sedes, & amata Lyæo,
Effugium tunc pestis erat, Nymphisque fugatis,
Et morbum metuente Deo; pars imminet urbi
Pars altè laqueos publica crimina spectat,
Pendere, & literis homines rarefcere longis.*

*Hic medio mihi colle domus, domus arcta diei,
Et nocti tantum, ac lento satis ampla sepulchro;
Sol veritus pura ne lucida tela diei,
Labem alijs ex me traherent, vix luce maligna
Scissuras antri, & radijs spargebat auaris.*

*Hic ego ut angusto clausum me carcere vidi,
Et solum in tenebris captivæque aeris umbra
Cum morbo superesse Deum; satis, ò satis inquam,
Si præsens mihi Numen ades, dum cætera desunt;
O felix iactura hominum, pretiosæque rerum
Alea, cui lucrum Deus est, versuræque cælum,
Magne orbis Rector, rerum fortuna mearum,
E manibus suspensa tuis mea stamina pendent,
Divide, volue, secæ, placet esse volubile flum,
Dum digiti sint Parca tui: tamen altera fratrum
Si satis esse potest placando victima cælo,
Currat adhuc aucto subtemine longior atas,
Criminibusque meis forfex hoc pignore parcat,*

*Vt redimam lapsos annis melioribus annos,
 Dilata exemplum pœna; post vulnera cautus,
 Post virgas melior; neu fallat debile votum
 Te pradem LOYOLA meum, partaque salutis
 Sponsorem esse volo, si tela nocentia pestis
 Deuoto capiti placas, & Numinis iras,
 Tum mihi nona tuas morietur victima ad aras,
 Es memori virtus testata hoc carmine viuet.*

*Dixeram, & afflicta paulatim assurgere vires,
 Delori grauida sensim vestigia lingua,
 Denique post obitum, plorataque funera vixit,
 Et memori grates votiuas carmine soluo.*





LIBER SEXTVS

ELOGIA HISTORICA.

. LVGDVNI ANTIQVI

LECTORI BENEVOLO.

HAC TENVS scribendi Historiam triplex ferè methodus fuit ; prima explicandis rebus singulis , & minutis sic inhæret tota , vt multum Mercurij habeat , parum Apollinis : Altera in enarrandis rebus gestis quid actum male , quid bene , accusat , & laudat , & sic agit testem vt exerceat iudicem : Tertia ex rebus præteritis futuras instruit , & venturi temporis penè Historiam facit , dum ostendit facienda ex rebus factis . Ad di fortasse potest quartum historiæ genus per Dissertationes , & Epistolas Historicas quarum exordium aliquid eruditum habeat , epilogus aliquid Ethicum ; pars media Historiam rei narret si certa est , probet si dubia , exornet si sicca , & sic Historicum agat vt misceat Oratorem , & Philosophum ; atque vt sit perfecta ex alijs sumit vnde se perficiat ; hac quarta methodo Historiam veteris Lugduni Historiam scribo ; si placuerit hæc methodus , erit Historia prima ; si minus placuerit , erit sola . Vale .



D. NICOLAO DE NEVFVILLE

DVCI DE VILLEROY, PARI,

Et Marefcallo Franciæ, Lugdunenfium
Gubernatori, &c.

EXAMINATAM à multis, nec satis adhuc difcuſſam de ortu
Lugduni difficilem controuerſiam, cur tibi offeram ſub Phi-
larchi nomine, non leues ſunt cauſæ, Mareſcalle meritiffime.

Scire debes ætatem eius vrbiſ cui præſ, nec poteſ ſcire natales
infantis, niſi ſcias parentes; agnoſcere te vellet primus Parens
Lugduni ſi viueret, nec tu ſuccedere debes ignoto; ordinis qui-
dam nexus inter voſ eſt; neque ille eſſet antiquiſſimus, niſi tu il-
li ſuccederes, nec tu eſſes centeſimus Gubernator, niſi ille præ-
ceſſiſſet.

Neque ordinis tantum, ſed amoris, & beneficiorum voſiſ cum
Lugduno communitas eſt; debet illa fundatori ſuo quod ſit anti-
quiſſima, debet tibi quod penè ſit noua; tot ornamentis publicis
ornauit illam illuſtriſſimus Parens tuus, & tu tot addidiſti Patri,
vt Neapolis ex veſtro nomine appellari poſſit.

Addo aliquid illuſtrius, debet Planco Lugdunum quod inter
ciuiles Romanorum motus Iulia ſemper fuerit, & Auguſta; Et ti-
bi debet Lugdunum quod inter nuperas factiones Regia fuerit,
non neutra, nec altera.

Scilicet Gubernator eras Ludouici, & Lugduni, & Prorex vigi-
lantiffimus frater tuus, eadem fide gubernabat Lugdunum qua tu
Ludouicum: ſtetit exemplo veſtro fidelis Arar, & Rhodanus, &
vicinæ Prouinciæ immobili Lugduno quaſi centro, immotæ ſtere-
re, ſi centrum cecidiſſet, caſuræ.

Dixi quid debeat tibi Lugdunum politica, dicam breui quid
debeat Fratri Lugdunum ſacra.

MAGNITVDINIS TVÆ,

Humillimus ſeruus PETRVS L'ABBE.

DIS-

270
DISSERTATIO PRIMA
DE ORTV LVGDVNI.

RO GASTI quod imperare poteris Philarche, vt scribam ad te de natalibus, & ortu Lugduni; scilicet interesse putas vt Lugdunum annos suos, & parentes sciat; turpe est prolem esse, & nescire patrem; nec minus indecorum est percurrisse tot secula, & nescire numerum, dum ignoras primum.

Obtempero precibus, vel imperijs tuis, sed aliter quàm expectas, scribo originem Lugduni, & illam taceo; scio illam, & ignoro; atque hoc ipsum persuadere conabor tibi, scire te illam, dum tu illam nescis; nimirum hæc prima laus est antiquitatis carere principijs, altera laus habere principia, & nescire: hæc ego duo si persuafero dicam originem Lugduni dum illam non dicam.

PRIMA ANTIQVITAS NON HABERE
PRINCIPIA, AVT NESCIRE.

AS S V R G E mecum Philarche, & primam antiquitatis Ideam ex eo discere qui solus antiquissimus est; extitisse ante tempora, & fundare tempus; antiquissimum esse genere, & Maiores non habere, Patrem esse, & carere Patre; hæc primæ intra Deum Personæ nobilitas est: semper genitum esse, & semper gigni filium esse, nec esse post patrem; nihil habere minus Patre nisi punctum originis, hoc Verbi diuini elogium est. Terminare eum amorem qui nunquam inceptit; exhaustire eum qui nunquam desinit; ardorem esse duorum, & ardere tertium, hic Tertix intra Deum Personæ character est.

Altius te euexi, Philarche, intra mundum te reuoco; inceptit aliquando hic mundus, & nescit quam-primùm inceperit; finiuit primam æternitatem, & ignorat finem; inchoauit tempus, & initij non meminit; id vnum nouit nihil præfuisse sibi nisi inanitatem sui.

Vis aliquid dicam de origine Oceani? nescit an sit pater fluviorum an filius; crescit ex fluuijs, ex illo fluuij crescunt; plenus sem-

semper est, & se semper effundit; breui exhaustendus si effunderet alienum, semper plenus quia effundit seipsum: ignorat tamen unde id acceperit, quod semper effundit.

Ex fluuijs eos nobiles voco, quorum originem natura quæri maluit quàm inueniri; nobilior est Nilus qua parte nescitur, quam qua aspicitur; riui sunt quorum origo saltu transmittitur, nobiles fluuij in orbem currunt dum ex oceano in oceanum redeunt: propterea ignorant originem suam; quia difficile inuenitur principium vbi nihil est primum.

Vis ex fluminibus ad regna te, & vrbes traducam? tam incerta est prima Francorum patria quam secunda certa; an ex Troianis venerint vt aliqui putant; an ex Germanis vt plures existimant; an potius Franci non vnus populi nomen, sed plurium, ita appellati quod excusso Romanorum iugo in libertatem se vendicarent; quasi idem sit Francum esse, & liberum, incerta res est; propterea antiqua est Francorum patria quia dubia.

Audio quid tacitus insurres, quid nobilius Roma, & origo patet? hic te expectabam; Philarche, nobilior esset origo Romæ si lateret; adhuc Romanos pudet originis suæ; idcirco consecrarunt Lupam ne dedecori esset; propterea fecere Romulum Deum quem hominem non ferebant; atque vt dissimularent historiam fecere fabulam.

Percurre vrbes, lustra familias, intuere Solem, & Lunam: ex vrbibus ex antiquissimæ sunt quæ nunquam creuere, ex familijs ex maximæ quæ nesciunt se fuisse paruas: idcirco Sol antiquissimus est quia nihil aspexit se prius; scilicet hæc vera antiquitas est non habuisse principium nascendi, aut nescire.

Atque hic est illustis ortus Lugduni, nescire originem suam, scit se aliquando natum, & olim casurum; nescit initium ortus sui, & ignorat exitum; media ætas est quidquid aspicit, ignorat extrema: nimirum hæc ætas Deorum est nescire infantiam, & senectutem non timere; participat æternitatem Lugdunum dum nescit ortum suum, & ignorat occasum.



LUGDVNUM POST PLANCVM.

HACTENVS Oratorem egi, placet nunc dialecticum agere, & stricta manu loqui; problema est ortus Lugduni, utrinque calculum verto, & dum neutram opinionem accuso, utramque laudo.

Polybius Author illustris stylo, & ferro, ut Annibalis in Italiam iter certiùs describeret, lustravit oculis; Arar inquit, & Rhodanus ex arduis, & inaccessis montibus decurrentes insulam efficiunt, ei parti Ægypti similem, quæ Delta vocatur, illac transit Annibal. Rogo te Philarche, cur oculatus testis describit insulam intra quam Lugdunum est, & de vrbe tacet? Deinde qui sunt ij montes ardui, & inaccessi illi qui Lugduno incumbunt? at illi plus vallis quam collis habent; præterea quænam hæc insula Ægyptiaco Deltae similis quod totam inferiorem Ægyptum continet, an vrbs nomen est, an potius amplæ regionis? quam si Vegeso monte vbi Arar nascitur, & Alpibus vnde Rhodanus oritur delinees, & fluminis vtriusque confluuium definias, secundum Delta describes æquale primo; igitur ante Annibalem, & Polybium Lugdunensis insula fuit, non Lugdunum. Titus-Liuus Author æqualis Romæ maiestati, postero die, inquit profectus Annibal aduersa Rhodani ripa mediterranea Galliæ petit; non quia rector ad Alpes via esset, sed quantum à mari recessisset minus obuiam fore Romanum exercitum credens, cum quo priusquam in Italiam ventum foret, non erat in animo manus conferere; quartis castris ad insulam peruenit vbi Arar, & Rhodanus amnes diuersis ex Alpibus decurrentes agri aliquantum complexi confluent in vnum, medijs campis insulæ nomen inditum. Iterùm te ad examen voco, Phylarche, magnus Anthor eundem locum describit vbi nunc Lugdunum est, & vrbs non meminit; igitur vrbs ante non fuit; deinde medijs campis insulæ nomen inditum, igitur vbi nunc Lugdunum est nihil tunc nisi campus fuit.

Vis addam Plutarchum amabile nomen Apollini, & Musis; Annibal, inquit, castra movit, & per ripam Rhodani aduerso flumine profectus, paucis diebus peruenit ad locum quem insulam vocant Galli; ibique nunc Lugdunum est celeberrima Galliæ vrbs, quam longis postea temporibus Plancus condidit: igitur ante Plancum Lugdunum non erat, aut non est à Planco conditum.

Produco grauius testimonium, & maiorem virum, Iulius Cæsar

ſar homo eſt de quò meritò dubites meliorne imperator, an ſcrip-
tor fuerit, hic de ſe vno hiftoriã fecit, idem teſtis, & hiftoricus ſui
idem ſcribẽda fecit, & ſcripſit, idem alios ferro ſuperauit, & ſeipſum
ſtylo, hic Galliam explorauit vniuerſam, & Lugdunum nesciuit;
hic Ararim, & Rhodanum, & vtriuſque confluentem aſpexit, &
Lugdunum non vidit; hic Cabillonem, Matifconem, Viennam,
Maſſiliam, & impoſitas vtrique fluuiò vrbes deſcripſit, & Lugdu-
ni non meminit; igitur temporibus Cæſaris Lugdunum non
fuit.

Teneo te Philarche non euades, Caietæ in Æde Saturni, nunc
turris Rolandi eſt, marmorì albo inſcripta leguntur hæc verba.

L. Munatius. L.F.N.L. Pron. Plancus Coſ.

Ex Rhetis adem Saturni fecit de manubijs,

Coſ. Imper. Iter VII. Vir. Epul. Triumph.

Agros diuiſit in Italia Beneuanti, in Galliam

Colonias deduxit Lugdunum, & Rauricam.

Attende Philarche, vim argumenti, deducere Coloniam Lugdu-
num eſt fundare Lugdunum; deinde tam fundauit Lugdunum,
quam Rauricam; igitur ante Plancum, nec Raurica fuit, nec Lug-
dunum.

Audio te etiam tacentem, Philarche, numerare ſoles authorita-
tes, & ponderare rationes; aſſero vnã, & perſuadeo, intererat
Galliæ ante Plancum nullum eſſe Lugdunum, fuit è re Romano-
rum temporibus Planci ædificare Lugdunum; igitur ante Plancus
Lugdunum non fuit: Erat ante Plancum Vienna Galliæ quod po-
ſtea Lugdunum fuit; erat Europæ centrum, Galliarum meditul-
lium, domina Araris, & Rhodani, Maſſiliæ ſoror, Emporium or-
bis: ſi Gallia vicinã vrbem Viennæ adiungeret præuidebat bre-
ui faciendum quod videt factum, ingentes duas vrbes vicinia non
capit, aut fiet vnã maior, aut vtraque minor, æqualia diu eſſe non
poſſunt, quæ inuicem certant, quidquid ſuperatur ſit minus, &
quidquid vicinum eſt accedit ad vnum.

Premo argumentum, Romanos penè neceſſitas impulit ædifica-
re Lugdunum; Allobroges nec amici Romanorum, neque hoſtes,
dum Romani orbis victores, ſeipſos bellis civilibus vincunt, fa-
ciendum id putarunt Romanis, quod Romani fecerant Gallis; oc-
caſione uſi Viennam occupant non alio iure quam armorum, &
ne Viennenses pœniteret mutãſſe dominos, ex municipio Roma-
norum Viennam conſtituunt Metropolim Allobrogum.

Diſſimulanda fuit Romanis iniuria, quæ tunc impediri
non poterat; ne tamen clientes ſuos deſpicere viderentur,

imperant Planco, vt nouam urbem exulibus ædificet antiquam meliorem; sic illatam iniuriam dissimulant, & emendant; sic armantur in hostem sine armis, sic Lugdunum bellum sine bello Allobrogibus intulit; si ante Plancum Lugdunum fuisset inuasisset illud Allobroges nondum Romanum, & duabus urbibus Viennæ, & Lugduno clausissent Galliam Romæ, & aperuissent Romam Galliarum; igitur ante Plancum Lugdunum non fuit.

LVGDVNVM ANTE PLANCVM

PARS SECVNDA.

PEnè assentiris, Philarche, & credis inexpugnabiles esse rationes quas tam facile est diffilare quam cineres; Polybius Lugduni non meminit igitur Lugdunum non fuit, quale argumentum? Polybius historicum agit non Geographum, secutus est properantem Annibalem ipse festinus, idcirco urbium non meminit quia ad eas Annibal non diuertit; de Tito Liuius, & Plutarcho idem dico, vterque iter Annibalis non obuias urbes describit; propterea neuter ibi morari debuit vbi exercitus Annibalis non steterit; possem addere vtrumque Lugduni meminisse dum meminit insulæ; nimirum insula nomen est non regionis tantum, sed urbis; auxit urbem lucius Plancus, & insulæ montem addidit; idcirco Lugdunum appellauit, ex se & monte.

Ad Cæsarem quam facilis responsio: Cæsar Lugdunum omisit, igitur ante Cæsarem Lugdunum non fuit, leue argumentum, nec Cæsareum; non extant apud Cæsarem, Nemausus, Druentia, Vigenum Antipolis, Brigantium, Auenio, Gernum, Valentia, Ruscinum, Vasio, Arausio, Aeria, Oxibium, Olbia, &c. quæ tamen apud Strabonem, & Ptolomæum sunt nobiles urbes; non ædificat arces, & urbes Cæsar dum meminit, neque euertit dum omittit; erant temporibus Cæsaris intra Galliam octingentæ urbes, ex ijs Cæsar octoginta vix nominat; erant quadringenti populi, ex ijs Cæsar quadraginta vix laudat; scilicet eas ferè urbes describit quas obsedit, eos ferè populos recenset quos amicos habuit, aut sensit hostes: nimirum scribit commentarios rerum suarum non Gallicarum, & Romanas victorias enumerat non urbes Gallicas; sic descripsisset triumphatam Italiam Brenus, neque illu-

strims

strius esset apud eum Mediolanum, quam apud Cæsarem Lugdunum.

Nec difficile est contra Plancum defensio, deduxit Colonias Lugdunum, & Rauricam, & neutram fundauit; deducebantur sæpe Colonie ubi vrbes iam erant; retinebantur antiqui Ciues, & addebantur noui: mutabantur leges non homines; qui vt pretiosius seruirent ornabantur nouis priuilegijs, & spoliabantur antiquis; mutauit statum Lugduni Plancus, nec fundauit Lugdunum.

Aliò te deduco, Philarche, quid si dicam Lugdunum trecentis ante Plancum annis à lugdo Rege esse fundatum? ita affirmat Berosus; nec si aliquando fabulas admiscet quidquid asseuerat fabula est.

Addo grauioris autoritatis virum; Plutarchus eo libro quem de fluuijs, & montibus scripsit, ait Momorum Principem in Gallia virum oraculo monitum vt ad confluentem Araris, & Rhodani urbem extrueret, eundem à coruis circumuolantibus edoctum, quo loco vrbs condenda esset; ab hoc augurio coruorum quos Celtæ lugos vocant; & à monte quem Dunum appellant, Lugdunum nominatum esse.

Neque contraria loquitur Plutarchus, dum ait Lugdunum intra insulam conditum; reliquit Plancus antiquam urbem in monte, alteram sub monte condidit; retinuit idem nomen ne augurium mutaret, nec mutauit locum vt seruaret oraculum: confecta res esset, si vnus Plutarchus esset non geminus, verus non falsus, atque hic esset illustris ortus Lugduni, oraculum, & augurium, gemini Parentes, & duæ origines.

Dubitare incipis, Philarche, & persuaderi velles Lugdunum Planco antiquius esse, vt tu esses antiquior, scilicet antiquitatem publicam arbitraris tuam, & te æternum putares, si patria tua sine ortu esset: assero aliquid fortius, & te conuincò, Strabo Augusto, & Planco penè coætaneus, Lugdunum celebre orbis Emporium, Seneca opulentam ciuitatem, & ornamentum Provincia- rum vocat; Oro te, Philarche, quomodo Lugdunum orbis Emporium esse potuit si adhuc orbi ignota vrbs fuit? quis nuntiauit Europæ Lugdunenses nundinas si adhuc Lugdunum vix erat? quomodo tam celeriter duci aratrum, attolli mœnia, ædificari ædes, muniri officinæ potuerunt? an simul Lugdunum nasci, & crescere, simul vrbs parua, & adulta, simul obscura, & publica, esse potuit? vix ipsa nundinarum fama ire tam citò per Europam, & redire potuit; ipse aues si mercaturam facerent inuitari ad nundinas

dinas, & venire tam propere ex toto orbe non potuissent. Non ita res crescunt, Philarche, nihil magnum simul, & exiguum est, ad magnitudinem per gradus itur, & lentius adhuc adolescunt vrbes quam arbores.

De literarum studijs Idem dico atque de nundinis: quis nuntiavit orbi Lugdunensem Aram? quis Athenas tam celeriter in Athenæum transtulit? quis prouocauit ingenia ad certamen? an simul doceri scientiæ, & addisci potuere? an iidem discipuli esse, & Magistri? Musæ ipsæ prius alumnæ fuere quam Magistræ, nemo nascitur eruditus, si Mineruam excipias, quæ ex cerebro Iouis prodijt intus erudita, & foris armata: florere temporibus Planci Athenæ Lugduni, igitur ante Plancum Athenæum fuit: inuenit intra insulam Druydes Plancus non induxit, debet illis sapientiam Gallia non Romanis, & diu ante sapimus Gallicè, quam Latinè.

LVGDVNI ORTVS PROBLEMA.

VIDES Philarche originem Lugduni controuersiam esse non historiam; neutra pars vincitur, neutra vincit; problema est ortus Lugduni, & primæ natiuitatis nostræ mater opinio est.

Placet claudere Epistolam more Senecæ, & ne indonatus abeas hoc te symbolo dono. Quid interest, Philarche, quando Lugdunum inceperit, pluris refert quando desitutum sit; ex te ipso rem probo, quid interest quos Maiores habueris si es minor, quo ex sanguine fluxeris si es decolor, quo ex genere veneris si degeneras: mallet anteceffores tuos minores esse, & te maiorem, mallet augeri in te quam decrefcere, & nollem te Augustulum esse, sed Augustum: Quid prodest scrutari cineres vnde venisti? Omnis cinis ab Adamo, atque hic à nihilo est: cur emendicas alienam nobilitatem, si cares propria? mallet te ex tuo diuitem esse; nemo bene triumphat aliena gloria: cur exploras alienos cineres si tui sētent? Nullus cinis principem olet; nemo Regem agnouit ex cinere: cur distinguis inter cineres? omnis cinis æqualis, & omnis sanguis concolor est: Cur quæris originem sanguinis? periculum est ne in fonte fallaris, omnis princeps ab ignoto venit, & omnis plebeius à nobili est.

Ante bis mille annos Lugdunum non fuit, & tu ante seculum
non

non eras : cur eò pergis ubi non eras? cur te ante te quæris? quo longius progredieris eo longius à te recedis, cinis eras antequam esses, si aliud quæris, ante cinerem eras nihil.

Crede mihi Philarche, stude rebus futuris non præteritis, minorem te præterita faciunt, & futura maiorem; decrescis ex præterito, crescis ex futuro; additur tibi quidquid aduenit, & quidquid præterijt, perijt tibi: hæc nobilis disciplina est, studere futuris; æternus non fuisti, fac te perpetuum, auspicare æternitatem intra tempus, incipe immortalis esse dum viuis, cœpisti aliquando, fac ne vnquam desinas, ego hic cesso.

DISSERTATIO

DE ANTIQVO SITV LVGDVNI.

Illustrissimo, Reuerendissimoque Domino

D. CAMILLO DE NEVFILLE
ARCHIEPISCOPO LVGDVNENSIVM,
 & Proregi Meritissimo.

QUOD eunti ad Mediolanensem Præfecturam Ambrosio commendavit Probus Romæ Præfectus, vade, age non vt iudex, sed vt Episcopus; id sine commendatione, & sponte facis, ARCHIPRAESVL ILLVSTRISIME, agis vt Antistes non vt iudex, repræsentas Ambrosium Lugdunensem Lugduni, & partes Archipræfulis diu ante impleuisti quam Præsul esses.

Tria te gemina dignitate dignum efficiunt, Nobilis indoles, eximia virtus, illustris eruditio; nec pauciores dotes exigit vtraque dignitas, nec potest optare plures.

Atque indoles quidem tua adeò nobilis, & magnifica est, vt dicere veriùs quam ille possis, enumeravi populos gubernationi mee commissos, nulla ouis ignota pastori, nulli pastor ignotus fui; nulla est miseria quam non subleuarim, nulla felicitas quam non au-xerim: Idcirco me Proregem putaui vt haberem quibus bene-

facere; alluunt Lugdunum duo illustres fluij, ego tertium flumen me esse putauī, vt Lugdunenses meos beneficijs alluerem, & sæpe omnes inuitauī vt ex me haurirent tanquam ex flumine.

Addidisti nobilitati indolis splendorem virtutis, vt bis nobilis esses; nulla tibi ex virtutibus deest, & tu nullis nec facile iudiciū est quænam in te virtus emineat, dum omnes sunt eminentes, olim futuræ Eminentissimæ; præcellere tamen videtur cæteris morum suauitas, & affabilitas; hæc te omnibus amabilem facit, & tibi omnes amabiles; per hanc pates omnibus miserijs instar asyli, omnibus precibus instar templi, omnibus dubijs instar oraculi: per hanc neminem excludis, & omnes allicis; per hanc quasi Echo Lugdunensis omnes audis, & omnes alloqueris.

Neque inerudita est virtus tua, vidit te Lugdunum Rhetorem, Lutetia Philosophum, Roma Theologum; iunxisti Gallicam sapientiam Romanæ, temperasti vnā altera, & collegisti magnarum nationum virtutes non errores: Inde illa excellens prudentia tua, non lenta, nec præceps, non astuta, nec incauta, non facilis vt fallatur, non infidelis, vt fallat; inde illa facilitas in rebus agendis; vides initia rerum, & progressus, vides ordinem, & finem, vides circuitum rerum, & centrum; & dum alij per lineas currunt iam attigisti punctum.

Ex sunt dotes, quæ te vtrique dignitati Proregis, & Archipresulis parem efficiunt, & maiorem; sustines geminum onus, nec minores; iungis vtrumque ministerium, nec confundis, consecras vnum altero; idem seruis Deo, & Regi; idem concilias vtriusque obsequium, & distinguis præceptum.

Atque hæc est causa cur tibi offeram geminum Lugduni firum sub Aristi nomine, id est virorum optimi. Fuit olim Lugdunum in monte, & sub monte, vterque situs est tuus, habes vtroque ciues guberbator, & oues Pastor, ego vbique sum, si annuis,

MAGNITVDINIS TVÆ,

Additissimus seruus PETRVS L'ABBE.

DIS.

DISSERTATIO SECVNDA

DE SITV LVGDVNI.

PRIMA PARS.

LVGDVNVM IN MONTE CONDITVM.

VIs scire, Ariste, quod sciri vix potest, an in monte, Lugdunum, an vbi nunc est, à Planco sit conditum; hæc quæstio ad alteram pertinet vbi condi debuerit, hæc aliam appellat quis sit optimus magnarum urbium situs: hæc ego duo si probauero, quæstionem tuam ante solutam, quam eam attingam.

Videtur optimus urbium situs in montibus esse, inde propiores cælo sumus vnde venimus: inde alloquimur Numen è propinquo, & ferè aspicimus; inde intuemur patriam olim futuram; inde imperamus Elementi, & cæli ciues penè iam sumus; inde altiores sumus rebus caducis etiam dum cadimus: qui plana camporum incolunt, & depressa terrarum, minores sunt rebus humanis, & seipulis; calcant eos elementa, quæ calcari debuerant, opprimit eos terra, & ferè iam regit, & sepeliendi olim, iam penè sepulti sunt.

Non dubitabis vt puto, cum situm optimum esse quem Deus elegit, placere semper montes Deo: hic sæpe audiri voluit, hic videri, hic sæpe amicis conuiuia posuit, hic sæpe ipse conuiuia fuit: hic sæpe templum habuit, & semper templi instar mons fuit: Vrbis illa nobilis Ierusalem idcirco altera Dei patria fuit, quia in montibus erat, descendebat ad illam Deus ab cælesti Ierusalem, gemina illi patria, & duplex Syon, & vterque mons erat, alibi Deus hospes hic municeps, alibi aduena, hic penè indigena fuit.

Ne Theologum agere me putes, addo Philosophum, sed diuinum, ille in ea republica, quæ homines beatos faceret, si faceret ciues, describit urbem tam similem Hierosolymæ, vt pinxisse videatur antiquam, non inuenisse nouam; vt omittam cæteras urbis leges, eam in montibus constituit: Illuc, inquit, difficile vitia penetrant quia humi reptant, illic virtutes libenter habitant deorum vicinæ, illic animus propior est origini suæ illic aspiciatur æternitatem intra tempus, illis viuit Deo iudice, & se teste, illic inquilinus mundi est, & penè iam habitat extra mundum.

Vis addam Philosopho politicum? Impositæ montibus vrbes ipso situ munitæ sunt, mons illis agger, & murus, & propugnaculum est; ipse ascensus hostem fatigat, vinci potest dum ascendit, & antequam ascendat iam penè victus est; atque hæc maximè vera erant cum ariete muri euertere solebant; obrui poterat saxis ascendens Arias, quæiebatur antequam quateret, ridebantur hæc tormenta, & plus timebantur nudæ volucres quam armati arietes; at sitæ in plano, & vallibus vrbes, ipso situ sunt debiles; adiri possunt à deambulante hoste, superari à corrente, obrui à descendente; nihil urbem tueretur nisi agger, & murus, vterque facilis expugnatum facile attingi potest.

Ridebis puto si medicum agam, montes ipso situ sunt salubres, illic aer innocens, & sine veneno est; illic aqua vinum, illic vinum ambrosia, illic cibus manna, illic omnis herba medicina est; illuc adrepere morbus non audet ubi omnis homo medicus est; illuc mors non venit nisi vocata; illic tacite senescimus, illic centum anni sunt iuvenes, illic moriendi penè libertas est; illic tunc incipit æternitas cum tempus displicet: in vallibus omne elementum pestis, omnis natura morbus, & omnis morbus penè lethalis est.

Audio ad historiam me euocas, Ariste, at hæc omnis sacra, & profana montibus fauet; in montibus septem excitata est Roma quasi vnus non sufficeret; ab eo tempore adeò montes amarunt Romana, vt in illis palatia ædificarint, aut templa; & ne vrbes incolis carerent, in illis homines ciues, & colonos collocarunt Deos. Quanti æstimarint montes Galli ex eo colligere licet; clarissimas quasque vrbes denominarunt ex montibus; inde illa Gallorum virtus, ridebant pericula inter tonitrua nati, & mundo maiores negabant timendas mundi ruinas si caderet; inde intra Galliam fluuiorum ripæ, & maris oræ hospitia magis erant quam domicilia; illic propolæ habitabant, non incolæ; illic excipiebantur tabernis institores quasi hospites; illic sistebantur peregrini mores ne in vrbes ascenderent; grauiusque metuebant sibi Galli à peregrinis moribus quam ab hostibus.

Vides Ariste solutam à me quæstionem quam non attingi, in monte Lugdunum condi debuit, igitur in monte conditum fuit: Cur enim vir prudentissimus Plancus urbem à Senatu extruere iussus, eum situm non elegit quem Roma laudaret? cur eum voluit quem Roma nollet? cur homo Romanus urbem non erigeret similem Romæ? cur eum monte in neglexit, qui Capitolij instar esset? cur aduersus nutantem adhuc Gallorum fidem eum

mon-

montem non occupauit quem natura munijset? cur ibi stetit vbi à Gallis è monte descendentibus opprimi posset? cur prætulit insalubrem locum? cur homo gloriæ cupidus eum montem non elegit, vnde quasi ex theatro aspicere Alpes, & aspici posset.

Audio quid opponas, Ariste, esto Lugdunum condi in monte debuerit, negas conditum esse; scilicet multa fiunt, quæ fieri non oporteret; Iulius Cæsar intulit bellum patriæ, quod inferre non debuit; Augustus permisit Antonio caput Ciceronis, quod capite suo tueri debuit: ipse Plancus pro Triumuiris stetit qui stare pro republica debuit; scilicet imminutam habemus prudentiam, nemo est qui aliquando non erret, licuisse aiunt Catoni errare semel.

Descendo ad singulare certamen, & nisi defendis rem euinco, prima rei factæ probatio est res ipsa facta: nemo negabit id fuisse integrum, quod videt imminutum; stetit vrbes probat ruina vrbium, & sæpè rem totam ostendit superstes rei particula: succede mecum in montem, adhuc retinet nomen fori, & Veneris; igitur in monte forum fuit, & templum Veneris; percurre montem, iustra marmora, lege tabulas antiquis characteribus inscriptas; viuit in hoc lapide Senator, in illo Eques, hic Tribunus, hic Questor, fuit; igitur illi olim in monte vixerunt; vidiſti faciem montis, scrutare viscera, explora sepulcra, videbis lacrymas in phialis, cinere in urnis, ossa in sepulchris, inuenies intra montem urbem mortuam, igitur in monte vrbs vixit, omne cadauer corpus erat, quidquid decreuit, magnum fuit, & quidquid decidit olim stetit.

Prouoco te ad pendentes aquarum ductus, Quæso Ariste, si Lugdunum in plano fuit; cur èo aquas deriuare vbi erant gemini fluuij? cur èo fontes traducere, vbi fontes è monte manabant? deinde cur ij aquarum fornices ad plana non descendebant. si Lugdunum in plano erat? Imo illi id monte sistebant, igitur in monte Lugdunum stetit; scilicet manabant Romani viuaces, & leues aquas, propterea illas ex aere suspendebant, vt pondus excuterent; ob eam causam per arcus triumphales deuehebant vt nemo eas aquas contemneret quas videret triumphantes: Aspice extantes adhuc toto monte arcus triumphales, & nega ibi Lugdunum fuisse vbi rot extant Lugduni reliquæ.

Placet vrgere rem testimonijs, ne dubites de testium fide sunt Martyres, fluxit è monte sanguis Martyrum Lugdunensium, hodieque crux visitur vbi olim fuere decollati; adhuc decliuus vicus rorantis sanguinis nomen retinet, adhuc Arar sanguinis nomen

nien habet, & ferè colorem ! Ex ijs testimonijs sic arguere licet, decolati sunt in monte Martyres, igitur Martyres in monte vixere: plenus est mons sanctorum reliquijs, thesaurus est quidquid intra montem latet, nullum est in monte vestigium quod non sit sacrum, intra montem est populus Martyrum mortuus, igitur in monte fuit viuus.

Ais te crediturum, vel si vnus author vidisse se in monte Lugdunum asserat: affero vauum maiorem omni exceptione.

*Vidi duobus imminens flumijs ingum,
Quod Phœbus ortu semper obuerso videt,
Vbi Rhodanus ingens amne prærapido fluit;
Ararque dubitans quos suos cursus agat.
Tacitus quietis alluit ripas vadis,
Estne illa tellus spiritus altrix tui?*

Respondes Poetam esse qui loquitur, imo Hercules est à Ioue missus, vt exploraret genus Claudij; petebas testem humanum, habes diuinum. Reponis malle te homini credere quam Ioui: at hæc iniuria Deorum est, si tamen hominem quæris. Idem Seneca Epist. 91. Arsit opulenta ciuitas ornamentum Prouinciarum quibus inserta erat, vni imposita, & huic non altissimo monti: Amabo, Ariste, an potuit apertius loqui, an sapientiore testem requiris quam Philosophum? an seueriorem quam Stoicum? an veriorem quam cui mentiri non licuit? aut negare debes arsisse Lugdunum, aut fateri fuisse morti impositum.

SECUNDA PARS.

LVGDVNVM SVB MONTE CONDITVM.

DVBITARE incipis, Ariste, & si vrgerem præberes assensum; at suspende tantisper iudicium, nec te rapiant acuta, sed vera; ridebis breui elogia montium, & miraberis quidquid acutum est, non semper esse verum.

Vis eludam argumenta proposita? quale illud primum? è montibus propiores cælo sumus, amabo te, qualis est illa maior vicinitas, quæ infinitè distat! Deinde quorsum illa propinquitas si ad cælum affectibus itur non pedibus? vndique ad cælum ascendit animus, nec moras inijcit locorū distantia dum momento itur
nec

nec deprimunt valles animum, nec montes erigunt, altior est rebus caducis etiam in puteo positus, vndique intuetur solem; & ciuis olim futurus, iam illic praesens esse potest vnde adhuc adest.

Quale illud ab amore montium petium! audi quam valde Deus montes amet, in montibus fulgurat, in montibus tonat, in montibus supplicia conflat, in vallibus praemia; primi montes iratum Numen sentiunt, quia primi nocentes sunt; descendit ab illis ad vales scelus; inde illa sterilitas montium, nihil illic crescit nisi crimen; quid faciant vrbes vbi natura sterilis est? non inficior amaram à Deo Solymam; stetit tamen caro hic amor homini Deo; propterea puniuit ingratum montem, & nunc ibi Solymanus est, vbi olim Solyma fuit.

Eneruasti tertium argumentum dum appellasti Platicum, diuinus ille Plato aues nos esse credidit dum rempublicam aëriam finxit; qualis enim illa respublica cuius nemo ciuis fuit? quales leges quas nemo seruauit? qualis ille homo singularis, & communis? quomodo vnus si multiplex, quomodo multiplex si vnus, quomodo æternus si incipit? quomodo immortalis si desinit: Crede mihi Ariste, idæ sunt istæ quibus nemo vescitur; quid mirum si rempublicam in monte statuit qui rempublicam in aëre finxit? nec solidiores sunt rationes quibus nititur, illuc inquit vitia non ascendunt; imo illic nascuntur vnde descendunt.

Speciosius est argumentum politicum non verius, munitæ essent vrbes in montibus si cursu superandæ essent non impetu; amat ardua virtus, & quo ire non potest gressu, tendit volatu; nihil est inuium fortitudini, vbi non inuenit viam, ibi facit: Sed esto difficilis sit montium ascensus, æquè difficilis descensus est; obsidentur montes à vallibus, solus aer in montibus liber est, quidquid crescit captiuum, quidquid viuunt famelicum est. Quis eas vrbes munitas dicat quæ capi possunt ab hoste non inuadente, nihil opus est balistis, aut impacto ariete, ipse locus carcer, fames balistas, & egestas aries est.

Nec melius est argumentum medicum quam politicum; salutare sunt auius montes non hominibus, imo neque auius salubres sunt vbi aues non viuunt; deuolant ad valles vt prandeant, reuolant ad montes vt ludant, redeunt ad valles vt quiescant; quis illic habitet vbi aues non cubant; quid illic viuat vbi nihil nascitur, quis illic exigat quatuor anni tempestates vbi sunt tantum duæ; illic omne Ver, Æstas, omnis Autumnus hyems, omnis ventus Aquilo, omne tempus tempestas est; solæ illic ru-

pes in tuto habitant, quæ breui deficerent si sentire possent.

Confesta res est si ad historiam me reuocas, omnis historia vallibus fauet; amarunt montes Romani, ut in illis trophæa erigerent non domicilia; extruxere in montibus ædes Dijs quas non iussissent sibi; aggeres sunt non montes quibus Roma cingitur, pars Romæ maior in plano iacet, & plus debet Tyberino Roma quam Romulo; iniuriam facis Gallis dum montanos appellas, denominarunt vrbes ex montibus, sed quibus suppositæ essent vrbes non impositæ; pleræque tamen vrbes in plano iacere: inde illa humanitas innata Gallis, haurire illam è montibus non potuere, vbi quidquid degit asperum est.

Vides, Ariste, si de iure agatur ab hac parte ius stare, vis expendâ factum: incipio à testibus, Strabo l. 4. *Αργεῖον ἐκτισμὸν ὑπὸ τῷ λόγῳ, κατὰ συμβολὴν Ἀραρὸς ποταμῶν καὶ τῆ Ροδανῆς*. Amo te, Ariste, dum agitur de situ vrbis cui potius credendum quam Geographo, aut quis fidelior testis quam ille qui coruus penè Lugduno fuit, qui doceri potuit iuuenis à Planco sene; qui Plancum forte vidit, & fortè Lugdunum; at ille suppositum monti Lugdunum, non autem impositum, ille in confluuiò Araris, & Rhodani conditum dicit, igitur non in monte, vbi ij amnes non confluunt; post tam illustre testimonium Strabo est qui Straboni non credit.

Plutarchus in Annibale, Annibal inquit castra mouit, & per Rhodani ripam aduerso flumine peruenit ad locum quem insulâ Galli vocant; hanc Arar, & Rhodanus ex diuersis montibus fluentes efficiunt; ibique nunc Lugdunum est celeberrima Galliæ vrbs, quam longis postea temporibus à Planco Munatio conditam accepimus; sumpsit hæc verba Plutarchus ex Tito Liuiò, qui de Annibale hæc habet, postero die profectus Annibal aduersa Rhodani ripa, mediterranea Galliæ petit, quartis castris ad insulam peruenit vbi Arar, & Rhodanus amnes diuersis ex Alpibus decurrentes agri aliquantum complexi confluunt in vnum, medijs campis insulæ nomen inditum. Vterq; ex Polybio hausisse videtur l. 3 Arar, inquit, & Rhodanus ex arduis, & inaccessis montibus decurrentes insulâ efficiunt ei parti Ægypti similem, quæ Delta appellatur, illac transiit Annibal. An autem male Cluver. lib. 2. antiquæ Italiæ pro Arar, legerit Isara, examinabimus sequenti dissertatione; ex quibus testimonijs hoc argumentum conficio, ibi Lugdunum conditum est vbi Annibal stetit quartis Castris; at stetit in eo loco quæ Galli insulam vocant, igitur intra insulam Lugdunum conditum est. Igitur non in monte qui intra insulam non est.

Vis

Vis addam virum Consulare[m] qui ex fastis Consularibus ortum Lugduni describere potuit, vti alia multa descripsit: Is est D: o. lib. 46. ἐκέλευσαν αὐτοῖς τὰς ἐκ Ουιέννης τῆς Ναρβωννσίας ὑπὸ τῶν Ἀλλοβρίγων ποτὲ ἐκπετόντας, καὶ ἐς τὸ μεταξὺ τῆτε Ροδαντῆ, καὶ τῆ Ἀράριδος ἢ συμμίγναισι Ἀλλήλοις ἰδρυθεῖσας σιωικίται, καὶ ἔτως ἐκεῖνοι ὑπομειναντες τὸ Λεγέδρονον πρὸν ὀνομασθῆναι, καὶ ἡ Ἀγέδρονον καλέειν ἐκτισαν. Id est Senatus iussit illis, idest Lepido, & Planco, vt ijs qui quondam Vienna Prouinciæ Narbonensis oppido ab Allobrogibus erant expulsi, & intra flumen Rhodanum, & Ararim ad eorum confluentes confederant urbem conderent; atque ita illi subsistentes Lugdunum, quod olim Lugdunum vocabatur ædificarunt. Amabo, Ariste, ibi illi Lugdunum condiderunt vbi Viennenses substiterant; at illi intra fluuios confederant, igitur intra fluuios Lugdunum conditum est, igitur non in monte qui extra fluuios est.

Placet addere testibus humanis testes inanimos ij muti sunt, & loquuntur, ij solidi sunt etiam vitrei, ij incorruptibiles sunt etiam corrupti: testatur Paradinus an. 1529. in colle S. Sebastiani effossas duas tabulas æneas, quibus oratio Claudij Imperatoris in Senatu habita continetur; in eodem cliuo vinearum fossores, & qui ædificiorum fundamenta scrutantur, incidunt sæpè in nummos veterum Principum vultu signatos: ibidem inuentum est sepulcrum vitreum, & in sepulcro infantis ossa: Rogo te, Ariste, cur illustres tabulæ intra montem non sunt inuentæ si in monte Lugdunum fuit: cur infans alibi sepultus quam vbi natus? cur nummi, cur ossa, cur cineres, cur intra insulam tot mortui si intra insulam nemo vixit? certe vbi cecidit Lugdunum, ibi stetit: intra insulam est cadauer vrbs antiquæ, igitur intra insulam vrbs antiqua vixit.

Valida sunt hæc testimonia etiam nuda, validiora sunt rationibus instructa; primam affert Strabo lib. 4. καὶ γὰρ ἐμπορεῖται χρωῖται Romani utebantur Lugduno, vt emporio, scilicet merces ab urbem Arelatensem ex Italia, Hispania, Africa, atque ipso etiam Oriente deuehebantur; inde per Ararim, & Dubim ad Heluetios, & Germaniam vtramque: vel terrestri itinere ad Sequanam transuectæ, secundo amne ad Caletes, & Lexouios, ipsumq; Oceanum deferebantur; sic Lugdunum ipso etiam Augusti æuo ad vtriusque maris commercia patebat, nondum aperta per Gades Oceani Septemtrionalis circumnauigatione; at hæc tota negotiatio periisset, si Lugdunum fuisset in monte; quis enim emporiū, quis forum quis nundinas in monte constituat nisi cū auibz mer-

cari velit; igitur intra fluuios Lugdunum fuit, vbi erat emporium.

Alteram rationem politicam affert idem Strabo lib. 4. extremo, timebatur fluxa, labilis, & nondum satis firmata Gallorum fides; igitur præuertendum erat malum, non expectandum; nec melius præverti poterat quam vrbe munita; nec melius vrbs muniri potuit quam duobus fluuijs, ὡς περ ἀκρόπολις διὰ τὰς συμβολὰς τῶν ποταμῶν. Igitur intra duos fluuios Lugdunum, tanquam propugnaculum conditum fuit.

Denique non negabis Plancum vtrum prudentem fuisse; cui Iulius Cæsar exercitum, & Galliam commisit; cui Augustus vrbis custodiam credidit, dum ad decretoriam illam pugnam perrexit, qui Augur, qui Consul qui Imperator fuit; at ille parum prudens fuisset si relicta illa munitissimi loci, & duorum fluminum opportunitate, iniquo loco in monte urbem condidisset: Neque illud omittendum placuisse Planco hunc urbium situm, extruxit Rauricam ad ripam Rheni, igitur Lugdunum ad confluentem Rhodani.

CONCILIANTVR OPINIONES

LVGDVNVM IN MONTE, ET SVB MONTE.

Hæres, Ariste dubitanti similis, non allubet inquis, hæc eloquentia quæ discentem fallit; persuaseras Lugdunum in monte conditum, nunc in plano constituis: cur extruis urbem & æueris? si vtrumque verum esse non potest, cur vtrumque doces; nemo decipitur lubens, nemo assensum mutat nisi inuitus; malo nescire situm Lugduni quam de eo ambigere; doctior est qui ignorat quam qui dubitat, vnā rem nescit qui non ambigit, vtramque partem ignorat qui de vtraque dubitat.

At non ego assentior tibi, Ariste, magna pars sapientiæ est scire cur dubites; ex omnibus sapientum lectis eam semper doctiorem credidi, quæ omnia nouit dum de omnibus ambigit; certè nos idem scimus, dum tu affirmas, & ego dubito: Ego aliquid præterea scio dum puto id esse verum, quod tu arbitraris falsum: Præterea ille doctior est qui falli vix potest, at nemo fallitur nisi qui affirmat, nemo affirmat dum dubitat; cur ego tam facile exponam assensum meum? cur non retineam ne erumpat, cur non

su-

suspendam ne cadat, cur ne errem errare non timeam? nemo difficilius fallitur quam qui fraudem timet: Crede mihi, Ariste, si excipias Deum, omnis ferè natura problema est.

Placet conciliare te mihi, Ariste, quod hæcenus dixi problema est, quod iam dico historia; fuit Lugdunum impositum monti, fuit suppositum; fuit vrbs vna & gemina, fuit eadem duobus in locis; fuit intra confluentem robur Coloniz, fuit in monte flos Romæ; fuit in plano negotiosa, fuit in monte magnifica; fuit in plano emporium, fuit in monte theatrum, & templum; fuere in plano homines, fuere in monte Dij: propterea apparent adhuc in monte portæ vrbs & mœnia, quia in monte vrbs fuit; imo extant vtroque antiquæ vrbs rudera quia vtroque Lugdunum extitit.

Atque hic est nobilissimarum vrbiũ situs qui partim in plano, partim in excelsis est; percurrere clarissimas ciuitates, nec Roma tota in plano, nec Solyma tota in excelsis est: nec mundus ipse planus, nec cælum æquabile est; Sol & Luna montes habent; quidquid est optimum sphæricum est; nec satis fertilis est sola planities, nec satis salubris; temperant se inuicem mons & campus, ille Bacchum, hic Cererem ministrat, vterque sanitatem; recreant aspectum colles dum coronant, fatigat oculos perpetua planities dum non terminat; infinitum apparet, quod nihil habet extremum: grauiorem rerum est in plano iacere, leuiores pendent ex aere, temperata amant ascendere, & descendere: imitatur optima quæque Lugdunum, excelsum est si montes amas, & planum si æquora.



Non satis dixi maior es alienis negotijs, & maior tuis; neque externa te implent, nec tu es plenus teipso; extendis te vltra te; sequeris te nec attingis, attingis te nec apprehendis; neque vnamquam apprehendi posses nisi redires ad te: tunc vero vacuus curis alienis, & solutus tuis, pulchram solitudinem facis, in qua nemo interpellat te, neque tu ipse.

Permitte vt inter eam quietem adeam te; ne aditum excuses, aut neges adiungo me socium Illustrissimo Viro, & tibi amicissimo. Is est eruditissimus Dominus Petrus de Marca, nuper mortuus, & apud te viuus; omitto augustos Archipræsulis titulos vt sit familiare colloquium; impediret libertatem loquendi Maiestas Ecclesiastica si cum illa esset disputandum, & vir modestissimus agitari quæstionem familiariter mauult, quam reuerenter; propterea appellabo illum Aristum, me Alexin, & te arbitrum controuersie Polymetum, amica sunt nomina, & controuersijs adhiberi solita, & nisi olim inuenta essent, inueniri nunc vellent in gratiam tui.

STATVS CONTROVERSIÆ.

SCRIPSERAM Parisijs Epistolam Historicam de ortu Lugduni, & probabam ex aduentu Annibalis in eam Insulam quam Arar, & Rhodanus suo confluxu efficiunt, nullam tunc fuisse urbem Lugduni quam Annibal non vidit, & cuius Polybius Annibalis iter describens non meminit: legebat eam Epistolam præfente me Petrus de Marca, quam Aristum voco, vir eruditissimus, qui vt erat beneuolus blandè subuidens: Et tu, inquit, Alexi fidei es tam facilis, vt credas Annibalem ad eam Insulam accessisset: Ego vero venisse ad eam Insulam assero, quam Rhodanus, & Isara, non autem Arar efficiunt; atque ita legendum est apud Polybium l. 3. Ἰσάρας non Σαράρας, & apud interpretem Isara non Arar; scilicet corruerunt textum librarij, & ignari locorum, Annibalem adedò turpiter errasse volunt, vt omisso recto itinere Alpes extra Alpes, & Italiam extra Italiam quæsierit: ad hæc ego modestè respondere, ille vrgere fortiter, sed interueniens Illustrium virorum comitatus disertationem interrumpit.

Permitte, VIR ILLUSTRISIME Polymete, interruptam tunc temporis controuersiam coram te redintegrari: audies

T libet,

libenter rediuium amicum, qui te toties libenter audiuit; reuixisse igitur illum puta, & coram te loqui; id vnum rogo, ut pro æquitate tua rem totam rationum pondere, non autoritate metiaris, victorem me spero si expendatur veritas non dignitas: Si tamen vinci contingat, at saltem illud gloriosum erit à tanto. Aduersario victum esse; & gloriosum Scipioni fuit pugnasse, cum Annibale, nec inglorium Annibali à Scipione superatum esse.

MAGNITVDINIS TVÆ

Additissimus seruus PETRVS L'ABBE.

DISSERTATIO DE ITINERE ANNIBALIS.

An, venerit ad confluentem Araris, & Rhodani,
an verò tantum ad confluentem Isaræ.

ARISTVS. Tanti æstimauit Polybius scire iter Annibalis dum ex Africa in Italiam armatus venit, ut relegere vias, lustrare Alpes, metiri regiones, & penè numerare vestigia voluerit; penè alter Annibal dum insistit primi vestigijs, & dignus Scipione discipulo; quem etiam reddidit Annibali parem, & maiorem.

Illustrius planè author Polybius qui ea quæ scripsit vsurpauit oculis, & testis oculatus esse voluit prius quam esset historicus; difficilis tamen author dum nimis est accuratus: nocent aliquando minuta magnis, & sæpe oculi facessant curam ingenijs, dum ea vident, quæ cadunt sub sensum, & fugiunt intellectum.

Testis sit ille locus quem tu Alexi contra ortum Lugduni adduxisti; sic enim habet Polybius lib. 3. interprete Perroto, Annibal quartis castris ad insulam peruenit, locum & multitudinem hominum, & feracitate regionis prædiuitem, cui propterea nomen insulæ inditum; quod ibi Arar, & Rhodanus ex Alpibus decurrentes aliquantum agri amplexi defluunt in vnum, faciuntque in-

insulam, & figura, & magnitudine similem ei, quæ in Ægypto Delta appellatur.

Ita tu legisti cum interprete tuo; at ego græcè apud Polybium *Ἰσάπας* pro *Σαράπας*, & Latine apud interpretem Isara pro Arar legendum contendo, & validis, ut spero rationibus rem cuiusque: pretiosa res fides est, veris tradenda non falsis, ea in rebus dininis indocta, & cæca, in rebus alijs oculata esse debet, & erudita.

Excutiamus igitur locum Polybij, & quidem si autoritate agendum sit, Philippus Cluverius eruditus Geographus, de quo hæc aiunt iustitasse oculis ea regna quæ descripsit, dimensum esse spatia regionum, examinasse distantias locorum, & penè vlnas numerasse: In Italia sua Cluverius prosecutus iter Annibalis, dum apud Polybium legit venisse Annibalem ad eam insulam quam Arar, & Rhodanus suo concursu efficiunt, facile agnouit irrepsisse mendum, & legendum apud Polybium *Ἰσάπας* pro *Σαράπας*, & apud interpretem, Isara pro Arar: alioqui exerrabat longè ab Italia Annibal, ad quam tamen properabat: at similis vero est errasse scriptorem quam Annibalem, & librarium quam ingentem exercitum.

Expende quæso, Alexi, vim huius autoritatis, accuratus Geographus describit iter Annibalis quale exploravit; Idem Isaram vidit, & Ararim, & utriusque diuersas insulas, idem insularum ab Alpibus distantiam dimensus est oculis, & penè vlnis; idem legit apud Polybium *Ἰσάπας* pro *Σαράπας*, & apud Plutarchum, & Lium Isara, pro Arar: igitur ita legendum est, igitur Annibal Isaram vidit non Ararim: Nec tamen Cluverius magnos auctores accusat, sed librariorum qui dum ea describunt, quæ non intelligunt facile depravant, quæ ignorant; & facilis fuit duarum literarum corruptio: vide tamen quo malum pertineat, duarum literarum mutatio, exerratio est ducentorum milliarium.

Neque autoritate tantum tecum pugno, sed ijs rationibus quas Annibal ipse non vinceret qui vicit Alpes: deduco primam ex verbis Polybij, Arar inquit, & Rhodanus ex Alpibus decurrentes aliquantum agri amplexi defluunt in unum; at Arar non decurrit, sed adeo molliter, & lentè fluit, ut dormire videatur non currere: neque ex Alpibus defluit qui intra Vogesum montem apud Mediomatres nascitur; nec mons Vogesus accenseri potest Alpibus quas Rhenus, & longus terrarum tractus à Vogeso dirimit: confundi non debent fines locorum, nec reuelli limites quos natura præfixit; habent sua nomina mon-

tes, & campi, & fluuij, confundit loca quæ mutat nomina.

Robustior est altera ratio ex eodem Polybio deprompta, ad eam insulam peruenit Annibal quæ figura, & magnitudine similis est ei parti Ægypti quæ appellatur Delta, at Cluuerius diligens Geographus, & mensor locorum accuratus, spatium inclusum Isaræ, & Rhodano æquale asserit, interuallum autem Rhodano Ararique comprehensum ter maius est Delta Ægyptio, igitur eò non venit Annibal, igitur librarius dum legit Arar pro Isaræ, legit Sigma per Iota.

Vis alteram rationem ponderis, adhuc grauioris, properans in Italiam Annibal quasi ad certam victoriam ad eam insulam non diuertit quæ longius ab Italia distabat; fuisset hic recessus non accessus, & fuga non via; at insula Araris, & Rhodani multis miliaribus remotior est ab Italia, quam Isaræ insula; magni momenti est ad victoriam celeritas ducis, opprimit hostem non expectantem, pugnatur pene ante pugnam, fugatur hostis impellente fama, & vincitur ipso victoriæ amittendæ metu; atque hæc multo veriora sunt de Annibale, cuius vel ipsum nomen instar exercitus erat; nec minus timebantur Galli aduentantes quam Afri: terruit semper Romam Gallorum nomen, & aliquando cepit. Quis igitur credat Annibalem callidissimum ducem quæsiisse longiores vias, præsertim impellentibus Gallis, quorum primi impetus deorum credebantur esse non hominum; igitur Annibal ad insulam Isaræ venit, non ad insulam Araris.

Æqualis momenti est quod subiungo; ad eam insulam venit Annibal in qua duo fratres de regno certabant; at hoc certamen intra Isaræ, & regionem Allobrogum erat: audi Titum Liuium dec. 3. l. 1. n. 31. Allobrogum gens nulla Gallica gente opibus, aut fama inferior, tùm discors erat; certabant de regno fratres duo, maior natu, & qui prius imperitabat Brancus nomine, minore à fratre, & coetu iuniorum qui iure minus, vi plus poterat pellebatur; huius seditionis peropportuna disceptatio cum ad Annibalem perlata esset, arbiter regni factus imperium maiori restituit; ob id meritum commætu, copiaque rerum omnium, & vestimentis est adiutus: sedatis certaminibus Allobrogum cum iam Alpes peteret, non recta regione iter instituit, sed ad læuam in Tricastinos flexit, inde per extremam oram Vocontinorum tetendit in Tricorios, haud vsquam impedita via priusquam ad Druentiam flumen peruenit, &c. ex eo loco Titi Liuij, vide quid colligam, ac primum illud quidem apparet certum; idcirco Annibal Isaræ amne transmissio Allobrogum fines ingressus est, vt discordias de regno

gno componeret: igitur non vltra Allobroges iuit, vbi querelæ nõ erant; at insula Araris est extra Allobroges; deinde spes commodi Annibalem ad Allobroges attraxit, ad insulam Araris nihil attrahebat: præterea commeatu, & rerum copia, & vestimentis à Branco adiutus dicitur, adiutus verò non retentus, ac retinuisset Annibalem Brancus si ad insulam Araris deduxisset, iterum per fines suos reducendum. Denique sedatis certaminibus Allobrogum ad læuam in Tricastinos flexit, igitur non ad Ararin venit, sed ad Isaram redijt.

Mouent te eæ rationes, Alexi, & ferè persuadent; afferò aliquid potentius, per eam insulam transiit Annibal ad quam peruenit quartis castris, vt loquitur post Polybium Liuius; scilicet à Rhodano apud Tarasconem transmissò: atqui ad Araris insulam vix peruenisset octauis castris; crede mihi, Alexi, non volant exercitus, sed lentè ambulans, & cursores equi vix quarta die itur illud efficerent: vide igitur qualem exercitum Annibali tribnas non hominum, sed penè volucrum; sunt quidem in exercitu Alæ equitum, veloces ad subsidium peditum, & promptæ ad cursum; at nullus exercitus totus alatus est, Elephantis certè quos multos ductabat Annibal volare non poterant.

Penè assentiris, Alexis, vrgeo assensum, & nisi fallor euincos redient Annibal, inquit Liuius ad Druentiam flumen peruenit, is Alpinus omnis omniũ fluminum Galliæ difficillimus transitu est: nam cum aquæ vim vehat ingentem, non tamen nauium patiens est; quia nullis coercitus ripis, pluribus neque simul, neque iisdem alueis fluens, noua semper vada nouosque gurgites faciens, adhæc saxa globosa voluens, nihil vnquam tuti ingredienti præbet: & tum fortè imbris auctus ingentem transgredienti tumultum fecit.

Eundem tumultum expressit versibus Silius Poeta.

Turbidus hic saxis, truncisque Druentia latum

Ductoris turbauit iter.

At non venisset ad Druentiam Annibal si ad insulam Araris diuertisset, ex ea enim per Alpes Penninas, aut Graias ad Italiam tetendisset.

Idem Liuius eodem loco, prægressus, inquit, Annibal ex promontorio quodam vnde longè lateque prospectus erat, consistere iussis militibus Italiam ostendens, subiectosque Alpibus circumpadanos campos, & penè ipsam Romã, videtis ait, Commilitones Italiam, & penè ipsam Romam, atqui vno aut altero ad summum prælio, arcè & caput Italiæ in potestate estis habituri: at hæc omnia

nia ostendi non poterant, si Annibal ex insula Araris in Italiam perrexisset.

Denique quis satis prudenter audeat aliud iter assignari Annibali, quam quod tres nobiles scriptores accuratè descripserunt: Strabo lib. 4. Geograph. Polybius inquit, quatuor potissimum vijs adiri per Alpes Italiam dicit, per Alpes maritimas, Graias, Penninas, Cottias; per istas Annibalem in Italiam penetrasse. Plutarchus de eodem itinere sic habet quinto decimo inquit die superatis Alpibus in agrum Taurinium descendit, quo mihi verisimilius videtur per montem Genuz, sic enim vulgo appellant, qui ex altero latere flumen Druentiam, ex altero exitum in Taurinios habet, Pœnum transisse. Titus Livius dec. 3. l. 1. Taurinis quæ Gallis proxima gens erat in Italiam digressus est, id cum inter omnes constet, eo magis miror ambigi quam Alpes transierit, & vulgo credere Pennino, atque inde nomen ei iugo inditum, &c.

Vide Alexi Titum Livium tria dicere de itinere Annibalis: primo per Alpes Cottias transisse, deinde mirari se aliquos aliter sentire, sed eos de vulgo esse, postremò eos ridet qui Penninas Alpes dictas à Pœnis putant: at si Annibal ad insulam Araris, & Rhodani venit, per Alpes Penninas transierit necesse est. Miratur ergo sententiam tuam Livius, appellat vulgarem, & indotam: at ego, Alexi nolo te sentire cum vulgo.

P A R S S E C V N D A.

A L E X I S. Non possum satis admirari vim eloquentiæ tuæ, Ariste, quæ facit ut falsitas ipsa videatur vera; retinuisti Annibalem intra Insulam Isaræ ire ultra volentem; prohibuisti ne Ararin videret, assignasti iter quale finxisti; atque id tam eloquentè ut falsam de Annibalis itinere opinionem penè efficeris veram.

Verumtamen, Ariste, dixisti similia vero, & idcirco non vera; Aurichalcum aurum simile, non est aurum, Parelum simile Soli est, differt à Sole: Vide, Ariste, ne dixeris falsa dum dixisti vera similia; falsum est quod non est verum, & verum non est quod est tantum simile vero.

Argumento vno venisse Annibalem ad insulam Araris probo,
tùm

tum ad argumenta tua respondeo; & Annibalem per iter Annibalis ad Italiam deduco.

Polybius oculatus testis qui Annibalis iter, & forte Annibalem vidit de eo itinere sic loquitur, τῇ μὲν ἐν Ρόδανος, τῇ δὲ Σκώρας προταγορευόμενος ρέντες παρ' ἑκατέραν τὴν πλευρὰν ἀποκορυφῶσιν αὐτῆς τὸ σχῆμα καὶ τὴν πρὸς ἀλλήλους συμπλῶσιν. Quæro abs te, Ariste, an legendū putes pro Σκώρας Ἰσάρας, an verò nomen integrum Σκώρας esse Isaræ nomen? at neutrum satis erudite affirmare potes, non primum quidem, quale enim illud anagramma quod nomen non inuertit, sed corrumpit; hæc enim corruptela si liceat, non minus facile diceretur Σκώρας pro Δράκος quam Σκώρας pro Ἰσάρας. Sed neque Isara ex impuritate alvei, & sordibus quas voluit Σκώρας appellari potest, leues illæ sunt, & tenues sæces, nec quales Arar ex pinguibus agris & campis contrahit; at Isara ex montibus defluens suo cursu se purgat, & sæces si quas habet aspergit agris non colligit: & Dracus deinde adiunctus velociter impellit, neque Araris instar dormire permittit; impositum est nomen Σκώρας Arari non facile alteri tribuendum; sigilla rerum sunt nomina, ut earum naturas obfigent iniuriā facit alteri qui alienum sigillum facit suum; iniuria fit Arari dum Isara appellatur, nec latinè nec græcè hoc ei nomen competit. Vides Ariste quam parum tibi Polybius faueat.

Nec magis fauet tibi Titus Livius, ille de Annibalis itinere sic habet dec. 3. l. 1. n. 31. quartis castris Annibal ad insulam pervenit: ibi Arar, & Rhodanus amnes ex Alpibus decurrentes agrī aliquantum complexi confluent in vnum, medijs campis insulæ nomen inditum, accolunt propè Allobroges; attende, Ariste, quid respondeas, an Livium nomen Arar usurpasse pro Isara? an librarium errasse non Livium? audax esses si Livium errasse diceres, quem hætenus nemo accusavit erroris; nec tam facile errant librarij in re facili, quis credat in nomine quinque literarum ereptam vnam, & duas additas, ut fiat Arar pro Isara, nullum est crimen cuius librarij accusari non possint si huius sunt rei; sed ne Livium, aut librarium errasse putes, audi quid addat Livius, accolunt propè Allobroges, at Isara pertinet ad Allobroges, neque est vicinum flumen, sed subditum, Arar autem vicinus est Allobrogibus, nec indigena, sed extraneus: Vides, Ariste, qualis te author accuset Titus Livius.

Euinco causam si testibus habeatur fides, & haberi debet dum de facto agitur non de iure; Plutarchus historicus rerum, & Philosophus morum de Annibalis itinere hæc habet; horum confi-

lijs persuasus Annibal castra mouit, & per ripam Rhodani aduerso flumine profectus paucis diebus peruenit ad locum, quem insulam Galh appellant; hanc Arar, & Rhodanus amnex ex diuersis montibus confluentes efficiunt. Quid ais, Ariste, an potuit clarius loqui historicus, & Philosophus, utroque nomine clarus; ne hic quoque obrudas errasse librarium, audi quid Plutarchus subdat, ibi nunc Lugdunum est celeberrima Galliz vrbs, quam longis postea temporibus à Planco Munatio conditam accepimus. Attende vim argumenti, ad eam insulam peruenit Annibal in qua Lugdunum est conditum, at intra Ararim, & Rhodanum est conditum, igitur ad eam insulam venit.

Confer nunc Cluuerium tuum cum tribus historiæ Principibus, hominem nouum cum veteranis, mensorem locorum cum historicis rerum, & consiliorum; quasi iter Annibalis vnus metiendum sit non consilijs, quasi Imperator astutissimus rectiorem viam secutus sit qui perpetuis insidijs, & stratagematis hostes, & vias ipsas fefellit; non incedunt semper Imperatores breuiori via instar cursorum, aptant vias consilijs, non consilia vijs? ac vide quàm sint ridiculi critici tui, disceptant de syllaba vna, de littera, de virgula quasi de Numantia, aut de Roma, & Cluuerius tuus dum tricator in nomine Isaræ, & Araris totum iter Annibalis interrumpit.

Ne sola tamen autoritate pugnare me putes, respondebo argumentis tuis, speciosis illis quidem vt fallant, non tamen satis veris vt persuadeant.

Ad primum argumentum quam facilis est responsio? Arar non decurrit, sed adeò lentè fluit, vt dubites vtram in partem eat: de aliqua cursus parte dubitari potest, at non de toto progressu: nec celerius Isara ad Gratianopolim fluit, donec se illi Dracus infundat, tunc enim eadem celeritate rapitur à Draco, qua Arar à Rhodano; nec minus verè Isaræ maritus dici Dracus potest, quam Araris Rhodanus.

Nec validior est pars altera argumenti tui: Arar non decurrit ex Alpibus, Respondeo Vogesum montem apud quem Arar nascitur, facile Alpibus accenseri posse: quæ enim tria stadiorum millia in longitudinem patent vt putat Liuius, aut centum millia passuum, vt arbitraturs Celsus, ex Rhenum, & Ararim finibus suis facile amplecti possunt; hæc tamen responsio si minus placet addo alteram, quæ eludi vix potest, præcellsi montes ad similitudinem Alpium sæpe appellantur Alpes; ne gratis id dictum putes, audi Plutarchum, paucis diebus ad locum peruenit quem

quem Insulam Galli appellant, hanc Arar, & Rhodanus ex diuersis montibus confluentes efficiunt: Vides quas Alpes Polybius, & Liuius vocant à Plutarcho appellari montes; nec Plutarchus confundit nomina præterita qui distinguit futura, & Lugdunum longis postea temporibus à Planco extruendum, iam ante nominat.

Secundum argumentum de Delta Ægypti leue est, & vnus literæ. Respondeo ampliorem esse Insulam Araris, & Rhodani si montes includas, æqualis pene spatij esse si montes excipias; sic quoque insula Ifaræ si Alpes includas maior est, si demus est longè minor. Deinde similes dicit insulas Polybius non æquales, dum addit, nisi quod illic latus vnum mare efficit, quo duo amnes coniunguntur; hic verò difficiles, atque asperos montes, & inaccesos dicit: Vides, Ariste, nec includi ab vna insula mare, nec ab altera montes: at ijs exceptis ambæ insulæ penè manent æquales.

Tertium argumentum fauet causæ meæ non nocet: Respondeo idcirco ad insulam Araris Annibalem venisse, quia ea remotior erat; nec properabat in Italiam Imperator callidus, sed moras de indutria necebat, neque hæc fuga erat, sed stratagemma; fallere volebat insequentem cum exercitu consulem, & pugnare volentem; & fefellit dum progressus longius Scipionem redire in Italiam coegit per Alpes maritimas, vt descendenti ab Alpibus Annibali, tutius vt putabat occurreret, sed infelicius: Ipse interea absente Scipione ex insula Araris reuertens exercitum per Alpes coticias traduxit: Audi Titum Liuium consilia Annibalis explicantem, postero inquit die profectus Annibal mediterranea Galliarum petit, non quod rectior ad Alpes via esset, sed quantum à mari recessisset, minus obuiam fore Romanum credens, cum quo priusquam in Italiam ventum foret, non erat in animo manus conferre: Vides Annibalem neccentem callidas moras, & penè fugam simulantem. Addit paulò post Liuius, P. Cornelius Scipio Consul, triduo ferè postquam Annibal ab ripa Rhodani mouit quadrato agmine ad castra hostium venerat, nullam dimicandi moram facturum; cæterum vbi deserta munimenta, nec facile se tantum progressos assecuturum videt, ad mare ad naues redijt; tutius, faciliusque descendenti ab Alpibus Annibali occursurus: Attende Ariste vim argumenti Annibal necebat moras, non igitur ad Italiam properabat, Annibal remotiores vias sectabatur, non igitur rectiores; id consilij non aduertit Cluuerius solis locorum mensuris intentus; at Liuius facta narrat, & factorum consilia.

Quar-

Quartum argumentum componit regias fratrum discordias, & vix componet nostras; fateor Annibalem ingressum esse fines Allobrogum, vt fratres de regno disceptantes conciliaret inter se; sed nego non vltra progressum; experiri voluit eo secessu an absente se pax sancita constaret, spatium dedit Regibus parando commeatui geminis exercitibus ad longum iter: interea ne regioni grauior esset, excessit tantisper ex Allobrogum finibus. Aliud consilium Annibalis erat multo callidius; sciebat vires Gallorum, & odium in Romanos, & cupiditatem potiendi Italia sæpè tentata; demerendam sibi putauit nationem, & inuitandam ad partem victoriæ, actum putans de Romano imperio si Gallia, & Africa contra Romam pugnarent; ad conuentum autem Legatorum aptissimam arbitratus insulam Araris, & Rhodani eò secessit, atque inde Aruernos, Heduos, Senones, & Heluetios ad belli societatem exciuit: neque multo post regressus ad Allobroges, & commeatu, ac vestimentis, & copijs auxiliarijs adiutus ad læuam ad Tricastinos flexit; inde per extremam oram Vocontiorum ad Tricorios, ab illis Druentia flumine laboriosè traiecto, & superatis Alpibus Cottijs ad Taurinios descendit; ita ille, post eam Alpium victoriam nihil Annibali insuperabile fuit.

Terrere me voluisti quinto argumento, & quartis castris Annibalis, at neque hoc argumentum est Annibale dignum: singulos dies non significant singula castra, quæ sæpe toto triduo non finguntur, & sæpè miles toto biduo insomnis ambulat, & inambulans dormit: potuit igitur quartis castris, seu decem circiter diebus Annibal ad insulam Araris peruenire: atque vt videas sic explicanda esse castra; si aliter explicentur neque ad insulam Isaræ peruenisset Annibal quartis castris, idest quatuor diebus à Rhodano ad Tarasconem traiecto; ducebantur Elephantum cum exercitu, at illi lentè incedunt non currunt; neque ingens exercitus celerius Elephantis ambulat, etiam dum festinat.

Cætera argumenta tua, Ariste, vt fallere astutè possint supponunt falsum; credidisti negare me Annibalem per Alpes Cottias in Italiam penetrasse: At ego cum Polybio, Liuius, & Plutarcho Annibalem per Alpes Cottias deduco; non sunt fingenda heroum itinera, sed obseruanda, nec breuior illis semper assignanda est via, nec rectior; eunt instar Solis, & penè sunt soles, at sol obliqua via graditur, & inter monstra, neque illi morantur euntem Solem, neque Annibalem.

Ego si facilius iter Annibali assignari vellem, eum cum Samuele Guichenono nobili historico per Sebusiam, Sabaudiam, & Vallem

lem Augustam deducere; si rectiore via eundem esset, illum Cularone, aut Ciuarone ad Alpes prosequeretur: At historici est describere vias non fingere; relegit oculis Polybius iter Annibalis; Titus Livius, & Plutarchus res gestas Annibalis narrant, & consilia: Ego cum illis Annibalem per Alpes Cottias in Italiam sequor: tecum igitur hac in parte sentio, quia tu cum Polybio, & Livio, & Plutarcho sentis.

At non ea erat controuersia nostra, an per Alpes Cottias Annibal transierit, sed an ad Insulam Araris, & Rhodani, & confluentem ubi nunc Lugdunum est peruenerit: Ego cum Polybio, Tito Livio & Plutarcho affirmo, Tu cum Philippo Cluuerio, & N. Chorerio nobili historico negas; vter verius, Tu sapientissime Polymete pronuntias; vnum iterum moneo litem mihi esse cum eruditissimo Aristo, non cum Reuerendissimo Archiepiscopo, victum me fateor, si Episcopus disputat, victorem me credo si Aristus: tuum est æquissime Polymete, non personas æstimare, sed causas.

ELOGIVM ANNIBALIS.

Hic post Alexandrum, & Pyrrhum iudicio suo tertius,
 Multorum iudicio fuit bellator primus,
 Vicit orbem vnum Alexander, & quarebat alium,
 Plus est vicisse Romam quam Asiam.
 Prima Annibalis victoria de Annibale fuit,
 Sed non integra
 Victorem cæterorum affectuum ira vicit;
 Hac in parte monstrum Africa fuit.
 Altera victoria fuit de Alpibus,
 Quas rupes ferro non potuit, aceto corruptit,
 Post victas Alpes nihil insuperabile fuit.
 Ad Ticinum P. Corn. Scipionem Consulem,
 Ad Trebiam T. Sempronium Consulem,
 Ad Trasimenum C. Flaminium Consulem,
 Ad Cannas duos simul Consules vicit;
 Ut scias magnitudinem cladis, collige ex annulis,
 Duos annulorum modios Carthaginem misit;
 Tunc primum dignitas Equestris vanalis fuit;

*Credita est ea dies Romani Imperij ultima ,
 Et poterat capi Roma si Annibal venisset ,
 Et conuiuari poterat in Capitolio quinta die cum Ioue ;
 Nesciuit victoria uti qui sciuit vincere :
 Retardauit venientem Fabius cunctator , non vicit .
 Ausus eum prouocare Claudius Marcellus occubuit ,
 Perierat Roma nisi Capua illam seruasset :
 Quem Alpes , & bella , & tot Duces non fregerant ,
 Fregere tepentes fontibus Baia :
 Et Capua Annibali Trebia , & Trasimenus ,
 Et Baia Padus , & Canna fuere .
 Renocatus in Patriam , ut illam seruaret ,
 Victus est à Scipione filio qui Patrem vicerat ;
 Iurauerat ad aras interitum Roma
 Vidit interitum Patria :
 Post eam cladem minor Annibal Annibale fuit ,
 Et clades Annibalis clades Africa fuit .*

DISSERTATIO QUARTA. LVGDVNVM SVPERIVS.

ALEXIS . Audiui ex te Ariste , in superioribus Dissertationibus Lugdunum vnum fuisse , & geminum , superum , & inferum , urbem vnam , & plures : Rogo te , Ariste , dic aliquid de vtroque Lugduno , ut sciam vtra pars esset nobilior , & an Lugdunum superarit Lugdunum .

ARISTVS . Obtempero non tam precibus , quam imperijs tuis ; imperat amicus dum rogat , nec recusari potest , quod amicitia iubet ; at ego vicissim vnum rogo , ne succenseas mihi si quid asperius in castra , & theatra dixero ; licet irasci inter arma , & declamare ex theatro ; loquar alienis verbis , & meis , & stylo utar Africano , & Gallico .

Vicerant orbem terrarum Romani , & iam omnis Prouincia Romana , & penè omnis Ciuitas Roma erat ; ut contineretur in officio victus orbis , legiones , & præsidia prouinciatim distribuebantur , atq; in limitibus quidem maiores copiae , in oppidis interioribus cohortes , & alæ : Lugduni in præsidijs erat legio vna , cum equestri Ala ; audi Cornelium Tacitum l. i. Iunius Blæsus accessit partibus

partibus Vitellij cum stativa legione, & ala Taurina addit Tacitus Cohortem XVIII. Lugduni soliris Hybernis relictam; idem l. 3. Andegauos Aciolus Auia, excita cohorte quæ Lugduni præsidium agitabat coercuit. Porro locus præsidij in monte erat; tum ut ciuitas inferior si rebellaret à superiore opprimi posset; tum ut occupatus collis per militem, spem adimeret Gallis eum locum superandi, quem Roma per Gallos contra Gallos defenderet.

Expectas iudicium meum de castris Romanorum, ego libentius expectarem tuum: tam iniusta erant castra Romanorum, quam arma, inique seruat quod iniuste ereptum est; & dum retinetur semper eripitur: quid habuit iuris in orbem terrarum Roma, quod orbis non habuerit contra Romam? oppressit libertatem alienam, ut stabiliret suam; sed victa est ipsa quoque dum tot populos vicit; scilicet metuebant victos ipsi victores, & magis tuebantur Romanos castra Romanorum quam Gallos.

Ut temperarent castrorum formidinem & honorem, adiungere castris Amphitheatrum, ut dum in eo ludos edunt recrearent victores, & victis illuderent; fuisse Amphitheatrum Lugduni probat ruina; stetisse oportet Lugduni, quod Lugduni corruit; si causam quæris, affert illam Procopius, in castris inquit, fontibus, Aquæductibus, & fluxibus urbium felicitas consistit; at Lugdunum vna ex urbibus beatis erat; igitur Lugduni erat Amphitheatrum: confirmat Paradinus ex Suetonio, Caius Caligula edidit spectacula peregrè in Sicilia, Syracusis Hosticos Ludos, & in Gallia Lugduni miscellos; negat Rubysius probari Amphitheatrum ex ijs ludis qui extra Amphitheatrum edebantur.

Illustrius est testimonium Attali Martyris, de quo Epistola Lugdunensium ad Asianos, Attalus quoque populi vocibus postulabatur, erat enim valde nobilis, & vir optimæ conscientiæ, & per omnia exercitia semper Martyr, cumque circumlatus fuisset per Amphitheatrum titulo se præcedente, ATTALVS CHRISTIANVS: De eodem Euseb. l. 5. iterum Attalus post primam confessionem quam in theatro fecit; illustris sanè confessio digna theatro, spectantibus Angelis, & muneratore Deo.

Aristus. Adhuc quæris, Alexi, quid fieret in theatro, inuitus audies quod spectare molles; prodeunt in arenam gladiatores luxuri semel ne vnquam postea ludant, veniunt inermes & nudi ut possint excipere vulnera non repellere; prodeunt eruditi in necem alienam, & docti in suam; vterque diu didicit artem qua posset perimere, & perire; pro pudor disciplina est homicidium!

dium : docetur quod ignorari oporteret; transiit in ludum cædes hominis, occiditur homo in hominis voluptatem, spectatur scelus, ridetur homicidium, & homicida laudatur.

Inhumanum est Gladiatorum spectaculum, quod sequitur truculentum, obijciuntur feris homines interdum rei, & sæpe innocentes, aliquando sceleris leo pœna est, aliquando virtutis; committuntur belluis homines quos natura Dominos fecit non conuulos: Procedunt interea famelicæ belluæ, incitantur ad pugnam, stimulantur ad vindictam, & ne vincantur coguntur vincere; quid potest immanius cogitari? excitat acclamationem Orchestræ rugitus Leonis non horrorem, prouocatur Tygris ut sæuiat, irritatur ne parcat, placet homo in membra discriptus; aspicitur siccis oculis rorans ex vulneribus sanguis humanus, ridetur ubi lugendum erat; Quis neget non minus spectatores quam vrsos, & leones homicidas esse?

Nec minus nocens est Scena, licet minus cruenta: reuiuiscunt in ea antiqua scelera, & penè iterum fiunt dum exhibentur facta? apparet rediuius Atreus, Thyestes, Agamemnon, & dum recitant scelera sua, penè iterum perpetrant. O nouam nocendi artem! ornatur scelus, ut placeat, docetur fieri posse quod factum est; & quod meretur pœnam in iudicijs, fert palmam, & plausum in theatris.

Mollior est Comœdia non innocentior, explicatur in ea quod natura taceri vellet non sciri; docetur ars amandi, quæ Magistro non eget; discunt virgines quod scire vix debent conjugatæ, recognoscit adultera artes suas; audit pudica quomodo adultera esse possit; amittitur pudor dum ridetur; corrumpitur primum oculus, deinde animus; transit scelus in exemplum: licere creditur quod laudatur, omnis ætas sit impudica, & quæ Miferua intrauerat, exit Venus.

Nec tantum exhibetur in scena scelus, sed in templo adoratur: vicinum erat Theatro Veneris Templum; ut dum docetur in theatro scelus, in templo coleretur: Quæso Alexi, dum prostat in templo Veneris impudicitia etiam nuda, an hoc puluar Deorum est, an lupanar? quas illic preces offerre possunt pueri, & puellæ virgines deæ impudicæ? Quis illic castus esse possit ubi impuritas consecratur? ô cæcitatem, ô probum! fiunt miseris religiosa delicta, atque ut homines impunè peccare possint, coluntur dii impudici, deæ adulteræ, & peccata laudantur.

In toto superiore Lugduno nihil innocens erat nisi Aqua, hæc quoque quot modis corrumpebatur, ut esset impura, abstrahatur

batur à terris quæ amat fluere intra terras ; traducebantur arcubus triumphalibus , quæ semper humi mallet , quàm per aerem currere ! includebatur tubis pretiosis , quæ libertatem mallet , quam auream seruitutem : Quæ isthæc insania , corrumpere elementa ut fiant meliora ? exuere aquam natiuis affectionibus , ut induatur alienis ? si amatur aqua lenis , cur non quæritur ignis grauis ? Crede mihi, Alexi, ille status rerum est optimus, qui est natiuus; exposuit aquam natura, ut esset publicum bonum; nasci ubique voluit, ne è longinquo peteretur; cessat aqua esse bona si fiat pretiosa .

Omitto dicere de palatio, de foro veteri, de quibus nihil admodum dici potest, quod non sit facile, & vile .

Claudio Epistolam nouo genere laudis , pretiosius est Lugdunum superius hodie vacuum quam olim plenum; pauciora habet, & plura , & nobiliores sunt ruinae operum quam ipsa opera : tutior est mons inermis , quam munitus castris ; innocentius est theatrum imminutum , quam integrum ; & meliores sunt aquæ natiuæ, quam aduenæ: denique mons profanus olim sub tutela Veneris, nunc sacer est sub patrocínio virginis.

DISSERTATIO QVINTA

LVGDVNVM INFERIVS.

ALXIS, dixisti magna de Lugduno superiore, expecto maiora de inferiore, laudari me puto dum patriam meam laudas, & bis Lugdunensem me credo, dum audio geminum fuisse Lugdunum .

ARISTVS . Omittis cæteris tria laudo in inferiore Lugduno, templum Augusti, Emporium, Argyrocopium.



TEMPLVM AVGVSTI.

A R I S T V S . De eo templo hæc quero , an fuerit , quos conditores habuerit , quas Aras , quos sacerdotes , quo in loco conditum fuerit & quales ad illud populorum conuentus .

Inuenit Roma Galliam superstitiosam , & superstitionem auxit , fecit se Deam , & Deos vectigales sibi : fecit illa Augustum Deum , fecit Augustus Romam Deam , gemina superstitio fuit , & vtraque vana .

Excitatum fuisse Augusto etiamnum viuo magnificum templum probat Strabo lib. 4. & ex illo Illustrissimus Petrus de Marca digress. de primatu Lugduni , num. 100. scilicet id fecit Augusto Lugdunum , quod pleræque Ciuitates iam fecerant , aut facturæ erant ; erexit Asia communibus impensis in vrbe Pergami , extruxit Bithinia in vrbe Niceæ , erexit Gallia vniuersa Lugduni . Ambitiosus sane Augustus dum vult videri modestus ; admisit templum , & aram & sacerdotes ; & post recusatum nomen Domini admittit appellationem Dei ; quasi aliquid minus sit Deum esse quam Dominum : Infelix vero & imprudens Lugdunum dum simul Augustum & experitur tyrannum , & adorat vt Deum .

Conditores templi fuere vniuersi Galliarum populi , vt tota Gallia peccaret peccantibus vniuersis : At hic occurrit difficultas ingenio tuo digna , Alexi : Strabo conditores templi facit vniuersos Galliarum populos , eosque sexaginta enumerat , at ij plures erant . Ptolomæus in tribus Galliæ Prouincijs , Aquitania , Lugdunensi , Belgica , sexaginta populos enumerat , & Narbonensem omittit , in qua erant quatuordecim populi . Auger difficultatem Tacitus lib. 3. de Flori , & Sacrouiri defectione agens , omnia inquit Romæ in maius credita , iactatumque quatuor & sexaginta Galliarum Ciuitates defecisse , dubias Hispanias , &c. Igitur plures erant quam sexaginta populi . Quid ais , Alexi .

A L E X I S . Ego male numerasse Strabonem puto aut Ptolomæum , aut Tacitum .

A R I S T V S . Itane vero Alexi , magnos Authores tam facile erroris accusas ; At ego omnes erroris absoluo ; scilicet irrepfit mendum apud Tacitum , & legendum est septuaginta quatuor pro sexaginta quatuor , atque hunc numerum efficiunt qua-

quatuor Prouinciæ Galliarum . Neque errauit Strabo, dum sexaginta tantum populos numerauit, scilicet omisit Prouinciã Narbonensem, siue quia omnium Prouinciarum primã aram Augusto iam consecrarat; siue quia pridem à Romanis subacta, Prouincijs Romanis iam erat adscripta; siue denique quia eã ætate Galliarum nomine tres tantum partes à Cæsare subactæ censebantur, nempe, Aquitanica, Belgica, Lugdunensis.

Illustrat hanc sententiam Petrus de Marca varijs inscriptionibus antiquis prima sic habet .

Catulo Sacerdoti ad templum Romæ, & Augusti tres Prouincia

Galliarum tantum tumulum posuerunt .

Altera non abfimilis .

Tiberio Antistio Equiti Romano tres Prouincia Gallia ad Aram Cæsarum statuat Equestrem ponendam censuerunt.

Insignis est locus in Epitome Liuij, de Augusto . Eum, inquit ille, conuentum Narbone egit, census à tribus Gallijs quas Cæsar Pater vicerat actus, &c. Vides, Alexi ex ijs testimonijs excusari Strabonem, vel absolui nimirum secutus est Iulium Cæsarem, qui in descriptione Galliarum Prouinciã Narbonensem omisit quia eam non vicit .

Alexis . Factum est satis Straboni, sed non mihi; septuaginta, & quatuor populos Gallorum Roma vicit, ex ijs populis vnus satis olim Romæ vincendæ fuit; quale illud dedecus, subiugasse olim Romam, & nunc iugum pati.

Aristus. Sustine iram Alexi, vicere Galliam Galli non Romani; ne dubites ita esse vicit Romam Cæsar per Gallos non per Romanos, sic vbique victores sunt Galli etiam victi .

Alexis, nec templum Augusti sine Ara, nec sine sacerdotibus fuit; id superest explicandum, Aristæ, ne templum Augusti Palatium credatur esse non templum.

Aristus . Intra hoc templum erant aræ duæ, vtræque dignitatis eximæ; altera tamen primaria, & maior, Augusto, & deæ Romæ, altera minor dijs Gallicis dicata erat, eademque sexaginta populorum insignia præferebat.

Aram Augusti probat Lucius Florus his verbis, Ara Cæsari ad confluentem Araris, & Rhodani dedicata sacerdote C. Iulio verecundato Eubio Heduo.

Ab Augusto transijt ille honos ad cæteros Cæsares, successores, ita habet inscriptio apud Gruterum pag. 320.

Aduerte, Alexi, nundinas appellant Eusebius, & Rufinus hunc Lugdunensem conuentum, at quales nundinas putas? in quibus non merces tantum artefactæ, non equi, & boues solum, sed homines, & dii ipsi venales erant; scilicet vendebant omnia Romani, vel emebant, vendebant Deos suos, & emebant alienos; vernalis ijs erat omnis religio, atque vt mercarentur orbem terrarum, mercis instar habebant & homines, & Deos alienos & suos.

Locus templi, & conuentus populorum designatur à Strabone lib. 4. *ἐν τῇ συμβολῇ τῶν ποταμῶν*, ad coitionem fluviorum, ad Athenæum, vel iuxta illud, vt dii Græci, & Romani, & Gallici miscerentur, & fieret non tam Deorum templum, quam receptaculum dæmonum.

Subscribit eruditus Budæus l. 4. de Asse, Lugduni inquit communi Galliarum impensâ extructum est Cæsari, & consecratum templum ea parte ante urbem vbi amnes confluunt; ibique Ara dignitatis eximie, sexaginta Gentium insignijs, totidemque Deorum simulacris, &c.

Nec minoris fidei est lapis in æde Monialium S. Petri Lugdunensis qui licet mutus sic loquitur.

Q. Adginnius urbici filius, sacerdos Roma, & Augusti, ad Aram, & confluentem Araris, &c.

Placet addere profanis testes Christianos. Gregor. Turonensis, & Eusebius aiunt Martyres in monte occisos, in Athenæo crematos esse; & in profluentem proiectos ante Augustorum ædes vt illis hæc victima litaretur.

ALEXIS. Erudita sunt, & antiqua, quæ dixisti de templo, & Ara Augusti. Ego aliquid recens addo inaugurato super in Archipræsulem Illustrissimo Camillo de Neuville, Proregi Lugdunensium oblatum est eruditum Symbolum. Ara ingens ad confluentem Araris, & Rhodani pro pictura erat. Inscriptum erat Aræ hoc lemma.

SOCIATA POTESTAS.

Explicabat Symbolum adscriptum Epigramma.

Quod Lugdunensem flumini miscetur ad Aram,
Vnumque, & fluiuis consecrat Ara duos.
Hoc sacri est Emblemata tui, SOCIATA POTESTAS;
Pastor es, & Prorex, munere viroque sacer.

308
DISSERTATIO SEXTA
EMPORIVM LVGDVNENSE.

ALEXIS. Dixisti, Ariste, angusta de templo, & ara Romæ & Augusti; reliquum est vt de emporio, & Argyrocopio, Lugdunenſi argentea dicas, & aurea.

ARISTVS. Non prius Lugdunum vrbs fuit quam emporium, neque ante habuit ciues quam mercatores, aduolauit orbis ad hoc commercium statim, ac publicum fuit; atque vbi duo fluuij confluunt, omnes penè nationes confluxere. Audi Strabonem lib. 4. post Narbonem, inquit, maximè omnium Gallicarum vrbiũ frequentia hominum pollet Lugdunum, quo emporio vtuntur Romanorum Præfecti, & Præſides, monetamque argenteam, & auream cudunt, & templum ab omnibus Gallijs communi ſententia decretum Auguſto, ad confluentes fluuiorum in hac vrbe conſtitutum eſt. Quæſo Alexi, expende hoc teſtimonium, Strabo vir penè cœuus Auguſto; & Planco, vidit naſci Lugdunum, & deſcribit iam opulentum, & populolum; & quod magis mirere à ſexaginta populis Galliarum iam electum ad communes conuentus celebrandos: Non ita creſcunt cæteræ vrbes, nulla dum naſcitur magna eſt; Roma ipſa prius infantiam ſenſit quam adoleſcentiam, & prius ætatem iuuenem quam virilem: Lugdunum ſimul vrbs, ſimul emporium, & Argyrocopium fuit.

Idem Strabo eodem libro duplex conſilium aperit cur Lugdunum Romani duobus fluuijs incluſerint; primũ vt eſſet inſtar arcis aduerſus fluxam, & labilem, & nondum ſatis firmatam Gallorum fidem; deinde vt Lugduno quali emporio vterentur; nam & illis, inquit, magno uſui Lugdunum emporium eſt.

Quale verò emporium eſſet, declarat Honorij, & Theodoſij conſtitutio penè his verbis, nondum aperta per Gades Oceani Septentrionalis circumnauigatione, merces ad urbem Arelatenſem ex Hiſpania, Africa, atque ab ipſo Oriente deuehebantur, quæ deinde per Rhodanum nauigijs Lugdunum uſque perlatæ, inde per Ararim, & dubim ad Heluetios, & vtramque Germaniam, & terreſtri itinere ad Sequanam tranſuectæ, ad Caletes, Lexouios, ipſumque Oceanum deferrebantur. Vides, Alexi, quale emporium Lugdunum eſſet, ſcilicet centrum Galliæ & Europæ, centrum maris vtriuſque, & penè orbis, centrum diuitiarum, & omnium mercium,

Nec

Nec deerant Magistratus qui commercijs præessent, & mercatoribus, ac mercibus ius dicerent; omitto Magistratus communes, & singulares aliquos commemoro, Allectores, Patroni Nautarum Araricorum, & Rhodanicorum, supremi curatores, & minores; quænam autem essent eorum Magistratuum officia collige ex sequentibus inscriptionibus.

L. Beso superiori

Viromando Q. R.

Omnibus honoribus apud suos functo,

Patrono Nautarum Araricorum, & Rhodanicorum;

Patrono Danicorum, Patrono Condi.

Consistentium Allectaria Galliarum

Ob Allecturam fideliter administratam

Tres Provincia Galliarum.

Altera inscriptio sic habet.

L. Heluio . L. Filio:

Voltin. Frugi,

Curatori Nautarum

Bis IIVR. Viennensium

Patrono Rhodanic. & Arar.

NR. Modo. & Araris.

Tertia minus integris caracteribus.

Sex. Ligurinus . Sex. F.

Galeria Marinus

Summus Curator C.R.

Prouinc. Lugd. &c.

ALEXIS. Dixisti Ariste, erudita de Emporio Lugdunensi ingeniosa res planè, & fructuosa commercium, ex omnibus vrbi-
bus urbem vnã, ex omnibus Gentibus vnã gentem, ex orbe
vniuerso communem omnibus patriam fecit: per illud Africa,
intra Asiam, vtraque intra Europam, Europa intra Galliam, &
Gallia intra Lugdunum est. Per illud quidquid alibi nascitur in-
tra nos venit; atque vt loquitur Honorij, & Theodosij constitutio
per illud quidquid diues Oriens, quidquid odoratus Arabs, quid-
quid delicatus Assyrius; quod Africa fertilis, quod speciosa His-
pania, quod Italia potest habere præclarum, ita apud nos assatim
exuberat, quasi hic nascantur omnia quæ vbique constat esse
magnifica.

310
DISSERTATIO SEPTIMA
ARGYROCOPIVM.

ARISTVS. Controuersa res est pecunia, de qua affirmare nescias an plus commodi afferat, an plus mali; hæc orbem terrarum emit, & vendit; hæc paucos diuites facit, & multos inopes: hæc origo malorum est nec est mala; hæc radix bonorum est, nec est bona, hæc inter bonum & malum media, neutrum excludit, & vtrumque participat; hæc pretia rebus imponit, & est vilior; hæc gemmas æstimat, nec est pulchrior; hæc instar fluuij dum tenetur fluit, dum possidetur perit, dum blanditur fallit; hæc Lugdunum fecit, hanc Lugdunum; hæc problema est, de qua asserere vix audeas, an plus Lugduni commodi attulerit, an plus boni,

Et quidem sine aliqua pecunia commercium stare non potest, quæ commercij anima est; at steterat diu cum pecunia ærea, & stare poterat sine argentea, & aurea: Populus Romanus, ait Plinius l. 33. c. 3. ne argento quidem signato ante Pyrrhum Regem deuictum vsus est, Seruius Rex primus signauit æs, antea rudis vsus erat; signabatur nota pecudum, inde pecuniz nomen. Argentum signatum est anno vrbis D. LXXX. Q. Fabio Coss. quinque annis ante bellum punicum; aureus nummus sexaginta & duobus annis ferius quam argenteus percussus est, & vterque in damnum suum, & nostrum maturius.

De Argyrocopio Lugdunensi duo dico, an extiterit Lugduni, & quæ eius causa fuerit.

Extitisse Lugduni probat Budæus l. 4. de Asse: Lugduni, inquit; Argyrocopium erat Romani imperij, assert Strabonem testem qui l. 4. hæc habet, Lugdunum in colle conditum, vbi Arar amnis Rhodano commiscetur, Romano tenetur imperio; ibi Romani Duces aureum numisma argenteumque signant.

Placet addere argenteum testem, nummum scilicet, quem statim post coloniam conditam percussum Lugduni, eruditi probant ex hac Epigraphe.

Ans. II. Vir R. P. C. A. XL. ex aduersa nummi parte Lugduni cum Leonis effigie.

Antonius iste alius esse non potest, nisi Triumvir, cui Gallia contigit in partitione Prouinciæ, quam iniuit anno V. C. 712. teste Dione, vnde biennio post depulsus est armis Augusti;

Quare

Quare eo triennio quo Gallias tenuit, necesse est excusum fuisse nummum istum: Non bene autem in ijs literis, A. XL. legit Lipsius à populis quadraginta, neque enim nummi à populis, sed à Præsidibus Prouinciarum cudebantur: deinde Conuentus Lugdunensis erat sexaginta populorum non quadraginta; nec melius alij annum deductæ coloniz designari putant, quæ a quadriennio tantum condita erat; cum enim nummum conditum oportet eo triennio quo Gallias tenuit, cui triennio si addas annum Planci efficies quadriennium; valor igitur nummi designatur, scilicet assium quadraginta, & sic legi debet inscriptio.

Antonius Triumvir reipublica constituenda assium quadraginta.

ALEXIS. Subsiste tantisper, Ariste, & audi quid ex eo nummo inferam, igitur Lugdunum adhuc quadrienne iam opulentum, & populosum fuit, at nemo nascitur magnus, ipse Leo dum in lucem exit Leunculus est: attende quid aliud inferam, igitur Lugdunum reparauit Plancus non condidit; inuenit æreum, & argenteum fecit, ac aureum.

ARISTVS. Ob eas rationes, & alias in prima Epistola Historica allatas vtramque opinionem de ortu Lugduni problema esse dixi, neutram damnaui.

Habes igitur, Alexi, Argyrocopium Lugduni à Romanis constitutum; si causas quæris, vnam assignat Alexand. ab Alex. l. 4. c. 24. Lugduni, inquit, Imperatores Romani argentum, aurum, & omne monetæ genus signare consueuerunt; siue quod prompta ibi ad cudendum metalli copia foret; seu quod difficilis locus ad confluentes Araris & Rhodani esse censeretur, & iniustæ violentiæ minus obnoxius.

Alteram rationem affert Strabo l. 4. ob summam opportunitatem ad pecuniæ transuersionem per orbem quaquauerfum, scilicet hic locus congregat omnes populos, & quantum fieri potest, ex omnibus gentibus gentem vnam facit.

Claudo colloquium, & te hac tessera dono. Sapientior erat ætas primæua quam nostra, aurea erant sæcula dum nesciebant aurum; cœperunt esse ferrea dum amarunt argentum; & tamen nobilior erat pecunia ex pecude quam ex ære; vtilius æs erat quam aurum, & melius pecude signabatur quam Ioue: cur retinuimus pecuniæ nomen non vsum? cur scrutamur viscera terræ vt inde eruamus metalla quæ mallent occulta esse quam publica? cur violamus communem parentem? cur non reueremur

nisi in destinatis locis; atq; hæc loca Athenæa sūt siue Gymnasia.

Primi sapientiæ Magistri apud Gallos, & Lugdunenses fuere Samothei, & Saronidæ; illi Theologiam, isti Philosophiam docuere: vtrique scientias acceperant à Samothe & Gomere, ab Auo Iapeto, & Noemo Proauo; neque ea nomina Græca sunt sed Hebræa, vt sciant Græci, prius apud nos fuisse veras scientias quam apud illos fabulosas.

Ne fabulari me putes, audi Diodorum Siculum l. 6. sunt, inquit, apud Celtas Theologi & Philosophi quos vocāt Sarronidas, qui præcipuè ab eis coluntur; nam moris est apud eos, nullum absque Philosopho sacrificium facere; existimāt enim per diuinæ naturæ conscios sacra fieri oportere, tanquā dijs propinquiores: horum intercessione bona à dijs censent petenda, quorū consilio, bello & pace fruuntur, & quos idcirco habent quali Semideos.

Successu temporis, Samothei & Sarronidæ communi nomine Druydes appellari cœpere; scilicet illustrior Druydum virtus ceteras sectas suppressit, & nomina ipsa: ac velut Aquilæ penna cæteras animum plumas absumit, sic Druydum fama cæteras Doctorum sectas, & Scholas.

Neque nomen Druydum Græcum est sed Gallicum, à Druyo Gomere, & Iapeti nepote sapientissimo; neque affinitas nominis cum voce Græca aliquid probat, alioqui confunderentur populi, miscerentur nationes, & Græcia ipsa ab Ægyptijs, aut aliunde veniret, si vocum similitudo esset origo nationum.

Quinam autem, & quales Druydes fuerint, nemo certius scripsit quam Iulius Cæsar qui eos in Gallijs vidit, & pene coluit; audi magnum testem l. 6. de Bell. Gall. Druydes inquit diuinis rebus intersunt, sacrificia publica, & priuata procurant, religiones interpretantur: Ad hos magnus adolescentium numerus disciplinæ causa concurrit; magnoque ij sunt apud eos honore, nam ferè de omnibus controuersijs publicis, priuatisque constituunt; si quis aut priuatus, aut populus eorum decretis non stetit, sacrificijs interdicunt, hæc pœna apud eos est grauissima. Addit Cæsar: Druydibus omnibus præest vnus, qui summam inter eos habet auctoritatem, hoc mortuo si quis ex reliquis excellit dignitate, succedit; & si sint plures pares, suffragio Druydum adlegitur; nonnumquam etiam de principatu armis contendunt: Addit Cæsar, tantis excitati præmijs & sua sponte multi in disciplinam conueniunt, & à parentibus, propinquisque mittuntur; magnum ibi versum numerum ediscere dicuntur; itaque nonnulli annos videnos in disciplina permanent, &c. Denique Druydes iustissimi omnium opinione creduntur; ne.

neque aliquid siue in bello, siue in pace sine ijs geritur :

Ex eo Cæsaris testimonio habes magnum fuisse auditorum numerum, auget eum numerum Pomponius Mela l. 3. c. 3. Docent, inquit, multa nobilissimos Gentis; scilicet nemo nobilis censebatur, si esset ignarus, hoc erat geminum discrimen à plebe, nobilitas, & doctrina: nec tamen solis nobilibus licebat eruditus esse; attollebant se aliquando à plebe ingenia, & mutata conditione transibant in ordinem nobilium, & gradum Druidum.

Habes ab eodem teste varium fuisse tempus disciplinæ, pro ingeniorum varietate; nonnulli, ait Cæsar vicienos annos in disciplina permanent: hi fortè magisterium ambiunt; alij doctrinam delibant, atque ij malunt discere quàm docere, & satagunt sapere sibi, non alijs.

Habes denique methodum doctrinæ, quæ erat docere & discere magnum numerum versuum: scilicet, ait Cæsar nefas existimabant mysteria doctrinæ suæ literis mandare; idque duabus de causis instituisse videntur, quod neque in vulgum disciplinam efferri velint, neque eos qui discunt, literis confisos minus memoriæ studere quod ferè plerisque accidit.

Audio te etiam tacentem, Alexi, hæc, inquis, videntur clara, sed duo supersunt adhuc obscura, locus lectionum, & situs Athenæ Lugdunensis.

Subtiliter obijcis, & fateor non facilem esse dubitationis tuæ solutionem. An enim primis temporibus gymnasia extiterint controuersum est inter eruditos; existimant aliqui præcis illis sæculis vix alias fuisse scholas præter familias; iidem erant parentes & magistri, iidem liberi & discipuli, domestica erat doctrina, & disciplina; & quibus filij debebant vitam, iisdem sapientiam ferebant acceptam: Illustre enim uero scholarum genus, nisi familiæ munus docendi nimis familiare fecisset: mollior est affectus matris quam ut magistra esse possit, nec facile Pater exercet officium iudicis cum affectu Patris.

Propterea affirmant magni Authores. Sarronidas, & Druides extra domos, & vrbes gymnasia statuisse in specubus; aut in abditis saltibus, vel etiam in fastigijs montium, & locis sacris; ut ibidem haberent & magistros homines, & Deos doctores: inde ille mons Druidum apud Heduos de quo latè disputat ex Budæo Cassianus p. 12. conf. 60.

Inde ille vicus Druidum apud Lugdunenses trans Rhodanum, inde ille nobilis Lucus intra Ararin & Rhodanum, ibi olim Drui-
dum

dum sedes erat, ibi iuventutis confluvium ad confluentem duorum fluviorum tibi olim Athenæum Gallicum erat; ibi diù postea Athenæum Græcum, ibi deinde Athenæum Romanum fuit; & nunc vbi Athenæum eruditionis erat, ibi est pietatis Athenæum.

Ne diuinare me putes mecum sentit Illustrissimus, & eruditissimus Claudius Bellicuræus Protopræses Gratianopolitanus: fauet nomen Pagi ex Visco desumptum, quod ut ait Plinius l. 16. c. 44. copiosissimum ex quercu nascitur, quod Dryos Hyphear vocant: nec levis momenti est probatio deducta ex nomine, quod ut aiebat ille, clavis est ut rerum naturas referet, radius ut illustret, character ut signet.

Addit vir eruditus Morinus Pierchamus nobilem olim sylvam insulæ Barbaræ, Nemus Benzæum, & lacum Sapiniacum, domicilia Druydum, & studiosæ iuventutis gymnasia fuisse: nec melius institui Academix poterant quam in sylvis, vbi nihil interpellat studentes, & omnia adiuuant, vbi nihil est nisi silentium auditoris, vox magistri, & Echo sermonis.

Audio te, Alexi, adhuc submurmurantem liquere quidem ex ijs omnibus non debere Galliam scientias, & scholas Græciæ, at nondum satis constare quid Græcia debeat Galliæ: recte mones, Alexi, id penè omiseram, quod tamen est alterum controuersix momentum. Cassianus parte 12. Catalogi gloriæ mundi cons. 12. Clarum est, inquit, apud Samotheos, Sarronydas, Druydes, Bardos, literarum, & Philosophiæ magnum mare fuisse solis primum Gallis nauigabile, deinde in totum orbem terrarum exundasse; & ne Cassianæ phrasin hanc esse dicas, Diogenes Laertius in principio de vita Philosophorum, hæc habet; Philosophiam à Barbaris initia sumpsisse complures auctores affirmant; constat enim apud Persas claruisse Magos, apud Assyrios Chaldæos, apud Indos Gymnosophistas, apud Gallos Druydas, & Samotheos, qui teste Aristotele diuini, atque humani iuris peritissimi; Samothei à Religione appellati sunt.

Urgeo argumentum, & te, Alexi auctoritatibus, conuincio, & rationibus. Debet Græcia scientias Galliæ si debet characteres; audi Annium Viterbium, Cadmus, inquit eius nominis quintus paulò ante ruinam Troiæ rediens ex Phœnicia retulit in Græciam sexdecim literas, non Phœnicias, sed characteribus Galatarum (ita appellat Gallos) persimiles. Expende hæc verba Alexi, attulit in Græciam ante ruinam Troiæ, igitur non acceperunt ex Græcia Galli characteres suos, sed donarunt; dum igitur legis
apud

apud Cæsarem lib. 6. Gallos literis Græcis vti solitos, appellat Cæsar characteres Græcos, quia ijs quoque Græci utebantur, sed alienis non proprijs, sed aliunde acceptis, non à se inuentis.

Ijs caracteribus Druydes scribebant fortia heroum suorum facinora, ijs componebant versus heroicos: eos versus tradebant scholasticis memoriter addiscendos, eos deniq; ad Lyram & Citharam in Athenjs canebant. Atq; vtinam superessent ij Druydũ libri, superaret hæc historia Græcorũ fabulas, & miraretur hodieq; orbis plures habuisse Galliã heroes veros, quã Græciã fabulosos.

Ex ijs omnibus habes, Alexi sapuisse Galliam ante Græciam, extitisse Athenæum Lugduni antequam esset Athenis, & debere Græciam scientias Gallię, non Galliam Græcię.

Claudio Epistolam imagine Samothei, quã postulasti, figura est procera supra humanum modum, & talis ac tantus esse debet Samotheus, idest Semideus; caput velo obductum vides, patere rota non debet Maiestas Deo proxima: barba bifida est, impexa, & ad vmbilicum vsque decidua, hæc quoque est maiestatis nota; nudis pedibus terram attingit, hac sola sui parte mortalem se credit; manu librum gestat sapientię argumentum; dextra baculum, quasi sceptrum; humeris Manticam vacuam, & sapientię plenam; austerus vultus vt iuuentutem solo aspectu continerit; oculi alta meditatione in terram defixi, vt negotiosum animum ostendant, etiam dum nihil agit: denique penè esset religiosus habitus si posset esse vera religio sub falso Deo.

DISSERTATIO NONA ATHENÆVM GRÆCVM.

RESCRIBIS ad me, Alexi, fateri te fuisse Lugduni ante aduentum Græcorum Athenæum Gallicum, & quæris quando inceperit Græcum, & quale fuerit. Quæris à me quod docere posses, simulas te nescire dum interrogas, probas te eruditum dum dubitas, & penè affirmas dum negas.

Respondeo quæstionibus tuis, non vt doceam quod ipse nosti, sed ne id taceam quod à me quæris. Ac primùm eosdem natales habuisse videtur Athenæum Græcum Lugdunense, quos habuit Massiliense, Phocenses, inquit Morinus Pierchamus, libello de origine vrbs Lugdunensis, Massilia ad regionem Lugdunensium deuecti, oppidum extruxerunt, quod vocarunt Athenopolim, quo etiam nomine Massiliam recens à se conditam affecerant.

Addit Illustrissimus Claudius Bellicuręus ibidem Academicam
ex-

extruxisse quam Athenarum, id est, Palladis ædem appellarunt.

Alteram opinionem affert Raymundus Solerius, scilicet, appulso commercij causa ad insulam Gallicanam Rhodios, Atheniensibus, Cretensibus, & Phocensibus iunctos, opportunitate loci allectos Academiam extruxisse, quam Athenarum appellarum, urbem verò Rhodiam, & flumen Rhodanum. Mauult tamen Solerius ortum Lugduni ostingentis annis antiquiorē esse Roma, & ducētis Lutetia.

Ita illi de ortu Lugduni, & Athenæ? At ego neq; Lugdunum, neque Athenarum à Græcis conditum puto; admissi sunt in Academiam à Druidibus Græci, non à Græcis Galli, excepti sunt ut hospites, non ut Authores, ut socij non ut Magistri: atque ex ea societate manauit nomen Athenæ Græci, imposuit hoc nomen vanitas Græcorum, & admisit vrbalitas Druidum. Audi Christophorum Millæum libello de primordijs vrbis Lugdunensis, nulla erat pars Gallia, quæ non haberet suos Druides Philosophos; non deerant igitur doctores Lugduno, nec deerant discipuli vbi abundabant Magistri; nec deerat Lugduni locus Academicus, vbi erat nobilis ad confluentem duorum fluminum locus. Quin etiam simile vero est ante Athenæ nomen, Academiam Lugdunensem Palladi, seu Mineræ iam fuisse sacram: colebant Deam illam Galli ante Græcos; neque igitur à Græcis scientias acceperunt, nec scientiarum Deam.

Habes Alexi ortum Athenæ, vis nosse quale tunc fuerit; tale erat ut migrasse Lugdunum Athenæ videantur; neque vna tantum Lugduni Athenæ erant; elegantia Græca addita Gallicæ geminas Athenas efficiebat; ipsa quoque Minerua gemina erat, induxerant Atticam Græci, Gallicam inuenere: fallor duæ vnus Dæ statua erant, & neutra Dea.

Tunc quoq; pulchrū doctrinæ certamen institutum est, studebāt Galli linguæ Græcæ, & Græci Gallicæ; docebantur Druides delicias atticas, & docebāt Gallicas; mutuum Magisterium erat, & alterna disciplina: atq; ut erant magna vtrinq; ingenia, breui triū linguarum Gallicæ, Græcæ, & Latinæ iidem fuere trilingues Magistri, & trilingues discipuli; nec multò post ad eò inter Græcos, & Gallos amicitia coaluit, ut natio vna videretur esse, non gemina.

Ac vide quales Magistri ex Athenæ Lugdunensi prodierint ex innumeris aliquos producos; primus eito Lucius Plotius qui Reticā primus docuit, Cicerone adhuc puero, & discipulo; hūc laudat ipse Cicero pro Archia Poeta; eiisdē meminit Seneca; eundē magni æstimat Fabius magnorū virorū æstimator magnificus expēde Alexi gloriam Athenæ Lugdunensis, dedit Romæ primū Rhetorem,

rem,

rem, & Cicéroni primum præceptorem; qualem & quantum virum oportuit esse Plotium, qui Romam eloquentem fecit, & Ciceronis, hoc est eloquentiæ ipsius primus Magister fuit.

Alter est Marcus Antonius Gniphio, patria Gallus, & Lugdunensis Athenæi nobilis alumnus; hic, ait Suetonius magni ingenij, & memoriæ singularis, nec minus Græcè quam Latine eruditus, docuit primum in domo Diui Iulij adhuc pueri; deinde suis in ædibus aperuit Rhetoricæ scholam: audierunt illum clarissimi viri; in ijs Marcus Tullius etiam cum Prætura fungere-
retur: Quæso Alexi vter nobilior Orator an Cicero qui docetur, an Gniphio qui docet?

Tertius esto Valerius Cato, Lugdunensem fuisse probat inscriptio, quæ adhuc extat apud Ansam, & ne laudari tantum putes in lapide; laudat illum Suetonius l. de Illustribus Grammaticis. At non ille tantum Grammaticus sed Orator, & Magister Oratorum fuit.

Quartus sit Tatianus, cuius elogium scripsit his versibus Ausonius.

*Æsopiam trimetriam,
Quam vertit exili stylo,
Pedestre concinnans opus,
Fandi Titianus artifex.*

Appellat illum Capitolinus Simiam sui temporis, quod omnia esset imitatus; scripsit ille multa, nec verbo tantum sed stylo eloquens fuit.

Implevit breui Europam fama Athenæi Lugdunensis, eaque tam alta, & lata fuit, vt ad illud candidati sapientiæ toto penè ex orbe confluerent; nec minus verè de Athenæo Lugdunensi, quam de Massiliensi Academia dicere licuit cum Scrabone; eloquentia & Philosophia publicè illic docebatur, & Romani neglectis Athenis eò ad disciplinas capessendas confluebant; nec magis Lugdunum bonarum mercium quam scientiarum commune orbis emporium erat.

Ex ijs vides Alexi, quam illustre fuerit Athenæum Lugdunense, & quam antiquum, inuenit illud institutum Plancus, non instituit; dum tamen illud reparauit, vel auxit; reparator Athenæi, & fundator Lugduni dici meruit.

Claudio Epistolam Elogio Græcorum, ne illis subiraçum me putes, nulla gens est similior indoli Gallicæ, si vanitatem gentis excipias; elegantis ingenij sunt, & amœni; nobilis naturæ & generosæ, subtilis linguæ & argutæ; penè illis natura pro arte est,
& pç.

& penè virtus pro indole ; mercebantur inter populos secundas palmas , nisi ambiuissent primas : emendauit ingenium Græcum indoles Gallica ; correxit Athenas Athenæum Lugdunense ; collegit virtutes non errores , & repræsentauit decora gentis non vitia .

DISSERTATIO DECIMA

ATHÆNEVM ROMANVM.

ARISTVS . Dixi Athenæum Gallicum , & Græcum , quæris quale fuerit Romanum , & quænam decantata illa ad Aram Lugdunensem præmia , & supplicia .

Ambitiosus sane populus Romanus , qui post vſurpata omnium iura regnorum , adhuc regnandi audius vſurpare voluit imperium ſcientiarum ; nec dominum ſe putauit niſi in ingenia dominium haberet , nædum in corpora : propterea ornauit antiquas academias , & addidit nouas : in ijs doceri linguam Latinam magnis præmijs voluit , & grauibus pœnis ; vt vbicunque regnabat lingua Romana , ibi regnaret Roma .

Inuenere Romani Athenæum iam conditum , & forte Lugdunum ; ornarunt inuentum , atque vt eius authores dici poſſent , nomen Athenæi ad cæteras Academias extenderunt .

Addiderunt Romani Athenæo ædes Auguſti , vt eſſet auguſtius : extruxerunt templum & aram vt eſſet ſanctius ; inſtituerunt certamina & ludos , vt eſſet amœnius : propoſuerunt præmia , & pœnas , vt eſſet illuſtrius ; eò denique gloriæ euexerunt vt Cæſares ipſi , vincere in ijs ludis glorioſum putarent , & vinci inglorium . Iulius Capitolinus in tribus Gordianis , ait ſeniorẽ Gordianum declamaſſe in Athenæo audientibus etiam Imperatoribus ſuis . De Caligula Suetonius , edidit inquit in Gallia Lugduni miſcellos ludos , & certamen quoque græcæ , latinæque facundiæ ; imo ipſe Imperator in arenam deſcendit , & vinci poterat , ſi ſine ſcep̄ro veniſſet .

Quinam autem eſſent ij ludi miſcelli , diſputant eruditi : Ego cum erudiſſimo Petro de Marca , ludos miſcellos ita appellatos ſentio , quod varij ludi miſcerentur , ſcilicet luſta , pugilatus , e-
quorum curſus , muſica , & præcipuè certamen græcæ , latinæque

que lingæ: scilicet Romani vt allicerent iuuentutem ad studia, studium appellabant ludum; vt nemo excluderetur à ludo miscebant omne genus ludorum, & ludos appellabant miscellos.

Audi consilium subtilius, vt fallerent orbem terrarum occupabant ludicris artibus; vt dedocerent Martem docebant Apollinem; vt excluderent Bellonam, proponebant inermem Mineruam; vt emollirent feroces Gallorum animos, temperabant Musis, & corrumpebant delicijs.

Detexit consilium, apud Tacitum Iulius Sacrouir, atque vt artem arte falleret, nobilissimam Galliarum sobolem liberalibus studijs apud Heduos suos operantem ibi detinuit; eoque pignore, & Parentes, & propinquos adiunxit partibus suis; & Romanis subduxit. Hic igitur finis, hic scopus municipalium scholarum, allicere Gallicam iuuentutem, vt alliceretur senectus: erudire Parentes in liberis, & persuadere Cæsarem dum Cicero doceretur: nimirum insinuabat se Roma cum lingua, & Galli docebantur parere Gallicè, dum ediscebant loqui Latinè. O nimis ingeniosi, & parum astuti Galli! cœpistis esse serui, cum voluistis esse Latinè eruditi, eratis liberi si nec Gallia Romam didicisset, nec Roma Galliam; nec debuistis intelligere Romanos, nec à Romanis intelligi.

Vt alliceretur iuuentus proponebatur præmium victori, & pœna victo; hæc erat pars altera quæstionis tuæ; concurrebant vndique celeberrimi Oratores, & Poetæ; nec Galli tantum, sed Romani, & Græci; & erat Lugdunum Emporium Europæ, & Athenæum sapientiæ.

Certabatur interea scripto, & verbo, pallebat vterque dicturus ad Aram Lugdunensem, & victor futurus, & vincendus; dubitabat victor futurus an vincere posset, & vincendus futuri præfagus, antequam vinceretur, penè iam erat victus.

Quænam autem pœna infligeretur victo non satis constat; an victoribus dabatur ius vitæ, & necis in victos? id affirmant aliqui; at hæc pœna crudelis est, & Martem, ac Bellonam sapit, non Apollinem, & Mineruam: an circumducebatur victus circa gymnasium tertio circuitu, & inter eundem, ac redeundum ferulis, ac virgis cædebatur? ita asserunt aliqui, at hæc quoque pœna sonituum est, non de doctrina certantium; Similius vero est, quod in Caligula habet Suetonius, qui præmia victoribus conferebant, eorum, & laudes componere coacti; ij autem qui maximè displicuissent, scripta sua tabulis ceratis, vel corticibus arborum, vel

papyro commissa, spongia linguaue delere iussi; nisi ferulis obiurgari, aut flumine proximo mergi maluissent; nec mirum si palleret dicturus ad Aram Lugdunensem, quis non palleret ad ferulas, ad aquam, ad linguam, & sponglam?

Hæc pœna victi, at quænam erat corona victoris? an laurus, an gemma, an aurum? at hæc ingenio minora sunt, nec nobilior aumi corona esse potest quam gloria; cæteræ res frontem coronant hæc mentem; nec deerat tamen victoribus sua corona, eaque tergemina, prima conferebatur à victis, ait Suetonius, altera ab Agonotheta post sententiam indicis; tertia fortassis gloriosior, laus erat victoris à victo; nec dubium est quin illa laus vera esset, quæ ab æmulo, & penè ab hoste veniebat.

Vt plus dedecoris haberet pœna, & palma plus laudis, putat eruditissimus Petrus de Marca recitationes istas fieri solitos in auditorio suis gradibus, subsellis, Anabathris, & Orchestra instructo intra ædes Augusti; spectare credebatur Augustus ex statua, & sexaginta Gallorum dij ex imaginibus suis obiurgare videbantur victos, & laudare victores.

Mauult Rubysius ex aduersa parte templi Augusti fuisse Aethnæum, & inter vtrumque Pyramidem sexaginta populorum insignibus ornatam, atque in Athenæo fieri solitos conuentus priuatos, in atrio & propatulo publicos, quibus etiam præferebatur in imagine Minerua, vt constat ex inscriptione, LVGDVNENSI MINERVAE IMAGINIFERO; Illustre sane spectaculum, in quo spectatores sexaginta populi, & populorum dij, Augustus Præses, & Minerua iudex.

Hæc omnia ad confluentem Araris, & Rhodani fieri solita; probat allatus Suetonij locus: victis, inquit, præmia victoribus conferebant, eorum, & laudes componere coacti; ij autem qui maximè displicuissent, scripta sua spongia, linguaue delere iussi, nisi ferulis obiurgari, aut flumine proximo mergi maluissent: vides confluentem, dum vides proximum vtrumque flumen.

Neque indignum est hoc loco antiquum carmen, quod ex Bibliotheca Francisci Iureti Rubysius profert, & post eum Claudius Robertus in sua Gallia Christiana, tit. de Archiepiscopis Lugdunensibus.

*Fama refert populum, quod dignis artibus esset;
Clarior, & doctis vrbs benè culta viris:
Marmore candenti niueum posuisse theatrum,
Hic ubi se flumen miscet vtrumque simul.*

*Palladis ara Dea medio stetit orbe theatri,
Mira canam, quamvis Numina posse putes.
Palladis intacta Rhetor dicturus ad Aram
Palluit, & stupido protinus ore fuit.
Ipse licet Cicero Diva simulacra petisset,
Ante Dea scenam corde tremante foret.*

Spectasti ludos Alexi, & penè lufisti; at quænam illa calliditas Romanorum, & Gallorum facilitas? procurat Roma ludos populis quos vicit, & victis illudit: ludunt miseri vt oblectent victores suos, & ludendo probant se victos: pugnant iterum vincendi non à Romanis, sed à seipsis: laudant victores suos lingua Romana, quos accusare oporterat lingua Gallica; probant se eruditos Latinè, & imperitos Gallicè, eduntur interea ludi impensis Romanis de spolijs Gallicis: liberales sunt editores sumptibus nostris, & Roma pauper olim de suo, magnifica est de ære nostro. O calliditatem Romanam, & simplicitatem Gallicam! adeone cæci estis Galli, vt ludentibus Romanis ludus sitis? annum satis est esse captivos, nisi etiam catenas vestras rideatis? deploranda esset captivitas vestra non laudanda; bis estis infelices, dum de infelicitate luditis.

DISSERTATIO VNDECIMA

AN LVGDVNVM COLONIA ROMANA.

ORIVNDVS à Gallis Proavis, Alexi, adhuc nasci velles à Romanis; scilicet gloriosum putas Romanum sanguinem, & te aut Marcellum, aut Catonem putares si venires ab hoc sanguine: irrisit tamen Aruernos Lucanus eo nomine.

*Arvernique ausi Latios se dicere fratres
Sanguine ab Iliaco, populi nimumque rebelles.*

Apellare debuit fortes qui libertatem suam tuerentur, non rebelles qui excuterent servitutem. Vide ne in te hic quoque risus cadat: facio te tamen Romanum quia ita vis, atque vt illustrior sit origo tua, erit Romana, & Gallica.

Duplicis generis colonos Roma habuit, vt notavit Asconius, quibusdam urbibus, vel antiquis, vel de nouo conditis dabatur ius Coloniarum, nullis eò deductis ciuibus, & tantum deductis legibus;

bus;mutabantur leges non homines; exuebantur vrbes antiquis privilegijs, & donabantur nouis;concedebantur illustres tituli, sed vacui: licebat ambire Magistratus Romanos, & emere: & fiebat sæpe post empta Romana, vt qui apud suos nobiles erant, Romæ essent ignobiles.

Aliæ Coloniae fiebant deductiones Ciuum Romanorum, qui ciuitatem Soli, aut veteribus incolis adiunctis constituebant; hoc genus Coloniae nobilius appellat Asconius; atque huiusmodi Coloniam deduxit Plancus, vt constat ex veteri epigraphæ marmori albo incisa Caietæ in æde Saturni.

L. Munatius L.F.L.N.L. Pron. Plancus Cos.

Ex Rhetis, ædem Saturni fecit de manubijs

Cos. Imp. Iter. VII. Epul. Triumph.

Agros diuisit in Italia Beneuenti, in Galliam

Colonias deduxit Lugdunum, & Rauricam.

Idest Lucius Munatius Lucij Filius, Lucij Nepos, Lucij Pronepos, Plancus Consul, ex Rhetis ædem Saturni fecit de manubijs, Consul Imperator, iterum septemuir, Epulo Triumphator, agros diuisit in Italia Beneuenti, in Galliam Colonias deduxit Lugdunum, & Rauricam.

Vides nomen Coloniae, & Lugduni insculptum marmori ne de re dubites: neque dicas lapidem loqui, veriùs loquuntur lapides quam linguæ; nescit mentiri natura dum pura est, qualis in lapide.

Accipe tamen testimonium viri Consularis, cui de Senatu, & actis Consularibus mentiri non licuit. Is est Dio clarissimus historicus lib.46. Senatus inquit iussit illis, idest Lepido, & Planco, vt ijs qui quondam Vienna Prouinciæ Narbonensis oppido ab Allobrogibus erant expulsi, & intra fluuios Rhodanum, & Ararin ad eorum confluentes confederant, vim conderent; atque ita illi subsistentes, Lugdunum quod olim Lugdunum vocatum fuit ædificarunt.

Vides, Ariste, decretum Senatus, quod Plancus executus est Lepido in Italiam reuerso: vides conditum à Planco Lugdunum, & factum Romanorum Coloniam; vides ante Lugdunum fuisse olim Lugdunum: igitur Plancus magis est reparator Lugduni quam author.

Deductam autem fuisse Coloniam Ciuum Romanorum, nec tantum legum colligere licet ex Strabone lib.4. extremo, vbi ait idcirco Lugdunum à Romanis conditum, vt esset propugnaculum duobus fluuijs quasi vallis munitum, aduersus labilem, & fluxam,

& nondum satis firmatam Gallorum fidem : ex eo testimonio sic arguere licet, timebatur labilis, & fluxa, & nondum satis firmata Gallorum fides; igitur noua Colonia solis ciuibus Gallis credenda non erat; igitur admixti sunt Gallis indigenis Coloni Romani. Illud etiam obiter obserua, si Lugdunum duobus fluuijs quasi muris inclusum est; igitur non in monte tantum, sed in plano conditum est.

Inuenit Lugdunum Coloniam Romanam Claudius Imperator, & nouis ciuibus Romanis additis bis Romanam fecit: probat hanc mixturam ciuium cognomen Claudiae ciuitatis, quod designatur his literis.

C.C.C. Aug. Lug. idest, vt legunt Scaliger, & Lipsius Colonia Copia, Claudia, Augusta Lugdunensium: male autem Paradinus, & Rubysius de trecentis Auguribus interpretantur; nec bene alij de trecentis Augustalibus, sic Ciuitas Agrippinensium his literis designata est. C.C. Aug. Agripp. idest Ciuitas Claudia, Augusta Agrippinensium. Sic vrbs Hadrumetina donata iure Coloniae à Traiano ob sedatas oppidanorum seditiones dicta est Concordia, his literis. C. C. VLP. TRAI. AVG. FRVG. HADRVN. idest Colonia Concordia Vlpia, Traiana, Augusta, Frugifera, Hadrumetina. Redeo ad Lugdunum, fecerat Plancus Coloniam copiosam, fecit Claudius copiam.

Claudio Epistolam admiratione Romana: Qualis Ciuitas Roma! quæ omnes Prouincias impleuit Romanis ciuibus; instar miraculi est victum orbem terrarum à Romanis militibus, maius miraculum est impletum Romanis ciuibus: impleuit vrbs vna, omnes vrbes, nulla penè ciuitas est vbi non sint Romani ciues, nulla Prouincia vbi non sit Roma.

DISSERTATIO DVODECIMA

AN LVGDVNVM COLONIA VIENNENSIVM.

AMA s nobilitatem, Ariste, & Gallus & Romanus, adhuc Viennensis esse velles: oriundus ex duabus gentibus optas tertiam, & quartam optares, & decimam si liceret. Hanc ego nobilitatem assero tibi, & te trilinguem hac Epistola facio, & trilinguem.

Cum Gallis, & Romanis Colonis Viennenses Lugduni Roma-
mis-

miscuerit duplex ferè ratio Senatui, & Planco fuit. Necessaria erat rebus Romanis noua Colonia, quæ vt aiebat Strabo debilem adhuc Gallorum fidem firmaret; & Lugdunum orbis terrarum emporium faceret: nec tamen Lugdunum solis Romanis ciuibus impleri oportebat: nec Roma tot incolæ sufficere poterat. quæ post victum orbem terrarum vicerat seipsam, & media sui, parte decreuerat.

Iulius Cæsar trecenta, & viginti hominum millia varijs belli consumpserat, Pompeius non minorem hominum numerum in varia præsidia per orbem sparserat, bellum ciuile Prouincias partitum penè orbem, & urbem exhauferat: in ea ciuium penuria Augustus viginti, & octo Colonias exterarum gentium in Italiâ deduxerat; serui, & liberti in supplementum Senatus admissi erant: Ex quibus omnibus sic arguere licet; eo tempore Roma ciues Romanos in exterâs Prouincias non deduxit magno numero, quo tempore ex Prouincijs externis Colonias, & ciues deducebat: tunc se non exhaust cum erat egena, tunc se in orbem non effudit cum ad se orbem euocabat: neque tunc Plancus ex solis militibus Romanis quos apud se habebat ciues fecit, cum ex ciuibus externis milites faciebat: nec redijt in urbem triumphaturus sine milite, qui per milites triumphabat. Igitur Plancus ex solis militibus Romanis Coloniam non deduxit; nec solis Gallis credenda erat Colonia, quæ contra Gallos exsurgebat: igitur admiscendi fuere Viennenses, Galli quidem origine, sed quos Roma ex exulibus liberos fecerat, vt faceret subditos.

Alteram rationem affert Dio l. 46. Senatus iussit illis Lepido, scilicet & Planco, vt ijs qui quondam Vienna Prouinciæ Narbonensis oppido ab Allobrogibus expulsi erant, & intra fluuios Ararim & Rhodanum confederant, urbem condrent: atque ita subfistentes Lugdunum extruxerunt: nec tantum eruditus historicus factum recitat, sed addit facti consilium: timebat inquit Roma Allobrogum fidem; & nisi occurreret præuidebat ambitionem: neque tamen tunc temporis audebat eos aggredi, & quos aggressores metuebat: igitur armauit in Allobroges Viennenses Patria eiectiones; atque vt illos ad vindictam fortes efficeret, fecit Lugdunenses.

Qua autem de causâ Viennenses à sedibus patrijs ab Allobrogibus expulsi fuerint amplè narrant historici: Ego de Lugduno, & Vienna querere malo, vtra vrbs plus debeat alteri, vtra plus acceperit, vtra plus donarit: nec facile tamen eius rei iudicium est; fecerunt Viennenses Lugdunum ciuitatem, fecit Lugdu-

num Viennenses ciues: debes illis Lugdunum Coloniam, debent illi Lugduno se columnos: alterna sunt nomina, & mutua beneficia; vtraque vrbs sibi inuicem mater & proles est: maius aliquid dico, & concludo, amant se inuicem duæ primariæ vrbes, & nisi essent duæ Prouinciæ vna vrbs essent.

DISSERTATIO XIII.

AN LVGDVNVM COLONIA GRÆCORVM.

QUAE illa Græcorum vanitas particulam esse mundi, & velle mundum esse particulam sui! velle nobilissimas quasque Gentes oriundas esse à Græcis, & Græcos ab origine esse, & oriundos à seipsis: At quæ etiam stoliditas quorundam populorum, nasci malle ex alienigenis, quam ex Gentilibus suis, ex Hercule Græco quam ex Gallico, ex fabulosis cunis quam ex veris? Quod admirationem habet, fauent huic opinioni magni viri, nisi eos velis fabulas referre, non credere.

D. Hieronymus, qualis & quantus author! apud Sallianum ad annum mundi 1931. Legamus inquit Varronis de antiquitate libros, & Cinnij Capitonis, & Græcū Phlegontæ, cæterosque eruditissimos viros, & videbimus penè omnes insulas, & totius orbis littora, terrasque mari vicinas græcis accolis occupatas, qui ab Amano, & Tauro montibus omnia loca vsque ad Oceanum possedere Britannicum.

Hæc Hieronymus, atque ex eo Genebrardus ad annum mundi 1109. Galli inquit vsque ad Cyrum cum tote Europa planebardi fuerunt, atque *ἀνταρ*, donec Phocenses Græci Asiatici dominatum Cyri fugientes, Gallicum litus occuparunt, Massiliamque condiderunt, & per Bardos, & Euages, & Tectosages docuere studia literarum.

Distinctius Seneca in consolatione ad Heluiam, Phocenses, inquit è Græcia oriundi, & Asiæ minoris incolæ, Phocææ vrbe Ionizæ primaria ab Harpago Cyri Præfecto pulsi, prius in Corsica insula incedere, ex qua quid eos fugauerit, an cœli grauitas, an conspectus præpotentis Italiz, an natura maris importuosi non satis certum est, inde maris littora legentes in Prouinciã, quæ ab ipsis dicta est Phocenſis, in ora portuosa Massiliam condideret:

Neque

Nèque ita multo post aduerso Rhodano ad regionem Lugdunensium delati, & opportunitate loci allekti, intra duos fluuios Ararin, & Rhodanum, Lugdunum extruxere: atque vt Massiliam disciplinis Græcorum ornatam Athenopolin vocarunt, ita & Lugdunum Athenopolin, & Academiam ibi institutam Athenæum appellarunt.

Ita magni Authores ex alieno magis sensu quam ex suo: at ego historias malo quam fabulas: Vis Alexi vt expendam quam hæc Phocœnsium fortuna sit dubia, & quam incertius ab ijs Parentibus Massiliæ, & Lugduni ortus: Ac primò quidem pugna est annorum, & temporum in hoc Massiliæ ortu: Eusebius in Chron. & Solin. Polyhist. c. 8. & post eos Gordonus putant Massiliam conditam an. 2. Olymp. 45. anno vrbs conditæ 155. At Herodotus lib. 1. Geneb. Salianus, Patauius conditam malum Olympiade 59. an. vrbs conditæ 274. illi tamen omnes à Phocœnsibus profugis conditam voluit.

Amabo, Alexi, quomodo potuit nasci Massilia Olympiade 59. si iam nata erat Olymp. 45. quomodo anno vrbs conditæ 174. sub Tarquinio superbo, si nata erat sub Tarquinio Prisco? an bis fundari potuit, & bis nasci? an senior esse seipsa, & iunior? an prior esse sexaginta annis, & seipsa posterior? Crede mihi Alexi, nemo bis nascitur, quia nemo bis moritur.

Placet vrgerè rem acrius quomodo potuit condi Massilia à Phocœis profugis si nondum fugerant? quomodo fugati sunt ab Harpago Præfecto ex imperio Cyri post victum Cræsum, si neque Harpagus qui fugaret, nec Cyrus qui imperaret, nec Cræsus qui vinceretur adhuc Rex erat? At Olympiade 45. nondum Cræsus, & Cyrus homines erant, nec prius Reges esse potuerunt, quam homines.

Nec annorum tantum pugna est, sed fundatorum: Aristot. lib. de Rep. Massiliensium, apud Athenæum lib. 15. ait Phocœses non vagos, aut profugos, non milites, sed mercatores Massiliam condidisse: Quæso Alexi, vtros Parentes malles, an liberos, an exules? an mercatores, an milites? viderit Massilia vtros velit, ego partem miseræ puto nasci ex miseris.

Nec fundatores tantum inter se, sed Massilia pugnat cum seipsa; Strabo author eruditus lib. 6. ait Phocœnses expugnatos ab Harpago prohibitos fuisse aditu vrbs Massiliæ: erat igitur tunc temporis condita Massilia, neque enim pugnare potuit nisi esset, nec prohibere hostem aditu nisi armata, nec potuit armata esse nondum nata.

Fauet Herodotus dum ait Phoceenses ab Harpago eiectos in-
sulam Corsicam non esse prætergressos, sed ibi urbem Alaliam
incoluisse, à Phoceensibus alijs ante annos plures iam extructam.

Vis, Alexi vt refellam has fabulas alia fabula? eruditus Ray-
mundus Solerius c.9. de antiq. Massil. & Champerius aiunt oc-
ciso Minoe Cretensium Rege Athenienses, & Cretenses venisse
Massiliam, & inde aduerso Rhodano ad insulam Gallicanam per-
uenisse, atque illic Academiam, & nobilem urbem condidisse.

Ridebis vt puto has fabulas dum eas leges, addo Historiam, ,
sed quam etiam appellarem fabulam nisi eam historicus scripsisset.
Iustinus lib.44. Temporibus inquit Tarquinijs Regis, Phocœen-
sium inuentus ex Asia ostio Tyberis aduecta amicitiam cum Ro-
manis iunxit; inde in vltimo Galliarum sinus vltra ligures pro-
fecta, Massiliam hac conditione condidit; Rex Segoregiorum Se-
nanus nomine, conuiuium appararat, vt in eo generum sibi, & filijs
suz maritum inter epulas more gentis eligeret: ad hoc conui-
uium inuitati principes finitimi, & cum ipsis furius, & Peranus
Phocœæ classis Ductores; introducta deinde virgo cum iuberetur
à Patre aquam ei porrigere quem elegeret in sponsum; illa omis-
sis cæteris aquam Perano porrigit, qui factus ex hospite gener, lo-
cum condendæ urbis à socero accepit, & sic Massilia condita est
propè ostia Rhodani amnis in remoto sinu, ac velut in angulo
maris.

Vides, Alexi quam incertum sit an Massilia à Phocœensibus
fuerit condita; nec minus dubium est an Lugdunum sit Græco-
rum Colonia; scilicet prius Massiliam venere Phocœenses, quam
Lugdunum, & si hic aduentus fabula est, prius mentita est alibi,
quam Lugduni.

At quæris quid ego de re tota sentiam; Ego inter tot nebulas
videre mihi videor aliquid lucis: hospites sunt Massiliæ, & Lug-
duni Phocœenses non conditores; vtrique vrbs auida bonarum,
literarum non minus quam mercium euocauit ad se doctores
Græcos, vel conduxit; venere illi Massiliam, deinde Lugdunum;
inuenere vtramque urbem iam conditam, non condiderunt; addi-
dere se doctoribus Gallis Magistri Græci; miscuere vtrique artes
suas, temperauit se vtraque sapientia, atque ita in vnam gentem
vtrique gens coaluit, vt vel Græcia in Galliam; vel Gallia in
Græciam migrasse videretur; at quæ fuit semper Gallorum v-
banitas, & Græcorum vanitas; imposuere Græci Massiliæ nomen
Athenopolis, & Lugduni Athenæi; admisere Græcos Galli; nec
tamen Authores sunt Græci sapientiæ Gallicæ, sed collegæ; au-
xere

329

xere Academiam Lugdunensem, non instituere, & prius Massilia,
& Lugdunum Gallicè sapuerunt quam Græcè. Coloni sunt igitur
Lugduni Græci, si ita appellare velis, sed hospites primum
Lugduni, deinde conciuēs.

DISSERTATIO XIV.

RELIGIO GALLORVM, ET LVGDVNENSIVM ANTE PLANCVM.

INSITVS est omnibus hominibus à natura Dei sensus, & cultus; atque hunc sensum Religionem appellamus: nemo intelligens quid sit Deus negare potest esse Deum; nemo aliquem Deum non colit, si aliquem credit: errauerunt Maiores nostri in Dijs non in Deo; coluerunt plures, & vnus erat colendus; excessus superstitionis fuit non defectus; imo & defectus fuit; Deus si non est vnus non est Deus: nec tamen accuso omnes Maiores nostros; illustre est, quod ait sanctus Martialis Lemouicensium Episcopus, Epistola ad Burdigallenses, Gallos habuisse altare dicatum ignoto Deo; imo, & Virgini parituræ, vt narrat Cassianus p. 12. Catal. gl. mundi; Illustris fides Maiorum nostrorum, ignotus Deus, & cognitus; illustris pietas erga Deiparam, colebatur Virgo antequam esset, nec dubium quin crederetur Mater Dei, quæ Virgo simul credebatur, & Mater futura; scilicet

Si nasci Numen, nasci de Virgine debet,

Et Virgo hoc partu debuit esse parens.

Corrumpere hanc fidem mali mores, & paulatim vitia in Deos transiere; induxit Venerem impuritas, Mercurium avaritia, Martem ferocia, Iouem ambitio, Mineruam curiositas: Amata sunt scelera, deinde consecrata; postrema ne scelera arguerentur à Dijs, nisi ipsi crediti sunt fuisse scelerati.

Minus tamen supersticiosi erant Galli antequam permiscerentur Græcis, induxere Græci fabulas in Galliam, & Deos ipsos fecere fabulosos; quas tamen fabulas induxerint, & quas inuenerint non satis constat; addita sunt mendacia mendacijs, & homines, & Dij ipsi mendaces erant.

Præstat audire Iulium Cæsarem l. 6. Nemo melius Gallos nouit quam qui toto decennio expugnauit Gallos, & Gallorum Deos.

Natio

Natio inquit omnium Gallorum admodum dedita est Religioni-
bus, atque ob eam causam qui sunt affecti grauioribus morbis;
quique in prælijs, periculisque versantur, aut pro victimis homi-
nes immolant, aut se immolatu-
ros vouent, ministrisque ad ea
sacrificia Druydibus vtuntur; quod pro vita hominis, nisi vita
hominis reddatur, non posse Deorum immortalium Numen pla-
cari arbitrantur, publicèque eiusdem generis habent instituta sa-
crificij; alij immani magnitudine simulacra habent, quorum con-
texta viminibus membra viu-
is hominibus complent, quibus suc-
cens circumuenti flamma exanimantur homines; supplicia eo-
rum qui in furto, aut latrocinio, aut aliqua rixa sunt comprehen-
si gratiora Dijs immortalibus esse arbitrantur: sed cum eius ge-
neris copia deficit, etiam ad innocentium supplicia descen-
dunt.

Deum maximè Mercurium colunt, huius sunt plurima simu-
lacro; hunc omnium inuentorem artium, hunc viarum, atque
itinerum ducem, hunc ad quæstus pecuniæ, mercaturasque ha-
bere vim maximam arbitrantur: Post hunc Apollinem, & Mar-
tem, & Iouem, & Mineruam, de his eandem ferè quam aliæ Gen-
tes habent opinionem; Apollinem morbos depellere, Mineruam
operum atque artificiorum initia tradere, Iouem imperium cœ-
lestium tenere, Martem bella gerere; huic cum prælio dimicare
constituerunt, ea quæ de bello ceperunt plerumque deuouent, quæ
superauerunt animalia capta immolant, reliquasque res in vnum
locum conferunt; multis in ciuitatibus harum rerum extructos
cumulos locis consecratis conspiciari licet; neque sæpè accidit, vt
neglecta quispiam religione, aut capta apud se occultare, aut posi-
ta tollere auderet; grauissimumque ei supplicium constitutum
est: Galli se omnes à Dite Patre pugnatos prædicant, atque à
Druidibus proditum dicunt; ob eam causam spatia omnis tem-
poris, non numero dierum, sed noctium finiunt, & dies natales, &
mensium, & annorum initia sic obseruant, vt noctem dies subse-
quatur.

Ita magnus Author, nec dissentiunt Galli historici; Aymoinus
lib. 1. Hist. Franc. c. 7. Galli, inquit, Samotheis, & Druidibus Mi-
nistris sacrorum colebant Teutalem, Turanim, & Ognium; at hæc
Numina sunt diuinitates ipsæ iam dictæ, Teutales, Mercurius,
Hesus Apollo, Iupiter Turanis, Ognius Mars, aut Hercules Gal-
licus.

Nulla est Religio, quæ sacrificia non habuerit, & falsa Religio
vera habere non potuit. Audi, Alexi, sacrificia Maiorum tuorum.
Dio-

Diodorus Siculus lib. 6. Cum enim magnis de rebus consulunt mirabilem ; incredibilemque seruant consuetudinem , iugulant ense hominem , quo decedente tum ex casu , tum ex membrorum laceratione , tum ex sanguinis fluxu , ex quadam obseruatione diuinant futura .

Horribilius est quod habet Strabo lib. 4. Hominem , inquit , diuinationi destinatum in tergo ferientes , ex ipso impatientiæ , afflictiandique modo vaticinia capiunt , alia quoque humanorum sacrificiorum genera traduntur : quosdam sagittis configebant , & intra sacras ædes patibulo affigebant : magnam etiam ex fœno statuam apparantes , eique linum innectentes pecora , & varias belluas , atque homines holocaustum faciebant . Hoc penè ipsum dixerat Cæsar l. 6. & nos supra ex Cæsare diximus ; augebat errorem locus , principio Druydes & Samothei in syluis , & nemoribus sacrificia peragebant , vt solas arbores & rupes crudelitatis suæ testes haberent ; at quis iste hominum furor , quis horror ? iugulabantur homines instar ferarum , & qui iugulabant feris peiores erant .

Post hæc præludia crudelitatis , ex syluis & saltibus in vrbes , & gymnasia cruenta sacrificia transire ; inter carmina & cantus , & laudes immolabantur homines in hominum voluptatem ; quodque insanix proximum est inter ignes & flammæ , & cultros victimæ ipsæ fata sua canebant ; scilicet leniebant horrorem mortis elogia morientis ; dicebantur transire in Deos qui immolabantur dijs ; promittebatur immortalitas vt mori vellent , & victimæ ijs olim immolandæ , vt ipsi victimæ essent . O insaniam canentium inter vulnera ! ò crudelitatem scruientium inter lætitiæ !

Nec plura de rebus tam horrendis , claudio Epistolam , & penè illacrymor ; miseret me Ariste , maiorum nostrorum , qui sic errarunt in dijs & sacrificijs : quale Numen Mercurius furum patronus , vt furari liceret impunè sub Deo fure ? qualis Deus Apollo armatus sagittis vt vulneret amores suos ? quale Numen Jupiter qui patrem Saturnum cœlo extrusit filius & tyrannus ? qualis Deus Mars qui inter ipsos etiam planetas sanguine rubet & furore ? qualis Dea Minerva quæ cerebrum Iouis diuisit & rupit : at quæ sacrificia iugulare homines vt dijs placeas ? peccare ne pecces , vel vt pecces : offerre homicidia & Deos ipsos facere homicidas . Non est hæc pietas homicidam esse vt sis Pius .

Nihil dixi de antiqua Lugdunensium religione , & omnia dixi , erant ante Plancum Lugdunenses , aut saltem Druydes , erat
trans

trans Rhodanum Druydum vicus, & intra Rhodanum & Ararim Druydum lucus; confluebant ad fluuiorum confuixum vicini populi sacra facturi, nec deerant sacrificia vbi erant sacrificuli, nec victimæ vbi erant Prouinciarum opes.

Quænam autem fuerit Lugdunensium Religio post Plancum iam dixi superiori Epistola, cum de Athenæo, & Augusti templo.

DISSERTATIO XV.

DIGNITATES VETERVM LVGDVNENSIVM.

TRIA ex me quæris, Ariste, quos honores gesserint Lugdunenses ante Plancum, quas dignitates post Plancum intra Romam, & quas intra Patriam: Ac primùm quidem nullos honores gesserunt ante Plancum, si ante Plancum nondum erant: at si reparauit Lugdunum Plancus non fundauit, participarunt honores Gallicanos Lugdunenses qui nobilis Galliarum pars erant: nec dubium est quin dignitates suas habuerit Gallia nondum Romana; scilicet nulla Gens est adeò barbara, quæ Magistratus suos non habeat, siue illos natura emittat in lucem adhuc infantes, & iam Reges; siue illos libertas hominum eligat, atque illis sponte se subdat; siue Author, & Rex hominum Deus illos Vice-Reges sibi substituatur, & penè Vice-Deos.

Quas autè dignitates, sacras, politicas; militares habuerint veteres Galli, Strabo & Plinius, atq; ex illis Paradinus, & Rubius enumerant: at nemo eas dignitates verius descripsit, quàm Iulius Cæsar qui illas vidit, & vicit. Placet illum ex scribere, sic loquitur l. 6.

In omni Gallia eorum hominum qui in aliquo sunt numero & honore, duo genera sunt; nam plebs penè seruorum habetur loco, quæ per se nihil audet, & nulli adhibetur consilio; alterum genus est Druydum, alterum Equitum; illi rebus diuinis intersunt, sacrificia publica, ac priuata procurant, religiones interpretantur: Ad hos magnus adolescentium numerus disciplinæ causa concurrat, magnoque ij sunt apud eos honore: nam ferè de omnibus controuersijs publicis, priuatisque constituunt, si quis autem priuatus, aut populus eorum decreto non stetit, sacrificijs interdunt, quæ pœna apud eos est grauissima.

His omnibus Druydibus præest vnus qui summâ inter eos auctoritatem habet, hoc mortuo si quis ex reliquis excellit dignitate,

te, succedit; at si sunt plures pares suffragio, nonnunquam etiam de principatu armis contendunt; ij certo anni tempore in finibus Cornutum, quæ regio totius Galliæ media habetur confidunt, in loco consecrato, eorumque iudicijs decretisque omnes parent: Quod de Cornutensibus dixit Cæsar, de Lugdunensibus dicere poterat si Lugdunenses vicisset, qui vicit Cornutes.

Alterum genus est Equitum, ij cum est usus, atq; aliquod bellum incidit, quod ante Cæsaris aduentum ferè quot annis accidere solebat, ut aut ipsi iniurias inferrent, aut propulsarent, omnes in bello versantur; atque ut eorum quisque est genere, copiisque amplissimus, ita plurimos circa se Ambactos, clientesque habet.

Vrbes primariæ sui iuris erant, nullius addictæ imperio, quæ populi, & totius Gentis nomine vocabantur: plurimos habebant Regulos, quorum clientes Ambacti dicebantur; solebant quoties de totius Gentis commodis agebatur conuentus indicare, quorum tres ordines erant, primus eorum qui sacra tractabant, Druydæ; secundus nobilium, at principum Ciuitatis, tertius populi, supra omnes Regulus erat.

Ita Cæsar qui vnum omisisse videtur, quod scribit Plutarchus opusculo de illustribus mulieribus, scilicet illustres fœminas apud Gallos ius habuisse suffragij in conuentibus publicis, quod enim viros factionibus diuisos conciliafient, statutum esse ut sine mulieribus nihil constitueretur.

Ab ijs forte temporibus manauit illa consuetudo de qua Carolus Loyseau l. de princip. c. 5. n. 43. ut olim apud Francos vidue Patrum Franciæ, atque illarum hæredes virgines in comitijs, & conuentibus regni solemnioribus sederent, atque inter Pares sententiam dicerent; nec in ciuilibus tantum, sed etiam in capitalibus, in foro, atque Senatu iudicium ferrent.

Vides, Ariste, quos honores gesserint Lugdunenses ante Plancum, expectas ut dicas quos gesserint post Plancum intra Romam & quos intra Patriam.

Ambitiosa sanè respublica Romana, quæ Colonias Romanas vbique terrarum instituebat, at vbique terrarum esset Roma; erant inquit Onuphrius Coloniarum effigies quædam, & simulacra Reipublicæ Romanæ, spectabatur Roma in imaginibus suis, & erant Romæ multe extra Romam; neque ibi stetit ambitio Romæ sed admittebat ad Consulatum, & cæteras dignitates externos homines; euocabat ad se clarissimas vrbes, & faciebat orbem terrarum partem Romæ.

Fuit igitur Lugdunum intra Romam, si habuit ius adipiscendi hono-

honores Romanos ; si Lugdunenses intra Romam fuere Consules, si Patritij, si Præfecti Prætorio, si Præfecti vrbis, si Magistri officiorum, si Senatores, si Prætores, si Quæstores, &c. at gessisse illos honores affirmant nobiles historici, Parad. l. i. c. 11. & si homines tacerent, affirmarent hanc veritatem æra, & marmora.

Extant hodieque Lugduni in domo ciuica tabulæ duæ æræ, quarum altera ostendit ab ipsis Romæ initijs externos homines ad Consulatam, cæterasque dignitates admissos fuisse. altera de Gallis id ipsum asserit; ex ea tabula sic argumentari licet, Ædui, Narbonenses, Viennenses intra Romam gessere honores, igitur & Lugdunenses : si id negas audi Imperatorem ex ære loquentem ; quando inquit, ex Lugduno Senatores habere non pœnitet; erat aliquibus Gallis concessum hoc priuilegium, quod Claudius omnibus Gallis, & Lugdunensibus maxime concessum volebat: scilicet amabat Lugdunum, præ cæteris vrbibus ; Parens eius Drusus vicerat Germaniam adiuuante Lugduno, ipse Lugduni natus appellare se poterat Lugdunensem, & Lugdunenses appellare poterant Claudium popularem suum. Neque dicas in ea tabula solos nominari Senatores ; publicum est hoc nomen, & quod cæteras dignitates complectitur, eligebantur ex Senatoribus cæteri Magistratus, omnes Consules Senatores erant; non tamen omnes Senatores Consules.

Vidisti Lugdunum intra Romam, vide Romam intra Lugdunum. Fuit hæc altera industria Romanæ Reipublicæ communicare deuietis populis Romanos honores vt communicarent mores ; mittebat aliquando Romanos homines qui in Prouincijs Magistratus gererent ; aliquando ex populis ipsis assumebantur primarij viri ad dignitates; sæpè vtrique miscebantur, vt misceretur Roma, & Gallia, sic tamen ytraquæ miscebatur vt semper imperaret Roma.

Fuit igitur Lugduni ordo sexaginta Senatorum; erant ij Principes Ciuitatis, & quasi hominum flores & gemmæ ; faciebat illustres nobilitas aliena, & propria; addebat auctoritatem ætas, ornabat illam virtus, & scientia; erat hic ordo Seminarium cæterarum dignitatum: assumebantur ex hoc Collegio Consules, Præfecti, & Prætores, neque alio suffragio opus erat vt eligi possent, quibus iam suffragium dederat ordo Senatoris.

Fuisse hunc ordinem Lugduni probant lapides hoc nomine insigniti, ex multis quos collegit vir Illustrissimus Claudius Bellicuræus Protopræfes Gratianopolitanus, atque ex eo Paradinus in fine historię paucos profero.

D. M.

M. O P P I. Placidi

Har. Prim. de LX.

Cui locum sepultu.

Ordo Sanctissim. Lug. dedit.

Extras hæc inscriptio intra Claustrum S. Iusti Lugdunensis.

Altera inscriptio sic habet.

D. M.

Rusp. Atrophili.

Rufon. Senator.

Colliberto de se

Bene merenti

In suo posuit,

Et sub ascia

Dedicauit.

Tertia hodieque visitur in pariete ædis S. Petri Lugdunensis.

Q. Iulio Senerino

Sequano omnibus

Honoribus inter suos

Functo, Patrono

Splendidissimi Corporis

N. Rhodanicorum, &

Arar. cui ob Innoc.

Morum Ordo Ciuitatis

Sua bis statuas decreuit

Inquisitori Galliarum

Tres Prouincia Gall.

Erat Lugduni Rector Prouinciæ, seu Prætor, & Iudex, atque hic à Præfecto Prætorij, & Galliarum erat longè diuersus. De utroque Præfecto nobilem controuersiam proximè sequenti epistola examinabimus. Erant Lugduni Duumviri sicut in alijs Colonia; quis autem esset hic Magistratus disputant aliqui: id certum videtur fuisse plerisque in locis summum honoris gradum, & Consulari, ac Prætorio penè æqualem; ad Duumviros pertinebat reorum comprehensio, modica coercitio, & custodia- rum interrogatio; animaduersio vero vltima ad Præsidem, seu Prætorem spectabat: inter inscriptiones Lugdunenses hanc profert Paradinus pag. 421.

Sextus Ligurius Sex. Fil.

Galeria Marinus

Summus Curator C. R.

Proninc. Lug. Qjral. 9

Ornamentis suffrag.

Sancti Ordinis Honoratus

Ilvir designatus

Ex postul. Populi ob honorem

Perpetui Pontif. dat.

Cuius doni dedicatione

Curionib. X. Ordini Equestri

IIIII. viris Aug. negotiatoribus

Vinarijs XIII. & omnib. corporib.

Lug. licitè cœuntibus XII.

Item ludos Circenses dedit L. DDD.

Erat Lugduni Decuriones militares, Præfecti cohortium, Tribuni legionum, &c. atq; ij partim Romani, partim Lugdunenses erant; vtri fortiores essent non est facile dicere: vincebant forsitan Romani industria, at Galli audacia.

Erant præterea Lugduni Quæstores, atqui ex ijs aliqui militares erant, qui cum Consulibus, & Prætoribus mittebantur ad bellum, vt rem pecuniariam administrarent, & prædam, ac manubias in rationes publicas referrent: alij erant Quæstores vrbanij qui pecunias acceptas, & expensas ad numerum, & calculum vocabât; hos Budæus esse nunc putat Præfectos rationum: alij denique erant Tribuni Aerarij qui pecunias ex ærario promebant, ijs omnibus dari poterat illud Theodorici Regis sapiens monitum apud Cassiodorum: videte qua manu tractare debeatis sanguinem publicum; seruate decolores manus inter aurum, nec vos pretiosa materies inficiat, nec forma rutilans fallat.

Erant Lugduni plures aliæ dignitates, atque inter eas Augures & Haruspices, sacræ dignitates vt putabant, at supersticiosæ verius, & planè ridiculæ; inuenere Romani eos Magistratus Gallicos & fecere Romanos: Gallorum portio, ait Iustinus lib. 24. ducibus quibus, nam Galli præter cæteras augurandi studio valent, per Illyricos sinus penetrauit, & in Pannonia confedit; & ne abeamus à Lugdunensibus, Momorus, & Atepomatus Coruorum augurio Lugdunum condidere, atque ab eo appellauere Lugdunum. Authore Plutarcho libello de fluuijs, & montibus: auctum à Romanis eum numerum probat inscriptio, quæ legitur in vestibulo Sancti Ioannis Lugd.

Iulius

Julius Primitius Decurio trecent. Augg. Lugdun.

Igitur erat Lugduni Augures, & ne vnus tantum falleret, trecenti erant.

Claudo Epistolam, & rideo Augurum, & Haruspicum responsum non metuo: Egregios vero Magistratus, sed auium, & pecudum non hominum: Quæso, Ariste, quid in hac scientia non leue, & quod pecudem sapiat magis quam hominem? scilicet homines eruditi diuinam res futuras, & ignorant præteritas; enuntiant aliorum fata, & nesciunt sua; faciunt alios fortunatos, & se miseros: O homines male sanos! quid libertati humanæ cum volatu, & garritu, & pastu auium? unde auis id nouit, quod nunquam didicit? aut quomodo id enuntiat, quod ignorat? canit auis sibi non alijs; volant in hanc parte distante instinctu priuato non diuino; tripudiat post escam ut significet voluptatem suam non publicam.

Nec diuiniore sunt haruspices, quam Augures, nec doctiora exta bouum, quam rostra volucrum: O socordiam hominum! scrutari sortem humanam intra ouem, & rimari fata intra pecudem, quid relinquitis humanæ sapientiæ, si aues sunt hominum Magistræ, & pecudes doctiores quam homines.

Addo alteram querelam, seram illam quidem, sed veram, heu veteres Galli, & Lugdunenses miseros, dum se credebant fortunatos! ornabantur honoribus Romanis, ut splendide seruirent; eligebantur in Consules, ut consularent Romæ non patriæ; creabantur Prætores ut ius dicerent Gallis pro Romanis; erant Quæstores ut facerent pauperem Galliam, & diuitem Romam; fiebant Tribuni militares, ut armarent Galliam in seipsam, sic emebatur libertas Gallica honoribus Romanis; sic erant Lugdunenses domini apud suos, & serui apud Romanos erat; hæc ambitio Romana non libertas Gallica.

DISSERTATIO XVI.

AN PRÆFECTVS GALLIARVM
SEDERET LVGDVNI.

AL E X I S. Nobilis controuersia, & te digna Ariste, vbinam esset sedes Præfecti Galliarum: an Treuiris, an Arelate, an Lugduni; de ea sede aded acriter disputant tres vires, ut Præ-
fectus

fectus penè omni sede careat, dum tres sedes occupare non potest: Amabo, Ariste, profer singularum urbium rationes, forte erunt omnes victrices, dum nulla vinci volet.

A R I S T E . Sedisse Treuiris multa persuadent, ac primum. **Authoritas illustrium virorum;** Scipio Duplex in obseruationibus rerum Gallicarum lib. 1. cap. 8. & lib. 8. cap. 1. Guther. de officijs domus Augustæ cap. 16. Iulius Bulengerus l. 3. de Imper. c. 4. id affirmant, & ne nudam authoritatem putes, adduco rationes.

Perinde est esse sedem Præfecti Prætorio, & esse Metropolim; ubi enim sedere oportuit supremum Magistratum nisi in suprema urbe? at Theodoretus lib. 1. hist. cap. 15. vocat Paulinum Treuirensem, Metropolis Galliarum Episcopum; fauet maiestas urbis. Saluianus l. 3. & 6. de prouidentia, vocat urbem summam Gallorum, opulentissimam, & excellentissimam; Ausonius inter augustas ciuitates enumerat; & vocatur Augusta Treuirorum; Bereng. appellat Romam secundam; Amnianus l. 15. vocat domicilium principum clarum.

Ex ijs elogijs sic arguere licet; ibi erat domicilium Præfecti Galliarum, ubi erat palatium Principis, at illud erat Treuiris? ibi Maximus Tyrannum Sanctus Martinus inuenit, ut habetur in eius vita, ibidem Sanctus Ambrosius Legatus eundem adiuit; ibi Maximus stabilire regnum poterat, nisi imperium ambuisset.

Affero aliquid fortius, ibi erat sedes Præfecti Prætorio ubi Prætorium erat, at fuisse Treuiris audi ex Seuero l. 2. sacræ hist. n 76. Maximus Præfecto Euodio? viro acri, & severo iudicium Priscilliani permittit, qui Priscillianum gemino iudicio auditum, conuictumque redegit in custodiam, donec ad Principem referret; gestis ad palatium delatis censuit Imperator Priscillianum, sociisque eius capitis damnari oportere: hæc in palatio gesta sunt ex Seuero, igitur ibi Imperator, ibi Prætorium, ibi Præfectus Prætorio Euodius erat.

Times ut suspicor hæc argumenta, Alexi, at ego validiora. afferro pro Arelate: Ibi sedit Galliarum Præfectus ubi eum Constantinus sedere voluit; scilicet ille inuenit Præfectos Prætorio adeò potentes, ut ipsi Imperatores eos metuerent, & vix ipsi Imperatores timerent: ut imminueret eam potestatem Constantinus eam quatuor Præfectis diuisit, primus fuit Præfectus Orientis, alter Præfectus Illyrici, tertius Italix Præfectus, quartum Galliarum Præfectus, cui Celtas transalpinos, Hispanos, & Britannos commisit.

Ut honoraret eundem Magistratum, eum ibi sedere voluit, ubi sedes Imperatoris fuit : neque alibi sedere debuit qui ex officio tueri debebat Imperatorem Præsentem, & repræsentare absentem, at Constantinus quamdiu in Gallijs fuit penè semper Arelate substitit : Amavit scilicet eam urbem, reparavit, ornauit, & nomine suo Constantinam appellari voluit.

Commoratum ea in vrbe probat Theophilus Rainaudus libello quem inscripsit Ambrosio ex Concilio Arelatenſi primo, ad quod Constantinus ex locis propè innumeris Episcopos conuocauit, vt constat ex eius literis ad Chrestum Syracusanum, quæ habentur lib. 10. hist. Eusebij cap. 5. & cui Concilio amoto satellitio ipse Imperator interesse voluit quasi priuatus non publicus.

Confirmant eandem Imperatoris moram leges ea in vrbe latæ, eiusmodi sunt lex supplicare 2.C. vt lite pendente, data Idibus actor Sabino, & Rufino Cos. & lex, illo, 13.C. de appell. Quid quod natus est Constantino Arelate filius Constantinus, vt ait Zozimus l. 3. & Aurelius Victor in Constantino. Fauet huic opinioni vrbis, de qua Prudentius hym. 4.

Teque præpotens Arelas habebit

Sancto Genesi.

Præpotentem vocat, idest magnificam, locupletem amplam. Ausonius de claris vrbibus.

Pande duplex Arelate tuos blanda hospita portus,

Gallula Roma Arelas, quam Narbo martius, & quam

Accolit Alpini opulenta Vienna Colonis,

Præcipitis Rhodani sic intercisa fluentis,

Vt mediam facias nauali ponte plateam,

Per quam Romani commercia suscipis orbis,

Nec cohibes, populosque alios, & mœnia ditas

Gallia queis fruitur, gremioque Aquitania lato.

Geminam appellat à ponte qui vnâ urbem in duas diuidit; propterea Eucherius hom. de S. Genesio Arelatenſi Ciuitatem, & Ciuitatem vocat. Sed & Metropolis erat Arelas non minùs, ac Treuiri: ne dubites, Honor. & Theod. in constitutione id declarant; maximè, inquiunt opportunû iudicamus, vt seruata posthac annis singulis consuetudine, constituto tempore in Metropolitana idest in Arelatenſi Ciuitate, incipiant septem Prouinciæ habere Concilium: & paulo post, ac planè, inquiunt, præter necessitates publicas etiam humanæ conuersationi non parûm credimus commoditatis accedere; quod in Constantina vrbe iubemus singulis

annis esse concilium ; tanta enim loci opportunitas, tanta illic frequentia, commerciorum, ut quidquid vsquam nascitur, illic commodius distrahatur, neque enim vlla Prouincia ita peculiariter fructus sui felicitate lætatur, ut non propria Arelatensis soli credatur esse fecunditas : quidquid enim diues Oriens, quidquid odoratus Arabs, quidquid delicatus Assyrius, quod Africa fertilis, quod speciosa Hispania, quod fortis Gallia potest habere præclarum, ita illic ætatem exuberat, quasi ibi nascantur omnia, quæ vbiq; constat esse magnifica : Iam verò decursus Rhodani, & Thyrreni mari recursus necesse est ut vicinum faciat, & penè conterminum, vel quod ille præterfluit, vel quod iste circuit. Cum ergo huic seruiat Ciuitati quidquid habet terra præcipuum, ad hanc remo, velo, vehiculo, terra, mari, flumine deferatur, quidquid singulis nascitur, quomodo non multum sibi Gallia nostra præstitum credat, cum in ea Ciuitate præcipiamus esse Conuentum: in qua diuino quodam munere commoditatum, & commerciorum opportunitas tanta præstatur: hæc Imperatores in laudem Arelatis, quibus nihil dici potest augustius.

Denique sedisse Arelate Præfectum Galliarum probant vnde viginti Episcopi Galliarum libello S. Leoni oblato in causa dissidij inter Arelatensem, ac Viennensem Ecclesiam, habetur libellus apud Baronium ann. 450. n. 52. ex tom. 1. Concil. Gall. per Sirmundum p. 89. Patres sic loquuntur. Cæterum multa sunt quibus secundum instituta Principum cunctis intra regiones nostras Ciuitatibus Arelas præferatur : hæc in tantum à gloriosissimæ memoriæ Constantino peculiariter honorata est, ut ab eius vocabulo præter proprium nomen quo Arelas vocabatur Constantinæ nomen acceperit; hanc clementissimæ recordationis, Valentinianus, & Honorius felicissimi Principes specialibus priuilegijs, & ut verbo ipsorum vtamur matrem omnium Galliarum appellando decorarunt; in hac vrbe quicumque intra Gallias tempore prædictorum ostentare voluit insignia dignitatis, Consulatum accepit, & dedit, hanc sublimissima Præfectura, hanc reliquæ potestates velut communem patriam semper inhabitant, &c.

Palles ut arbitror ad hæc argumenta, Alexi, & de Præfectura Lugdunensi penè actum putas, at ego ex pugna duorum vrbium arma sumo, & ablatam vtrique parti victoriam Lugduno attribuo. Et quidem habere sedem fixam Treuiris, & Arelate, & morari duobus in locis longe à se semotis idem Præfectus non potuit & tamen sedisse Treuiris, & Arelate geminæ opiniones affirmant, aut vtraque falsa est, aut explicari sic debet, ut mobilem sedem Arelate,

Arelate, & Treuiris habuerit, at fixam Lugduni; scilicet Lugdunum quasi à centro digressus lustrabat extrema Galliarum, & ad centrum redibat.

Addo aliud, si tamen est aliud, sequebatur Præfectus Imperatorem quasi Phosphorus solem, fuit Treuiris cum Maximo, fuit Arelate cum Constantino; at utrobique hospitium dumtaxat habuit, Lugduni verò Prætorium, & domicilium.

Ne diuinare me putes ex aduersarijs ipsis rem probo, fatetur Theophilus Rayn. nullibi commodius sedem Præfecto poni potuisse quam Lugduni, quod in meditullio situm est earum regionum quæ Præfecti iurisdictioni subditæ erant, Galliarum Hispaniarum, & vtriusque Britanniarum; Igitur ibi Præfectus sedit, quo commodius adiri ab omnibus potuit; non amant lineæ extrema, sed centrum, à quo nascuntur, & ad quod redeunt.

Nec satis solide respondet Theophilus commodius quidem sedem Præfecti poni potuisse Lugduni, non tamen esse positam, scilicet non omnia ex lance Iustitiæ fiunt, & multa ex arbitrio pendunt, Præfectum sedere Treuiris voluit Maximus, Arelate Constantinus uterque id optimum credidit, quod utriusque placuit.

At ego, & ponendam sedem Lugduni, & positam sic euinco: Ambrosius succus celestis expressus est Lugduni Patre Galliarum Præfecto, Sidonius Lugduni natus est Patre Apollinare Præfecto Prætorij, igitur uterque Præfectus Lugduni sedem habuit. Persuadet hæc ratio nisi fallor utrumque Parentem sedisse Lugduni, non tamen Ambrosium Lugdunensem esse, nec Sidonium; ille Romanus fuit, hic Aruernus, & dum ille Romam, hic Aruerniam repetit, uterque in Patriam venit.

Valida est hæc ratio facti, addo validiorem rationem iuris. S. Maiolus in vita S. Odonis, ait, ex antiquo more, & Ecclesiastico iure Lugdunum arcem totius Galliarum obtinere; ex eo sic arguere licet, Ecclesia à primis usque temporibus iurisdictionem suam accommodauit iurisdictioni politicæ, ut docent voces Metropolis, & Diocesis; at primarius, & supremus Magistratus Ecclesiasticus Lugduni sedit, igitur & politicus; supremus autem politicus fuit Prætorij, & Galliarum Præfectus.

Alludit ad hunc primatum politicum Sidonius Epist. 7. lib. ad Thaumassium, nec quidquam, inquit, Deo propitiano nocebit, si modo quandiu potestas præfens Lugdunensem Præuinciam regit, nostrum suumque Germanicum præfens Agripina moderetur: Quæso Ariste, quænam hæc est præfens

potestas nisi Præfectura Galliarum ? igitur ea Lugduni stetit.

Ne parui æstimes hoc testimonium Sidonij, audi ex ipso Sidonio qualis vir fuerit l. 5. Epist. 16. Concordia fruor, quam parem nostris, suisque liberis exopto votis in commune deposcens, ut sicut nos utramque familiam nostram Præfecturiam nacti, etiam Patritiam diuino fauore reddidimus, ita ipsi quam suscipiunt Patritiam faciant Consularem.

Instar est plurium Authorum vir maximus, ne tamen ita sensisse solum Sidonium putes, sedisse Lugduni Præfectum Galliarum affirmat Lazius lib. 2. de rep. Rom. Robertus de Lugd. Archiep. & plures alij.

Ob hæc argumenta Theophilus fatetur, si agatur de iure, & si spectetur nuda ratio, Præfectum Galliarum Lugduni sedisse; atque eam sedem libens assignat Præfecti Vicario. At si hæc sedes est commodissima, cur commodius se debet Vicarius quam Præfectus? Cur Vicarius in medio Galliarum instar Iouis? Cur Præfectus in limite instar termini? Cur non potius Præfectus in centro vnde imperare posset, Vicarius in finibus Imperij, vnde excurrere posset, & redire?

Vides, Ariste, victoriam nobilis controuersæ à Lugduno stare; ne tamen alijs vrbibus inuidere videar; rem totam si definitio, habuere Præfecti Galliarum nobilem sedem Arelate, & Treuiris, habuere fixam Lugduni.

DISSERTATIO XVII.

DE REBUS FORTITER GESTIS A B ANTIQVIS
LVGDVNENSIBVS ANTE PLANCVM.

ARDVAM rem vis scire, Alexi, & probatu difficilem, quid fecerint fortiter Lugdunenses ante Plancum: quomodo ante Plancum: fuere fortes, si necdum fuere homines: qui pugnavit ante vitam? quis fortis fuit adhuc cinis? quis generosus adhuc nullus?

At ego superioribus dissertationibus probavi, aut verum esse, aut vero simile fuisse Lugdos, & Druyos ante Romanos, & Lugdunum reparatum esse à Planco, non conditum.

Placet ex fortibus veterum Galloꝝ factis aliqua summationem
at-

attingere, & prius monuero, nihil ab antiquis Gallis extra Galliā gestum, cuius pars magna Lugdunenses non fuerint : scilicet publicum ostium ad exteras nationes Lugdunum erat, & penē armamentarium ; nec tantū cæteris Gallis aperiebat iter, sed addebat vires, & supplebat acies ; & semper Lugdunenses, aut comites fuere viæ, aut ductores.

Possem excurrere vltra Romam, & Troiam, cum Scipione Duplex nobili historico, & numerare viginti Reges, & plures quī Romanos præcessere : Samothem, seu Ditem, Magum, Sarronem, Dryum, Eardum, Longhonem, Lucum, Celtam, Galathem, Narbonem ; Lugdum, Belgium, Iasium, Allobrogem, Romum, Paridem, Lemanum, Obbium, Galathem, Mamnem, Rhenum Francum, vidit has Reges Lugdunum, & fortē Lugdus nomen traxit à Lugduno, non dedit :

Placet dicere aliquid certius, post Iustinum, Strabonem, & Liniū, Ambigarus Rex Gallorum cum videret Gallias abundare multitudine hominum, id putauit faciendum Prouincijs suis, quod Apes faciunt Aluearijs, emisit extra Galliā Bellouesum, & Sigouesum Nepotes suos, & diuisit illis externa Regna, quasi iam sua ; exiire cum vtroque trecenta hominum millia, idest flos iuuentutis Gallicæ ; nec sensit Gallia eam plagam, quæ alterum Regnum exhausisset ; nec dubium est quin cum alterutro Duce pars Lugdunensis iuuentutis exierit, & pugnarum, ac victoriarum particeps Galliā extra Galliā, & Lugdunum extra Lugdunum fundauerit.

Ex ijs copijs, ait Iustinus pars superata Italia Romam obsedit, & cepit : & nisi Brenus noua quærere, quam parta seruare maluisset, triumphare poterat in Capitolio, & Rex esse Romæ : diuiserunt tamen Galli Italiam, & trans Alpes nouam Galliā, & Mediolanum, alterum Italiæ Lugdunum condiderunt.

Pars altera Gallorum Macedonia, Thracia, & Græciā victorijs peragrata, in Bithinia denique consedit, & Regnum cum Bithino Rege partita, Gallogræciæ nomen imposuit regioni : Pannoniam quoque, Illyricum, Dardaniā, & totā ferē Germaniā à Gallis debellatā, Galatæi montes, & Gallemburgici testantur, & multæ vrbes hodieque Gallico nomine, & lingua nostrate fatentur Germanicas se fuisse, & Gallicas. Tantaque, ait Iustinus Gallici nominis autoritas, & armorum felicitas erat, vt aliter neque maiestatem suam tueri Reges Europæ, & Asiæ, nec amissam recuperare se posse sine Gallica virtute iudicarent.

Nec semel tantum Italiam Galli, ceterasque orbis regiones vicerunt, sed sæpè aduentum Gallorum trepidauit Roma, & Europa: vix toto decennio Iulius Cæsar Galliam per Gallos debellauit; singulis ferè annis victa est à Gallis Italia, & Roma sæpe capta.

Male autem Iustinus asperam gentem, & ferocem Gallos appellat, nec benè primos virtute post Herculem, præponere debuit Herculi, & Achilli, & Titus Liuius comparare potuit cum Romanis, facere secundos non debuit.

At hæc Gallis, & Lugdunensibus communia fuere, quæ sequuntur sunt singularia: At epomarus superatis Alpibus, & turbata Italia Romam obsedit; magni exercitus pars maior Lugdunensis erat; & capere Romam potuit, nisi eam liberasset scæmina, & ancilla; cesserunt scæminis Galli, qui non cessissent viris, cesserunt tamen victores non victi.

Nec Alpes effregisset Annibal sing Gallo milite, & ductore, pugnarunt Lugdunenses cum Annibale, & vicerunt; actum erat de Imperio Romano si Annibal capere Romam maluisset quam Capuam, & si Gallis credidisset non Afris.

Excepit aduentantem Iulium Cæsarem Lugdunum quem repellere potuit, vicit Cæsar Gallias armis Gallicis non Romanis; victus erat si Lugdunum aditum obstruxisset venienti, aut recusasset reduci: Ingratus victor, & scriptor Lugdunum non meminit, per quod vicit.

Audio quid tacitus dicas, Alexi, placere tibi hæc Lugdunensium facinora si essent vera; at vereri te ne fingam Lugdunum ante Lugdunum, & ne vt antiquos faciam Lugdunenses, facere velim Aborigines; scilicet ante Plancum Arar erat & Rhodanus, intra vtrumque insula, at fortè intra insulam nihil erat.

Non ita res habet, Ariste, iam supra dixi, aut verum, aut vero simile videri, antiquiorem esse Lugdum quam Romulum, & Lugdunum quam Ilium. Neque hæc Græcorum fabula est, sed Lugdunensium historiam, atque vtinam non periissent Bardorum, & Druydum Poemata quibus heroum suorum facinora ad Lyræ canebant, superaret Gallica veritas mendacia Græcorum, & minor esset Alcides Græcus quam Hercules Gallicus. Cur inuides, Ariste, Lugdunensibus tuis genus antiquum, res est illustris antiquitas, descendunt cum illa virtutes ad posteros, per auos, & proauos, pretiosior est hereditas antiqua quam noua, & nobilior fluiuius cuius origo nescitur, quam qui apud nos nascitur.

DISSERTATIO XVIII³⁴⁵

VETERVM GALLORVM, ET LVGDVNENSIVM LINGVA.

ARISTVS. Quæris Alexi, qua primùm lingua cœperit loqui Lugdunum, cum esse cœpit: scilicet interesse putas, ut sciamus quid primùm sciuerimus, quæ verba cum lacte, quæ sub ferula didicimus, an maiores nostri priùs lallare didicerint Græca lingua quam Gallica.

Responderi certa non possunt in re controuersa; dicam quid probabiliter sentiam; antecessit Lugdunum Romam, & Massiliam sed vocale, & eloquens, non mutum, aut bardum. Hæc igitur lingua qua primùm facundi fuimus non est Græca, quam nesciebant Galli etiam primarij temporibus Iulij Cæsaris: testatur ille lib. 5. cap. 22. scripsisse se græcè ad Quintum Ciceronem Fratrem. Marci Tullij, ne si literæ interciperentur à Gallis, inclusa literis consilia innotescerent; at æquè interceptissent Galli consilia interceptis literis græcis, si lingua græca Gallis fuisset natia: neque pugnancia dicit dum alibi ait Gallos græcis literis uti solitos; scilicet utebantur characteribus græcis non verbis, sic hodieque scribimus characteribus latinis verba Gallica, & multi ignorant latina.

Imo habuisse Gallos characteres suos ante Græcos asserit ex Beroso Annius Viterbius, Cadmus inquit eius nominis quintus paulò ante ruinam Troiæ rediens ex Phœnicia, retulit in Græciam sexdecim literas non Phœnicias, sed characteribus Gallorum quos vocat Galatas per similes: Attende hæc verba Aristæ, attulit in Græciam ante ruinas Troiæ, igitur non acceperunt Galli à Græcia characteres suos quos Græcis donarunt.

Ijs literis scribebant fortia heroum suorum facinora versibus heroicis, eosque versus canebant ad Lyram; atque vtinam superessent hodie ij versuum libri, miraretur orbis Galliam habuisse heroas veras, & Græciam fabulosas.

Neque simile vero est Gallos initio locutos Germanicè, sciuisset linguam Gallicant Ariouistus Princeps Germanus apud Iulium Cæsarem l. 3. belli Gallici, neque illam longa consuetudine didicisset, si illam hausisset cum lacte nutricis; nemo id longo vsu acquirit quod cum lacte bibit, ridiculè autem Rhenanus antiquos Gallos ad temporà vsque Iulij Cæsaris contendit locutos esse.

Bri-

Britonice : aduenz sunt Galliarum Britones, non indigenz, inuenere Galliam eloquentem non fecere, & facti Gallorum subditi linguam quoque suam Gallicz linguaz subdidere.

Incipis vt puto persuaderi, Ariste, vrgeo te, & rem euinco, legere est apud Iulium Cæsarem, Strabonem, Suetonium, Tacitum, Aufonium, Sidonium scriptores latinos verba Gallica quibus nunc etiam vtimur, eiusmodi sunt è multis ista, Soldurus, Leuca, Carra, Bracca, Caracalla, Alause, Teuche, Saumon: si rationem quæris hæc in promptu est; nullis temporum, & rerum vicissitudinibus ita mutantur linguaz, vt auellantur radices, & corrumpantur origines.

Denique nonnisi longis post annis inductus est in Gallias vsus linguaz græcz, videlicet condita à Phocensibus Massilia; neque ita multo post dicti sunt Massilienses trilingues à lingua Celtica, Græca & Latina: At diu ante Galli, & Lugdunenses eloquentes erant propria lingua: placuit autem tantopere è Massiliensibus nouitas linguaz, vt teste Strabone lib. 4. Augusti temporibus Massiliæ contractus græcè scriberentur: quodque admirationis plus habet, docebatur eloquentia, & Philosophia græcè, & latinè tanta cum laude, vt Romani neglectis Athenis ad capessendas disciplinas Massiliam confluerent: scilicet addiscebant eas linguas Samothei, Druydes, Bardi, & eas docebant, nemo censebatur eruditus qui græcè, & latinè nesciret, atque vt nunc pars eruditionis est linguas scire, ita ijs temporibus tota penè eruditio eras trilingues esse.

Aduecti Lugdunum Phocenses, & loci opportunitatem admirati obtulerunt Societatem græcam, & petierunt Gallicam; excepit Lugdunum hospites, & fecit ciues; ac vide humanitatem gentis nostræ, communes fecit dignitates, & honores, miscuit vocibus gallicis voces græcas, appellauit Academiam suam Athenæum; inde illa celebritas scholarum Lugdunensium, in quibus certabant indigenz, & aduenz; nec semel ipsi etiam Imperatores, & dum Gallia Romam, & Roma Galliam didicit, Lugdunensis Pallas orbis Magistra fuit.



DISSERTATIO XIX.

347

NOMINA LVGDVNI.

PRETIOSA res nomen cuiusque rei, caracter est naturarum ut eas designet, imago ut repræsentet, radius ut illuminet, color ut spectabiles reddat, sonus ut vocales efficiat, quorum nomina res aliqua habet, tot habet dedecora, numero illa, ut patriæ tuæ splendorem intelligas.

Primum Lugduni nomen à Rhodano venit, Sidonius lib. 1. Epist. 5. appellat Rhodanisiam, S. Irenæus Rhodanausiam, & Lugdunenses matronas vocat Rhodanenses, & à pietate commendat.

Nec fortè diuersum est nomen Rhoda, Rhodia, Rhodana, nisi trahatur à Rhodijs, qui cum Phocæis Massiliam primum, deinde Lugdunum appulerunt, hospitem primum, deinde ciues, & incolæ.

Tertio nomine appellat Sigismundus Rex Burgundiæ in diplomate Regio, Ararum, alij Arariam dicunt, Petrus Venerabilis à duobus fluuijs vocat Aquosam; at fortè non hoc tam nomen est quam Epithetum nominis.

Nec male confluens ab aliquibus dicitur à confluxu duorum fluminum, inde illud distichum.

Lentus Arar, Rhodanusque celer miscentur in unum;

Nobilis urbs fluuios nominat una duos.

Quintum Lugduni nomen fuit, Athenacum, Athenæum, Athenopolis, ab Atheniensibus aduenis, vel à Minerua ipsa, cui adeo Lugdunum placuit ut ex Græcia migrasse Lugdunum, & secum Athenas deportasse videatur, aut Athenarum disciplinas.

Sexto nomine appellare videtur Titus Liuius, describens iter Annibalis, quartis Castris inquit ad insulam peruenit, ubi Arar, & Rhodanus amnes diuersis ex Alpibus decurrentes agri aliquantum complexi confluunt in unum, medijs campis insulæ nomen inditum. Putat Paradisus non medios tantum campos, sed urbem in consenti sitam insulæ nomen habuisse.

Septimum nomen Plancus Munatius fundator urbis, aut reparator imposuit, inde illud carmen antiquum.

Conditur à magno Plancia magna viro.

Octauum nomen est Leopoldis non à Leone qui legionis Romanæ
Lug-

Lugduni statua habentis vexillum erat, sed à Leone nobilis urbis regio caractere: inde ille nummus argenteus ex parte vna M. Antonij Triumviri nomen, ex altera Leonis effigiem præferens, hodieque Lugdunum Gallica lingua leonem sonat.

Nona appellatio Lougodunum, idest coruorum collis: Plutarchus libello de fluuijs & montibus, si tamen is Plutarchus est, ait Momotum, & Atepomarum oraculo monitos vt ad confluentem Araris, & Rhodani urbem extruerent, à cornis circumuolitantibus appellasse Lougodunum, idest montem coruorum, quos Celte lougos vocant, & montem Dunum, in itinerario Antonini urbs quædam louge vallis, idest coruorum vallis appellatur.

Decimum nomen Lugdunum commune est, nec tamen communis origo, putant aliqui, deductum nomen partim à monte, seu Duno voce Gallica multis alijs Galliarum urbibus vñtata, Augustodunum, Nouiodunum, Meliodunum; partim à Lugdo, Lugdum autem Iapeti, & Gomeris nepotem fuisse historiam putant non fabulam.

At alij deducere hoc nomen malunt à Luce, & monte vt sic splendidius, & eminentius, ita videtur appellare Claudius apud Senecam.

Vidi duobus imminens flumini ingens,

Quod Phæbus ortu semper obuerso videt.

An etiam mons lucidus dici potest à repercussus radijs solaribus ab ingenti speculo quod in summo monte positum fuisse, post Champerium, & Morinum Pierchamus affirmat, & Rubysius: & ne fabulam putes Rogerius Baconus Anglus eo libro qui inscribitur speculum Alchimie, scribit ingentia specula fuisse in vñu tempore Iulij Cæsaris, eumque Caleti cum esset, & de inuadenda Anglia cogitaret vidisse in grandi speculo Angliæ obiecto hostem se ad certamen comparantem. Refert Guillelmus du Choul Lugdunensis lib. de Relig. ex antiquo manuscripto, Colossum Rhodium prætulisse in pectore speculum in quo spectabantur naues in Ægyptum, & Syriam transeuntes.

Vndecimo Dalecampius lib. 1. scribit Lugdunum significare montem felicem, vetus itinerarium Hierosolymorum, quod debemus Pithæo vocat Lugdunum montem desideratum, Paradinus lib. 1. cap. 36. Refert Probum Imperatorem appellasse montem aureum. Idem Paradinus vocat montem album, & putat Lugdunenses esse Albios, de quibus Plinius lib. 4. c. 18. Illustris omnino sunt hæc nomina, at regionis potius quam urbis, & quidem longus ille tractus montis continui, Arari primum deinde

Rho-

Rhodano incumbens per plura milliaria hodieque mons aureus appellatur.

Difficiliora sunt alia tria nomina, Ciuitas Segusianorum, Ciuitas Sebusianorum, Ciuitas Sequanorum; hæc enim si vera sunt, igitur erat Lugdunum trium populorum Domina, trium Prouinciarum Regina, & triplex & vna Ciuitas: Fauet his appellationibus Cæsar l. 6. c. 5. dum sic loquitur, vrbes primariæ sui iuris erant, nullius addictæ imperio, quæ populi, & totius Gentis nomine vocabantur; atqui Lugdunum trium Prouinciarum vrbs primaria erat.

Et quidem conuenire Lugduno primum nomen, Ciuitas Segusianorum, docere videtur Plinius l. 4. c. 18. Segusiani liberi in quorum agro Colonia Lugdunum erat; neque erat nisi tanquam vrbs primaria, & caput, ac domina cæterarum urbium; fecere eam dominam Romani dum fecere Coloniam; & fortè ante Romanos Segusianorum iam domina erat: assentitur Plinio vir eruditissimus Petrus de Marca digress. de prim. Lugdun. n. 108. Paradinus vero licentia penè Poetica Lugdunum appellat Segusiam, idest caput, & Ciuitatem Segusianorum.

Nec difficilius est alterum nomen, Ciuitas Sebusianorum: Philibertus Monetus in accurata veteris, & recentis Gallie Geographia ostendit Sebusianos gentem esse à Segusianis valde diuersam; nimirum Segusiani intra Ararim, & ligerim sedem habent, eosque diuidit Monetus in Foresienses Lugdunios, & Baniuienses; at Sebusianos collocat intra Ararim, & Rhodanum, eosque diuidit in Brannouices, seu Bressanos, Verromæos, & Beugesios. Iterum Bressanos, seu Brannouicenses subdiuidit in Burgenses, Cabillonenses, Dombenses, & Lugdunios immunes. At Lugdunum parte sui maiore est intra Ararin, & Rhodanum, atque hæc iuscula, quæ Lugdunum continet, ager est Sebusianorum, igitur Lugduni pars maior Sebusiana est; nec dubium esse potest quin inter vrbes Sebusianorum sit primaria, potest igitur dici Ciuitas Sebusianorum.

Illustre sane Lugduni elogium parte vna sui Segusianorum Ciuitatem esse, parte altera Sebusianorum; vix aliam Ciuitatem reperias cuius partes sint totidem vrbes, cuius tot nationes incolæ sint, & tot populi Ciues.

Gravior controuersia est an Lugdunum Ciuitas Sequanorum appellari possit; & quidem Lugduno non parum splendoris accederet, si vrbs iam magna, dici posset maxima Sequanorum.

Putat Paradinus l. 1. c. 5. ex lapidibus ipsis probari rem posse, ex varijs inscriptionibus antiquis hanc laudat,

Q. Ad.

*Q. Adiginnius, Urbici filius, Martius Sequanus,
Sacerdos Rom. & Augustalis ad aram, & Confluentes
Araris, Duumvir in Civitate Sequanorum.*

Ridet hoc testimonium lapideum Rubysius lib. 1. cap. 3. & verò potuit Martinus Sequanus esse, neque inde sequitur Lugdunum esse Sequanicum; potuit Adiginnius esse Lugduni Sacerdos Romæ & Augusti, & esse Vefontione Duumvir, potuit mori Vefontione, & habere illic sepulcrum plenum, & Lugduni Cenotaphium: At Lugdunum esse Civitatem Sequanorum, nec dixit Adiginnius vivus nec probat mortuus: affert hoc idem Epitaphium Monetus, & negat in eo vel vllum apicem esse, qui probe Lugdunum fuisse Sequanicum; confirmari res potest ex Strabone, & Plinio, qui Lugduno in agro Segusianorum, & Sebusianorum collocant, at neuter in agro Sequanico, cuius limites distant tam longè, & latè à finibus agri Lugdunensis, vt inter vtrosque magna Prouincia interiaceat. Denique rem conficit Cæsar dum lib. 1. cap. 9. vocat Vefontionem maximam Sequanorum, at ex eodem Cæsare lib. 6. cap. 5. vrbes maximæ, & primariæ sui iuris erant, & populi, ac totius gentis nomine Civitates vocabantur.

Hæc quamuis vera sint, conciliari forte possunt opiniones ex Strabone l. 4 p. 177. vbi ait factam diuisionem Galliarum nouam sub Augusto, & partem regionis superiorem ad Rheni, ac Rhodani fontes ad medium ferè camporum ditioni Lugdunensium aditæ esse: At sub Iulio Cæsare alia Galliarum patritio erat, forte igitur dici posset sub Iulio Cæsare Vefontionem Sequanorum Civitatem fuisse: At sub Augusto Lugdunum, atque ita non Segusiani tantum, sed etiam Sebusiani, imo & Sequani Lugdunensis Civitatis populares erant.

Ex ijs vides, Ariste, quale & quantum olim Lugdunum fuerit; Segusianorum, Sebusianorum, & Sequanorum Civitas; placeat elaudere Epistolam hoc Elogio.

*Lugdunum fluviorum, & populorum confluuium.
Scilicet confluunt ad illam duo fluij, & decem populi.*



DISSERTATIO ³⁵¹ XX.

ARAR QVALIS FLVVIVS.

AMNOSIORES sunt vrbibus fluij, & priores; condidit eos Author orbis, dum orbem condidit; coeui sunt naturæ, neque aliquid est illis antiquius nisi Deus: viderunt nasci vrbes, neque vrbes eos nasci viderunt: primis hominibus ripæ fluminum pro vrbibus erant; crescente hominum multitudine, & necessitate industriam aciente extructæ sunt vrbes ad ripas fluminum, impositi, deinde pontes fluijs, superstructæ ædes, & fluij pars vrbium, & vrbes pars fluijorum esse cœpere. Hæc communia sunt pluribus fluijs, id singulare est Arari, pars Lugduni est Arar, & Lugdunum pars Araris.

De Arari hæc abs te quæro, Ariste, nomina Araris, ortum, progressum, & exitum.

A R I S T V S . Nomina Araris quædam sunt antiqua, quædam noua, explico præcipua: Primum Araris nomen Brigulus fuit, si credimus Authori libelli de fluijs, & montibus, & credere possumus si eius libelli author est Plutarchus, vt affirmat Claudius Bachetus Dominus de Mezeriac in notis manuscript. in Plutarchum, & post illum clarissimus Præses Philippus. Maussacus in crisi de operibus Plutarchi, & post vtrumque eruditissimus Petrus de Marca digress. de primatu Lugdunensi n. 96. Arar, inquit Plutarchus vocabatur prius Brigulus, nomen autem mutauit hanc ob causam, Arar venationis causa in syluam ingressus inuenit ibi fratrem Celtiberum à feris occisum, præ dolore percussit seipsam lethali vulnere, & læsus in Brigulum se deiecit, qui ex eo Arar dictus est.

Sic Arar Ararias nomine dixit aquas.

Alterum igitur nomen est Arar, siue ab ea cœde deductum, siue potius à lento aquarum fluxu, Arar enim Celtica lingua lentum significat; at Arar adeo placide fluit vt dubites vtram in partem fluat, & dormire magis videtur quam ire.

Tertium nomen *Σαῖπας* apud Polybium, nec tamen hæc appellatio à sordibus venit vt aliqui putant, quasi Arar sit receptaculum sordium, sed à limo, & vligine quibus campos impingat, & quasi arat, & forte deductum est nomen Araris ab arandis agris.


Quartum nomen Sangona. Ammi. lib. 15. Rhodanus Ararim quem

quem Sangonam vocant ingreditur: vnde autem sanguinis nomen Arar traxerit, non satis inter Authores constat; an à sanguine fratrum Araris, & Celtiberi? credunt aliqui, at hæc fortè fabula est: an à sanguine Romanorum incruenta illa pugna Albini, & Seueri in qua Authore Sabellico octoginta hominum millia fuere cæsa? & Dio scribit sanguinem in fluuium defluxisse: at hæc pugna in eo campo commissæ est qui hodieque vocatur planities sanguinis fusi, audi Herodianum in Albino, in ædem inquit quondam ad Rhodanum fuso exercitu fugit, urbem repetens qua erat egressus: Igitur sanguis ex eo campo in Rhodanum defluxit, non in Ararim; male autem Paradinus l. 1. c. 3 1. denominari probat hunc campum à centum fontibus: verius enim dici potest campus sine fontibus adeo illic rarè sunt extra Rhodanum aquæ.

Oritur Arar ex Vogeso monte apud Mediomatrices, ex quo etiam monte Mosella nascitur, vterque autem opposito cursu, Arar ad Austrum, Mosella ab austro in boream fluit: de vtroque Tacitus l. 13. n. 53. imperante inquit Nerone, Lucius Vetus Mosellam atque Ararim facta inter vtrumque fossa connectere parabat, vt nauigabilia inter se Occidentis, & Septentrionis littora redderet: inuidit operi Gracilis Belgicæ Rector, & bonum consilium magno Galliarum & orbis detrimento corruptit.

Progreditur Arar à Vogeso monte ad portum Araris apud Sequanos, ab illo Graiacum, Graiaco Axonam, inde Laudenam, & Surregium, Surregio Cabillonum, Tinurtium, Matisconem, denique Lugdunum graui incessu inter duas nobiles arces ingreditur, & mediam urbem interfecans sub ea extrema in Rhodanum infusus pulchro connubio illi se miscet, & numerosis amnibus inter eundem grauibus sub Rhodani mariti nomine mari se immergit, ibi moriturus cum alijs fluuijs vnde omnibus est ortus, & vbi omnibus obitus.

*Quo perituri amnes properatis præpete cursu?
At puto sic properans, vt citò sic pereant.*



DISSERTATIO 353 XXI. DE RHODANO.

QVAERIS, Alexi, nomina Rhodani, ortum, progressum, & exitum, & sciri debet illustris fluuius, de quo hæc habet Aulus Gell. l. 10. c. 7. Rhodanus, Nilus, Ister tria flumina omnium maxima: illustre elogium Rhodani nisi tamen est nimium.

Nomen Rhodani parum Grammaticè Munsterus in Cosmographia deducit à rodendo, quamvis enim sit edax, & rapax, atque ut ait Silius Italicus l. 3. pun.

Spumanti Rhodanus proscindens gurgite campos.

Non tamen propter Rhodani nomen à rodendo venit, nec enim corripere primā syllabam, nec illam aspiraret, nisi fortè qui agros proscindit, vnam etiam è suo nomine corroserit literam.

Probabilius S. Hieronym. in Epist. ad Galatas putat Rhodanū à Rhoda, & Rhodij nomen accepisse: & sumpsisse videtur ex Plin. l. 3. c. 4. Rhodanus fluuius Gallie rapidissimus à Rhoda Rhodiorum oppido nomen habet: At ante Lugdunum, & Rhodam, & Rhodios Rhodanus fuit, & inuenire illum Rhodij non inducere: nec tam illustris fluuius sine nomine fuit: potest tamen hoc esse nomen Rhodani alterum, at non est primum.

Imo cur quæritur primum & alterū, Rhodanus à voce Græca *Ραδω* nomen traxit, neq; aliunde melius quam à fluxu, & rapida velocitate appellari potuit Rhodanus, seu rapidissimus fluuius: ab hac celeritate Hieronymus S. Hilarium eloquentiæ Rhodanū vocat, & Fortunatus l. 1. de vita S. Martini, de eodem S. Hilario ait.

Rhodano torrentior ipso.

Et S. Ambrosius agens de celeri obitu Gratiani, & Valentiniani Imperatorum, rapidiora inquit Lugduni fuisse vtriusque pericula quam Rhodani fluentia.

Nascitur Rhodanus ut putat Polybius in finibus Venetorū, ut aliqui affirmant in Alpibus quæ Galliam ab Italia diuidunt non longè à fontibus Danubij, & Rheni: At Philibertus Monetus author accuratus in Geographia Gallie pag. 356. probat oriri in Alpibus Penninis in supremo montis Sempronij iugo, apud Mantuā vicū Sedunorū: fons eius natalis exiguus est initio nec saltu lator, viuax tamen, & rapidus qui cum impetu lapsus in subiectas rupeas & plurib. riuis, ac corrètib. auctus crescit in fluuiū, & murmurāti similis, qualis in progressu futurus sit ostendit ab ipso iam ortū.

Egressus è faucibus Alpium, & deuolutus in campestria Veragrorū, seu Valesiorum totam eam conuallem irrigat, & sub eā ex-

tremam lacum Lemauum ingreditur; ac vide qua maiestate, nec colorem mutat, nec cursum, nec augetur aquis alienis, nec eas secum rapit, nec aliud ab hospite suo nisi transitum petit: sed & lacus reueritur tantum hospitem, partitur aquas suas, viam mediam facit, & quem amicum exceperat amicum dimittit.

Egressus è Lemano lacu Sebusianos, & Allobroges definit, & alluit; tertia ferè Leuca à Geneva alluebat vicum Tauredunum, quem resistantem itineri passus aliquādiu, tandem impatiens corrosit & diruit: vlturus iniuriam Tauredunus transuersum alueum hodieque occupat, & restagnantis, ac frustra irascentis fluuij viā dum impedire non potest, difficilem facit. Sexta ferè ab Geneva Leuca Sesselium oppidum interfluit, inde Antonem portum sexta à Lugduno leuca; denique Lugdunum aduenit, atque ad Athenarum Ararim excipiens pulchro connubio se illi iungit

Lentus Arar Rhodanusque celer connubia nectunt,

Ille vir, & penè femina mollis Arar.

Digressus Lugduno Rhodanus Viennam olim Lugduni æmulam, nunc amicam præterfluit, inde Condrium, Turnonum, Voltunnam, Augustam Heluiorum, Burgum Andecolium, Sanspiritum, Auenionem, Tarasconem, & Arelatem delabitur; illic fossa ingenti à Mario ducta nouo alueo, quem Ptolomæus nouum fluuium, vocat, in duos velut Rhodanos diuisus, agrum intermedium septem ferè leucis longum, & inæquali interuallo latum triquetra figura intercludit; denique tribus ostijs vnus, & penè triplex fluuius Regi similis in mare influit, & maiestate aliquamdiu retenta regnum tandem, & nomen amittit.

Atque hæc de Arari, & Rhodano, Claudio Epistolam illustri quæstione, vter fluuius Lugduno sit vtior, Arar an Rhodanus, & ne diu anxium te teneam duobus verbis definitio. Fructuosior est Arar quam Rhodanus dum Lugdunum aduenit, quæstuosior est Rhodanus dum Lugduno exiit: quid enim ex Alpibus, & Rupibus, & syluis aduehit Rhodanus dum accedit, nisi arbores, & ligna, & saxa, & rude aliquod ex Germania metallum? At Arar trium Prouinciarum adipem, & quasi sanguinem Lugdunum adducit, dum appellit: postquam autem vterque fluuius in vnum confluit, Rhodanus Italix, Hispanix, Africæ, & Asiæ opes aduerso cursu reuehit, & Lugdunum redit; & quamuis Arar Rhodanum adiuvet, & partem onerum ferat, postquam tamen Rhodano se miscuit, & penè nupit; transiit in iura mariti, & nomen, ac honorem cessit: ne tamen omnis laudis sit expers, eam gloriam participat, quam vir communem facit vxori.

EPI-

355

EPISTOLÆ HISTORICÆ

ARISTI AD ALEXIN.

EPISTOLA PRIMA.

LVGDVNVM SVB PLANCO.

QVÆRIS ex me, Alexi, qualis vir fuerit Plancus Munatius ; scilicet interesse pteras Lugduni scire qualis fuerit eius reparator, aut author; transijt in liberos decus Parentis ; & pars nobilitatis est venire ex nobili sanguine : nobilior esset Roma si Consulem fundatorem habuisset non pastorem ; propterea vt purgaret dedecus fecit Romulum Deum, & seipsam Deam.

Prima laus Munatij Planci est habuisse Ciceronem præceptor-rem, discipulus eius fuit, & poterat esse æmulus, nisi arma togæ sociare maluisset: extant familiares vtriusque Epistolæ, atque vtinam extaren Planci orationes; appareret in illis eloquentia discipuli Planci, & Magistri Ciceronis.

Altera laus est Planci est fuisse legatum Cæsaris in Gallijs: qui penè æquauerat Magistrum Ciceronem penè exæquauit Cæsarem; appellat illum Cicero Imperatorem; scilicet solus Cæsar Gallias non vicit; adiuuit illum Munatius, & pars victoriarum fuit: vicit cum Cæsare, & post illum, & cum tres viri diuiserunt orbem terrarum, Plancus vir quartus esse poterat, nisi seruare Romam voluisset, dum non potuit seruare rempublicam: propterea adhæsit partibus Octauiani, cui etiam imposuit nomen Augusti, & penè eius Patruus fuit.

Tertia laus petenda est ex dignitatibus Planci, Imperator, Cen-sor bis Consul, VII. vir, Epulo, Triumphator, omnes dignitates Romanas meruit, penè omnes gessit, præter supremam: de hac quoque certare potuit, nisi pugnare pro patria maluisset, quam contra illam.

Quarta laus Planci est fundasse Lugdunum, & Rauiicam, aut ornasse; euertunt alij vrbes, Plancus fundat, aut reparat; Calamitosum victoriæ genus delere vrbes, & homines, & de ruinis triumphare; nobilius vincendi genus est extruere vrbes, quam euertere:

perit laus aliarum victoriarum cum rebus quæ pereunt : viuet laus Planci, quandiu Lugdunum stabit, & Raurica, & lapides ipsi Plancum loquentur post homines: atque hoc est illustre elogij genus lapides habere laudatores.

Caietæ in æde Saturni, nunc turris Rolandi est eloquens marmor sic Plancum laudat.

L. Munatius L. F. L. N. L. Pron. Plancus Cos.

Ex Rhetis adem Saturni fecit de manubijs

Censor Imper. Iter. V Ilvir. Epul. Triumph.

Agros diuifit in Italia Beneuenti, in Galliam

Colonias deduxit Lugdunum, & Rauricam

Nec minus eloquens est alterum marmor, quod extare Basileæ in campo frumentario sub imagine Munatij affirmat Claudius Bellicureus in suo Lugduno Prisco, manuscr. fol. 62.

L. Munatio Planc. Cini Romano, viro Consulari

Et Pratorio, Oratorique & Marci Ciceronis discipulo

Qui post denictos Rhetos ade Saturni de manubijs

Extructa, non modo Lugdunum, sed & Rauricam Colonias

Deduxit, qua Augusta fuit appellata ab Octauio

Augusto tunc rerum potiente. S. P. Q. Basileensis

Tametsi Alemanorum traducti solum, subactis

Ac depulsi Rauricis, amore tamen virtutis qua

Etiam in hoste venerationem meretur, vetustissimo

Traetus huius illustratori culpa temporum prorsus

Abolitam memoriam postliminio reuocarunt.

Anno D. M. D. XVIII.

Ita loquuntur eruditi duo lapides, atque vtinam vterque vel alteruter dixisset annum natalem Lugduni, non esset hodieque controuersus, & vix fluxisset si staret adhuc in lapide. Gregorius Turonensis lib. 1. c. 16. Augusti, inquit anno decimonono Lugdunum Galliarum urbem conditam manifeste reperimus: Paradinus lib. 1. c. 7. putat conditum an. 29. Aug. Imper. & 22. ante ortum Christi. Neque ij duo auctores contraria sentiunt si rationem calculi spectes; Paradinus numerat annos Augusti à Triumviratu, qui cadit in annum vrbis conditæ 711. Gregorius vero à pugna actiaca decem annis posteriore, qui anni decem si addantur annis 19. efficienter anni 29.

Rubysius l. 1. refutat vtumque quia annus Augusti à Triumviratu vigesimus nonus, & ab actiaca pugna decimus nonus fuit annus vrbis conditæ 740. at eo tempore Augustus morabatur Lugduni; igitur Lugdunum iam erat conditum; putat ergo Rubysius

byſius Lugdunum conditum anno V. C. 711. Auguſti 2. Aulo Hircio, & C. Vibio Panſa Coſs. anno ante Chriſti ortum 41. qui ex Chronologia Caſſiodori, Baronij, Scaligeri, & Gordoni natus eſt anno V. C. 751. conſecit Philippus l'Abbe, & ante illum Sallianus.

Igitur annus natalis Lugduni eſt annus mundi creati 4011. Olymp. 184. vrbis conditæ 711. Conſulibus Aulo Hircio, & C. Vibio Panſa, Auguſti 2. ante ortum Chriſti 41. aut 42.

Diſſentiunt ab hoc calculo verſus, quos ex templo S. Juſti exſcripſit Symphorianus Champerius.

Ante Deum natum ſex annis atque viginti,

Munatius Plancus Lugdunum condidit urbem.

At hic Poeta melior Chriſtianus fuit quam Chronographus.

Rides Ariſte laudes marmoreas, at ego illas pretioſiores puto quam laudes verbosas; euanescunt verba dum ex lingua fluunt, aer sunt & sonus in aere, in lapide sunt immortales characteres: imprimuntur marmori, & pars marmoris fiunt; animant lapidem, & faciunt eloquentem, facit illas lapis solidas, & æternas; superest hodieque Plancus in marmore viuis, in ſeipſo mortuus, ſuperſtes vivit in Lugduno ſuo, nec ſuperſeſſet Lugdunum niſi eſſet lapideum.

EPISTOLA SECVNDA

LVGDVNVM SVB IVLIO CÆSARE.

QVÆRIS Alexi, an Iulius Cæſar Lugdunum viderit, vidit ſi Lugdunum tunc fuit: an fuerit quærunt multi, & nemo quæſtionem ſolvit: Ego præter eas rationes quas alibi attuli, fuiſſe Lugdunum probo argentea ratione deſumpta ex nummo argenteo, quem exhibent eruditi cum hac epigraphe.

Ant. Imper. IIIvir. R. C. A. XL.

Ex altera parte, Lugduni, cum leonis effigie.

Ideſt Antonius Imperator, Triumvir, Reipublicæ conſtituendæ, Aſſium quadraginta: Ita legit eruditus Petrus de Marca; non bene autem Lipſius legit à populis quadraginta, neque enim numi à populis, ſed à Præſidibus cudebantur; nec melius alij legunt anno Coloniz deductæ quadrageſimo, nec enim poſt quadraginta annos numi ſub imagine Antonij condi potuere, tunc

Z 3 ſcilicet

scilicet cum eius imagines debebantur, aut iam erant deletæ. Valor igitur numi designabatur ijs literis *Assium* quadraginta.

Ex eo nummo sic arguere licet hic nummus cudi sub imagine Antonij non potuit, nisi eo tempore quo Triumvir fuit, & Gallias rexit; at is annus fuit 712. nec expectauit homo ambitiosus annum secundum, & tertium Imperij sui: neque armis Augusti depulsus à Gallijs imaginem, & nummum meruit: Rursus anno vrbis conditæ 711. dicitur Plancus fundasse Lugdunum, atque hæc est communis fama, cui tu etiam Superiore Epistola credidisti: At quæso Ariste, an vrbs populosa, & ampla condi intra annum potuit? an designari magnitudo vrbis? an duci aratrum? an fodi murorum fundamenta? an extrui muri, an palatium, & templum, & forum ædificari? an vrbs magnifica priuilegio *Argyrocopij* ornari? vix vna domus, & altera intra biennium absolui potest: Igitur ante Antonium, & Plancum Lugdunum fuit, igitur Plancus reparator non conditor fuit: At si Lugdunum ante Plancum fuit, igitur Iulius Cæsar illud vidit.

Audio quid tacitus respondeas, fuisse Lugdunum ante Plancum, nec tamen à Cæsare visum; imo vidit Lugdunum Iulius, qui Lugduno transiuit si fuit: qua enim commodiore via penetrare in Galliam potuit quam per eam urbem, quæ ostium Galliæ erat, & Italiæ; cur superatis Alpibus non descendit in eam urbem quæ clauis erat Alpium? Cur illac non transiuit Cæsar quæ transiuit Annibal? qua Brennus qua Senones, qua Aruerni in Italiam venere? quærebat nouas victorias Cæsar non nouas vias; vinci poterat ab ipsis Alpibus si alia via transiisset.

At pergis obijcere, cur igitur Lugduni non meminit, si Lugdunum vidit? possem dicere meminisse, dum Ambarros, dum Brannouices, dum Viennam, & Tornusias Turres, & Matisconem nominat; scilicet ille medium non omittit qui appellat extrema; at earum Gentium, & vrbium Lugdunum centrum erat, & medullium: Addo obuiam, & validam rationem; eas ferè tantum vrbes Cæsar nominat quas obsedit, aut vicit; eos ferè populos recenset quos expertus est hostes; nec Geographum agit Cæsar in commentarijs, nec historicum Gallicum; scribit laudes suas non alienas; & enumerat victorias Romanas non vrbes Galliæ.

Claudo Epistolam elogio Cæsaris. Vir magnus Iulius Cæsar, maior futurus nisi maximus esse voluisset; vt magnum se faceret nullum præter se pati potuit magnum; vt statueret authoritatem priuatam euertere publicam, vt primus esse posset, omnes postre-

mos

mos esse voluit : fecit crudelem ambitio dum fecit Cæsarem ? tot hominum millia cecidit vt à cædendis hominibus fortiri Cæsaris nomen potuerit, post cæsam Galliam, cecidit Italiam, & Patriam ipsam ; neque tot homicidijs satur post exhaustum hominibus occidentem cogitabat Orientem vt totum orbem cæderet : verum vlciscente numine , ipse ibi cæsus est vbi tot Senatores ceciderat ; denique vt verbo dicam is fuit vir Iulius Cæsar de quo merito dubites, plusne attulerit orbi detrimenti, quam lucri.

EPISTOLA TERTIA

LVGDVNVM SVB MARCO ANTONIO.

DE Marco Antonio hæc à me quæris, Alexi, an Lugduni fuerit, an Leo Lngdunensis ab eo venerit, an arcem in monte erexerit, an Lugdam legionem instituerit, an Turrin annosam, quæ hodieque gerit nomen Triumviri, qualis denique vir, & Triumvir Antonius fuit.

Probas te scientem, Alexi, dum vis scire, & doctum dum vis doceri; nec parum es eruditus dum es curiosus: scilicet non aliter acquiruntur scientiæ quam dum quærentur, & penè illas inuenit qui benè quæsiuit. Respondeo quæstionibus tuis eo ordine quem tu ipse notasti.

Fuisse Lugduni Marcum Antonium probat nummus argenteus de quo superiori Epistola, inscriptus ex vna parte Ant. Imp. IIIvir. R. C. A. XL. ex eo enim sic arguere licet, hic nummus neque à Planco cusus est, non satis Antonij amico, neque à Lepido, neque ab Augusto qui imagines suas impressissent non alienas; igitur ab Antonio ipso; neque alio tempore nummum cudere debuit, quam dum Lugduni fuit.

Idem nummus ex aduersa parte inscriptum habebat nomen Lugduni, & effigiem Leonis; amavit Antonius Leones quos etiam currui suo iunxit, & vehi à Regibus voluit quasi Imperator Regum futurus, an propterea Leonis imaginem nummo impressit? an etiam propterea nomen Leonis Lugduno imposuit? nisi forte hoc insigne fuit Coloniae à Planco deductæ; imo nisi hoc nomen, & insigne Lugdunum gessit diu ante Plancum.

Impositum monti Lugdunensi propugnaculum probant verba Taciti l. 1. n. 59. & 64. Italicam legionem, Alam Taurinam, & cohortem solitis sibi Hybernis relinqui placuit: & n. 74. Italicam, eosque quæ Lugduni agitabant copias, Senatui misit; non alibi Lugduni agitabant nisi in monte ut urbem protegerent: neque in monte erant sine arce, hanc autem arcem, vel erexit Plancus dum urbem fundavit, vel Antonius dum Lugduni fuit.

Illustris est appellatio legionis Lugdæ; an hoc nomen à Lugduno traxit, lugda quasi Lugdunæ? an lugda quasi refulgens, etiam lingua Celtica? an lugda quasi lucens lingua Romana? placuisse hæc nomina Romanis probat legio fulminatrix de qua Baron. an. C. 176. sub Marco Aurelio; an denique eam legionem Lugdunæ Marcus Antonius instituit, & lugdam à Lugduno appellavit?

Quænam fuerit turris illa Triumviri collige ex illustri Disticho Sidonij Apollinaris ad Ominatum Aruernum quem inuitat ad epulas natalitias.

Pocula non hic sunt illustria nomine pagi,

Quem posuit nostris ipse Triumvir agris.

Iacobus Sirmondus illustris Sirmondi Scholiastes sic explicat, agris nostris Lugdunensibus; scilicet Sidonius natus Lugduni dum illic Pater Præfecturam gereret, Lugdunensem se appellat, origine nimirum non gente, Aruernum alioqui satis se probat ex capite: At quis ille pagus, & quinam agri illi? pagum esse sancti Irenei probat annosa turris, quæ hodieque appellatur, **P O R T A T R I V M**, ita loquitur vulgus, at eruditi appellant portam Triumviri, seu portam Antonij.

Denique qualis fuerit Antonius ex breui elogio disce. Quis audeat laudator esse Antonij post accusationem Ciceronis? scripsit in eum Philippicas; & fuit Antonius Romanis quod Philippus Græcis: At quid dixisset Tullius si vidisset Antonium Dominum Orientis, & sceminam Dominam Antonij? fuit tamen vir fortis Antonius, & penè à Julio Cæsare secundus, extincto Magistro, & amico ex Triumviris vnus, nec potuit pari Lepidum tertium, nec Augustum primum; & poterat ipse esse primus, nisi victus à scemina vir esse desisset, postremus hominum, & sceminarum primus.



EPISTOLA QVARTA

LVGDVNVM SVB AVGVSTO.

DE Augusto hæc quæris, Alexi suavissime, an Lugdunum viderit? an amauerit? quænam amoris signa Lugduni reliquerit, & qualis Augustus fuerit.

Venisse Lugdunum testatur Dio lib. 54. Anno urbis conditæ 731. Imperij 27. L. Domitio Aenobarbo, & Cornelio Scipione Coss. causa itineris ut putat Suetonius fuisse motus Gallici, & Germanici; scilicet secuta non erat Italia si Gallia nutaret, & fidelem sperabat orbem terrarum si Gallia maneret in fide: adeo æmula erat Gallia Romæ, & Roma Galliæ.

Quam valde Lugdunum dilexerit probat commemoratio Lugdunensis, ubi toto triennio fuit, futurus diutius nisi Roma reuocasset; placebat Augusto situs urbis excelsus, & plenus; placebat confluentia duorum fluminum, & per illos ad utrumque mare facilis cursus; placebat Augusto centrum Europæ, cor Galliæ, & clavis Italiæ.

Vfus occasione Augustus Suenos, & Sicambros solo aduentus rumore in fide retinuit; timebatur Augustus præsens, amabatur absens, & timor, & amor, instar illi exercitus erant.

Audaciores, Norici, & Rheti ex montibus delapsi in plana camporum prædæ impune agebant hominum, & pecorum; & reuersi in patriam inter Alpes, & rupes tutos se ab Augusto credebant; vicit illos Augustus per Tiberium, & Drusum, & ne olim rebelles essent aliò traduxit incolas Alpium, & penè ipsas Alpes.

Pacatis undique populis vestigalibus modum imposuit, ut facilem redderet seruitutem; Licinium quendam Gallici ærarij Præfectum quod iniuste pecunias tota Gallia corrasisset correxit quidem, sed oblata ingentis pecuniæ amore victus pepercit homini, & crimini, & alienam auaritiam fecit suam.

Interea Agrippa contemplatus situm urbis, & opportunitatem loci, ex Lugduno quasi ex centro partitus est vias quasi lineas per omnem Galliam, & Europam; sicque ut ait Strabo diuisit Lugdunum orbi, & orbem Lugduno.

Ipse quoque Augustus Coloniam Lugdunensis fines extendit; & nouam Prouinciã creaturus, decem populos Celticę ablatos Lugdunensi

dunensi Prœuincię attribuit, & solidam appellauit; appellare poterat Augustam, aded illam in delicijs habuit.

Nec minor erga Augustum fuit Galliarum, & Lugduni amor, sexaginta Galliarum populi templum illi, & aram ad confluentes Araris, & Rhodani erexerunt, vbi solennes conuentus singulis annis agitabant: certasse videntur Roma, & Gallia vtra Augustum maioribus honoribus afficeret; vicit denique Romam Gallia, illa Augustum fecit, hæc Deum.

Reuocatus Romam Augustus abduxit secum Tiberium, fratrem autem eius Drusum Lugduni reliquit, qui tot prælijs Germanos attriuit, vt inde Germanici cognomen meruerit.

Expectas, Alexi, Elogium Augusti, paucis dico alienis verbis, & meis. Nescit imperium Romanum qui nescit Augustum; inchoauerat illud Iulius Cæsar, Augustus absoluit; maior Patre, vel felicior: doluit Roma cum Principem fecit, gaufisa est cum habuit; timebat Dominum in Augusto, amauit Dominum, & Augustum: Ille vt amaretur recusauit nomen Domini, & dum recusauit obtinuit; seruire sub eo didicit Domina Roma; & dum extra se imperat alijs, intra se seruit; maluit tamen seruire vni quam pluribus; ante Augustum tot Dominos habebat quot Consules, & Tribunos, singuli anni mutabant veteres Dominos, & creabant nouos; sub Augusto idem Dominus fuit; muratus est modus seruiendi, emendata est non mutata seruitus.

EPISTOLA QVINTA

LVGDVNVM SVB TIBERIO.

FECIT hunc Augustum Liua non Augustus, & mores ipse repræsentauit Matris, non Vittrici; maior natu fratre Druso, minor meritis fuit; inuidit illi nomen Germanici, & ne triumpharet Romæ, venientem veneno sustulit: qui speret Roma à fratricida nisi cædes, & exilia? amauit tamen Roma in Tiberio non Tiberium, sed Augustum; & passa est imperium hominis degeneris, & apud capreas penè in caprum mutati.

Quæris tamen Ariste, qualis erga Lugdunum Tiberius fuerit, & quale erga Tiberium Lugdunum.

Amauit Lugdunum Tiberius, vbi cum Augusto toto triennio com-

com-

commoratus est, ab anno urbis conditæ 737. ad annum 741. & quò iterum ab Augusto missus rexit Galliam Comatam, incursionibus barbarorum repressit, & discordias Principum feliciter composuit, melior Prouinciarum Rector, quam orbis Imperator.

Euectus ad Imperium meritis alienis non suis, breui ostendit quantum malum esset malus Princeps; successor Augusti nihil augustum habuit nisi nomen, seu speciem quandam virtutis; sub ea specie dissimulata flagitia non emendata ingens Augusti desiderium excitarunt, & Tiberij odium; nec vlla ex re Augustus fuit illustrius quam à successore Tiberio repræsentante nomen Principis optimi, & vitam ostendente pessimi.

Stetit in fide Lugdunum sub malo Principe, nutante Germania, & gemente Roma; duo exercitus alter sub C. Silio, alter sub Aulo Cæcinna malebant Imperatorem Germanicum, Drusi filium, quam Patruum Tiberium, & erat melior Patruo, & imperio dignior; corrumpere consilia fideles imperio Lugdunenses, quibus etiam gratias egit Germanicus de impedito imperio, vix egit Tiberius Germanico, cui tamen debebat, & seruatum imperium, & quod amplius erat recusatum.

Sexennio post Iulius Florus, & Iulius Sacrovir, viri illustres, & apud suos Principes, pertæsi seruitutis ignauæ excitauerant penè omnes Galliarum Ciuitates ad spem libertatis, & persuaserant posse excuti Romanum iugum sub ignauo Principe, in quo nihil erat Cæsaris, nec Augusti: actum erat hac quoque vice de Tiberio, & imperio Romano si Lugdunum vacillasset; trahebat secum in Italiam omnes Gallias si iuisset, fugisset capreis Tiberius qui Roma iam fugerat; & poterat hac quoque vice capi Roma, sæpè olim à Gallis capta.

Stetit in fide Lugdunum erga Tiberium etiam ingratum; Acio- Ius Auiola Legatus excita cohorte quæ Lugduni præsidium agitabat, Andegauos composuit: Varro alter Legatus alias vrbes retinuit; victus est Florus, & Sacrovir, & causa victoriæ Lugdunum fuit, fidele dum seruauit Romam, infidele dum non seruauit Galliam.

Claudat Epistolam breue Tiberij elogium alienum, & meum.

*Auidus imperandi ante imperium,
Imperare nesciuit dum Imperator fuit:
Quam solitudinem non amauit priuatus,
Captauit publicus;
Renocatus ab exilio ut imperaret,
Imperator misit imperium in exilium.*

364
EPISTOLA SEXTA
LVGDVNVM SVB CALIGVLA.

CAIVS Cæſar cognomento Caligula indignus Patre Germanico, Patruo Druſo, Auguſto Proauo, ex materno genere nihil pretioſum habuit præter margaritas, quas aſſuebat Caligis; nihil generoſum præter clypeum quo exceptus eſt dum inter arma naſcitur: vt Mauors ortus, vixit vt Bacchus, generoſior Infans quam adultus: imperarunt cum illo quatuor annis omnia ſcelera; corrupturus erat orbem terrarum ſi regnaſſet diutius; poſt conſtupratas Sorores, poſt Matronas nobiles publicæ libidini expoſitas; poſt cæſos Senatores, & Senatum, Iouem ſe ab inceſtu, Bacchum ex ingluuie, Martem ſe appellabat ex ſcelere; & truculentior matre erat qui vnum caput populo Romano optabat, vt Romanam vno vulnere perimeret: Princeps omnium peſſimus, & quem natura edidiſſe videtur, vt oſtenderet quid poſſit ſumma malitia cum ſuprema fortuna.

Quæris tamen ex me Ariſte, qualis Caligula erga Lugdunum fuerit? an aliquid amauerit Caligula præter ſcelus incertum eſt, ſi quam tamen urbem amauit ea Lugdunum fuit; ibi longiores moras quam alibi traxit: ibi tertium conſulatum accepit vix vno dignus; ibi extincto Tiberio acclamatus eſt Imperator communibus votis, breui deuouendus communibus diris: ibidem edidit miſcellos ludos, & certamen quoque græcæ, latinæque ſacundiæ, ait Suetonius, & penè ipſe ad certamen deſcendit: Nec temere arbitratur Rubyſius inuentum hoc certamen à Caligula, & probare id videntur pœnæ victis impoſitæ, delere ſcriptiones lingua, mergi proximo flumine, obiurgari ſerulis; nimirum eæ pœnæ humiles, & penè ridiculæ caligas ſapiunt non coronas, nec ab alio imponi potuere quam à Caligula.

Atque vtinam eos tantum ludos Lugduni edidiſſet, verùm cum Lugduni teſſeris luderet, & vim auri, argenti que magnam, amiſſiſſet demandans proximo colluſori vices ſuas, euocata ad ſe arcæ Galliarum Præfecto, iuſſit ſibi aſſerri libros indices cenſus Gallici, tum rediens Hilari vultu, vos vero inquit paucos denarios luditis, at ego iam coegi ad ſexies millia ſeſtertium, ideſt, vt Budæus æſtimat quindecim auri milliones.

Hic ludus Lugdunenſis, at longè plura Romæ luſerat, aut decoxerat; ſcilicet vices ſepties millia ſeſtertium, ſeu vt æſtimat Budæus

daus sexaginta sex milliones auri, & quinquagies mille aureos nummos: collegerat eam vim pecuniæ pluribus annis ex omnibus Prouincijs Augustus, & Tiberius, anno vno Caligula consumpsit; nec tamen in publicam rem, sed in nugas, & bullas, & caligas.

Vt prætexeret aliquam causam, fingebat rebellasse Germanias, & Gallias; occurrendum celeriter esse, colligendum exercitum, nec sine pecunijs colligi posse, hac arte emungebat omnes crumenas; alteram artem adhibebat multo peiorem, fingebat perpetrata scelera quæ puniret, aut quæ pecunijs condonaret; nemo erat expers criminis; crimen erat esse diuitem, & solus pauper innocens erat.

Quod addo ridiculum est, & tamen verum; ne Imperator, nihil egisse videretur, ducebat exercitum ad Rhenum, & Oceanum; bibere è Rheno iubebat, & conchas legere in littore maris, quas etiam Romam mittebat; & quasi de Rheno, & Oceano triumphabat.

Denique atrox hominum Dominus sic eum penè omnes vocabant, dicere illud solebat, exarmandos esse subditos ne rebellarent; tolli arma si tollatur crumena; & fideles fore populos si fiant pauperes: at mala verba nec principe digna! dicere debuit. tunc Regem esse diuitem, cum Regnum est diues; & fideles fore populos si seruitutem liberam seruiant, non inuitam.

EPISTOLA SEPTIMA LVGDVNVM SVB CLAVDIO.

Hic Caligulæ Patruus, nepote vix melior fuit, ante imperium sine fama vixit quia latuit; in imperio infamis quia non latuit: in latebris gladium fugiens sceptrum inuenit, quem cæsum volebat Senatus, miles Cæsarem fecit: reueritus est sanguinem Cæsarem etiam in hærede degeneris, sagacis ingenij, sed timidi regnare nesciuit; eloquens scriptor, malus Imperator, quadraginta libris res gestas aorum suorum laudauit, nihil ipse laudabile habuit; libertus liberti, seruus vxoris; in Imperio nihil minus habuit quam Imperium.

Queris tamen Alexi, quid Claudius Lugduno debeat, quid Lugdunum Claudio.

Debet ortum Lugduno, ea die in lucem editus, qua die templum Augusto à sexaginta populis Galliarum consecratum est: Ita.

Sueton.

Suet. l. 5. & ne homini tantum credas idem asserit Hercules apud Senecam in Apotheosi Claudij.

Expone propere sede qua genitus cluas.

Et paulo post.

*Vidi duobus imminens fluij ingum ,
Quod Phæbus ortu semper obuerso videt ,
Vbi Rhodanus ingens amne prarapido fluit ,
Ararque dubitans quò suos cursus agat ,
Tacitus quietis alluit ripas vadis ;
Esne illa tellus spiritus altrix tui ?*

Addit Petrus de Marca digress. de prim. Lugd. natum anno 33. à condita Colonia à Planco, qui fuit annus vr̄bis C. septingentesimus quadragesimus quartus.

Memor Patr̄e suæ Claudius eam ornauit, & penè alter Coloniam Lugdunensis conditor fuit; duplicis generis Coloniam erant, ait Asconius, priores erant illæ quibus dabatur ius Romæ nullis eò deductis Romanis ciuibus, siue essent vr̄bes antiquæ, siue de nouo conditæ; secundæ erant illæ quæ fiebant deductione Ciuium Romanorum, qui Ciuitatem constituebant soli, aut veteribus incolis adiuncti: primi generis Coloniam fecerat Plancus ex Viennensibus profugis, & Lugdunensibus incolis, deduxit ciues Romanos Claudius, & secundi generis Coloniam fecit: sicque Lugdunum vna, & duplex Colonia fuit, & duos penè conditores habuit.

Ne dubites de vtroque hoc iure probarunt vtrumque Lugdunenses ipsi, dum milites qui à partibus Vitellij steterunt ad excidium Viennæ adhortantes, aiebant se Coloniam Romanam esse, non autem Viennam, scilicet huius secundi generis; alioquin enim Vienna primi generis Colonia erat; eamque Claudius ipse in oratione pro Gallis ornatissimam, valentissimamque Coloniam appellat; & testatur Tacitus vetustatem, & dignitatem Coloniam Viennensis valuisse ne vr̄bs destrueretur: At Lugdunensis Colonia vna sui parte Romana erat, alia Gallica, miscuerant se duæ Ciuitates, & Lugdunum Roma, & Roma Lugdunum erat.

Hanc autem deductionem Ciuium Romanorum factam esse à Claudio non à Munatio Planco probare videtur nouum nomen Lugduni sub Claudio.

C. C. C. Aug. Lugd. idest Colonia copia Claudia, Augusta Lugdunensis, male enim legunt Paradinus, & Rubysius trecentos Augures Lugdunenses; nec bene alij, trecentos Augustales Lugdu-

dunenſes illustratur hæc prima lectio ex alijs ſimilibus C.C. Aug. Agripp. idest Colonia Claudia Augusta Agrippinensium : C.C. Vlp. Trajana, Aug. Frug. Hadrum. idest Colonia Concordia Vlpia Trajana, Augusta, Frugifera, Hadrumetina.

Cur autem Colonia Lugdunensis appellaretur copia quærit Scaliger in animadu. ad Euseb. nec difficilis est responsio, voca. tam eo nomine vt significaretur Emporij Lugdunensis opulentia, & rerum omnium copiosa affluentia.

Ex eodem amore Claudij in patriam suam profecta videntur cætera ornamenta Lugduni Ampitheatrum, termæ publicæ, aquæductus, quorum fornices aliquot Lateritij à sexto lapide ducti hodieque viſuntur, Authoris monumenta ſui; Aqua autem illa publica poſtquam uſibus Amphitheatri, & Caſtrorum in ſuperiori vrbe inſeruierat deriuabatur ad thermas, & fontes publicos, ac priuatos, vt fidem faciunt diuerſia, caſtella, tubi, & canales ex latere ſirmo conſtructi; quæ omnia ſoſſoribus sæpe occurrunt in vtroque cliuo Foruerij, & ſancti Marcelli, nunc Sancti Sebaſtianij; quæ etiam probant fuiſſe thermas ad ripam Araris ex calentibus aquis è monte delapſis; quæ etiam opinio est Petri de Marca in digreſſ. de prim. Lugd.

Nec omittendæ res aliæ illuſtres quas Claudius Lugduni geſſit, quæ illum acris iudicij fuiſſe teſtantur, niſi genio indulgere maluiffet quam iudicio.

Abnuebat Mater agnoſcere filium qui aliquot annis domo exularat; diſceptata vtrimque re, & abeuntibus iudicibus in diuerſa, iuſſit Imperator admitti à muliere vidua ſupplicem reum, vel in filium, vel in ſponſum; tùm hîc vero conuiſta mulier agnouit filium, & cum deſſent ali teſtes pudor maternus teſtis veritatis, & iudex fuit.

Druydarum religionem diræ immanitatis, & tantùm ciuibus ſub Auguſto interdictam penitùs aboleuit; optimatibus Gallis ius adipiſcendorum in vrbe honorum petijt in Senatu, & impetrauit; nec ingrati erga Claudium Galli beneficium duabus tabulis æreis inciderunt; viſuntur hodieque ex tabulæ Lugduni, teſtes Claudij amanti Lugdunum, & Lugduni amanti Claudium.

Claudio Epistolam querela ſera, ſed vera; hæu cæci Lugdunenſes, & cæteri Galli qui non intelligerent ornari ſe honoribus Romanis, vt ornate ſeruïrent; eligebantur in Conſules, vt conſulerent Romæ non patriæ; creabantur Prætores vt ius dicerent Gallis pro Romanis, erant quæſtores, vt facerent pauperem Galliam,

liam, & diuitem Romam, fiebant Tribuni vt armarent Galliam in feipsam; sic emebatur libertas Gallica à Romanis; sic erant Lugdunenses Domini apud Romanos, & serui apud suos.

EPISTOLA OCTAVA

LVGDVNVM SVB NERONE.

Hic initio imperij talis fuit, vt dicere soleret Trajanus omnes Principes longè distare à Neronis quinquennio; talem reddiderant Buirus Prætorio Præfectus, & præceptor Seneca; nemo meliores magistros habuit, nemo peior discipulus fuit: occidit vtrumque ne sapere sub tantis exemplis cogeretur; nec pepercit Matri Agrippinæ, quæ malo omine dixerat, occidat modo imperet: explorari ferro iussit vterum intra quem iacuerat: dignus abortu non ortu, qui totum naturæ pudorem matricidis oculis corruerat.

Hic tamen Nero neminem amans, & exosus omnibus amauit Lugdunum, & charus Lugduno fuit. Nec sterilis amor Neronis, sed liberalis fuit, miseratus urbem repentino incendio inflammata quadringenties sestertium, seu vt numerat Budæus millionem aureum dono dedit, & reparator alter Lugduni fuit.

Memor beneficij Lugdunum stetit pro Nerone etiam à Senatu damnato, nec timuit Viennenses æmulos, nec Galbam imperio inhiantem; retinuit nutans imperium, & penè amissum Cæsariibus restituit: ante aliquot annos turbidis in rebus ingentem pecuniæ vim Cæsari obtulerat; reddidit eandem vim pecuniæ Nero, & certamen grati amoris exhibuit: vicit tamen Lugdunum dum prius dedit; reddidit Nero beneficium, dedit Lugdunum non reddidit.

Claudo Epistolam, & laudo aliquid etiam in Nerone; odiosus omnibus Nero vni Lugduno amabilis fuit; reparauit inflammata urbem, & clariorem ex incendio reddidit; non ingratum Lugdunum stetit pro Nerone etiam mortuo: hoc demùm est amare generosè; amauit Nero Lugdunum post ignes, amauit Lugdunum Neronem post cineres.

EPISTOLA NONA³⁶⁹

INCENDIVM LVGDVNI.

RO G A S, Alexi, vt describam incendium Lugduni, descripſiſſe illud Seneca, & penè vidit; Ego magnum authorem deſcribo, & incendium recito.

Centefimus, & ſeptimus annus fluxerat ab ortu Lugduni cum incendio periit; creſcebat in dies vrbs magna, & tota ſimul vna clade decreuit: quæ ætas ne homini quidem ſuprema eſt, ea Lugduno extrema fuit.

Improuiſum fuit incendium, & ante oppreſſit Lugdunum quàm caueri potuerit; cæteras ſerè calamitates morbus antecedit, aut motus, præluceſcit fulgetra fulmini, tempeſtas præuerit naufragium, & priùs nubes tonat quam ignis erumpat; Deus ipſe prius irascitur quàm puniat, & timeri vult pœnas, & caueri, propterea præmittit minas ante ſupplicia: Incendium Lugduni fuit ſiue minis, & metu: nemo prænuntiauit venturum, veniſſe ante nuntios ſui, & ante occupauit Lugdunum quam caueri potuerit.

Violentum fuit incendium quod nulli parti Lugduni peperciſſe multas vrbes exuſſit ignis, ſed non totas, nullibi tam vehemens exarſit incendium, vt non aliquid alteri incendio reliquerit; ſæpè interiectus paries flammam repreſſit, ſæpè aqua extinxit; ſæpè nimia materia ſuffocauit; Lugdunenſibus flammis nihil reſtitit; corripuere totam urbem ſimul, omnis domus materia, omnis materia ſulphur, omne ſaxum pabulum fuit; aqua ipſa mutalſe naturam viſa eſt, concepere flammæ Arar, & Rhodanus, periit aqua omnis quæ ſtetit, & niſi poſteriores aquæ acceleralſent fugam, idem erat incendium Lugduni, & vtriuſque fluij.

Reptinum fuit incendium, citius arſit Lugdunum penè quam dixi; vna nox interfuit inter urbem maximam, & nullam; quærebatur mane Lugdunum quod veſpere oſtenſum erat; mirabantur aduentantes hoſpites ibi ſolitudinem eſſe, vbi ſuffocabatur turba; quærebant Lugdunum in Lugduno, hîc aiebant templum, hîc palatium, hîc forum fuit: quam celeres ſunt rerum ruinæ! vna nox ſtrauit centum annorum gloriam; intra momentum vrbs periit quæ ſeculum perire viderat.

Luctuoſum fuit incendium, arſit opulenta Ciuitas, præſidium

A 2 Italiæ

Italix, ornamentum Gallix, decus Europæ; arserunt tot elegantia opera quæ singulas vrbes illustrare poterant; periit opes quæ Europam ditassent, combussit nox vna gazas orbis terrarum; sensere flammæ Lugdunenses omnes Provinciæ; periit plures vrbes in vna, & breui arsuræ Roma, cum Lugduno penè iam arsit.

Deplorat incendium Lugduni, Ariste, & causas incendij scire velles; fatum accusat Seneca, omnium inquit rerum, & vrbum, & hominum fata voluntur; quidquid incepit necessariò definit: neque moriendi libertas est neque nascendi, si Deum excipias, qui nunquam desinet, omnia in interitum ruunt, fato impellente, ut celerius ruant; quæris quæ causa Lugdunum incenderit, fatum est: quæris cur igne, cur nocte, cur momento perijt, sic in fatis fuit: perdidit Lugdunum hæc necessitas, quæ perdet orbem, omnia mortalium opera mortalitate donata sunt: ne quære causam, fatum est, & necessitas, & inde mortalitas.

Inflammauit Lugdunum, aiunt alij, fortuna non fatum; nihil huic Deæ inausum est, idem ius habet in vrbes, atque in homines: omnia susdeque miscet sine discrimine; idcirco cæca pingitur quia non aspicit quod euertit; pila est illi orbis terrarum; & ludus, & ludibrium per damna ire: incendit fortuna Lugdunum, id fecit vrbi vni quod orbi factuua est: intueri ciuitates omnes; eas olim omnes casus euertet; nulli fortuna parcat nisi sibi; infidet rotæ, & stabilis est, & dum omnia mouet immobilis est.

Nec fatum aiunt alij, nec fortuna Lugdunum euertit, sed natura; cecidit Lugdunum quia caducum erat, nihil stabile fecit adhuc natura: neque ipsa stabilis est; explora illam vndeque, & videbis nulla sui parte constare: quid Firmius esse potest montibus? & tamen depressit aliquos terræ motus, alios æquauit, alios sustulit: quid Sanctius esse debuit terræ visceribus? detexit illa ferrum, violauit flagitium, nulla sui parte terra iam virgo est: nihil obuium ruinæ minus esse deberet quam aquæ, sagere videntur interitum dum effluunt; hoc quoque elementum sensit interitum, mutarunt sæpe alueum fluuij, mare recessit, & alicubi exaruit, exussit ignis Lugdunum, neque ipse interitum fugit; perijt flamma, quæ Lugdunum corruerat, & quo funere urbem absumpserat, eodem ipsa consumpta est. Scilicet hæc est rerum creatarum conditio, quidquid natum est mori potest; cinis erat natura antequam fieret, & cinis fiet cum desinet.

Lugdunum addunt alij, non euertit natura, sed qui supra naturam est præpotens Deus; venisse è cælo hunc ignem probat vis celer

celer, & efficax ferrum illi stipula fuit, & marmor palea, victum est primum quidquid restitit, & quidquid putabatur æternum momentum fuit; nec fuit naturalis hæc celeritas, citius quam dico omnem urbem flamma corripuit, inflammavit simul omnes domos, nullæ arserunt primæ, nullæ ultimæ; sic eunt diuina sine cursu, sic volant sine motu; sic perueniunt sine transitu: ne dubites supra naturam fuisse hoc incendium, vicit naturam: cur autem è cælo hæc flamma venerit, euocauit illam Lugdunum nocens, nemo è cælo damnatur innocens.

Fallor non puniuit Deus malam urbem, sed voluit facere meliorem: consumptum est flammis Lugdunum vt excitaretur in melius, sæpè meliori fortunæ locum fecit iniuria, multa ceciderunt, vt altius resurgerent; Timagenes inuidens Romæ, aiebat incendia Romæ ob id vnum dolori sibi esse, quod sciret meliora surrectura, quæ arsisent.

His ferè rationibus consolatur Seneca iacturas amici sui liberalis Lugdunensis, cui etiam vt faueret fecit Neronem erga Lugdunum liberalem; contulit Imperator millionem aureum, contuleret assem suum tres Prouinciæ Galliæ; reparata est Ciuitas Lugdunensis, surrexit melior ex cinere; & paucos intra annos reuixit tam pulchra, vt videretur illustrasse Lugdunum flamma non exussisse.

EPISTOLA DECIMA

LVGDVNVM SVB GALBA.

Hic extraneus sanguini Cæsarum, ex cæde tamen Neronis Cæsar appellari voluit; successit iuueni feroci decrepitis senex, crudelis, auarus, impurus, peior Nerone si vixisset diu: auri Charybdis, gemmarum magnes, voluptatum gurgès, septem mensibus inopes fecit orbem terrarum, vt tres libertos diuites faceret.

Queris, Alexi, vnde ira Galbæ contra Lugdunum quod perditum ibat si irasci diu licuisset, paucis explico longas iras: Amabat Lugdunum Cæsares, & à Cæsaribus amabatur, eò tamen sceleris venerat Nero Cæsar, vt neque illum orbis vterius ferre posset, nec se ipse iam ferret; defecerat ab eo Iulius Vindex Præ-

fectus Galliarum sanguinis Gallici, & Regij, & poterat ipse capessere imperium, nisi illud Galbæ amico in Hispanijs tunc degenti offerre maluisset: dicebatur Gallus excitasse Leonem, & maluisse alteri coronam quàm sibi: Roma ipsa decreto Senatus declararat Neronem publicum hostem, & passim omnes libertatem clamabant, aut alterum Imperatorem; Quid faceret Lugdunum in eo rerum cardine? stetit intrepidum nutante orbe terrarum, & retinuit pertinacem erga Neronem fidem, priùs arsura iterum quam ab amicitia recessura.

Non ita Viennenses, sed occasione vsi addiderunt se Galbæ, non tam hostes Neronis quam Lugduni, nec tam addicti ambitioni Galbæ quam suæ; scilicet inuidebant sibi inuicem duæ potentes Coloniz, & vicinæ; crescebat in dies Lugdunum, & Viennæ molestum erat decrescere: iratus Lugdunensibus Galba quos amare debuerat multauit eos parte agri, vertit in fiscum reditus, & Viennam in ordine ciuili primas tenere voluit.

Verùm dedit primas Viennæ qui primas sibi retinere non potuit; breui dabit pœnas Othoni, & Vitellius restituet quod Galba sustulit. sic voluebatur orbis terrarum, mutabat Dominos Roma, mutabatur Imperator, & imperium rota fortunæ erat.

Claudio Epistolam Elogio Galbæ. Imperio dignus erat nisi imperasset; septem mensium Imperator statim placuit, statim displicuit; satis illi esse debuerat imperium meruisse; aut quibus artibus meruerat administrare debuit; ante sceptrum adeò erat disciplinæ tenax vt ingresso in castra acclamaretur; disce miles militare Galba est non Germanicus, post imperium tribus libertis regendum dedit orbem terrarum, qui etiam intra ædes Palatinas pariter habitabant, & vocabantur vulgo tres orbis pædagogij; peperit odium Imperatori hæc seruitus, casus est à militibus Othonis, dum ipse lorica testus lenire illos satagebat, at Galba esse defierat in libertos mutatus.



EPISTOLA ³⁷³ XI.

LVGDVNVM SVB OTHONE.

Hic amasset Lugdunum si imperasset diutius, Neronis intimus intime Nero fuit, iisdem moribus, & amoribus, eadem cum Nerone amabat, eadem oderat; amasset igitur Lugdunum, quod Neroni pretiosum erat; verum Imperator quatuor mensium degustavit imperium magis quam gessit; acquisierat illud per scelus, & amisit; hac quoque in parte Neroni similis, bis victor Vitellij, semel victus quartam fortunam experiri noluit, quamvis urgente exercitus; amarunt illum milites etiam mortuum, plerique aspectu eius cadauere perire maluerunt quam militare alteri; ipse imperij desperatione, vel tædio oculos sibi effudit; ne mortem aspiceret sensit illam tamen quam non vidit, illatis sibi lethalibus manibus; ut mollius periret, interire voluit proprio scelere, ne periret alieno; at desperatio abiecti est animi non erecti; nimirum fregerant Othonem vitia quæ Neronem corruperant, & nihil est voluptate ignavius; obiit anno ætatis 37. ea penè ætate Nero perierat, uterque senectutem non vidit, uterque in adolescentia, otio, & voluptate senuerat.

EPISTOLA XII.

LVGDVNVM SVB VITELLIO.

IRATVS Galba stetit pro Nerone pertinaci fide, ait Tacitus, Lugdunensium reditus verterat in fiscum; multus contra in Viennenses honor, mutavit rerum vices Vitellius, amavit Lugdunum, & multavit Viennam æmulam, sic voluebatur imperium volente fortuna, novos amores afferebat novus Imperator, & quod amabat Galba hoc Vitellius oderat: sensere eas vices Lugdunum & Vienna, & ne vrbs vna inuideret alteri æqualem faciebat utramque fortuna.

Quæris, Ariste, vnde amor Vitellij erga Lugdunum, & vnde erga Viennam odium. Amabat Lugdunum Neronem, & amicos Neronis, & amicus erat Vitellius; steterat pro Nerone contra Galbam, Lugdunum pro Vitellio stetit; excepit illum euntem in

Germaniam, & redeuntem, adiuuit pecunijs, ait Tacitus, & penè illi imperium à militibus emit: non potuit Vitellius amare imperium, & non amare Lugdunum.

Vnde autem odium Vitellij in Viennam æquè promptum est dicere; steterat Vienna pro Galba contra Neronem, & Lugdunum: amare non potuit Vitellius Viennam qui oderat Galbam: auxerunt odium Lugdunenses dum memores iniuriæ Viennensis, & imminutæ Maiestatis à Galba, persuaserunt Vitellio posseditari exercitum spolijs Allobrogum, ituros se comites viæ, & duces; esse Coloniam Romanam non autem Viennam, perdendam esse urbem rebellem, quæ perdere Vitellium cogitabat.

Missus à Vitellio Valens cum exercitu pepercit urbi non crumenis, redempta est elades triginta sestertijs, seu ut æstimat Budæus septingentis quinquaginta aureis in singulos milites, & statius, ac stipendijs exercitus Romani quandiu Romam non iret: Interea Ciues exuti sunt armis ne nocere possent, & pecunijs ne nocere vellent: depressit animos Viennensium hæc calamitas, & fecit ut in posterum amici esse Lugdunensium mallent quam æmuli.

Claudio Epistolam probro Vitellij non elogio: hic Patre ter Consule natus, & sæpè ipse Consul, semper inconsultus fuit, adolescentiam eius ne quære, Capreis illam cum Nerone, & Orhone perdidit; nec alius publicus fuit quam erat priuatus; quæ intra ante imperium didicerat hæc imperator exercuit; recusauit Cæsaris nomen, augurium nominis timens, fuit ipse tamen Cæsar filij sui quem occidit, & cæsus ipse à nouo Cæsare quod fugerat augurium hoc impleuit: denique octo mensibus grassatus in Imperio à militibus Vespasiani tractus in scalas Germanias, quibus gradibus ad Imperium ascenderat, per eodem miser descendit: auri vorago quod ex templis extractum scortis prodigebat, proiectus in voraginem infamis interiit, atque hic exitus impuri Imperatoris inter sordes, in ijs viuerat.



E P I S T O L A X I I I .

LVGDVNVM SVB VESPASIANO.

IN F E L I X sub hoc Imperatore Lugdunum esse non potuit, sub quo orbis terrarum felix fuit : Quæris, Ariste, an Vespasianus Lugdunum viderit, & an amauerit: vidit dum ex Italia in Anglia, dum ex Anglia in Italiam redijt; vidit Lugdunum, & amavit; amare imperium non potuit, & non amare Lugdunum, clauem Imperij Gallici, & portam Romani.

Audi qualis Imperator fuerit. Flavius Vespasianus noua arte imperium acquisiuit Imperij fuga; dubitauit diu an admitteret; oblatum recusauit, admissum fortiter, & constanter gessit: cunctantem miles ad Imperium compulit, forte repulisset affectantem, adedò verum est nullam esse ad honores tutiorem viam, quam fugam; nemo imperanti eum honorem inuidit quem sciret recusatum; prima illi cura fuit restaurare antiquam Romani nominis gloriam, & magna ipse pars gloriæ fuit: tricies in Britannia cum hoste conflixit; inde in Africam, postea in Iudæam translatus vbique vicit pro imperio, in Iudæa etiam pro Deo: *I*lud in Vespasiano Elogio dignum, amavit pacem homo bellicosus, cui etiam templum excitauit, quod Iano clausit: denique post trophæa belli, & pacis anno absque vno septuagesimo stans obiit, & penè de morte ipsa triumphauit.

E P I S T O L A X I V .

LVGDVNVM SVB TITO.

HI C quoque Lugdunum amavit, & fortè vidit cum ex Italia in Angliam cum Patre iuit, & dum cum Patre redijt: delictum fuit orbis terrarum, & terrarum orbis illi delictum: nec dubium quin Lugdunum pars deliciarum fuerit, quod pars erat delictosa mundi : Quæris, Ariste, qualis ante Imperium Titus, & qualis Imperator fuerit.

Titus Vespasianus ante Imperium dignus Imperio fuit; absol-

uit victorias Patris, & Patrem vicit; vsus est illo Deus vt Indzoz puniret, expugnauit Hierosolymam, & fassus est eam victoriam, plus habere Dei quam Titi.

Ante imperium ferox emendauit mores in imperio, & virtutem illic inuenit vbi eam plerique corrumpunt: Imago Flauij Vespasiani æquauit Patrem fortitudine, & liberalitate superauit; adeo in omnes beneficus, vt amicis aliquando diceret perdidisse se eum diem quo alicui non fecisset bene: At vox illa augustior; auxi numerum civium non imminui; enumeraui genus humanum, nulla est miseria priuata quam non subleuarim, nulla publica quam non erexerim; imperauit duobus tantum annis; adeo caduca sunt quæ sunt eximia, meruerat Titus Imperium Romanum, Titum Roma diutius non meruit.

EPISTOLA XV.

LVGDVNVM SVB DOMITIANO.

Hic Vespasiani filius, Titi frater, nihil Patris, & fratris habuit præter fortunam: huic tamen regendæ impar fuit, homo indomitus, & solo nomine Domitianus: quæris tamen qualis erga Imperium, & qualis erga Lugdunum fuerit.

Ante imperium, virtutum specie obuelans vitia, Patri similis haberi voluit; adeptus imperium detracta persona, crudelis, avarus, sordidus similem se Neroni probauit non Patri: nec sago quæ toga melior à Decebalò Dacorum Rege victus, emptæ pace de ignauia sua triumphum egit: ne tamen arma nescire videretur: prius indixit bellum Christianis, atque vt ignauiam discas, ab ijs quoque superatus est etiam inermibus; denique vt haberet quos cæderet captabat muscas in palatio, & captas veru transfigebat: dignum enim uero Imperatore certamen pugnare cum muscis.

Amavit tamen Domitianus Lugdunum quod vidit, & vbi aliquandiu subsistit missus à Patre in Gallias contra Ciuilem, Sabinum, & alios Imperij æmulos, at eos ante Domitiani aduentum Cerealis domuerat.

Claudo Epistolam breui elogio, Domitianus hostis muscis, muscas hostibus, Lugdunensibus tamen Apis fuit.

EPISTOLA 377 XVI.

LVGDVNVM SVB NERVA.

OCCEIVS Nerua cum apud Sequanos moraretur tyrannidem Domitiani exhorrescens, & penè fugiens arbitrio legionum, & penè imperio capessuit imperium. Quæris Ariste, qualis erga Imperium fuerit, & qualis erga Lugdunum.

Hic imperare coactus Patrem se Patriæ exhibere maluit quam Imperatorem: afflictas ciuitates statui meliori restituit: puellas & puero egenis parentibus natos sumptu publico per oppida Italiæ ali iussit: quidquid tributis pœnæ nomine accesserat indulgeri voluit; grauem pœnam arbitratus esse solum ipsum tributum: publicarum iniuriarum vindex priuatarum arbiter ius omnibus reddens nisi sibi, nihil diuinius esse dicebat quam posse parcere, nihil humanius esse quam velle: Denique prudentissimus senex cum Imperij onus graue esse sentiret, adsciuit in partem curarum Vlpium Traianum, & Cæsarem dixit; neque ita multò post verrente anno excessit è viuis, securus sui in amico, & Imperij in Traiano.

Viderat Lugdunum Nerua dum ad Sequanos exercitum duceret; vidit dum post susceptum apud Sequanos Imperium Romam rediit; nec dubium est quin Lugdunenses euntem pecunijs iuuerint; nec minus certum est impositas à Galba Lugdunenſibus pœnas à benigno Imperatore condonatas: beneficis erga alios dum pœnas tributorum imminuit, erga Lugdunenses iustus dum suauis fuit.

EPISTOLA XVII.

LVGDVNVM SVB TRAIANO.

Hic quoque Lugdunum vidit, dum accepto apud Coloniam Agrippinam imperio, Romam repetijt non alia via quam Lugduno, audi qualem hæredem Nerua elegerit.

Extraneus Neruæ, vt hæres esse posset adoptatus est in filium, ex filio in Augustum: nec poterat Nerua consulere prudentius, & vt ilius orbi: negauerat ei natura liberos virtus dedit; & fuit tam bonus Patri & orbi Traianus vt meruerit appellari optimus:

cum

cum ensem Præfecto Prætorij traderet dixisse fertur, vtere pro me si benè egero, contra si male: nemo Imperator melius dixit, nemo melius egit.

Et fortis fuit Trajanus, & magnificus; audi fortitudinem, in Septemtrione Decebalo victo primus Istrum prodigiola lapidum mole calcabilem reddidit; in Oriente Parthos Ctesiphonte, & Seleucia spoliauit: Armeniæ Regem Romanis legibus parere coegit; de Indis spolia reportauit; & longè, latèque victor Romanum se Alexandrum iactauit.

Audi magnificentiam, excitauit Romæ Columnam illam Colosso parem inscriptam rebus suis; sed audi vanitatem humanarum rerum, non ita multo post rebellarunt subactæ Prouinciæ, Parthi impositas leges excusserunt, Iudæi in Palestina, Cypri & Asia quadringenta, & sexaginta hominum millia peremerunt; ipse ab Agarenis repulsus Selinunte in Cilicia aqua intercute, & Apoplexia correptus interiijt: Cinis Romam delatus illustri pompa de morte triumphauit, & mors de Cinere.

Denique superest Columna Trajani non Trajanus, viuit in ea fama hominis, & sub illa fama: fabula est pepercisse Christum Trajano, qui non pepercit Christianis: pepercit Plinius iunior, ac verius Panegyricum Christi composuit quam Traiani.

EPISTOLA XVIII.

LVGDVNVM SVB ADRIANO.

Hic Lugdunum bis vidit dum Prouincias Imperij lustraret pedes, & recognosceret orbem terrarum, ut ruinas refarciret: eam in rem ductabat exercitum non militum, sed fabrorum, Architectorum, artificum, quos in cohortes, & legiones distribuebat; nouum militiæ genus, & ante Adrianum inauditum; aperiebant se vitro huic exercitui vrbes omnes; & nemo erat qui non hoc nouo militiæ genere vinci veller.

Hoc exercitu Adrianus in Britannia murum ad 80. passuum millia crexit, eodem Antinoem urbem apud Ægyptum, eodem in Iudæa vbi olim Solyma erat, Æliam Capitolinam extruxit, im-
pio tamen vocabulo, & ausu sacrilego; hoc eodem exercitu Pon-

tem

tem Ælium substruxit apud Sequanos ad Dictacium oppidum, quod etiam arce muniuit, & Metropolim Provinciæ esse voluit; hodieque vocabulo Gallico, Pontarlier nomine Ælij Adriani meminit; hoc tamen discrimen est Adriani, & fluij, fluxit Adrianus & periit, fluit hodieque exiguus fluuius, & integer viuit.

Id laudabile in Adriano, at quam multa vitiosa, ingenium varium, multiplex, multiforme, inuidum, lasciuum, auidum gloriæ, & ignauum; cum Regibus pace impetrata occultis conditionibus gloriabatur tamen plus se otio adeptum esse, quam armis ceteros.

At hæc inanis gloria erat, amabat vir fictus umbras virtutum non virtutes ipsas, aded intolerabilis domi vt dicere soleret Sabina vxor, id vnum timuisse se ne in perniciem orbis terrarum prolem ex tali monstro susciperet. Denique vix tolerabilis sibi, ipsi seruabatur à suis ne in seipsum sæuieret, qui in multos præsertim Christianos immaniter sæuierat.

Amabat tamen Lugdunum Adrianus, & amabatur à Lugdunensibus, eius amoris illustre monumentum extabat Lugdun, cuius meminit Tillius in Chron. an. C. 840. & quod cecidisse ait ann. qui mortem Ludouici Pij subsequutus est: quale autem hoc monumentum fuerit disputant eruditi; simile vero est Colossus fuisse, aut pyramidem, aut molem ei similem quam Antoninus Adriano erexit. Ex eo videas quàm fidele Lugdunum fuerit Imperatoribus, & quam fidele sit Regibus.

EPISTOLA XIX.

LVGDVNVM SVB ANTONINO PIO.

Hic Adriani gener, & filius adoptiuus, siue ex pietate in Patrem & socerum, cui etiam visendam illam molem substruxit, siue ex vita multis seruata, siue ex amore inhumanum genus quod liberis carens visus est adoptasse in liberorum vicem, appellatus est pius cognomine supra Africanos appetendo si pietas fuisset vera non vana.

Audi, Ariste, qua arte rexit orbem terrarum noua ars fuit Imperatoribus adhuc ignota, ab Italia nunquam, vix vnquam Roma profectus, vbique tamen authoritate præsens erat: huic authoritati Pharasmenes Iberiæ Rex concessit omnia; hanc author-

thoritatem venerati Indi, Bactriani, Hircani, hoc est ipsa barbaries controuersiarum suorum arbitrum Antoninum elegere: tantum apud omnes valet virtus & opinio virtutis.

Præfuit imperio annis 23. & diutius præesse meruerat; vir usque adeo mitis ut cum ob inopiæ frumentariæ suspicionem lapidibus impeteretur à Plebe Romana, maluerit rationibus allatis quam armis vlcisci iniuriam; ut mirum sit hominem natura mitissimum scire in Christianos potuisse: at nimirum homo plurimum Deorum studiosus desperabat locum inter Deos si vnicus esset Deus.

Decreta sunt ei sacrificia, sacerdotes, & templa: sed tam hæc omnia falsa fuere quam falsus ipse Deus: Numæ à plerisque collatus est, & fuit vterque superstitiosus magis quam pius.

Vix Lugdunum vidit, qui extra Romam nihil vidit: erudiebatur interea orbis terrarum ad veram pietatem, & Lugdunum sub Potino Præfule incipiebat esse Christianum.

EPISTOLA XX.

LVGDVNVM SVB MARCO AVRELIO,
ET LVCIO VERO.

QVÆRIS, Ariste, quales Imperatores fuerint, & quid Lugdunum ab utroque, vel altero sit passum, paucis euoluo rem satis implexam.

Marcus Aurelius Antoninus, verus Philosophus erat si sapientiam Christianam amplecti maluisset quam admirari: adoptauerat illum Antoninus in filium, nimirum similem sibi, nec facile fuisset utrumque distinguere si annis perinde, ac moribus fuissent pares.

Quam similis fuit Antonino Marcus, tam dissimilis Lucius fuit; adscitus tamen est in partem imperij, sed non virtutis: scilicet luxu & libidine diffluens vitia Adriani habuit non virtutes Antonini & Marci: simulabat tamen Philosophorum ut fratrem falleret, ut vivebat Epicurum: gessit tamen fortia in Oriente contra Parthos, in Septemtrione contra Marcomannos, ut mirum sit eundem hominem Martem potuisse esse, & Venerem, atque in eodem Palatio habitare potuisse in duobus fratribus vitium, & virtutem.

Extincto Lucio Vero post undecim annos solus Marcus Aurelius

lius imperium tenuit, verè Philosophus qui ab infantia nec vultum gaudio nec mœrore mutauit; expertus est tamen prosperam & aduersam fortunam, & oculis ijsdem vtramque vidit.

Ex pluribus victoris vitam laudo quam debet Christianis, interclusus à Quadis Aurelius ipse, & Romanus exercitus, & siti, & calore erat periturus: in ijs rerum angustijs passus est Legionem Christianam inuocare Deum suum: nec mora Cælum coruscans fulminibus dissipauit Quados, & aer imbribus defluens refecit sitim, & calorem temperauit: ab eo euentu legio Ceraunobolos, seu fulminatrix appellata est, & prærogatiua illustri principem locum in exercitu obtinuit, alijsque Legionibus semper præiuit, & præibat cum illa Deus.

Placet exscribere verba quædam rescripti: concedamus inquit talibus vt sint Christiani, ne quæ arma huius generis contra nos petant: Censeo autem neminem quod Christianus sit esse in crimen, & iudicium vocandum; quod si quis inuentus fuerit crimini dare cuiquam quod Christianus sit, si nihil aliud obiectum est dimitti volo, eum autem qui Christianum accusauit viuum exuri, &c. Hæc autem S. C. etiam sanciti volo; atque hoc meum editum in foro D. Traiani proponi vt legi possit, curæ autem erit Vetrasio Pollioni Præfecto vrbis, vt ad omnes Prouincias hæc constitutio mittatur: neque quisquam qui eam exscribere voluerit prohibeatur.

Quis credat post hoc Christianæ fidei miraculum, post rescriptum honorificum, post Senatus Consultum, Imperatorem alioqui natura mitissimum, & Philosophum sæuire potuisse in Christianos? permisit tamen ipse sæuiri à Præfectis, & ipse sæuiuit editis, non quidem publicis, vt ait Tertul. in Apol. sed priuatis, quale est illud de Attalo ad Galliz Præsidentem, vt constat ex literis Lugdunensis, & Viennensis Ecclesiæ ad Asianos: scilicet obsoleuerat sensim memoria accepti beneficii, & corruppebant eius mentem mali Philosophi, & tumidus ipse humana Philosophia non agnoscebat diuinam: negabat miser Deum fieri potuisse hominem & fecerat ipse Antoninum Deum.

Tunc vero illustres Cælo Martyres Lugdunum dedit octo, & quadraninta enumerant Ado, Paradinus, Champerius in tract. de claris Lugdun. lib. 2. & post eos Theophilus Raynaudus proleg. 3. indiculi SS. Lugdunensium: inter quos Plotinus Præsul, & Blandina in Ancillæ corpore plusquam Domina, fortius dimicauerunt; tunc vero Christus per senem, & puellam de profana Philosophia, & Romana fortitudine triumphauit.

At hæc & similia facinora pertinent ad Lugdunum sacrum, ego hac vltima Epistola absoluo profanum.

HACTENVS Historiam veteris Lugduni noua methodo scripsi, nec fortassis ingrata: non semper incedendum est trita via, gratus esse solet iter quod viator facit, quam quod inuenit, & sæpè rectiores sunt semitæ, & plerunque breuiores: rogarunt sæpè viri Lugdunenses primarij vt totam Lugduni veteris, & recentis Historiam eadem methodo scriberem: prohibuerunt duæ rationes ne id facerem, prima fuit, veterum aliquot familiarum annosa nobilitas, quæ dum creuit annis, decreuit diuitijs: altera erat, recentium aliquot familiarum gloriosa nobilitas, sed iunior ætas: placere vtrisque difficile erat, & proum displicere alterutris.

Laboriosos indices vtriusque Lugduni, profani & sacri, & omnium familiarum ex varijs M. S. collegit P. Petrus Bullioud S. I. Lugdunensis, ex ea familia quam nemo nescit qui Lugdunum nouit; Ac vide modestiam hominis, maluit vir eruditus indicare materias quam explicare, propterea laborem suum appellare voluit Lugdunensium rerum indices. Ego ex ijs indicibus se legisse me aliqua libens profiteor, & ne sim ingratus Authori restituo.



LIBER SEPTIMVS ³⁸³

ELOGIA POETICA.

PERTINENT ad hunc septimum librum variae Poëses prioribus libris aspersæ, & libro octauo aspergendæ.

IN LIBRO PRIMO.

Carmen votium Authoris ad B. Virginem.	pag. 1. & 2
Sacra Syndon Bisontina .	p. 28. & 29
Soliloquium animi Solitarij.	p. 48. & 49
Parænesis B. Francisci Salesij ad suam Geneuam.	p. 54
Hymnus Ecclesiasticus de Sancto Ignatio.	p. 59
Hymnus Ecclesiasticus de Sancto Xauario.	p. 61. & 62

IN LIBRO TERTIO.

Votum pro Ludouico XIV. adhuc Delphino , vt sit Parenti similis.	p. 127
Clauæ Herculeæ Symbolicæ , Ecphasis Poetica.	p. 141
Ludouici XIV. ægrotantis, Parænesis ad fratrem.	p. 144
Votum pro Delphino futuro.	p. 147
Hoofstopus Delphini , ex Parentum aspectu.	p. 148
Mommedij capti Profopopeia .	p. 150
Profopopeia Dunkerkæ.	p. 153

IN LIBRO QVARTO.

Lugduni, & Massiliæ amabilis pugna de Alphonso Richelio , Ecloga sub nomine Aristi.	p. 180
Votum diuturnæ vitæ, pro Em. Card. Mazarino.	p. 199

IN LIBRO QVINTO.

Profopopeia Bremæ captæ, ad Marefcallum Crequium .	p. 213
Epistola Urbani VIII. ad Toctralium post seruataam Ræam.	p. 215
pag. 215.	
Carmen votium post interitum fratris .	p. 265
	SYL

S Y L V Æ P O E T I C Æ

S Y L V A P R I M A.

A R I S T V S P A S T O R.

PA S T O R *Aristus erat, cui plebs dilecta bidentum
Arebat languente siti; defecerat humor
Fontibus, & tristi solus superabat Aristo
Sanguinis & lacrymarum humor; post vota, precesque,
Durus adhuc morbi causam celabat Apollo;
Optanti fit Numen amor, morboque medelam
Suggerit, ut pestem lacrymis & sanguine potet,
Et fiat fons ipse gregi; veneratus amoris
Ingenium, venam ferro scrutatur Aristus,
Ferreus ipse sibi, lacrymisque, & sanguine rorans,
Fit duplex ouibus fluuius.*

*Innixusque pedo, dextramque, & vulnera tendens,
Ad potum lacrymante gregem inuitabat auena;
Currite lanigena pecudes, gustate fluentia,
Et latices quos fodit amor, pietasque reclusit;
Ex oculis unde rorant, & vulnere sanguis
Profluit, hic vobis rivus decurrit uterque,
Impensis & uterque meis; ne parcite fonti
Dum sistet supplebit amor; felicia vena.
Vulnera, felices lacryma, si vivat onile
Pastoris per damna sui?*

*Interea lacrymis pecudes, & sanguine passa
Explevere sitim; Pastor sapè ipse fatiscens
Pascebat se rore suo, potusque, cibisque
Et comisua sibi, tandem quos fecerat ipse
Clausit amor latices, suffecitque omnibus unda,
Dum nulla unda fuit.*

Senferunt grata pecudes Pastoris amorem;

*Et memori sensu, & signis, gestuque loquaci
Pastorem coluere suum: Tu verus Aristus
Tu Pastor Christe es; Tu venas corporis omnes
Mutasti in latices, undisque & sanguine rorans
Inuitas populos omnes ad fercula de Te,
Et potum de rore tuo. O miracula amoris!
O sortem felicem hominum! licet omnibus esse
Conuiuas Domini, & sacra mysteria mensa
Impensis celebrare Dei.*

SYLVA SECVNDA.

CARLOMANNVS EX REGE PASTOR.

Rex olim mox Pastor oues pascebat Amyntas
Et Regem exutus sub opaci nube Cuculli
Rektor adhuc, & Pastor erat.

*Ecce tibi solam à tergo procul ire bidentem
Aspicit, & causam explorans plorare subaudit,
Et lacrymis sine voce loqui.*

*Sentit amor lacrymas, penè ipsa silentia sentit,
Et voces sine voce audit; miseratus Amyntas
Accurrit, claudaque videns insistere planta
Asidet, & gremio miseram amplexatus amico
Alloquitur nutu, fit amor vocalis utrique,
Respondent, & uterque fileat.*

*Mox plagam attrèctans fracta dedit oscula planta,
Palpauit blandè, lacrymis aspersit amaris,
Vnguentum fuit ille liquor; cum fragmine vestis
Induit, & leuibus munivit utrimque bacillis;
Quod deerat suppleuit amor.*

*Crescebant umbra interea, vergebat horison,
Inclinante die, grex sponte ad ouile redibat;
Adblanditus oui, cervici imponit Amyntas
Molle onus, & placida surgens sub pondere molis,
Hoc cantu socias pecudes, agramque bidentem,
Et proprium recreabat iter: Nunc inquit Amynta,
Nunc Regem esse licet, mutavi insignia regni,*

Bb

Nec

*Nec Regem amisi, totum hoc sub pondere regnum est :
 O onus innocuum ! ò facile & tolerabile pondus !
 Quam dispar moles hominum est ! Tua sarcina Christe
 Hac fuit impositum cernici attollere mundum ,
 Et gemuit sub mole Deus : Tu sarcina nobis
 Christe levis , tequesque tua tractabile pondus ,
 Victorem vehis ipse tuum , Tu nobilis Agnus
 Qui tollis peccata hominum ; Tu me Agne tulisti
 Et pondus vis esse meum . O sine pondere pondus !
 O me felicem cui sarcina Christus in Agno ,
 Et Deus est Pastoris onus ; sic ibat Amyntas
 Succolans , toleransque agnum , videre beata
 Aligerum mentes Regem in Pastore latentem ,
 Spectauit Deus , & risit sub vellere Regem ,
 Et Verbum sub Rege latens : Ovis agras salutem
 Interea accepit , gratesque rependit Amynta ,
 Et memorem semper representauit amorem .*

SYLVA TERTIA.

ANDRODI, ET LEONIS AMOR, EX AVLO GELLIO.

HÆREBAT laceri planta defixa Leonis
 Spina nocens , strictusque rubi mucrone gemebat
 Difficilis plorare Leo ; subtile foramen
 Febris erat , saususque dolor ; sic ladit acumen !

Nec morbo medicamen erat , quis enim audeat esse
 Languentis medicus , vix tangere tentet Apollo ,
 Ægrotum medicina timet , vox ipsa timetur ,
 Et terret plorando Leo .

Fortè ingressus erat speluncam Androdus inanem ;
 Ignarus qua tecta hospes , quaque antra subiret ;
 Dum sedet , ecce Leo veteris redit incola rupis ,
 Et Regem se voce probat , perterritus hospes ,
 Ex antro responsa petit , propiusque Leonem
 Aspiciens triplici miratur sistere planta ;
 Fit triplex ex planta tripus unde omina sumat ;

Mox

Mox ubi singultus audit, rorantiaque ora
 Aspicit inuitis lacrymis, ex indice morbum
 Colligit, & medicum fingens, blandumque salutaris,
 Ut valeat sine voce rogat, loquiturque figuris;
 Quot loquitur natura modis! vocalia sensit
 Signa leo, caudaque loquens, reddensque salutem,
 Se primum prosternit humi, medicumque sedere
 Inuitat, laceraque ostentans vulnera planta,
 Poscit opem mutis lacrymis, gestuque meretur;
 Androdus plantam atrectans, unguesque recuruos,
 Quos cicures faciebat amor, tandem indice tactu
 Harentem sensit spinam, telumque reuellets
 Expressit saniem, libavitque oscula planta;
 Et plagam obsignauit amor.

Quis numeret mutas grates, nutusque leonis
 Vocales sine voce? diu fuit hospes, & altor,
 Et medici conuiua sui; nec finis amorum
 Sylua fuit, captus tandem, & damnatus uterque
 Ad pugnam iam promptus erat; cum utrique recurrit
 Sylua, & amor; primusque Leo veneratus amorem,
 Blanditur cauda memori, vestigia lambit,
 Et gestu loquitur; nec segnior oscula figit
 Androdus, palpat veterem, & resalutat amicum,
 Et Circo fit ludus amor, Roma ipsa triumphum
 Audijt, & flores utrique hoc carmine sparsit.

Ecce homo Chirurgus lasi, medicusque leonis;
 Ecce leo seruus Chirurgi, & seruus amoris.

SYLVA QVARTA.

ALEXIS, ET LEONIS AMOR ALLEGORICVS.

LAPSVS in obscuram foueam Leo triste gemebat,
 Et gemitus regalis erat; forte ibat Alexis
 Venatum; mixtos gemitus rugitibus audit
 Apparetque etiam plorans Leo.

Attonitus, vinaque legens vestigia vocis

*Substitit, & pronus videt alta in gurgite fessa
Captivi speciem Regis, qui supplice cauda,
Vocali capitis nutu, mutaque palestra,
Plus loquitur quam verba sonant, miseratus Alexis
Promittit quam nescit opem.*

*Omnia lustranti circum, dum singula desunt
Auxilium suggestit amor; decisa iacebat
Quercus humi, hanc humero, & manibus versare laborat,
Supplet amor vires, tandemque aduoluit uterque,
Et tamen unus erat.*

*Denoluensque monet gestus clamore Leonem
Excipiat syluam labentem, aptique reponat,
Et pontem struat ipse sibi: nec segnior ille
Succollat, pontique subest pons ipse futuro,
Et solidum sibi fundat iter; mox impete facto
Insiliens, plantis quercum transcendit aduncis,
Et gravis incessu patuit Leo; mox ubi terram
Attigit, aduoluens corpus, caudaque, inbisque,
Supplicibus, Dominum pronus veneratur Alexim,
Libertatem offert, promptumque ad iussa Leonem,
Et famulum sub Rege canem.*

*Ingenium, sensumque fera miratus Alexis
Accumbens collo, palpanisque, iterumque remulcens,
Admisit famulum, & dominum promisit amicum.*

*Iamque domum omissa pradandi mente redibat,
Contentus Rege in pradam, cum Cernuus anhelans
Hosle procul misso maiorem incautus in hostem
Incidit, & Regem agnoscens, subdique recusans
Securum properabat iter; sed prapete saltu
Insiliens, vrgensque Leo, plantaque recurua
Suffigens, captumque tenens ostendit Alexi,
Et seruum facit ex cernuo; mox ungue retorquens
Cervicem, torsit vitam, & spiracula vita,
Dorsoque imponens victori imbelle cadauer,
Ibat ouans Rex, & famulus.*

*Iam villa vicinus erat, cum exterrita coniux,
Et pueri exclamant gemini formidine monstri;
Horrorem domina sensit Leo, parteque monstri
Deposita, collo, & cauda, gestuque loquaci
Se famulum mutus clamat, fingensque molossum,
Lusit, & horrorem blando correxis amore.*

*Ne tamen aut catulus tantum, vel Simius esset,
Assiduus venatum ibat, pradaeque reportans,
Prada Leo, & praeator erat;*

*Denique post aliquot soles armatur Alexis
Ad sacrum cruciger bellum, cum Gallia miles,
Totusque eum vespere migraret in orbem,
Et Reges sub Rege Deo.*

*Sensit iter bellumque Leo, nec voce iubentis,
Nec terrentis veri potuit clamore teneri
Ne veniat comes; hac tantum non parte fidelis
Dum tentat retinere fidem; ne ingratus abiret,
Colloque & cauda grates undante rependit,
Verbaque supplens rugitu.*

*Ventum erat ad Naves, & Nauita vela parabat,
Ut videt horrendum naui se inferre Leonem,
Quis nobis hac audet, ait, producere monstra,
Monstrorum satis aquor habet, cur addere monstris
Monstra iuuat? non hac portenta expectat Idume,
Portentis iam plena suis, petit arma, virosque,
Pescit Equos, non indociles ad bella leones:
Exeat è Naui, non est hac sylua ferarum,
Ipse homines non monstra veho, fauere querelis
Turba tremens, causamque metus excedere naui,
Communi clamore iubent; nulla inquit Alexis
Nulla metus causa est, hac sola figura leonis;
Naturam mutant amor; sed plura parantem
Dicere, mussantis vetat indignatio turba,
Et vocem, nauimque negat.*

*Opprobrium Domini sensit leo, iamque parabat
Vlcisci, & sensim monstri natura redibat,
Aspexit, nutuque iras placauit Alexis,
Eductumque foras verbis affatur amicis;
Arrecta stetit aure leo.*

*Diuidimur tandem, Deus hac diuortia fecit,
Nec decet ulterius Regem seruire leonem,
En tibi sylvarum regnum natura redonat,
Donari quod saepe tibi; nec longius hospes
A Patria distas, ubicunque est sylua specusque
Hic patria est, regnumque tuum; tibi cymba negatur,
Nec digna est te Rege ratis; nec plura locutus
Palpauit, mulsisque iubas, atque oscula fixit*

*Ingressusque ratem iussit resinacula rumpi ,
Et mundi interrupit iter .*

*Quid non audet amor ? quis amori imperuius orbis ?
Inueniet si desit iter ; fugiebat Alexis ,
Ut sensit fugisse leo , testatus amorem
Rugitu , medias prouum se immittit in undas ,
Et quarit quod nescit iter ; primo impete saltus ,
Moleque membrorum tractus maris ima petebat ,
Ut sensit discrimen amor , ceruice prehensum
Sustinuit , plantasque mouens , caudamque gubernans ,
Edocuit quam siccus adhuc nesciuerat artem ,
Ibat onans , Regemque Leo per carula fingens ,
Rugitu terrebat aquas ; videre natantem ,
Et timuere maris populi , spectauit Alexis
Et lacrymis animos dedit , ille ut sensit Alexim
Attollens caput , & cauda super aquora ludens
Blanditur qua parte potest , miseratus Alexis
Hic inquit vos tangat amor ; succurrite amori
Dum natat , & Dominam in famulo defendite vitam ,
Non solus moriere Leo , tecum ibit Alexis ;
Iamque ibat ; mouit Nantam certamen amoris ;
Vinat uterque inquit , digna est ea pugna salute ,
Vicisti moriendo Leo , recreatus Alexis
Porgit utramque manum , socij adiuuere trahentem ,
Adiunxit sese ipse Leo , saltuque superbo
Insilit in nauem , rorantesque excutit undas ,
Et mortem permixtam undis .*

*Mox cauda , colloque loquax , mutaque figura
Facundus , Dominam nanim sine voce salutat ,
Et grates quas nescit agit .*

*At toto Dominum gestu proclamat Alexim ,
Palpatusque manu , & nutu procumbere iussus
Procidit , exercensque canem , fingensque molossum ,
Simium agens , famulus nauis , custosque , vigilque ,
Et ludus sub Rege fuit .*

*Denique sub Domino terras lustrauit coas ,
Sub Domino redijt , plenusque fidelibus annis ,
Occidit , elogio dignus Leo , dignus Alexis .*

PROSOPOPEIA

ANGLIÆ POST RÆANAM INSVLAM OBSIDIONE LIBERATAM.

A NGLIA quam felix olim! cum sceptrâ, cruceſque
 Dextra meas diſpar gereret, cum ſacra profanis
 Differrent, nec frons eadem viſtaſque, apiceſque
 Praferret, geminoque humerus ſudaret in oſtro;
 Ex quo permixtum eſt ſacra diadema Tiara
 Cuncta tulit ſublata fides; ſed damna vetuſta
 Quid memoro, grauius præſenti clade fatigor,
 Et vereor ne ſint ventura oſtenta ruina.

Ille ego carulei quondam regina profundî,
 Viſtrices cuius claſſes, & ſinus Iappon,
 Et Sina imberbes, orbique incognitus orbis
 Viſtus adorauit, timuerunt caſtera vinci:
 Ille ego poſt toto collectas aquore pradâs,
 Vincor Ræana ſatali in limite terra,
 Ignotoſque orbi portus, & laudis egentes
 Vt clade attollam memori, nomenque decuſque
 Et palmas humili videnda in liſtore pono;
 Et nunc Ræa meis illuſtris, & inclyta damnis
 Oſtentat probroſa mea monimenta ruina;
 Hic limes rerum, & triplex hoc ſunere regnum
 Mergitur, anguſtoque cadit magna Angliâ portu.

At non Villeri non hac promiſſa dediſti;
 Cum tecum abducens delecta robora pubis,
 Et puppes, & ſigna meis ſpirantia Pardis,
 Et gazas, & opes, & veſtigalia ſeculi
 Venturi, & ſeris pendenda nepotibus ara,
 Lugentemque, patriaque omnes de laude monentem
 Iuſſiſti certos Franca de Gente triumphos
 Sperare, & noſtris labyrinthum texere in hortis,
 Lilia ubi plantis ſterent captiua ſub Anglis;
 Et nunc tota tibi ſteriliſque, & inutilis aſtas
 Exigua periit conſumpta in ceſpite terra,
 Quam propria auulſam ſedis radice per auras
 Aut rapere, aut vaſta potuiſti imponere claſſi,

Vile onus, & terris sulcandam inferre britannis :

Interea dum tu lento trahis otia portu,
Obsessus turres, & mœnia substruit hostis,
Et quas non patitur contractior insula moles,
Extendit vacuo vaga propugnacula Olympo,
Et cœlo spatium petit, adificatque per auras :

Hæc vita obsessis, dùmque ori ferula desunt,
Membra labor, virtusque animos spe lætat alumna,
At Tibi vix toto pretiosa annona profundo
Conuehitur, pigrisque cibus elementa laborant,
Nec satis in sumptus est Anglia : qua magis vrit
Me cura, & grauius turpis pudor inficit ora ;
Nec centum ingentes pinus, nec in aquore sylvæ
Arboribus densata meis, nec miles, & arma
Angustos potuere hosti defendere portus,
Et clausas prohibere vias ; pudet acta referre,
Bis deni exigui lintres, quos obuia classis
Excipere, atque aluo potuit sorbere capaci
Exiguam ventris prædam, tamen agmine iuncto
Transtæ per, aduersasque trabes, tensorsque rudentes,
Per cœli noctisque umbras, per tela, per enses,
Per flammæ, piceamque diem, perque omnia clausa
Inuenere viam, portuque inuicta supellex
Fertur in obsessas arces ; hæc quisquis d' olim
Accipies, nec ficta putæ, nec dum aquora clausa
Obsessosque audis, & classe, & milite portus,
Supplementa famis celeres delata per auras,
Aut cœlo delapsa putæ ; quo credere possis
Emeritos, primisque pares heroibus ausus,
Iurata in proprium testor victa Anglia probum,
Vulneribusque meis, & certo sanguine signo .

Quid referam euentus belli ? iam littore victor
Inferet se terra Francus, committitur impar
Pugna, cadunt, fugiunt Angli, terræque marique
Vincor, nec numerus prodest, nec tela, locusque,
Quod potuit fauisse nocet ; premit arduus hostis,
Imminet, incumbit, ferit, & dum plurimus instat,
Instandi spatium totus rapit ; una securis
Vt perhibens, truncos quinque à radicibus imis
Subruit, emerita deinceps falx digna sub umbra
Cessare, & ferias illustri hoc ducere verbo

*Et Messis falx una satis : quos denique viuos
Non poterat vix iam breuior capit insula casos ,
Inque nouo natat Oceano , sternuntur ubique ,
Fitque alter casus primo , exitiumque sequenti ;
Strata iacent breuib. densata cadauera glebis ,
Nec satis in tumulos tellus patet ; aquora turpes
Reliquias inuita ferunt , patriaque remittunt .*

*Has ego reliquias ut vidi , & inania transtra ,
Et vacuas armis puppes , quas milite plenas
Miseram , ut aequalem numerum velorum , hominumque ;
Anglia , vixisti dixi , Rupella stetisti ;
Nunc mecum tua fata ruunt , sed prima peribis ,
Prælucent tua fata meis .*

*Hac tamen hora mea est , hanc si sciat Indus uterque
Clade mea fatalem horam , subsannet uterque
Indus , & extremo vinceat me Francus in orbe .*

*Quamquam ego quid metuo ? hac alijs ridenda ruina ,
Exoptanda mihi , properant fata illa beata ,
Fata , quibus regnis virtus proscripta britannis ,
Et pietas , & sancta fides armata redibit ,
Vnde armis expulsa fuit ; rursus Anglia Cælo ,
Florebo , rursusque meos Edoarde per hortos
Fragrabis , uestro hi flores de sanguine surgent
Heroes fidei , tua erit , tua gloria France ,
Ludouice ueni , meritamque ulciscere gentem ,
Dummodo flagitij uirtus uindicta , meaque
Perfidia sit pœna fides , dumque Anglia Franco
Iungitur , una fides Francis dominetur , & Anglis .*



394
L V D O V I C O X I I I .
C A R M E N P A N E G Y R I C V M ,
O B E X P V G N A T A M R V P E L L A M .

P A R S P R I M A .

APPARATVS AD BELLVM, ET FACTIOSA REBELLIVM

Consilia, hæresis Rupellæ furit, rebellionem consulit, in-
Angliam trajicit, bellum suadet, inde volcas dum petit,
Lugdunum peste inficit, Nemausum, turbat Rupellam redit,
vnde dum nuntius Anglus redibit capiendus prædicatur.

X A N T O N I C I Domina Oceani, Regina rebellis
Rupella, Allobrogis proles, & Alumna Genæa,
Hæresis, ut fama vulgante, & conscia corda
Flagitij stimulanis metu sibi bella parari
Sensit & ultricos pœnas. Nunc hæresis inquit
Grande aliquod molire nefas, quod crimine partum est
Seruetur scelere imperium, quid lenta vereris?
An scelus, an Regem? magna hac ludibria mentis,
Cui semel in ludo Deus est; ex quo impia Regem,
Et graue pregnantis excussi de pectore Numen
Nulla animum iam culpa granat; mihi Numinis instar
Arbitrium, & vitij ac virtutis norma libido est:
Quod si qua virtutis adhuc per lumina mentis
Flamma micat, bello intereat; sit martia virtus
Quod pacis graue crimen erat; macte inquit Erynnis;
Quid metuis? suprema licent cui extrema parantur;
Vndique suppetias coge vndique, sydera, terras,
Atque Erebum sub signa voca, quodcunque fauebit,
Hoc Regem Numenque pnta: si desit Olympus
Tartarus auxilio veniat, cui noxia virtus
Huic crimen Deus esse potest; mors, funera, cades,
Pestis, & innocua dirissima nomina Pacis
Sapè inclinatis sunt prospera nomina rebus.
Dixit, & horrendum infrendens tota urbe rebelles.

*In Regem farias despumat, prima veneni
Incantamenta afflati sensere Ministri,
Gens impostorum est aliena addicta ruina,
Cui fratrum pretiosa fides, virtusque, salusque,
Vitaeque pratenta luduntur imagine forma.*

*Hinc viduam Matrem, hic duo pignora lecti
Eurusque, & boreas, nec inani nomine dicti,
Hos mulier vana ad dextram laenamque locare,
In medio ipsa velit folio Zebedae sedere,
Haeretica tria fulcra domus; hac regia vota
Haereticis, & sacros regnandi ex suscitatur ignes.*

*En ait aequales vobis fortuna coronas,
Et triplex diadema parat; qui maximus annis
Australes Volcarum oras, Albamque, Nemausumque
Imperio regat, & Roma monimenta vetusta
Euertat, statuaturque noua mysteria Roma;
Oceani fines Aquilo, terrasque natantes,
Littoraque, & regnis habeat vicina Britannis,
Rex minor Oceani: Rupella Regia Mater
Aeternam Imperij sedem, & Capitolia fundet,
Ipsa Orbi Papa, & Mythes oracula reddat,
Gallia Caluino credat, Rhenusque Luthero.*

*Hac mea mens, & si pendentem euoluere nubem
Bellorum liceat, vobis hac aurea fila
Lanifica, & triplex properant diadema Sorores;
Ecce, sed in vestram armatur iurata ruinam
Gallia, pratentas instigat Roma querelas,
Exequitur rubeus Carido: Rex credere pronus,
Et facilis quocunque sequi; gens prodiga vita
Nobilitas, rubri sequitur vexilla galeri
Et pax in trabea, totumque in Cardina bellum est.*

*Opponenda armis sunt arma, altaribus ara,
Romana Rupella Petra, Rupique tuenda
Putroni tutela orbis; si calce superbo
Subiectum proculco solum, inclamatus ad arma
Tartarus, & iussi surgent ad bella Gigantes:
Sed nihil auxilijs opus est, cui publicus ather
Militat, Oceanus famulas ad iussa procellas,
Et vestigales aduoluit ad ostia fluctus:
Quid claudi Rupella times, cui mundus aperto
Oceano, latoque fluunt Elementa canali?*

*Quare age Rupella generosa includere Mater ,
Oceano volitet Boreas , ego Regna Britanni
Perlustrò , hinc volcas adeo , Rupemque reuiso .*

*Hac ait , & blandum inspirat per membra venenum ,
Infremuit Mater , pestemque admisit amicam .*

*Infelix mulier , magni infelicia partus
Pignora ! magnanima qua non decora incluta fama
Ferretis ? si rectus amor vestra arma moueret ,
Nunc mendax vos zelus agit , nunc bella parantur :
In quibus , & vinci turpe , & victoria probrum est
Eia agite , & Regi heroes vos subdite vestro ;
Tunc ego praterita delebo opprobria fama ,
Es Matrem , natosque , & auità laudis honores ,
Transcribam memori ventura ad secula laude .*

*Interea Oceano furiosa excedit Erynnis ,
Fatalis quacunque infert vestigia planta ,
Fatalis spargit lethalia grana veneni :
Contactu intumuit pelagus , videre natantem
Xanthonica ripa , visuque hausere venenum ;
Icius obstupuit portus , dumque eminus alba
Lilia miratur picto efflorescere dorso ,
Non inquit pietas , non hac tibi lilia virtus
Impressit tergo , non hic decora illa geruntur ,
Periura memini voluisti imponere fronti ,
Hoc scelus , & tergo insculpta vestigia culpa ;
I mala in extremos nunquam reditura Britannos .*

*Ipsa Anglos penetrat portus , mentita decoros
Nobilis incessus Franci , barbaque trifultum
Cuspidem , & errantes humeris colloque capillos ,
Oraque , millenoque oculatas lumine vestes ,
Hoc tantum dispar , ficti hac mendacia vultus ,
Nil Francus mendacis habet ; tum forte recentia
Villerius nondum detergo pulvere probri
Aptabat laceras Reana è clado carinas ,
Reliquias Schembertes tuas , tua fortia facta
Toerasti , & praelusa mea certamina Musa .*

*Sollicitum , & moesta tergentem opprobria frontis
Sic Eques aggreditur , quid te dubij alea Martis
Sollicitat ? casu Francus , tu Marte secundo
Vicisti , quod nox hosti , quod profuit astus
Oceani , quod non nocuit temerarius error ,*

*Hic ludus fortuna tuus ; quod nauibus aquor ,
 Quod per te Alitibus fuerit vix pernius aer ,
 Quod bello accisa vires , quod turpis egestas ,
 Dedenda leges , & fœdera scripserat arcis ,
 Hac animi sunt signa tui ; sed vicerit hostis
 Hoc si vicisse est Rœa excessisse Britannum ,
 Hac reditu delenda fuga est , non altera Rœa
 Est castris vallanda tuis , Rupella tenenda est ;
 Illa tuos supplex ad propugnacula Pardos
 Explicat , illa Anglo clauēs , & lilia monstrat ;
 Nonserta hac ignota tibi , dudum illa Britannis
 Insueuere hortis , & labro prona repando
 Reginam agnouere Rosam ; repete Anglica iurm
 Et veteres regni titulos , & Patria sceptrā ,
 Amissa pars magna rei sub iura redibit ,
 Dum fiet Rupella obses ? quondam illa Britannis
 Seruiuit non sponte Rosis , nunc obuia clauēs
 Mittit , & absentem inuitat per mœnia Regem ,
 I celer , & plenis ingressus in ostia velis ,
 Scande arces ubi picta Angli iam regnat imago .*

*Hac ait , atque animo flores , & lilia pingit
 Sub Dominis captiua Rosis ; hinc alite gressu
 Ad Volcas rapitur ; quacunque incedit odorem
 Tabificum , & stygij spargit contagia roris ;
 Hac pestis causa , & grassantis origo veneni :*

*Caluinum perhibent animam cum efflaret Auerno ,
 Hæredi populo dirum hoc mandasse supremis
 Flagitium tabulis , bello cum cetera deessent
 Auxilia , ut pestem cognato accerferet orco ,
 Ibat , & infames morbos sub signa vocabat ,
 Lugduno transisse ferunt , ibi femina morbi
 Sparsisse , & centro Regni inseuisse venenum ,
 Vnde in finitimas late succresceret oras :*

*O scelus ò dignas flammis , plumbique liquentis
 Rore manus , video ut pestes , & clausa ferarum ,
 Anticos valuarum obices , & garrula rostra
 Fontium , & horrentes dumos , ideaque poma ,
 Incultas inopum vites , inarataque rura ,
 Perfundunt sanie , quin & lustralibus undis ,
 Templorum stygij miscent mala semina roris ,
 Cui parcat ? qua saua Deo non parcat Erynnis !*

Iamque

*Iamque ad Volcarum fines delata Nemausum
 Deuolat, hinc Euro rem totam ex ordine pandit,
 Tentatos Anglorum animos, iurataque belli
 Fœdera, & armatam communi milite classem;
 Rupella Dominam Matrem cum fratre relictam,
 Et tu, inquit, misce ciuitibus omnia turbis,
 In patriam ciues, iurataque fœdera Regum
 In regnum committe unum; nec damna verere,
 Dum tibi diuisa veniat pars una Corona,
 Hoc munus turbare tuum; si sacra profanis,
 Fatalique orbem possis miscere querela,
 Tunc perturbatis pulchros Delphinus in undis,
 Liliaque, & pleno piscaberis aquore sceptra.*

*Hac ait, & leuibus pennis sublata Genenam
 Tendit iter, terras vicina lacumque salutat
 Natales; his primùm fertur concepta sub auris,
 Caluini, matrisque stygis Cocytia proles.
 Hic nigri visuntur adhuc cunabula partus,
 Et tectum, & diris ululata vocibus ades,
 Expuncta tabula, & presenti numine templa
 Exhausta, & vacuis cœnacula plena figuris.*

*Musa sile patria quid coniuravit in urbe
 Heresis, & cœtus; & fœdera conscia noctis,
 Et stygios Manes ad Sacramenta vocatos.
 Vitales referunt dum monstrum infame sub auras
 Exiret, tota ad partum natura ululante,
 Et natum execrante scelus, coïssse Genenam
 Tanareos cœtus, ubi Franci funera Regni,
 Et fidei, & sacra iurata incendia Roma;
 Consilijs Erebi offensus subscripserat aer,
 Illatas numerat messis centesima cades;
 Nunc Senio, & morbo monstrum frigente laborat.*

*At stygia rursus coeunt ad fata caterna,
 Quis numeret medicas artes, & pharmaca longe
 Quasita, & Reges ad testamenta vocatos,
 Non ita post Angli cognato nomine Regis
 Promissam laturus opem legatus adibit,
 Sed dum imprudenti relegit vestigia gressu,
 Borbonides heros casses, & retia ponet,
 Et meliore dolo peregrinum fallat Vlysses;
 Et quas implicuit nodosis artibus artes*

Soluet, & ignotis enigmata tella figuris.

*Dicitur hic magnas Europa iuisse per vybes,
Iuratamque fidem, & sociorum fœdera Regum
Scripsisse egroto medicamina regia monstro,
Et nisi fata obstant, & Regi Numen amicum,
Inuisam monstro potuit reparare salutem.
Sed fidei LODOICE tuę fata ultima monstri;
Debenturque tuo vitiorum funera Regno.*

P A R S S E C V N D A.

OBSIDIO RVPELLÆ REGIS MORBVS.

*DEIPARÆ AVXILIVM, TERRESTRIS OPPVGNATIO,
agger in mari extructus, aduentus Spinolæ in castra, geminum
cum Anglis nauale certamen.*

RÆANIS *Anglum interea pulsurus ab oris
Festinum Rex ibat iter; cum languida febris
Regalem ad villam generosi incendia Regis,
Atque animos Regni penè uno frigore merfit.*

*Dicitur hac inter gelidę tentamina febris
Presentem sensisse Deum, sed & alma polorum
Regina affuse morbum medicamina lucis
Terfit, & affatu Regem demulsit amico.*

*O Cœli LODOICE fauor, tua vita Tonanti,
Et mores placuere pji, talem esse decebat
Sub cuius mereat virtus stipendia signis,
Et ferrum miles pietas in crimina stringat,
Venturos metire dies, tibi tertia palma
Anglus erit, neue obsequium Rupella recuset,
Parebunt Elementa prius; natura preibit
Obsequio, fideique viam miracula sternerent.*

*Dixit, & in cœlum lenibus se sustulit alis,
Ascensu testata Deam, donoque parentem.*

*Musa sile angustis Raanę in finibus ore
Mactatam Anglorum laudem, transmissa natatu
Æquora, & inuentos per clausa elementa regressus,*

*Et pullos pelago sine classe, atque hoste Britannos.
Hac olim cantata mea praeludia Musa.*

*Gallia si nosse proprias in pralia vires,
Quantum undis terraque uales, pridem orbis uterque,
Et Turca, & Solimi colerent tua lilia flores,
Qua pugna, qua palma tuo sine sanguine parata?
Qua plaga, qua regio Arctoa sub frigore Zonæ
Non armis tentata tuis? te milite nuper
Verrucam Italia, terrarum ignobile punctum,
Non domuit gemini nitrix Hispania mundi:
Per te Raano iacet Anglia littore uicta
Hoc titulo, uenit Leopardo audacior Anglus,
Vt Lepus occultas aufugit in Anseris oras,
Qui Gallis olim necuit, nunc profuit Anser.*

*Et iam relliquæ Anglorum, uiduasque Classis
Milite, & equalis numerus uelorum, hominumque,
Fugerat explosus Gallis, nec ab Anseris tuus.*

*At Rex sollicitus fat is, & Virgine Matre
Promissam monstrante uiam, sequor, ò sequor, inquit,
Magna Parens, sunt ista tui monimenta fauoris,
Te bellum Rupella manet, tu petra rebellis,
Tu fundamentum erroris, fideique Charybdis,
Nec turres, nec me tua propugnacula terrent,
Nec mare, nec gemini duplex tutela elementi,
Vel si communis tecum natura rebellet,
Ibo audax contra, Christo Duce, & auspice Matre.*

*Hac ait, & litui sonitu conclamat ad arma;
Campus erat bibulo terra præruptus hiatu,
Muta palus, stagnum fallax, loca lubrica saltu,
Ante urbem superanda palus; quot bella, quot hostes
Vincendi, ut propius tandem pugnare liceret?*

*Sed quò dum loquimur Regem mauortius ardor,
Abripuit, iam se Maiestas Regia totis
Explicuit campis, iam lumine mœnia cinxit,
Iam uultu obsedit, iam nutu castra locanit,
Imperio respondet opus, cum milite ductor,
Cum ducibus miles, permixti utrisque calones;
Certatim incumbunt operi; gradus omnibus idem,
Obsequijs mandata sequi; Rex sparsus ubique
Imperijs onera exaquat, uultuque laborem
Subleuat, atque animos presenti laude coronat.*

Garrula quid tantum Manuelem Gracia iactas,
 Quod lapides humeris uehret, qui diuite gemma
 Sublimis ferri potuit; Quid Roma Neronem
 Quod mundum, corbemque humero gestaret eodem;
 Quid Constantinum quod fossa pondera terra,
 Egereret dorso, uili sub pondere maior,
 Quam dum humeris uicti sustentat pondera mundi;
 Non minor exemplo Lodoicus pondera tactu
 Pralibat, tactuque suo leuiora relinquit.

Plus oculi fecere manu, duo sydera dicas,
 Sic onera illustant radijs, sic robora fessis
 Inspirant, siccantque expressas frontibus undas.

Iamque noua Rupellam arces, noua moenia cingunt,
 Iam tres metitur communis linea leucas,
 Debit hac zona undantem cohibere furorem;
 Sed terra quid claustra iuuant, dum littus apertum,
 Clausum aperit captiua orbem; secunda sedebat
 In portu, nutuque Anglum Rupella uocat
 Auxilio, certe promittens lilia prede.

Quæ clades metuenda mihi, si sola resisto?
 Quæ pugna equalis si non mecum emula pugno?
 Quid possim uincendo scio; nisi Numina mecum
 Bella gerant, uicti fient mihi uictima Reges:
 Sydera si pugnent, pro rupe armabitur orcus;
 Naturæ, domineque artis me robora uallant,
 Ut uincar, mecum pereant elementa necesse est,
 Terrarum quid claustra times, cui regna profundi,
 Et gemini pelago prostant commercia Cæli.

LYDOVICE tua est uincende gloria rupis,
 Nobilior tanto uictoria surget ab hoste,
 Iam cessere tibi terræ, mox aquora cedent.

Calliope extructum cane formidabile uallum,
 Impositum Oceano uallum, quod senior ætas
 Dum leget, o homines nunc dicet, secula Patrum
 Artifices habuere Deos! Qui condidit author
 Dum stupet in medijs manibus miracula nasci.
 Vix credit quod fundat opus: uestigia miles
 Imprimit; & medio securus in equore ridet
 Hinc ignes Rupella tuos defensus ab undis,
 Hinc undas Neptune tuas hoc aggere tutus.
 Principio trunci, & procera fragmina quercus

Defixa Oceani fundo, directaque ligna
 In quadrum, sectasque cruces, & propedo talo
 Erecta in declive trabes, ut missa saburra,
 Et lapidum, & rupta vagrandia pondera rupis,
 Harerent sylua implexis deuincta laceris.

Hac facies operis: nutabat saxea moles
 Ponderibus librata suis, diuisus hiabat
 Murus, & admissos per hiulca foramina fluctus
 Reddebat pelago; verum indignata procella
 Augustum callem, luctatur & obijce rupto
 Exiliens, socijs lata ostia diuidit undis.

Non nocuit iactura diu, se prodidit hostis
 Vndam sibi, nam dum malecocti vulnera muri
 Incauti subeunt fluctus, & soluere crudam
 Compagem obnixi tentant, calcemque, lutumque
 Conuectant, vdoque incrustant mœnia limo;
 Transibant eadem nunquam per limina fluctus
 Lapsuri, obducit socius qua vulnera primus
 Fecerat, & primis undis nocuere secunda.

Nec tamen his pelagi feruor retinetur habenis,
 Quò magis à ripa moles operosa recedit,
 Hoc terra exclusum pelagus sublimius exit;
 Aere compensans iacturam, hinc lumine toruo
 Subiectum despectat opus, mox agmine facto
 Transilit, & saltu violata repagula ridet.

Iam terris terra deerant, & robora syluis
 Qua ventrem implerent anidum, pelagique vetarent
 Effusas per inane vias; ad cætera signa
 Hoc quoque prodigium accessit, sobolescere visi
 Fœcundi in venis lapides, & cædua sylua
 Sub manibus, nascique noua sub vulnere planta;
 Ergo visceribus pelagi penetralia terra,
 Et saxa, & querens grauida noua germina sylua,
 Totaque confuso demergitur aquore tellus.

Denique sublimis toto visenda profundo,
 In medijs latè stetit ardua porticus undis;
 Rupella exitium minitans, Anglisque timorem,
 Obsequium Regi, & laso reuerentiam Olympo.

Manst hians medio tolerabilis aquore labes,
 Ne desperaret Neptunus: scilicet undis
 Nolebas faciles prohibere ad mœnia lapsus,

*Ne scelus elabi posset prohibere volebas :
 Permisisti undis iter , ut spumante fragore
 Vocales urbem moneant , ne crede rebellis
 Venturos qua vix pertransiit unda Britannos ,
 Cede Deo , & Regi rupes , nec vincla recusa ,
 Qua tu ne fugeres prima admisere procella .*

*Hac alter latij Fabius , virtutis Ibera
 Aeternum , externumque decus , dum Spinola lustrat ,
 Dum circumductas ambit per mœnia fossas ,
 Erectasque arces numerat , totaque corona
 Murorum per tres castella inter sita leucas ,
 Nunc inquit capta crescit mihi gloria Breda
 Dum Francis ars nostra placet ; sed dum aquore vallum
 Extructum , obsesses fluctus , iniectaque ponto
 Vincla videt , nunc inquit habes quod Spinola discas ,
 Tu superare urbes , docet aquora vincere Francus .*

*Felices Francorum acies , quibus imperat idem ,
 Rex idem exemplo præt , & cum milite Dux est :
 Quam multis laus ista deest ! At Tu optime Regum
 Ne tantum Oceano metas , & vincula pone ,
 Te fata ad maiora vocant ; iam Turcica luna ,
 Et sol iuratus Persis , totoque Oriente
 Stellarum venerata cohors , iam sceptrâ requirit
 Virtutemque tuam , Dominos pertesa profanos :
 Has tamen ut lauras , & palma insignia carpas ,
 Cognatos Reges magnis adiunge triumphis :
 Tunc ego vel Regi miles communis utrique ,
 Vel ductor pulchri tentabo pericula belli .*

*Hac Fabius , quid si reliqua miracula molis
 Vidisset ? quid si medio qua pontus hiatus
 Discedit longi funalia candelabri ,
 Ut pralucerent timidis ad bella Britannis ,
 Impactasque trabes , pelago , transversaque ligna ,
 Præfixaque undis armata triangula sylva .*

*Parte alia obsessam vallum qua respicit urbem ,
 Demersa pelago naues , nexique rudentes
 Oceani labem obturant , nec deficiis undis
 Agger , ubi lasus medio hiscit vulnere pontus .*

*O domitas pelagi vires ! violatæque rerum
 Fœdera , & humana plusquam miracula dextra ?
 Quis credat , sine fundo hæsit firmissima moles ,*

Nec vaga nutauit validis succussa procellis.

*Dicuntur quoties unda infremuisse tumentes,
Et dum pretentos obices violare laborant,
Spumantque obnixa frustra, tum ferre repulsam
Indociles, sursum ferri indignante furore:
Mox ira posita, & sensim languentibus undis,
Victrici dociles sese submittere vallo,
Et dominam mollem famulis adlabere lymphis.*

*Ibunt ad seros LODOICE hac fata nepotes,
Credet posteritas fieri miracula posse,
Imperijs patrata tuis! monumenta triumphi
Fient claustra maris; ventura docebitur atas
Ut parere cliens discat Rupella, praire
Obsequijs elementa suis! utque haresin unda
Obruat, ad iussas harere, & currere metas:*

*Prodigium quondam fuerat pratenta catena
Oceano, nexusque rudens commercia rumpens;
Tu pelago vallum LODOICE & mœnia ponis.
Credite posteritas victa stant sponte procella,
Et fluctus sacro pendunt horrore librati.*

*Rex hominum Xerxes Sesto commisit Abydon,
Europamque Asia, tabulataque aquora strauit
Arbore, nec mirum hac sedes natia carinis;
Baiani quartus Casar per littora stagni
Securum tabulauit iter; verum utra potestas
Nobilior? saxa an syluas inferre profundo?
Pellaus iuuenis strato ponte equora iunxit:
Sed Tyrium semel ignis opus, succendit, & unda
Non semel abripuit; vincentemque omnia Regem
Victrices Tyrj maris irrisere procella.*

*Maier Alexandro es Lodoice, & Casare maior,
Terra illis inuita subest, spontanea nutus
Observant Elementa tuos; sed parco triumphos
Dicere dum pugnas hostis, palmasque ministrat.*

*Ecce etenim profugus Raanis Anglus ab oris
Turbat adhuc, nondum fœda se à strage recepit,
Accepta cum clade tumens, iterumque, iterumque
Vinci optat, Francaque prehensat vulnera dextra;
Nec tamen insulto victis, Rupella sefellit
Dum victos ad fata vocat victa ipsa Britannos;
Pendent è muris victi vexilla Britanni,*

Per-

*Permixtos credas Pardis rugire Leones,
 Mox lepores fient; quantum picta audet imago
 Tantum Anglus metuet vinci; tamen ecce Britanna
 Aduentant pelago classes, sub mole laborat
 Oceanus, pressique timent sub gurgite pisces;
 O nimis audacem armatos si vincere speret,
 Qui nuper nudis cecidit rea victima Francis:
 Nunc etiam longè stetit ultra vulneris ictum,
 Anxius, & solis hostem tentauit ocellis.*

*Dicite qua vestris Angli nos causa vocauit
 Littoribus? nostrasne oculis incendere moles
 Quaritis? at vobis oculi nec fulmina mittunt,
 Nec flammæ moles metuit, qua despicit undas;
 An lautas longè obsessis ostendere mensas?
 At non offensis tantum bene viuatur escis,
 Vis aque ieiunas irritant fercula fauces:
 Fallor, captiuos aut tantum inuisere fratres,
 Aut dare venistis mæstis solatia rebus,
 Et casuram urbem vicino aspergere fletu.*

*Denique solenni puduit sine clade reuerti,
 Ecce iterum pelago aduentant, classemque reducunt,
 Qua flammis, Indumque armis vicisset utrumque;
 Sed Francus non Indus erat, vincendaque molet,
 Et vallo melior qui pugnat ab aggere miles.*

*Iamque propinquabat ventis afflata secundis,
 Si pergat facili sese infusura Canali;
 Forte fatigato nudatum milite vallum,
 Littoraque, & naues, tormenta puluere lassa,
 Et nocte inductos carpebant omnia somnos,
 Capendaque Anglis præbebant otia præda.*

*Siste tamen Saxo, tutique quiescite Franci,
 Pro vobis oculo vigilant Elementa fidei,
 Ecce tibi plenis currentia carbasa ventis,
 Et faciles subitura sinus, subito aura relinquit;
 Nec dubium cohibente Deo: dumque anchora Classem,
 Et proprium cunctatur onus: consurgit ad arma
 Francus, & armatum littus, vallumque coronat,
 Et pro se curis intenta Elementa relaxat,
 Pugnantemque Deum: Quid tu Lodoice parabas
 Interea, tu plusquam vnus, tu multus ubique,
 Tu ductor, milesque idem, præscribis agenda*

*Et facis, idem ignes tormenta que vulnere certo
Dirigis, idem acies terra partiris, & undis,
Idem hostem cuique assignas, & tu omnibus hostis
Hortaris quemque ad pugnam, dextraque loquaci,
Multa doces, & plura facis.*

*Dic proprio Regi, laudatus nomine miles
Quos animos laus illa dedit? Dic alter, & alter
Illustris quanti emisisses discrimina lethi?
Quanti unum emisisses Anglum, quem iudice Rege,
Et teste, audaci maestas fulmine dextra!*

*Dicendum est vel te inuito, tu magnus ubique,
In teneris etiam eunis Lodoice timendus,
Nascenti dum terra tremis, palmasque futuras
Nuntiat, & magnos olim praesaga triumphos;
Dicendum tamen, hoc nunquam certamine maior
Vidit pugnantem miles Martemque putavit,
Vidit te orantem miles Numenque putavit,
Si Numen mortale esset, toto orbe volarunt
Haec voces Lodoice tua: Magni arbiter orbis
Hac fidei nisi causa tua est, in me omnia tela,
Et vindex Caeli ira tonet; sed si tua causa,
Et fidei violatur honor, tibi victima fiat
Anglus, & aeterni vindex sit Francus honoris.*

*Hac ait, & segnes irritat ad arma Britannos,
Vix etiam stimulos, & laesa opprobria fama,
Percipiunt, qui damna prius, supremasque mundo
Lactabant facia, & faceret si incendia lingua
Sat mundi exitio flammamque, picisque ferebant.*

*Mutasti Lodoice uces, Tu fulmen, & ignis,
Nil Anglus nisi frigus erat: sic frigidus ipse
Fulmineas mittis naues, sic fulmina Francus
Et naues medijs unco defigit in undis:
Sic dum collucet solennibus Anglia flammis,
Externo victor Francus latatur in igne.*

*Nec grauius tormenta nocent, dum nostra verentur,
Citra ictum sua tela vibrant; sic vulnera solus
Ventus habet, totumque Anglorum in pulvere bellum est.*

*Quam vos dissimiles vestris cum nautibus Angli!
Procera vobis naues, angustaque corda,
At similes, illa vobiscum ad praelia tarda.*

Maestis animis non haec vobis innotera Britanni

Alea Martis erit, memorique hoc carmine viuet.

*Anglus non potuit ferro rescindere vallum,
Tentauit violare oculus, promiserat escas,
Ostendit, visuque famem delusit inani:
Debuit auxilijs obsessam soluere Rupem,
Dedenda spectator erit, testisque triumpho:
Tardè ad subsidium, maturè ad funera venit.*

P A R S T E R T I A.

EXHORTATIO AD RUPELLAM

VT REGI SE DEDAT EIVSDEM OBSTINATIO,
fames, deditio, Regis ingressus in urbem, murorum & aggeris
maritimi euersio, ruinæ fragor auditur in Italia, Alpes & Susam
aperit, Casalæ obliuionem soluit, Romæ oraculum.

INTEREA quid tu victos Rupella Britannos
Auxilio imploras? ipsi ad certamina Franci
Inuitant, victique Angli pugnare recusant:
Quid prosint alijs victi sibi? profice damnis
Ne pereas Rupella tuis; vinctique decorum
Cognatis crede exemplis. Si nomen honestum
Pratendis, menses denos inuicta stetisti,
Pauci Anglum domuere dies: si tempora captas
Opportuna reis, victis succede Britannis,
Inter latitias, & festa gaudia pompa,
Vindicta dum causa deest, dum lenijr iras
Anglus, & ultoris molliuit vulnera ferri.
Subiectis facilis partet, cui fulmen in hostem
Defuit, & fulmen festo si tempore vibret,
Solemnes fient fulmen sine vulnere flamma,
Ne Regi stimulos irarum, & tela ministra,
Aut iusta fulmen fient tua crimina dextra,
Et telis offensa suis Rupella peribit:
Nunc pacem tibi cuncta rogant, Venetusque, Ligurque,
Et veniam Roma ipsa petit, fortuna Casalæ
Adiuvat, & Regem inuitant sua vulnera monstrat:

*Ne Regem Rupella tene, nec fœdera pacis
Respue, ut Italia pacemque, & fœdera reddas:
Quid libertatem renuis, quam subditus offert
Oceanus, Regique tuo seruire prehensat?
Denique quid speras Rupella? an mutua fratrum
Auxilia, hic Anglos fallaci Aquilone fessellit,
Hunc Princeps iamiamque tenet; cœline fauorem?
Stant omnes pro Rege Dii, si qua impia restant
Numina, nunc aris etiam cessere relictis,
Sit satis heu misera post fata Deosque stetitisse.*

*Nec me, inquit, victusque Anglus, fatumque Casalís,
Nec Cœlum, nec fata mouent, externa ruina est
Extra Rupellam quidquid peris; integra restat
Intra orbem natura meum, cum Pontus, & aer,
Cum deerunt Elementa mihi, tunc denique vinci
Incipiam, vinci debet post omnia virtus;
Hac quoque cum deerint, palma ne gloria desit,
Desperabo, mihiq; ipsi victoriam fiam.*

*Desperare breui incipies, hac prima furoris
Argumenta tui, & vacua deliria mentis,
Vel rabidi sunt signa animi; iam libera verum
Rupella natura deest, iam monibus urbis
Inclusa incipiunt sensim languere elementa.*

*Obsessa Bacchus pridem diffugerat urbe,
Pro Baccho Neptunus erat; nunc horrea linguis
Blanda Ceres, herbasque fami supponit alenda;
Herba ubi deficiunt, ad Martem, & pralia nati
Ceduntur pro bobus equi; hac quoque victima rara est;
Latrabant vigiles Catuli per aperta domorum,
Fidi etiam pereunt Catuli; nec latro timetur
Dum furto res nulla subest; queis nausea perdix
Et lepus, & pingues fuerant fastidia cerui;
Delicias in mure locant; torretur ad ignem
Infamis cibus, & pretioso ornatur in auro,
Cunctaque sunt meliora cibus: defecerat ignis,
Et quidquid flamma torrens; hinc corpora sensim
Deficere, & membris ieiuna arescere vires:
In pestem neglecta fames, & funera transit,
Aspectu morbus crescit, crimenque putatur
Occurrisse Patri, & Matrem vidisse nefasum est,
Alterius timet alter opem; mors vitæque certant,*

Vita grauis, votumque mori; nec habetur utrumque;
 Delicia iam virns erat; venduntur in auro,
 Toxicæ, mors emitur pretio quo vita carebat,
 Iam nihil ad victum turpe est; placet escæ palato
 Quæ visus quondam horror erat. Ne secula Musa
 Et scelus enarra quod qui videt omnia Phœbus
 Ne videat, timidas olim retraxit habenas;
 Et celeres auertit equos horrore furentes,
 Non caruit funesta suo Rupella Thyeste,
 Nec Frogne una fuit, nec tantum matribus vnus
 Post epulas ploratur Itys: proiecta iacebant
 Interea, nudoque intecta cadauera Cœlo,
 Vicinas circum afflabant fœtoribus auras:
 Fiebant monumenta domus, Rupella sepulcrum,
 Nec tamen in tumulos tellus satis ampla patebat;
 Deerant qui fossa celarent corpora terra;
 Et prope iam deerant dira noua funera pesti.

Quo zelus Rupella tuus, quo fastus abiit?
 Disce ingum captiua pati, totiesque subacta
 Disce semel vinci; iam te natura reliquit,
 Iam desunt elementa tibi; quid sola rebellis
 Expectas, nec te Regi rerum ultima dedis?
 Ecce iacent nudis intecta cadauera vicis,
 Hoc quoque quod superest media vix parte superstes
 Viuit, & enectis sentit iam funera membris,
 Iam vacua cultore domus, & mœnia nuda
 Et turres custode vacant; vix ostia miles
 Defendit, pendent librata è mœnibus urbis
 Tormenta, & liberator abest qui explodat in hostem.
 Denique fluxerunt hora, quas ipsa sonantis
 Inclusas rotulis sphaera, inuitare Britannum
 Misisti ad socia cennubia Regia sponsa.
 Cede Deo Rupes, victorique ostia Regi
 Pande libens, dum robur adhuc recludere posses;
 Si renuis deervit breui ad hæc quoque munera vires;

Denique victorem Rupella mœnia Regem
 Admittunt: felix lucebat, & omnibus una
 Cœlitibus votina dies, hæc luce patentes
 Ingredieris LODOICE fores, non impare gressu
 Quo superi incedunt; & tu nouus Indiges olim
 Stellarum augebis numerum, sic Numina viuus,

Non

Non procul exaquas, nam te non ira, furorque,
 Non atrox vindicta preit; clementia magnum
 Sternit iter, pietas comes est, semotaque longe
 Iustitia à tergo sequitur; pompam esse putares
 Qua patria pietas exul reuocatur ad aras.

Vidisses siccas reptare ex adibus umbras,
 Ut pulchrum aspiciant Solem, Regamque saluent,
 Sed dum semineces oculos attollere tentant,
 Reliquiasque anima collecta in voce fatigant,
 Deficiunt, mediisque animas in vocibus efflant.

Hoc Regis primum imperium, non vincula captis
 Addere, non cacis includere carceris umbris,
 Vincla famis, & carcer erat: sed porgere egenam
 Dona famis; hic agere languentem ad munera dextram
 Subleuat, hic lassus dum residit dum assurgere tentat,
 Ingemuit miles visu, & pro vindice ferro
 Porrexit panem, & victo superatus ab hoste est.

Hac pietas: alma debent sua iura relinqui
 Iustitia, hac turres, & propugnacula, & arces,
 Et triplicem muri zonam, sublimeque vallum
 Suffodere, & lata iubet exaquare ruina,
 Iussaque vicinas circum partitur in vrbes.

Imperium Regis sensit Neptunus, & undas
 Squammosamque Maris plebem, tumidasque procellas
 Aduocat, heus inquit, magni molimina valli
 Subruere, & regni delere opprobria nostri
 Per Regem licet, & positis exire catenis.

Hac ait, & primus caua fundamenta Tridento
 Scrutatur, mox annexi Tritonque, Palamonque,
 Et Glaucus, magnique Phalanx armata profundi,
 Impulsam euertunt molem, pontoque canalem
 Restituunt, vetitisque prius spatiantur in undis.

O Regis vocem? & Domina miracula lingua!
 Hoc vallum inuito captina quod aquora dorso
 Durarunt, quod nec violenti flamina venti,
 Nec pelagi feruor, nec concussere procella,
 Quod coniurati duplex exercitus Angli
 Vidit, & aspectu ebriguist; mirabile vallum
 Arbitrio Regis stetit, & nunc munere functum,
 Ad Regis nutum Oceano impellente fatiscit.

Denique Rupella durum ac immobile saxum

Torruit, & magna Europam fragmenta ruinâ
 Implere; Alpes audito murmura-rupta
 In faciles patuere vias, Eneasus ictu
 Audito, hoc inquit, stabunt mea mœnia casu;
 Parua nec illudes capto Verruca Casali;
 Susanni tremuere obices; Roma ipsa fragorem
 Excidi, pelagoque Angli fugientia vela
 Impellente metu remos, Michaelis ab arce
 Vidit, & irrisit; macte inquit France, Britannium
 Frangeret in triplici similis uictoria portu,
 Iuratumque Petro uotiuâ Britannia naulum
 Penderet; I uelox LODOICE, & pace statuta
 Italia, deuota tibi pete regna per undas,
 Ad boream te fata uocant; huc ire uel ultor
 Vel uictor, uel uterque potes: quocunque sequeris
 Iustitia præeunte ibis; tamen ante remota
 Heroum quàm regna petas; compone rebellis
 Reliquias fidei, facilis uictoria trunci
 Cui ceruix Rupella deest; iam uicta Nemanus,
 Albæque, Castrensesque, Gebennique ardua montis,
 Rupella dum fata timent, uel sponte patebunt,
 Vel clauis Rupella dabit; perge optime Regum;
 I celer, & sceptris uictor te ostende futuris,
 Inde alias sectare plagas; tibi magna parantur
 Imperia, ut curras nunquam uelocius ibis,
 Cui magnum patet orbis iter; dicenda supersunt
 Plura mihi; dabitur sermonis tutior hora,
 Cum reducem, & pulchri conspersum puluere belli
 Excipiam, & magni deductum ad limina Petri,
 VRBANVS cuius doctis apes attica labris
 Insidet, & sancto mel purum emanat ab ore,
 Laudibus ornabit, queque olim sceptrâ secundus
 Tradidit, octauus reddet, Solymaque corona
 Et Lunam, & Solem, & stellas adinget eois.

REVERTITUR

EPISTOLÆ
 TRIVM PERSONARVM DIVINARVM,
 AD DEIPARAM VIRGINEM,
 DE INCARNATIONE VERBI
 PER GABRIELEM ARCHANGELVM.

 EPISTOLA PRIMA.
 PATRIS ÆTERNI.

HANC Pater æternus mittis tibi Virgo salutem,
 Hac Genitor verbis dat tibi verba meis.
 Virgo creatarum pulcherrima linea rerum,
 Artificem si qua est rite secuta manum,
 Accipe diuinus sanxit qua fata Senatus,
 Et qua fata polus sancit, illa proba.
 Hac licet imponant alijs rata fœdera rebus,
 Expectant nutus officiosa tuos.
 Ex quo prima parens simulati fraudibus anguis.
 Illusa, & vetita capta colore dapis.
 Pendula furati tentauit pollice mala,
 Fatali tenuit quot mala pressa manu!
 At dum sacrilegi preffit sub vulnere dentis,
 Sub vetita sensit quot mala pressa dape!
 Vt si quis grauida transuerberet ilia Cerna,
 Quot populis uno vulnere parca venit!
 Prima parens fœta populos gestabat in aluo,
 Tectus in angusto germine mundus erat.
 Illa venenata dum figit arundine pectus,
 Quam serus genuit fœla recepta nepos!
 Post scelus hoc patrum, nubes quam densa malorum
 Impluit humanis exitiosa plagis!
 Hac aspersa arbor vitata aspergine nubis,
 Quid si cultori poma maligna tulit?

Quid

Quid si corruptis ultero succreuit in agris,
 Et febrium, & dira mortis amara seges.
 Quis numeret lapsas posthac ad tartara pradas?
 Empyrea melius prada futura domus.
 Quin etiam diro est natura afflata veneno,
 Communemque ignis sensis, & unda luem.
 Hinc reus exarsit flammis ultricibus orbis,
 Et toto nocuum quaritur orbe caput.
 Oceanus stagnis terras oppressit aquosis?
 Quid nisi stagnantes hoc scelus auxit aquas.
 Aer pestifera sensit contagia tabis,
 Infecit vacuas quid nisi culpa plagas.
 Excurrit toties undantibus ignis habenis?
 Quid nisi flammantes hoc scelus egit equos.
 Frugiferens homini tellus alimenta negavit?
 Frugiferos clausit quid nisi culpa sinus.
 Tanti est aterni Numen violasse Tonantis,
 Hac nocuum vindex uerberat ira caput.
 Officiosa sui probrum natura Parentis
 Sensit, & auctori commodat arma suo.
 Nunc satis irarum est, rerum natura quiescat,
 Cessent in pœnas fœta elementa suas.
 Hac tandem ultrices absistat dextera flammæ,
 Ponat, & attrita cuspide fulmen hebes.
 Nunc sortem germana suam Clementia poscit,
 Ne par obtineat iura minora soror.
 Ter dena ultrices senserunt secula pœnas,
 Vltima felici tempora pace fluant.
 Empyreas deinceps homo transcribatur in ades,
 Empyrea natus sceptrâ tenere damus.
 Afflicto deinceps homini sua proffit imago;
 Incisa artificii prestat imago manu.
 Fœmina compenset, fecit quod fœmina damnum,
 Causaque sit vita qua necis ansa fuit.
 Hac eris ð VIRGO, Matris tu nomina prima
 Emenda, & factis corrige facta tuis.
 Ex te dius homo humana uelamina forma
 Induat, & primi sarciat acta patris.
 Tu radix illius eris, tu sanguinis auctor,
 Sanguinis, & uirga flos erit ille tua.
 Grandis honor tanta fieri te prole parentem,

*Vnum hominis dici germen, idemque Dei,
 Grandis honos quem uix uentura intelliget ætas,
 Sola sciet docta clarior arte fides.
 Mater eris, prolesque Dei, paritura parentem,
 Virgo uirum, Patrem Mater, alumna Deum,
 Hæc immortalis sanxit decreta Senatus,
 Arbitrium expectant, nunc tamen illa tuum.*

EPISTOLA SECVNDA. VERBI ÆTERNI AD BEATAM VIRGINEM.

ILLE tibi æternam Virgo dat habere salutem,
 Cuius ab arbitrio stat sua cuique salus.
 Hæc Patris æterni Verbum tibi patria uerba,
 Et Personarum nuntiat acta trium.
 Sic Superis placitum, humanam reparare ruinam,
 Et simul offensi ius reparare Dei.
 Huic instaurandæ paci res nulla creata
 Par erat, & solus par erat ipse Deus.
 Huic ego consilio dixi me sponte paratum,
 Et Personarum uox fuit una trium.
 Ergo placet superat retinere, & relinquere sedes,
 Et luteas hospes magnus adire casas.
 Humanæ latitare placet sub imagine formæ,
 Subque uiro æternum dissimulare Deum.
 Tum pretio redimam mortalia nomina digno,
 Iratumque homini conciliabo Deum.
 Sed dum mortali petitur mihi Mater in orbe,
 In tantam placuit fors tua Virgo uicem.
 Ingenium, moresque tui, pietasque, pudorque,
 Et magis hoc uno nomine Virgo places.
 Si nasci Numen nasci de Virgine debet,
 Et Virgo hoc partu debuit esse parens.
 Sors ergo si tanta placet, si nomina Matris,
 Si magni pateris Numinis esse Parens.
 Accipe diuini ueneranda arbitria pacti,

Arbi-

Arbitrium expectant quæ tamen ipsa tuum .
Exiguam magnus descendam habitator in ædem ,
Vt lateam angustus debuit esse sinus .
Hic mihi mortalis distinguam membra figure ,
Materiem Virgo , Spiritus addet opus .
Illic nona Deum latitantem luna uidebit ,
Celari simili uellet , & ipsa sinu .
Hic ego turgenti foetus gestabor in aluo ,
Sarcina uetricis non onerosa meæ .
Illic exiguu Titan decurret in orbe ,
Sol ego , tu solis lucidus orbis eris .
Illic rorifluo succrescet littoræ gemma .
Gemma ego , tu gemmæ littus , & æquor eris ,
Illic irriguo surget flos pulcher in horto ,
Flos ego , tu floris gemmeus hortus eris .
Angusto claudes gremio quo clauditur orbis ,
Maior erit magno Virginis orbe sinus .
Ast ubi luna suos nouies iterauerit ortus ,
Hospes uirgineo gratus abibo lare .
Regia Solis erit qua sol habitauit in ædo ,
Templum erit æterni quæ fuit aula Dei .
At cum uitales tandem deducta sub auras ,
Cœperit humanum pascere uita diem .
His ego molliculis Matri assentabor ocellis ,
E quibus aurifluus manat in astra nitor :
His ego maternis affigam basia labris ,
Purpureæ crescet sub quibus umbra rose .
Hic ego uirgineas infans reptabo per ulnas ,
Inque tuo figam cœlica signa sinu .
Tu mihi lactentes rotabis ad ubere succos ,
Qui nitida ambrosijs roribus astra beo .
Tu mihi debilibus figes uestigia plantis ,
A quo habet emensum stelliger orbis iter .
Tu mihi uocalis distingues uerba loquens ,
Vnde habet argutos ales uterque sonos .
Mox ubi maturis ætas adoleuerit annis ,
Ætas in nutus obsequiosa tuos .
Tu mihi præstandi distingues pensa laboris :
Ipse feram dociles ad tua iussa manus .
Sed cum robustos ætas firmauerit annos ,
Hæc eris Altiori dextra operosa suo .

*Fabriles habilis tractabit dextera dolabras ,
 Dextera quę magnos est fabricata polos .
 Sępe mihi uolucres sinuabitur orbis in orbes ,
 Vnde suis currunt noxque , diesque rotis .
 In noua decisas aptabo sedilia syluas ;
 Vnde sedent proprijs fixa elementa locis .
 Sępe arbor iussas ultro ingeniosa figuras
 Induet , artificem deuenerata manum .
 Has operas   quisquis emes si nomina nosses
 Artificis , fieret quam tibi diues opus !
 Tandem ubi ter denos atas eguauevit annos ,
 Tunc me nobilius sollicitabit onus .
 Tunc curanda salus hominum : tunc legibus orbis ,
 Lex Euangelij est adiicienda mei .
 Hęc emendabit. ueterum iussa aspera legum ,
 Et facile impositum gratia reddet onus .
 Ne legem detrectet homo , legem ipse subibo ,
 Vt comitetur homopreuius ibo Deus . -
 Ne sit egea fides addam miracula dictis ,
 Et fidei mundus testis ,   obses erit .
 Has ego per curas hominum instaurabo salutem ,
 Equibus in Matrem non leuis ibit honos .
 Hęc tamen ut per me rerum miracula fiant ,
 Arbitrium expecto Virgo pudica tuum .*



417 EPISTOLA TERTIA.

SPIRITVS SANCTI AD BEATAM VIRGINEM.

SCRIPTA tibi ex illo defertur Epistola Virgo,
 Qui digitus dextra est, ipsaque dextra Dei.
 Si facilis magna admittis connubia sortis,
 Si sponsa, & magni vis Nurus esse Dei.
 Virgo illibati ne damna verere pudoris,
 Et Virgo, & sponso Virgine Mater eris.
 Quid metuis ne purus amat qua lilia sponsus?
 Lilia dum carpit, polluat illa Deus.
 Aspicias ut purum subeat specularia lumen,
 Nec speculari tamen dum subit, afflat iter.
 Cernis ut aërios tractus qua permeat aura,
 Terranos eadem permeas aura sinus.
 Et nos subtili penetramus corpora sensu,
 Ne penetrata tamen corpora vulnus habent.
 Spiritus est, puraque Deus subtilior aura,
 Maternum ingrediens non violabit iter.
 Quid metuis ne quem Deus affectauit honorem,
 Et quam delegit polluat ipse niuem.
 Ipse superneniam supremi altissima virtus,
 Ipseque virgineos umbra fouebo satius.
 Ex te sumentur magni vitalia partus
 Semina, diuinum Spiritus addet opus.
 Ut dum mollis Apes per florida ferta vagatur,
 Hoc amat, hoc lingua lingit, id ore legit.
 Hoc liquido stipat distentas nectare cellas;
 Hoc cudit sapidos ingeniosa fauos.
 Hic tu eris ambrosijs gemmascens floribus hortus,
 Hos ego per flores regia pascar apis.
 Hic ego sertorum calyces pradabor apertos,
 Et carnem ex pura carne parabo Deo.
 Formam ego, tu magni prabebis semina partus,
 Mater eris, dicar voc tamen ipse parens.
 Atque ut ne dubites artis qua gloria nostra,
 Et quid in aeternum dextera possit opus.

D d

Aspice

*Aspice diuisas rerum toto orbe figuras ,
 Authori varia surget ab arte decus .
 Aspice nocturnis Cæli laquearia flammis
 Ardere , has flammæ subdidit iste calor .
 Aspice constanti volui fixa astra rotata ,
 Cœlestes animat Spiritus iste rotas .
 Aspice perflatum spirantibus æra ventis ,
 Hac tumidos inflat vis animosa notos .
 Aspice fecundo terra turgentia partu
 Viscera , maternos hac alit aura satus .
 Equorei certo spumans libramine fluctus ?
 A me habet alternas mobilis unda vices .
 Orbis adhuc informis erat , super alta ferebar ,
 In faciles aquans humida regna vias .
 Squamosi ludunt per carula marmora pisces ,
 In suam , & humanam gens populosa dapem .
 Fertilis hac à me manauit in aquora virtus ,
 Incuba dum falsis vis erat ista vadis .
 Aspice cœlesti turgentes semine conchas ,
 Concha emnis turgēt semine facta meo .
 Roribus empyreus fecunda implebere Virgo ,
 Rōs ego , tu puro germine mater eris .
 Tu magnigenitrix Nati , tu filia Patris ,
 Tu sponsor , ipse tui sponsor honoris ero .
 Tu domus , ipse tua fiet Deus incola mentis ,
 Tu templum , templi spiritus hospes erit .
 Navis eris supera vectans commercia gaze ,
 Ipse tua fiam mobilis aura rati .
 Lumen ero , ut rutilum vultum splendescat in aurum ,
 Pectus ut in flammæ ardeat , ignis ero .
 Munus ero , ut sponsam donis cœlestibus ornem ,
 Ut toto repleam Numine , Numen ero .
 Collige per totum quidquid diuissimus orbem ,
 Ut Mater fias , fiet id omne tuum .
 Hac sunt empyrei Virgo decreta Senatus ,
 Expectant nutus , & tamen illa tuos .*



NATURÆ MVNVS CHRISTO NATO.

ELEGIA.

MAGNE Puer neu te patrios liquisse penates,
 Nen pigeat nostros hospes adisse lares.
 Accipe qua manuum munus Natura suarum
 Dona parat, meritis non tamen aqua tuis.
 Hac si nascenti Eoum cunabula Regum
 Non dedit, & phrygia vasa superba domus.
 Fecerunt inopina tui miracula partus,
 Et subitus tanta de nouitate stupor.
 Illa Deum ut nudis vidit vagire sub antris,
 Florat, ait, nudo sub Iouis axe Deus;
 Mox Numen mirata Dei, ne vilia ferret,
 Nil tulit, hinc testis, & lare Christe cares.
 Quod potuit Reges festina accersit eois,
 Ite ait, en magni prauia stella Dei.
 Dicite, Natura hac Regum praludia mittit,
 Dum parat Authori munera digna suo.
 Dum Reges, dum stella volant, natura magistras
 Diuinum in munus colligit apta manus.
 Vestis erat, tenuis decidua vellera lini
 Materies, pretium maius ab arte fuit.
 Textilis hac imas signabat syrmatidis oras,
 Littera, Tu Regum sanguis alumnus eris.
 Quis numeret docta distinctas arte figuras,
 Regia quot modicum sceptrum volumen habet.
 Nunc ite, & latis famam protendite terris,
 Quam tenuis Regum pradia lymbus habet.
 Ne tamen hac cingi Reges agrestis zona,
 Hac eadem immensum continet ora Deum.
 Hoc tenui in lyngo sceptris erat omnibus ordo,
 O si hic Regnorum finibus ordo foret.
 Primus honos Aquila, hac quamuis Regina volucrium,
 Captiua hac semper gaudeat esse toga.
 Hic Constantinus medias vexilla per auras

Aspicit, & rutilis verba legenda notis.
Constantine ferum Martem Christo auspice muta,
Quale sit hoc Numen si petis astra probans.
Quis procul ille Cruci collum supponit anhelum?
Quam male fert durum purpura mollis onus!
Protinus ut Regem excussit vix pondera sensit;
I Princeps, Christus sub cruce talis erat.
At quamnam hac granium series numerosa Regentum?
Insigne est spirans auster, alauda volans.
Horum intra fines Titan oriturque, caditque,
Parua erat, & maior fiet, & una domus.
Parte alia Cælo flores, & balsama sudant,
Quale erit hoc Regnum cui decus astra pluunt?
Roribus his collum mitis suppone Sicamber,
Non alijs similis Regibus unda pluit.
Quin etiam Francis edet miracula Cælum,
Et medicam Regum sentiet orbis opem.
Saracene quid hac corrumpere lilia tentas?
Martella huic hydra mallens esse potes.
Ast hi Iessais important lilia campis,
Debuit hac tali crescere planta solo.
I Pelusiacas felix Lodoice per undas,
Quod prima hac nequeunt vela, secunda dabunt.
Hac quoque si pereunt, fieri Rex orbis eoi
Non potes, hoc fieri sanctus in orbe potes.
Quin tuus his olim plantas decerpet in hortis
Sanguis, & hac sceptris serviet ora tuis.
Longa quidem vota, at saltem tunc fiet Idume
Gallica, cum totus Gallicus orbis erit.
Francigenos iuxta flores flos Anglicus halat,
Si foret aternus quam pretiosus erat!
Ha spine, ha tribuli! forsán voluentibus annis
Restituens puras lilia mixta rosas.
Hanc Christo Infanti vestem natura parabat,
Regia dona quidem, non tamen aqua Deo.
Induet hanc exors annis puerilibus Infans,
Divinisque humeris Regia dona feret.
Felices illis humeris incumbere Reges!
Queis humeris Cælum nititur, athra sedet.

HUNGARIA

421

AD PRINCIPES CHRISTIANOS.

AGITUR res vestra, PRINCIPES CHRISTIANI, dum agitur mea; commune periculum est, & communis causa; nec liberi esse potestis me captiua, nec felices me misera, ibit ad vos per me fortuna mea, & calamitas quæ me opprimit, hæc vos premet.

Videte quò me redegerit Turcarum immanitas, ego illa quondam Europæ pars non ignobilis, centum enumerans vrbes, vix numerans opes, tot populos olim recensens quot hodie ciues, tot propugnacula, & arces, quot hodie ædes: Ego illa plurium Prouinciarum Regina, vix sum paucarum vrbum Domina.

Euertit ex vrbibus meis aliquas Turcas, spoliauit alias mœnibus, omnes Ciuibus; imminuta sum parte optima mei; hæc quoque pars quæ superest, aut est montana, & patria auium magis quam hominum; aut plana, sed inculta; reliquas vrbes meas obsidet hostis aut fames, breui dedendas, & penè iam captas.

Quod miserabilius est, ego illa fidei Christianæ semper propugnatrix, & sæpè victrix, ego quæ centum exercitus, & decies centena hominum millia deuoui pro fide: Ego quæ tot milites victores, & victos, Religionis Martyres, dedi vel testes: Ego post tot victorias & iacturas seruire Mahometi cogor, aut mori: nec mori timeo penè iam mortua, nec captiua esse penè iam capta; vnum illud doleo licere mihi miseram esse, nec licere esse Christianam: Ero tamen vtraque, & misera dum seruiam, & Christiana dum viuam; & volo sanguinem meum fidei meæ, vel martyrem esse vel testem.

Hactenus repressi hostem communem quamdiu licuit; pugnaui diu sola, & vici quamdiu integra fui; exhauserunt me tandem victoriæ meæ, & iacturæ; nec vincere iam possum, nec penè pugnare: Hactenus fui repagulum hostibus clausum, dum vinci non potui, si vincor ostium ero Turcis apertum, & vobis imperuium.

Moueat vos, PRINCIPES CHRISTIANI, aspectus calamitatis meæ, & periculum vestræ, hostis est Turca publicus nec tantum meus; per me Germaniam cogitat, & Europam: Dominum se Principum appellat, & Regum; nec patitur æquales sibi Domi-

nos nec minores ; nec fratribus suis parcat , nec liberis nisi vni , huic quoque non parceret si cum Patre regnare vellet : percurrite orbem terrarum quem occupat , carent Prouinciæ Principibus , & Regna Regibus : nemo est Dominus nisi vnus , neque ille est Dominus , sed immanis tyrannus .

At Te imprimis mouere debet calamitas mea , ALEXANDER SANCTISSIME , Pastor es ouilis Catholici , ergo pars aliqua fui , olim beata nunc misera ; Pater es orbis Christiani , & filios habes Reges , & Principes ; hortare illos verbo , & exemplo coge ; clauis geris & gladium Petri , vtraque potestas iuuare me potest ; partiri orbem Christianum meditatur Turca , partire Turcicum : recuperari potest quod nostrum olim fuit , & Christianus exercitus victor erit si præeat Alexander .

Vinci potest hostis communis si impugnetur communibus auxilijs restiti ego diu sola , & vinci vix potui ; restitit Turcarum viribus Creta pars orbis exigua : Maior est Turcarum fama quam gloria ; vinci possunt ab omnibus , sæpè à singulis victi , plures cum Turca erunt , plures nobiscum pugnabunt ; timetur ab ijs Turca quibus ignotus est ; cessat timeri dum potest agnosci , si vincatur timor , penè iam victus est .

Adeste Principes Christiani , & vincite : Hæc ego ad vos antè vincula si adiuuatis , inter funera nisi succurritis .

PROTREPTICVM LYRICVM, AD FRANCOS.

AD arma Franci , iam lituus sonat
Ad arma ; Turca finibus Hungaris
Instant , Saracenaquæ turma
Silesios populantur agros .

Occurrit ingens Austriadum Domus ,
Iuratus hostis Serinius Comes
Opponit armatas phalanges ;
Ipse phalanx , aciesque magna est.
Armantur omnes Imperij Duces ,
Armisque pugnant auxiliaribus ,
Orbisque communi Tyranno
Publicus est inimicus orbis .

DANUS,

Danus, Polonus, Moscus, & Incola
 Poli Suecus suppetias ferunt,
 Timentque vicinam procellam,
 Et Boream Boreaminantem.
 Iber metallis militat Indicis,
 Et dum Cohortes destinat aureas,
 Inermis, armatusque pugnat,
 Et sine milite bella tractat.
 Roma Senatus nobilis amulus,
 Dum Roma Regum nobilis amula
 Orbem gubernabat togata,
 Et toga militiam regebat.
 Senatus armis imperium iunat,
 Turcasque nobis asserit impares,
 Quos Creta pars orbis minuta,
 Et Veneta pepulere vires.
 At France fatum Turca timet tuum
 Falsus Prophetes vidit, & horruit,
 Et vana semper verba fatus,
 Fata semel meliora dixit.
 I France palmas collige debitas,
 Casurus olim Turba tibi cadat,
 Et tu futurus Rector orbis
 Imperij retine ruinas.
 Romanus orbis Christicola Pater
 Ad arma gentes Christicolae vocat,
 Verboque, & exemplo suadens
 Clave Petri, gladioque pugnat.

PROTREPTICVM HEROICVM, A D GALLOS.

GALLIA cognosce antiquas in praelia vires,
 Et vires agnosce novas; fuit orbis uterque
 Gallitus, & quondam vult orbis Gallicus esse,
 Et saltem tunc talis erit, cum desinet orbis,
 Ne dubites, fatum est quod Sol formidat eont,
 Et fatum quod Luna timet.

Dd 4 Non

Non memoro partes olim toto orbe triumphos,
Lilia ubique vigent, & Francus ubique superstes
Regnat adhuc in flore suo, germenque timetur
Floris, & illustres orituri ex germine Reges.

Dic alma heroum Mater, genitrixque Deorum,
Victores quoties spectasti Gracia Gallos,
Et penes venerata Deos? illi hostibus hostes,
Et placidi placidis Reges domuere rebelles,
Et domitis media partem tribuere corona,
Et partem tribuere sibi; commune duobus
Sernat adhuc populis Gallorum Gracia nomen

Miscuerat cunctis victrix se Gallia regnis,
Et Regum Rex Gallus erat; nemo arma mouere,
Nemo aduersantem sperabat vincere Regem
Si Gallus protector erat; vel milite Gallo
Vel Duce Mars belli leges, pacisque ferebat;
Hic erat armati timor, hac reuerentia Galli.

Desine vana tuos attollere Gracia Reges,
Et Tu Troia tuos, Gallis suus Hector, & Aiax,
Et suus Æneas fuit, & gentilis Achilles,
Alcides verus noster, nec fabula nostra est.

Non hic finitimas Gallis interrogo Gentes
Germanos, Anglos, Danos, Suecosque, Polonosque,
Armatos quoties Gallos ad regna vocarunt,
Et ne hostes sceptri fierent, fecere Patronos;
Nunc etiam montes, positaque in montibus Arces
Nostri aliquid sermonis habent, & voce paterna
Antiquos reuerentur Auos.

Dic Tu Roma potens quoties te Gallia vicit,
Et quoties sola venientis territa fama,
Clausisti timidos intra tua mœnia Cines:
At quoties fossas, & propugnacula Gallus
Transiit saltu generoso, & penè volatu;
Corruerant adesque tua, Turreisque superba,
Et celsa Capitoli arces, nisi territus Anser
Clangeret, & capta Gallos reuocaret ab urbe.

Non Alpes Pœnus, nec fusum effregit acetum,
Perrupit Gallus ferro, & victoria triplex
Ad Trebiam, & Cannas, Trasimenumque, Padumque
Debetur Gallorum animis, non fraudibus Afri,

Hac Galli ante fidem, maiora egere fideles,

*Pugnauero Deo Franci, & miracula Franci:
E caelo venit labarum, pluit aurea flamma,
Sacra Ampulla pluit, Regesque hoc flumine tincti
Heredis dextra tactu miracula patrant:
Et dum immortales Strumas, & vulnera sanant,
Natura sunt penè Dii.*

*Audiſt hac viditque orbis, cepitque timeri,
Francorum virtus, hodieque, & ſimus Iappon,
Et Sina, & Braſilus, naſcentiſque incola Solis
Audita à Proauis reuerentur nomina Franci;
Ignotoſque timent, & adorant penè timorem.*

*Nec licet ignoti vana eſt reuerentia Franci,
Ille plagas olim victor penetrauit eoas,
Et Nilum, & rubras Erythrai marmoris undas,
Et ſteriles Arabum montes, & liſtora Tygris,
Et quos Euphrates medios interfluit agros,
Et poterat victor naſcentem inuiſere Solem,
Regiaque cois intexere lilia palmis;*

*At Francus ſacra impulſus pietate petebat
Regna Deo non regna ſibi; nec inania vota
Victorem fecere Deum; Sydonque, Tyrusque,
Berythus, & quondam Libani Regina Damascus,
Azotus, Gaza, & palmarum mater Idume,
Et Solyma turres, & templum, Arceſque Syonis
Reginam agnouere Crucem; Francique fideles
Suppleuere vices Chriſti, commiſſaque ſceptra
Proreges geſſere Dei. Sacramque coronam
Nunc etiam gererent, niſi Gracus fraude pelafga
Promiſſos aditus, & paſta alimenta negaſſet,
Eiurans iuransque fidem. Nec pœna ſceleſtum
Deſeruit, Francus fraudes ulturus, ademptum
Ignaui genſi imperium collegit eorum
Et centum ſoles victo regnauit in orbe;
Et regnaret adhuc, niſi praua crimina gentis,
Mutaffent Dominos Dominis, Turcasque tyrannos
Ad meritas gentis culpas, pœnaſque vocaſſent.*

*Hos quoque mulſtabit Francus voluentibus annis,
Et lunam creptam Turcis, Orientiaque aſtra,
Naſcentemque reget Solem Rex orbis eoi,
Et Prorex erit ipſe Dei.*

Hoc fatum Mahomet vidit, falſuſque Prophetes

Vera

*Vera semel dixit; timet hac oracula Turca,
 Et credit fata esse Dei; metuendaque quondam
 Iam metuit, nondumque hostes iam prauidet hostes,
 Vincendusque olim nostris iam vincitur annis.
 Gallia cognosces antiquas in pralia vires,
 Et vires agnosce nouas; te oracula Diuum
 Ad bellum per bella vocant; si Gallica signa,
 Si labarum praeat, si splendeat aurea flamma,
 Cuncta sequi te regna volent, tecum ibit Iberus,
 Et tecum partes eoi diuidet orbis,
 Partem Anglus, partemque suam Germanus habebit,
 Partem alij Reges; satis integr orbis honorum,
 Terrarum satis orbis habet.*

*Ergo Christiada hostiles componite rixas,
 Vnus Turca hostis, bellumque sit omnibus vnum;
 Illum illum vestra arma petant; si mutua bella
 Illum impugnassent nulla esset perfida Mecha,
 Et nullus Mahomet, Deus omnibus vnicus esset,
 Vna fides, Christusque vnus.*

*At vos Francigena primos hac gloria spectat,
 Quod petitur vestrum est, nec vos nisi patria sceptrum
 Queritis, & manibus quondam tractata paternis;
 Ipse Deus Proavos ad regna eoa vocauit,
 Luere, & sparsas diuino sanguine terras,
 Ipsi etiam sparsere suo, fuis orbis eous
 Gallicus, & titulis vobis debetur auitis.*

*Ite Patrum haeredes, quod vos oracula Diuum
 Et quo fata vocant; tulit olim lilia Gaza,
 Et Tyrus, & Sidon, & nunc quoque lilia monstrat;
 Ite, & victores patrios decerpite flores.*

*At lacrymis res digna pijs, Crux ara salutis,
 Crux hodie captiua gemit, manibusque profanis
 Tangitur, & Christi Domini vitale sepulcrum
 Clauditur, & solis Deus est vanalis ocellis.*

*Ite pijs Franci, libertatemque sepulcro,
 Et Domina donate Cruci, Turcisque subactis
 Pendē redemptores humana estote salutis,
 Vltioresque Dei.*



LIBER OCTAVVS

MISCELLANEA.

APPELLO Miscellanea, Inscriptiones, Emblemata, Symbola, Elogia, Anagrammata, Epitaphia, quæ septem superioribus libris inserere non licuit: An autem earum rerum ars aliqua certa tradi possit, neque affirmo, nec nego: fortassis res tota ex ingenio magis quam ex consilio, & magis ab experientia pendet quam ex certa doctrina: Seligo tamen ex multis præceptiones aliquas partim ab alijs traditas, partim recens inuentas: si cui forte ex minus placebunt, agat ille sine arte, sed videat an ille sit qui magna possit suo Marte.

INSCRIPTIONES.

INSCRIPTIO est explicatio alicuius rei, vel paucis verbis per modum lemmatis, vel pluribus, sed proprijs non allegoricis; ea si conciso & acuto stylo constet vix ab elogio differt.

PRIMI GENERIS INSCRIPTIONES.

Ex sunt quasi lemmata rerum, & Epigraphæ appellari solent; ex innumeris exemplis pauca habeo. Res facilis est, & ferè sine arte.

Pro foribus Domus.

Hospitium hic, alibi patria.

Pro

Pro umbra horologij Solaris.

Fauet umbra diei.

Pro stylo horologij .

Immotus circuit orbem .

Pro camino.

Flammarum carcer apertus.

Pro imagine Neronis.

Adhuc in imagine sanis .

Pro cane picto.

Adhuc latrare videtur .

Pro equo bellicoso depicto.

Audax procul olfacit arma.

INSCRIPTIONES SECVNDI GENERIS.

EÆ ab emblemate, & symbolo differunt quia proprijs verbis res exponunt, & carent allegoria, & carere imagine, ac pictura possunt. Huius generis sunt Inscriptiones sequentes.

INSCRIPTIONES SOLITVDINIS.

Sur le Portail de la Maison.

*Ite cura hac vacua solitudo est,**Nemo hic habitat nisi solus,**Et vos non estis sola.*

Pour vne Sale .

*Hac aula, & vacua semper, & plena semper est;**Implet eam Solitarius animus,**Et multitudinem facit etiam dum est solus.*

Pour vne Chapelle.

*Docet solitudinis pretium Deus,**Vbique solus est quia vbique est vnus.**Nec Trinitas impedit solitudinem,**Quia non excludit unitatem.*

Pour vne Cheminee .

*Facimus igni viam ut in patriam tendat,**Et nobis hic mundus est hospitium est, alibi patria,**Sequimur eam viam quam flammis facimus.*

Pour

Pour vn Estude.

*Hic licet hospitem sui esse,
Hic animus apud se habitat domesticus sui,
Alibi absens à se, alieni magis quam sui iuris est.*

Pour vne Bibliotheque.

*Hic viuunt homines superstites sibi,
Hic loquuntur, & tacent,
Hic audiuntur, & silent,
Hic interrogantur, & muti respondent.*

Pour vn Iardin.

*Imaginem vita cernis dum hortum aspicias,
Flores, & homines pari nascuntur, & intereunt modo;
Hoc vnum interest, expectatur flos planis,
Sape homini florere non licet.*

Pour vn Pourmenoir.

*Magnum hac vita lycaum est,
Omnes peripathetici sumus.*

Pour des Fontaines.

*Amant solitudinem fontes, quia illic innocentes fluunt;
Deriuantur in urbem inuiri, quia illic nocentes fiunt.
Inquinantur sceleribus dum scelera abluunt,
Extra urbem Nympha, sape intra urbem sunt Veneres.*

Pour vn Bois.

*Pulchrum est cum arboribus loqui,
Respondent sylua quod nesciunt,
Canunt aues quod non intelligunt,
Loquitur nemo, & multorum colloquium est.*

Pour vne Grotte.

*Fecit hic natura quod ars non faceret,
Fulcit mons ruinam quam deberet opprimere,
Rimas claudit aqua quas alibi faceret,
Euerteteret ars opera sua si sic extrueret.*

Pour vne Echo.

*Adeo solitaria est Echo ut nonnisi in speluncis degat,
Adeo pudica, ut nullum aspiciat à nullo visa,
Adeo modesta ut nunquam audeat loqui prima,
Adeo erudita ut omnes linguas intelligat,
Didicit quidquid semel audiuit,
Toties parata respondere,
Quoties paratus es dicere.*

Pour vn Pan.

*Ostentat honores suos Pavo dum alas explicat ,
 Penè exhibet cælum dum se euoluit in gyrum ,
 Mox rotam contrahit dum pedes aspicit ;
 Hac illi solitudinis causa est , pudor sui ,
 Solem fugit quem gestat in canda .*

Pour vne Montre au Soleil , & à la Lune.
*Illustra solitudinis symbola sunt Sol , & Luna ,
 Neque hic esset Sol , nisi esset solus ,
 Neque hac esset Luna , nisi esset vna .*

Pour des heures au Soleil .
*Adeò solitaria sunt hora , ut nulla fluat nisi sola ,
 Adeò amica ut nulla alteri inuideat ,
 Adeò fideles ut nulla alteram fallat ,
 Adeò veloces ut nulla ullibi sistat ,
 Fluxit pars hora dum aspitis ,
 Tu quoque dum aspexisti , fluxisti .*

Pour vn Hermitage .
*Hic extra mundum habito ciuis mundi ,
 Hic auspicio aternitatem intra tempus ,
 Hic viuo Deo iudice & me teste ;
 Ille satis publicus est quem Deus videt .*

Pensée de l'Eternité .
*Præcessit omne tempus aternitas , & sequetur ,
 Stabit aliquando quidquid nunc fluit ,
 Veniet aliquando tempus extra omne tempus ,
 Hoc tempus erit aternitas .*

Pensée de la Mort .
*Ars artium est scire mori ,
 Pendet ab hac arte aternitas ,
 Reparabilis est error caterarum artium ,
 Nemo moriendo bis errat .*

Pensée de l'existence de Dieu .
*Nemo intelligens quid sit Deus negat Deum ,
 Deus est id quo nihil est melius ,
 Non esset id quod est optimum , nisi esset .*

Pensée de l'Amour de Dieu .
*Vnum hoc Cœlitum negotium est amare Deum ,
 Hoc quoque negotium Dei est amare seipsum
 Q homo dum amat Deum penè sis Deus .*

Pensée de la Vierge.

*Proximè accedit ad Deum Mater Dei ;
Attingit fines diuinitatis Dei affinis ,
Deus nihil intra se videt Deo nobilius ,
Nihil extra se videt Matre maius .*

PORTICVS CVM INSCRIPTIONIBVS

Et Imaginibus Virorum scientia Illustrium
qui secesum solitudinis amarunt.

Cicero in Tusculano .

Didicit in solitudine Tullius quod è Rostris dixit ,
Es prius Orator Tusculanus fuit quam Romanus .

Varro in Cassinano .

Varronem Romanorum doctissimum effecit solitudo ,
Didicit è re rustica quod de politica scripsit .

Seneca in Nomentano , & Albano .

Dictauit Epistolas Seneca solitudo ,
Beneficium solitudinis est , quod de beneficijs scripsit .

Demosthenes in Hypogæo .

Ad murmur Torrentis Demosthenes pronuntiare didicit ,
Quod torrens Eloquentia fuerit , hoc debet torrenti .

Plinius senior in Misinano .

Huic se in solitudine ostenderat penè omnis natura ,
Perijt dum flammæ explorat , quas natura celabat .

Plinius secundus in Lauretino .

Hic Orator , hic Consul , hic Proconsul ,
Malebat in solitudine secundus esse , quam in urbe primus .

Lepidus ad aquas lepidas .

Multatus tertia orbis parte Triumuir Lepidus ,
Aiebat regnasse se alibi tertium , in solitudine primum .

Cassiodorus in Rauennano .

Hic post Ministerium Regis , & secreta Regni ,
Laudabat silentium Regni , & arcana solitudinis .

Silius in Tumulo Virgilij .

Silius intra sepulcrum hausit spiritum Virgilij ,
Solitudo penè tumulus est , & Poetas facit ,

Petrarcha in fonte Vauclusio.

*Claudit intra se thesauros sentium vallis clausa,
Dum apud se Petrarcham habuit, oceanum clausit.*

Alciatus in Ticinano.

*Alciatus in solitudine emblemata scribit,
Ipse solitudinis doctum emblemata fuit.*

Cuiacius in Villa Bituricensi.

*Cuiacius in solitudine leges sic explicat, ut penè condant,
Hodie doctrina fori, disciplina est solitudinis.*

Boetius in Rauennano.

*Consolatur Boetium in solitudine Philosophia,
Ipse Philosophiam consolari potuit.*

Polus Cardinalis in Magusano.

*Polus cadentis Anglia Cardo, & polus,
Stetit in solitudine dum Anglia cecidit.*

Saluagnius Boessius in Vorzo.

*Quod Orator, quod Poeta, quod eruditus, hoc debet solitudini,
In vrbe Rationum Regiarum, Ruri Praeses Musarum est.*



433

INSCRIPTIONES TERTII GENERIS
PER MODVM ELOGII.

INSCRIPTIO CAPITIS
D. IOANNIS BAPTISTÆ.

INTER humana capita nullum caput hoc maius fuit ?
Minor est Ioanne quisquis non est homine maior ;
Ille solus maior est , qui est Deus homo .
Nullum caput vocalius , nullum taciturnius fuit ;
Antequam Patrem haberet indixit Patri silentium ;
Reddidit linguam Patri , dum vix habuit .
Intra uterum Matris vocale , & mutum ,
Expressit motu quod ore non potuit ,
Exultavit ; & lucem quam non videt ostendis ,
Nondum exire potest , & Præcursorem agit .
Nemo citius locutus est , nemo tardius
Ex utero Matris Verbum salutavit in utero Virginis ,
Ne saluaret homines in Eremum secessit ,
Illic triginta annis tacendo , loqui didicit .
Nemo diutius tacuit , nemo post silentium plura dixit ;
Echo omnium Prophetarum quidquid dixere repetijt ;
Verbum VERBI quale esset Verbum explicuit .
Eheu donatum est hoc caput puella saltatrici .
Mauult mater adultera caput inimicum quam regnum .
Et saltationis pretium est Caput regno dignum .
Nec mora præfertur in disco inter pocula caput sobrium ,
Natale conuiuium funesta cade corrumpitur ,
Ostenditur sanguis conuiuiis , & penè bibitur .
Aspice hoc caput Rex impie quod te aspicit ,
Cerne oculos exanimes , & adhuc flagitij tui testes ,
Audi silentium lingua , & flagellum luxuria :
Os illud est cuius sententiam ferre nō poteras , neque adhuc potes ;
Hac lingua est quam arguentem timebas , & adhuc times ;
Obtruncasti caput innocens , & vocale fecisti ,
Sequetur te hoc caput exulem , ut ubique te damnet ,
Hodieque Lugduni sepulcrum duorum amantium ,
Accusat incestum Herodis , & Herodiadis ;
Et homicidium Ioannis .

E e C A-

CAPVT DIVI PETRI

INVERSVM IN CRUCE.

INVERSVM est hoc Petri caput, & rectum;
 Iacere sic debuit, ut recta cælum aspiceret,
 Nunquam rectius aspexit quam dum sic vidit.
 Puto sic aspexerat dum Christo ita respondit,
 Tu es Christus Filius Dei viui.
 Non reuelauerat hac verba Caro, & Sanguis;
 Audierat Patrem reuelantem, & repetijt:
 Petra erat, & Petrus esse meruit;
 Penè naufragium in mari fecit, dum aliter aspexit;
 Inuertit caput ad Christum, & euasit;
 Nec fugisset ex horto, nec negasset in palatio,
 Si sic aspexisset,
 Nemo peccaret in cælum si sic aspiceret.
 Pradixerat hunc situm Christus dum his verbis admonuit;
 Cingebas te, & ambulabas vbi volebas,
 Extendes manus tuas, cinget te alius, & ducet quo non vis;
 Nolebat duci, cum Roma exiuit, & crutem timuit;
 Voluit cum admonitus fuga, ad Crucem redijt.
 Inuersus affigi Cruci voluit, ne posset aufugere;
 Inuersus, ut à terra iter ad Cælum fateret,
 Inuersus, ne prater Deum & Cælum aliud cerneret,
 Inuersus, ut pendentem è Cruce Magistrum aspiceret;
 Inuersus, indignum se ratus qui rectus penderet.
 I Petre nunquam rectius ambulasti quam capite;
 Scilicet itur ad Cælum affectibus magis quam pedibus;
 Euolare rectus in Cælum Simon Magus tentauit, & torruit;
 Tentauit inuersus Simon Petrus, & recta iuit.



CAPVT DIVI PAVLI

P R Æ C I S V M.

DICAT elogium huius Capitis os Chrysostomi :
 Nulla lingua laudare Paulum potest, nisi sit aurea .
 Hoc caput humana Sapientia domicilium est, & diuina ;
 Infudit se utraque huic capiti, ut illud impleret .
 Hoc caput altius terris, raptum est ad tertium Cœlum,
 Hic vultus Angelis permixtus, penè Angelus fuit :
 Hi oculi viderunt Christum ut hominem, & penè ut Deum .
 Ha aures audierunt arcana verba quæ non licet homini loqui ;
 Dixit illa tamen hoc caput dum nescire se dixit .
 Hoc caput redux ad terras, & terris maius
 Proclamat ubique quod in Cœlo didicerat :
 Exiuit in omnem terram huius capitis sonus ;
 Et verba ultra mundum perlata ibant ad Deum ;
 Nimirum eò redibant unde descenderant .
 Quid agis impie Nero dum hoc caput abscindis ?
 Occidisti in Seneca Magistrum urbis, in Paulo orbis :
 Pati tales Magistros discipulus malus non potuit .
 At loquitur præcisum caput Epistolis, dum non licet verbis,
 Et calamo vocali iterum dicit, quæ scripsit .
 Probat Romanis latere in rebus creatis Deum, & patere ;
 Probat Corinthijs fidem grandibus factis constare, non verbis ;
 Docet Galatas, minùs sapere illos, qui nimis sapiunt,
 Laudat Ephesios, ut laudabiles reddat,
 Appellat Philippenses coronam suam, & penè animam,
 Probat Colossensibus fidem debere esse Colossum immobilem
 Thessalonicensibus ostendit palmam, & hortatur ut vincant,
 Facit Timotheum similem sibi, ut faciat filium,
 Vult Paulum esse Titum, ut Titus sit Paulus,
 Vt Philemoni commendet Onesimum, commendat Paulum,
 Ostendit Hebrais ex umbris veteris Testamenti, diem noui .
 Interea rorat hoc caput lacte non sanguine,
 Perfudit hic liquor carnifices, & fetis Martyres,
 Manant lacte Epistola Pauli,
 Et orbis totus vinit hoc lacte .

ARTEM Emblematis, & præceptiones tradidere multi : hæc pauca accipe. Emblemata picturis, & verbis constat plerumque, & totum corpus allegoricum est, aliud ostentans, & aliud adumbrans; admittit plures figuras humanas, & diuinas, easque integras; & plura carmina, & verba allegoriam explicantia: Et pati potest lemma aliquod, aut Epigramma, quod adumbratam personam appellet, eique emblemata applicet; atque hæc apodosis quamuis extranea emblemati, iuuat tamen lectorem ne emblemata quod videt, ænigma putet.

Ex ijs vides Emblemata differre ab Inscriptione, quæ picturam necessariò non requirit, atque à symbolo quod nec figuras humanas integras, nec plura carmina, nec integrum admittit, sed imminutum.

Exemplis emblematum pleni sunt libri: ante aliquot annos vita Eminentissimi Cardinalis Richelij adumbrata est quatuordecim Emblematis ex illustrioribus fabulis desumptis; pendet ex limbo ab vna parte explicatio Emblematis vno Hemistichio, ab altera parte applicatio, altero Hemistichio: atque ijs quatuordecim imaginibus grandis voluminis ornatur elegans Porticus Richeliana, ab ijs Emblematis dicta. Extat hodieque Parisijs in æde magnifica.

PRIMUM EMBLEMA.

La France malade, & suppliante deuant les Dieux.

*Cælestem posco agna manum,
Dignum peto Rege Ministrum.*

SECUNDVM EMBLEMA.

Le Ministre d'Etat. La conduite du Chariot de la lumiere consacrée à Apollon.

*Deus est auriga Dei,
Alter terris debetur Apollo.*

TER-

TERTIVM EMBLEMA .

Le Mariage de Tethys avec Pelee.
Nubit mortali inuita marito .
Tethys maiori Gallica nubis .

L' Ad-
 mirau-
 tè.

QVARTVM EMBLEMA .

Les Titans reuoltez contre les Dieux.
Et belli causa est Deitas ,
Placuit Titanum iras .

La guer-
 re des
 Princes .

QVINTVM EMBLEMA :

Niobe, & ses enfans pereez de flesches par Apollon.
Vt Matrem ulciscatur Apollo ,
Niobe Anglia , Gallia Raæ est .

L'Isle de
 Rè se-
 courue.

SEXTVM EMBLEMA .

Le Serpent Python tue par Apollon .
Peris in Pythonæ venenum ,
Plus habuit Rupella veneni .

La Ro-
 chelle
 prise.

SEPTIMVM EMBLEMA.

L'Hydre à sept testes tuee par Hercule.
Plures moriuntur in una ,
Fœcundior hæresis hydra .

L'Here.
 sie dom-
 ptee .

OCVAVVM EMBLEMA.

Le Roy Phinee deliure des Harpies par Zethes, & Calais.
Miser inter fercula Phineus ,
Volucres Europa timebat .

Les Al-
 liez se-
 courus .

NONVM EMBLEMA.

Marsias escorche par Apollon prouoque, &c.
Pellem detraxit Apollo ,
Hæc multi sub pelle latent .

Vn Prin-
 ce despo-
 uille.
 DE.

DECIMVM EMBLEMA.

Les Princes d'
Allemagne
contre, &c.

Les Heros de Grece sous Agamemnon contre
Priam, & Troy.

*Heroes Agamemnons Rege,
Ne Troia antiqua resurgat.*

VNDECIMVM EMBLEMA.

Trois vi-
ctoirs.

Geryon à trois corps vaincu trois fois par Hercule.

*Ter letbo sternendus erat,
Nunc fabula vera est.*

DVODECIMVM EMBLEMA.

La paix
desci-
guee.

L'Amour tirant le monde du Chaos.

*Vnit amor dum diuidit orbem,
Pax praestat quod praestat amor.*

DECIMVM TERTIVM EMBLEMA.

Le Re-
glement
de l'E-
stat.

Mercure dictant les destinees aux Parques.

*Mercurius parcis oracula dictat,
Habet per Te sua Gallia fata.*

DECIMVM QVARTVM EMBLEMA.

Les actions
& les re-
compen-
ses.

La Force & la Justice.

*Hac facit heroes,
Heroum hac facta coronat.*



DE SYMBOLIS, GALLICE DEVISES.⁴³⁹

EX VARIIS ARTIS SYMBOLICÆ PRÆCEPTIS

HÆC VIDENTVR ESSE PRÆCIPVA.

I.

Symbolum pictura, & lemmate constat, seu vt loquitur vulgus corpore, & anima.

II.

Pictura vt plurimum simplex esse debet non composita, ne emblema esse videatur, aut ænigma.

III.

Erudita esse debet, non cuique obuia, neque tamen adeò testā vt interprete egeat.

IV.

Corpus humanum integrum pictura esse non potest, pars corporis, oculus, cor, manus tolerari potest.

V.

Lemma Hemistichium esse debet non versus integer, desumi potest à Poeta aliquo, vel de nouo cudi.

VI.

Et pictura, & lemma ita allegorica esse debent, vt neque personam nominent cuius sunt signa, neque se appellent inuicem.

VII.

Totum opus adeò natium esse debet vt ipso ferè aspectu rem delignet, & sine interprete.

VIII.

Additur aliquando Symbolo Epigramma, vt illud explicet, atque hæc explicatio aliquando plus ingenij quam Symbolum habet, & sæpè plus laudis, extraneum est tamen hoc Epigramma, & Symbolum supponit magis quam facit: Ex eo tamen diuidunt aliqui Symbola in nuda, & explicata, nuda vocant, quæ picturam habent, & lemma; explicata ea sunt quibus additur Epigramma.

Exempla Symboli superioribus libris sparsa, quia breuia sunt reuoco in hunc locum, & aliqua addo.

Ex libro prima Elogia solemnitatum Beatæ Virginis, nuda, & non explicata,

I.

SVR LA CONCEPTION.

Vne perle conceue dans sa Nacre .

Intra uterum iam pura fui .

II.

SVR LA NATIVITE.

L'Halcion faisant son Nyd parmy les tempestes.

Pacem afferet undis .

III.

LA VIERGE DANS LE TEMPLE AVEC SES COMI
GNES .

Des Abeilles dans leurs Ruches .

Mella parant, ceramque aris .

IV.

SAINT JOSEPH MARIE' AVEC LA VIERGE.

Le Roy des Abeilles marie , & Vierge.

Fide non corpore coniux .

V.

L'ANNONCIATION A LA VIERGE .

Vne Echo dans vn Rocher .

Soli sum pernia Verbo .

VI.

SVR LA VISITATION.

Deux Palmes s'entre-baisans de leurs cymes.

Blando sese ore salutans .

VII.

SVR LA NATIVITE' DV SAVVEVR.

Vne Aigle ayant enfance vn Aiglou.

Latatur genuisse parem .

VIII.

VIERGE APRES L'ENFANTEMENT .

Vn Soleil penetrant vn Crystal,

Pervadis nec ladis iter .

IX.

SVR LA PURIFICATION.

Les macules du Soleil font des Estoiles.

Ex maculis facit æstra suis.

X.

IESVS TRENTÉ ANS AVEC LA VIERGE.

La Lune pleine sous le Soleil.

Totum si posset haberes.

XI.

LA VIERGE AV PIED DE LA CROIX.

Vne Lune en Eclypse.

Morientis syderis umbra.

XII.

LA VIERGE DANS LE SEPULCRE PRESERVEE, &c.

Le Roy des Abeilles sur sa Ruche.

Sua Regna tuetur.

XIII.

L'ASSOMPTION DE LA VIERGE.

Vne Nacre despouillee de ses perles.

Exunijs debetur honos.

XIV.

LA VIERGE DANS LE CIEL.

Le signe de la Vierge entre le Lyon, & la Balance.

Cælestes temperat iras.

XV.

LA DEVOTION A LA SAINTE VIERGE.

L'Estoile Polaire.

Qui me non aspicit errat.


442
DE IANSENII DOCTRINA
TRIA SYMBOLA EXPLICATA.

I.

IANSENIUS CORRUPTOR AVGVSTINI.

Echo.

Reddens non integra verba.

EPIGRAMMA.

Fallitur, & fallit REDDENS NON INTEGRA VERBA,
Echo reflexi saucia imago soni.
Pastor Ypra sensum fallens, & verba Magistri,
Echo est, hac lasos reddis, & iste sonos.

II.

IANSENIUS TEGIT SE NOMINE AVGVSTINI.

Annulus Gygis.

Nemo satis sub luce latet.

EPIGRAMMA.

NEMO SATIS SVB LVCE LATET, *gemma obijce soli,*
Qui vult esse gigas, cernitur esse Gyges.
Pastor Ypra magno frustra se nomine celat,
Tolle Augustinum noctua non Aquila est.

III.

IANSENIUS PSEUDO AVGVSTINVS.

Aquila adulterinam prolem præcipitem agnos.

Hæredem negat esse suum.

EPIGRAMMA.

HÆREDEM NEGAT ESSE SVVM *qui lumina Solis,*
Fixo oculo, & firmo non bibit ore diem,
Magni Augustini non est Iansenius hæres,
Romanum pauido non tulit ore diem.

SYM-

S Y M B O L A ⁴⁴³

AVLÆIS, ET VESTIBVS APPINGI
SOLITA IN INAUGVRATIONE REGIA,

I.

Claua Herculis.
Et belli, & tessera pacis.

EPIGRAMMA.

EX olea hac claua est, BELLIQUE, ET TESSERA PACIS;
Palladis est arbor, Pallas utrique fauet.

II.

Sol pingens Parelia, & delens.
Quos pinxis delere potest.

EPIGRAMMA.

QVOS PINXIT DELERE POTEST, hac regia laus est,
Posse sibi similes pingere, nolle pares.

III.

Sol Alo coronatus.
Me nubila victa coronant.

EPIGRAMMA.

Insidiata mihi MENVILA VICTA CORONANT,
Hostis erat qui nunc est diadema vapor.



TROIS

TROIS DEVISES SVR LA MALADIE DV ROY LOVIS XIV.

I.

Vn Lys mourant sur son oignon.
Impediunt nec regna mori.

EPIGRAMMA.

Suppositum calcat moriens flos Regius orbem,
NEC florem IMPEDIVNT, subdita REGNA MORI;
Nec te orbis, nec Te sceptrum Lodoice iuuabat,
Ipse etiam mortis subditus orbis erit.

II.

L'œillet de Virgile languissant.
Nec iam mater alit tellus.

VIRGILIUS.

Qualem Virgineo demessum pollice florem,
Sen mollis viola, seu languentis hyacinthi,
Cui neque fulgor adhuc, nec dum sua forma recessit;
NEC IAM MATER ALIT TELLVS, vivesque ministrat,
Talis eras Lodoice, tua hac languentis imago est.

III.

Vne Estoile qui semble tomber.
Frustra casura timetur.

EPIGRAMMA.

Fixa est, & FRVSTRA cælo CASVRA TIMETVR,
Stat globus, & firmo est insita stella globo.
Tu quoque casurus frustra Lodoice timeris,
Fixus es, & fato est Gallia fixa tuo.

445

DEVISES SVR LA REINE DE SVEDE.

I.

La Gerbe de Suede-
Terra retinacula soluit.

EPIGRAMMA.

HÆREBAT, TERRÆQUE SEGES RETINACULA SOLVIT,
Nec Te terra triplex, nec diadema tenet.

II.

Vne Nacre despouillee de ses Perles.
Exunijs suis haret honos.

EPIGRAMMA.

EXVNIJS SVVS HAERET HONOS, & diues, & orba est,
Et gerit amissum nunc quoque testa decus.

III.

Vn Lys despouille de ses feuilles.
Adhuc in stipite regnat.

EPIGRAMMA.

EXCUSsit flores, & ADHVC IN STIPITE REGNAT,
Quod superest, sceptrum floribus esse potest.

IV.

Vn Lys sur son oygnon.
Subiectum possidet orbem.

EPIGRAMMA.

SUBIECTVM non impositum flos POSSIDET ORBEM,
Calcas regali subdita sceptra pede.

L'Estoile Polaire attirant l'Aimant.
Vis arcana trahit.

EPIGRAMMA.

VIS ARCANA TRAHIT, *tacitumque inspirat amorem,*
Et tu sponte trahis proxima regna polo.

TROIS DEVISES SVR VN MINISTRE
 D'ESTAT SECRET EN SES CONSEILS.

Le Nil, duquel on ne scait pas la source.
Parte sui meliore latet.

EPIGRAMMA.

PARTE SUI MELIORE LATET *miracula Nili,*
Nascitur, & nondum Patria prima patet.
Et tu parte tui non vis meliore videri,
Facta patent orbi publica, causa latet.

II.

Vne Grenade à demy ouuerte.
Nobilia latent.

EPIGRAMMA.

QUOT grana ostentat, tot sydera punica Malus;
Sydera sub granis NOBILIORA LATENT.
Magna licet de Te pateant, maiora teguntur,
Dum te aperis, intus nobiliora tegis.

III.

Vn ver à foye.

Ars pretiosa latet.

EPIGRAMMA.

ARS PRETIOSA LATET quæ bombix viscera voluat,
 Deque suo textor serica fila neat.
Ars pretiosa latet quæ tu hosti retia texit,
Et pacem, & nobis serica fila facis.

TROIS DEVICES SVR VN GRAND

MINISTRE D'ESTAT VICTORIEUX DE L'ENVIE.

I.

Vn Soleil faisant des grandes ombres en son leuer.
Spargit longas dum nascitur umbras.

EPIGRAMMA.

SOL oriens longas SPARGIT DVM NASCITVR VMBRAS;
Inuidiam quibus nobilis ortus habet.

II.

Le Soleil ne faisant quasi plus d'ombre en son Auge.
Umbras vix spargit in Auge.

EPIGRAMMA.

PROUETUS sublime VMBRAS VIX SPARGIT IN AVGE;
Nec Te audet, nec te linor adire potest.

III.

Trois Estoiles.
Prudentia triplex.

EPIGRAMMA.

V*Na alijs, innata tibi est PRUDENTIA TRIPLEX,
 Et tota hæc virtus est Masarine tua.
 Præluces Regno, & Regi, fideique, Minister,
 Vnica stella alijs, est tibi stella triplex.*

DEVX DEVICES SVR L'AMOUR
 MESLE DE CRAINTE,
Amari, & timeri.

I.

Le confluent du Rhosne avec la Saone.
Miscentur in unum.

EPIGRAMMA.

L*entus Arar, Rhodanusque celer MISCENTVR IN VNVM,
 Ille amor, hic timor est, lentus hic, ille celer.*

IV.

Vn sep de vigne en Prouence percant le corps d'un Oliuier.
Mixtus utriusque sapor.

EPIGRAMMA,

N*ascitur ex Baccho Pallas, de Pallade Bacchus;
 Hac amor, hic timor est, MIXTVS VTRIQVE SAPOR.*



450
DÉVISES SVR LA VIE PRIVEE,
ET PVBLIQUE D'VN MINISTRE D'ESTAT.

I.

Les fontaines de Paris.
Quod bibimus de rure venit.

EPIGRAMMA.

QUOD BIBIMVS DE RVRE VENIT, *postquam alluit urbem,*
Mobilis ad patrios unda recurrit agros.
Tu quoque post Aulam, & fiscum, & mysteria regni,
Vnde nouus redeas, ad noua rura redis.

II.

Le Nauire de la ville de Paris.
Reditura perambulat orbem.

EPIGRAMMA.

VT gazas referat, REDITVRA PERAMBYLAT ORBEM,
Et quas collegit, diuidit orbis opes.
Regius est Nauis fiscus, Tu Nauita fisci;
Diuidit allatas te duce Nauis opes.

III.

La Seine.
Exit nec deserit urbem.

EPIGRAMMA.

QUAM properare vides EXIT NEC DESERIT VRBEM,
Et fluit, & semper mobilis unda manet.
Tu quoque Meudonum repetis, nec deseris urbem,
Et procul, & praesens nobile flumen ades.

IV.

Vn Compas.

Centropes alter adharet.

EPIGRAMMA.

P*Es alter graditur CENTRO PES ALTER ADHAERET ,
 Ni foret immotus non numeraret iter .
 Tu quoque terrarum fines Legatus obisti ;
 Es centrum , & semper circulus Aula tibi est .*

DEVISES SVR LE DECEZ
 D'VN IEVNE ENFANT DE MAISON.

Hemerocallis.

Vna dies.

EPIGRAMMA.

V*NA DIES nasci videt , & videt una perire ,
 Fallor vix obijt , cui neque vita fuit .*

AVTRES DIVERSES DEVISES.

Vne Aigle courrant iustement son nid de ses ailes.
Par adibus hospes .

EPIGRAMMA.

Æ*quales nido penna , PAR AEDIBVS HOSPES
 Fortuna maior , nec minor esto tua .*

Content
 en sa for-
 tune.

Des Péries dans leur Nacre.
Amant pretiosa latere.

EPIGRAMMA.

Materni nollent uteri prodire latebris,
Ni conitru impresso rumperet igne sinum. Amour de la solitu-
Vilia quaque patent, sed AMANT PRETIOSA LATERE, *de.*
Qua gemma est, floccus ni latuisset erat.

Vne plante de Muguet.
Inest quid suave cucullis.

EPIGRAMMA.

Intus inest quid suave, & INEST QUID SVAVE CVCVLLIS, Pour un
Suave est quod nubes religiosa tegit. Reli-
gieux.

Vn Sep de vigne lie.
Crescit per vincula virtus.

EPIGRAMMA.

Qua reptaret humi CRESCIT PER VINCULA VIRTUS,
Dum petitur probis per probra crescit honos.

Vne pierre precieuse nommee Triophthalmos.
Tria lumina, & unum.

EPIGRAMMA.

Vnica ter gemma est, & sunt TRIA LVMINA, ET VNUM; La Tri-
Ter Deus est, nequeunt tres tamen esse Dij. nité.

Les Planetes à l'entour du Soleil.
Non licet esse pares.

EPIGRAMMA.

Cognatis quamvis radijs, & luce coruscent,
Esse licet similes, NON LICET ESSE PARES. Les
 Grands,
 DE

DE ELOGIO.

ELOGIUM est succus, & quasi Spiritus, anima, & quasi essentia panegyrici: spiritum appellant Chimici essentiam à singulis rebus beneficio ignis, & artis eductam, animam floris, succum liquoris, spiritum auri, mentem Metalli: addunt quintam essentiam esse, essentiam essentiae, florem floris, liquorem liquoris, aurum auri, metallum metalli. Quod Chimicis est aurum auri, hoc Elogistis Elogium est, Panegyricus panegyrici.

Quò nobilius est hoc scribendi genus eò est difficilius, nec faciles præceptiones habet; & fortè ad Elogium plus confert natura quam doctrina, & plus indolis habet hoc scribendi genus quam artis.

Tria in Elogio distinguì possunt, dictum seu acumen, dictio, & dicendi modus, seu flexus.

Dictum subtile esse debet non obtusum; illustre non vulgare, singulare non commune, natum ex re ipsa non aliunde quæsitum; sæpè hoc acumen natura suggerit, doctrina acuit, experientia perficit; Interdum est cogitatio prima, aliquando decima; sæpè sponte nascitur, aliquando quæritur, interdum difficile inuenitur; sæpè est naturæ partus, interdum industriæ, aliquando fortunæ.

Dictio elogij pura esse debet non fucata, nativa non violenta, clara non ambigua; verba nec Africam sapere debent ne sint aspera, nec Asiam ne sint mollia, nec Athenas ne sint foemineæ, romana esse debent ut sint mascula, & robusta.

Modus dicendi, seu flexus est mysterium Elogij, secretum artis, ars artificis: dicit hic flexus ordinem verborum, aptitudinem dictionis, situm acuminis, quem situm si mutaueris, elogium euertisti.

Elogiorum duo sunt quasi genera, vnum singularibus lineis constat alterum periodis.

In primo illo genere, singulæ lineæ debent proponere, & concludere, debent esse res ipsas & ratio rei, debent inferre, & inferri, antecedere, & sequi; debent esse Epigramma vnius carminis, discursus vnius propositionis, debent esse propositio rem probans, & res ipsa probata.

In altero elogij genere periodus sententijs constare debet non vacuis verbis, singula membra acumina sunt inter se connexa, &

se inuicem augentia, crescit secundum ex primo, augetur secundum à tertio; ex omnibus sententijs quasi ex totidem gemmis exurgit periodus quasi pantarba, multiplex gemma, & vnica.

Elogiorum exemplis pleni sunt superiores libri; adde aliquos primi generis, & secundi.

TRIA ELOGIA PRIMI GENERIS.

CAPVT ALEXANDRI MAGNI.

GERIT hoc caput intra se mundum, nec tamen est plenum,
Quarit plures mundos extra vnum,
Et post victa omnia quarit adhuc quod vincat.

Timuerat infans ne haberet quod vinceret,

Vidit Patrem victorem, & inuidit,

Fleuit, & lacrymę infantis orbem terruere;

Post victum orbem penè iterum fleuit,

Doluit post omnia nihil superesse vincendum.

O hominem auarum! qui post Darij diuitias adhuc est pauper;

O ambitiosum! cui nec natura satis est, nec fortuna:

Adeptus nomen Magni maius aliquid ambit,

Solus sine amulo clarus, vult esse clarior;

Maior fortuna sua, vult esse se maior,

Et ne amulo careat fit amulus sui.

Infelix Alexander extra se victor, intra se victus,

Extra se Dominus, intra se seruus;

Imperat alijs, & seruit sibi,

Seruit amoris, & ira impotens sui.

Scilicet id egerat victorijs suis,

Vt cetera haberet in potestate non seipsum,

Et foris victor, domi esset captiuus.



455.

CAPVT IVLII CÆSARIS.

HOC caput aut aequale est alteri, aut est maius;
 Vtrique capiti mundus vnus non sufficit.
 Iulius Cæsar Alexandro posterior fuit non minor;
 Aut aequales inuicem erant si simul vixissent,
 Aut dubia esset vtriusque victoria:
 Alexander generosior, Cæsar astutior fuit;
 Fefellit Gallos, vincendus nisi fefellisset;
 Armauit Galliam in seipsam, & Galliam vicit per Galliã;
 Et Romam quoque vicit per Romam,
 Et Cneium magnum per Cneium.
 Magni omnino viri Alexander, & Cæsar,
 Maiores futuri nisi voluissent esse maximi;
 Ne amulos haberent neuter potuit pati magnum:
 Vt statuerent authoritatem priuatam, euerterunt publicam
 Vt primi essent, omnes voluerunt esse postremos.
 At sauior Alexandro Iulius Cæsar,
 Tot hominum millia cecidit, ut inde Cæsar appellari possit,
 Post casam Galliam cecidit Italiam, & Patriam ipsam,
 Neque tot homicidijs satur,
 Post casum Occidentem cogitabat Orientem,
 Casurus orbem terrarum, ut ubique Cæsar esset,
 Denique ibi casus est, ubi Senatum cecideras,
 An cum detrimento orbis, an cum lucro, non liquet.

CAPVT CICERONIS.

ADHVC eloquentiam spirat hoc caput,
 Lingua caret, & adhuc loquitur,
 Precidit linguam Fulvia non eloquentiam,
 Adhuc vox est superstes post animam.
 Erras Fulvia dum solam linguam vocalem putas,
 Totum Ciceronis caput eloquens est,
 Et frons, & oculi linguam habent, qua te accusent,
 Vidit hoc caput è rostris Antonius, & timuit;
 Timeret Catilina si adhuc viueret,
 Vidit populus Romanus, & loqui credidit.

*Pungit hac lingua Fulvia, dum illam pungis,
Sentis eius vulnera, nec illa te sentit.
Olim contra Antonium Philippicam,
Nunc contra te Olympicam dicit.
Adhuc loquitur hoc caput etiam mutum,
Adhuc rostra eius eloquentia personant;
Adhuc eius verbis Roma loquitur,
Adhuc eius iudicijs forum sapit,
Hoc caput Ciceronis est, & lingua mundi.*

ELOGIA SECVNDI GENERIS.

ELOGIVM SANCTÆ CATHARINÆ.

*Ex illis verbis Psalm. 44. Proxima eius afferentur tibi, Euthy-
mius Catharinam proximam dicit.*

CATHARINA proxima Deiparæ offensa est Verbo dum Matrem eligeret penè eligenda nisi Maria electa esset, quæ tamen Mater esse non potuit, sponsa fuit: subarrauit eam Christus annulo, & sponsam fecit.

Proxima quoque est Deiparæ titulo puritatis, audi quot titulis pura est, ne dubites proximam esse.

Primum argumentum puritatis est titulus nominis, appellatur pura dum appellatur Catharina: sæpè magnarum rerum argumenta sunt nomina.

Alterum argumentum est neglectus imperij: puritatem sic amavit ut eam sceptris prætulerit, ut Virgo esset, imperatrix esse noluit.

Tertium puritatis argumentum est Columba, hæc Catharinam diu in vinculis aluit, Columba una Columbam alteram: ne quære quo cibo, ex succo aeris: nec alio alimento ali debuit Virgo cœlestis.

Quartum argumentum est sepulcrum: tumulata est manibus Angelicis, & ipsa penè Angelus fuit: ne quære ubi Catharina sepulta sit, ignoratur hodieque locus sepulcri: scilicet penè versa in spiritum, quod terræ mandaretur vix habuit.

Non

Non satis dixi, & Virgo, & Mater Catharina fuit; ut Matrem scias dum occideretur lac dedit; eo lacte, Imperatricem, & Porphyrium, & Philosophos aluit; scilicet quos fecerat Christianos, alumnos habere debuit.

Mater quoque scientiarum tot filios habet quot eruditos: Palas Christianam emendauit profanam; ex Philosophia Theologiam fecit; ex arcanis naturæ collegit mysteria gratiæ; ex rebus creatis præmissas fecit, & Deum collegit ex opere.

Denique ad rotam damnata armatam supplicijs, ex rota currum fecit in quo pugnavit, & vicit; hoc curru euecta victrix ad superos iuit; illic proxima est Deiparæ, Princeps Reginæ.

ILLVSTRISSIMI, ET REVERENDISSIMI DOMINI DOMINI PETRI SCARRON,

Ecclesiæ Gratianopolitanæ, Præsulis, & Principis plusquam octogenarij.

ELOGIVM ÆTATIS.

QVALIS est ætas tua, PRAESVL, ET PRINCEPS? neque hyems est quia habet plurimum veris, neque autumnus quia habet aliquid hyemis, ætas est multarum ætatum, & tamen vnica.

Antiquissimus Senatorum Parisiensium, annosissimus omnium Præsulum, vidisti hunc mundum iuuenem, & vides senem, nec iuuenis ipse nec senex; vidisti annos antiquos, & vides novos: vidisti duas ætates, & illæ viderunt te, vidisti interire per partes, & integer es: vidisti eodem vultu quali nunc vides: mutasti octoginta annos, nec illi mutarunt te.

Pinxit te olim pictor qualem nunc pingeret: idem est tabellæ vultus, & tuus: vnum est discrimen imaginis, & prototypi: senex est imago tua, nec tu senex: decolorauit illam tempus, nec decolorauit te, contraxit aliquas rugas quibus tu carēs.

Dicitur Nestor vidisse tres ætates, & ter vixisse; heros heroum, & senex senum, semel homo, & ter sapiens fuit: fluebat ex eius ore

ore mel quasi ex ape, apis attica erat, & Philemola Pylia.

Fabula erat Nestor, & tu historia es; Senator Senatorum, & Præsul Præsulum, superas Nestoris vitam, & sapientiam; vna in illo Sapientia erat, in te est plurima; vnilinguis erat, & tu trilinguis es; crederet te atticum Agamemnon, si te audiret; credidit te Ciceronem Roma dum te audiuit; audiuit te sæpè Aula, & te legit; & nunc dum ad Reges, & Principes scribis, mellea est oratio tua, & tu apis es Gallica.

Denique nihil in re senile est nisi sapientia, hæc tamen ita antiqua est vt sit etiam noua.

Gratulamur tibi antiquos annos, & optamus nouos; vidisti duo secula, optamus tertium; vnum est quod timemus ne te optet æternitas, hanc optamus tibi sed post plurima secula.

NOBILISSIMIS, ET ILLVSTRISSIMIS DOMINIS
DD. PRÆSIDIBVS, ET CONSILIARIIS
SENATVS DELPHINATENSIS.
SVPPLEX LIBELLVS.

CA R E R E templo non debet Collegium quod est Christianum; habuere quondam delubra Musæ dum erant profanæ; habere altaria debent dum sunt sacræ; & habere Gratianopoli debent in vrbe gratiarum; ingrata yrbs esset nisi gratiæ Musas adiuuarent, & sunt sorores.

Extabat ante paucos annos in Collegio templum, sed ligneum; assutæ abietibus abietes extruebant Deo ædem, sed syluestrem; amabat tamen ligneam domum faber Christus, & cui vltra stellas est empyreum palatium, habitare dignabatur intra abietes, & coli se patiebatur inter arbores.

Exedit tandem ligneas ædes vetustas, corruptit pluuia, succussit tempestas, euertit ruina, scilicet patebat omnibus iniurijs fragilis structura; penetrabat illam frigus, inflammabat æstus, laxabat humiditas, dissuebat siccitas, nemo intra illam tutus erat nisi solus Deus; corruit tandem debile ædificium, impune tamen, & citra vitæ iacturam; nimirum nocere non potest domus, intra quam habitat Deus.

Or-

Orbatæ sacris ædibus Musæ adorare coguntur in sacello non suo; habitat Musarum Deus in conductitia domo, inquilinus est alieni hospitij, & caret loco, per quem factus est omnis locus: quoque opprobrio simile est, adeo exigua est ædes, & angusta, ut excludat cultores quos inuitat, nec sufficit precibus publicis quæ vix est satis priuatis.

Exhauserunt se Musæ ut nouum templum Deo extruerent, expenderunt omnem assem suum, & penè obolum; nec puduit nobiles puellas, emendicare æs alienum post exhaustum suum: sed illud quoque nunc exhaustum est; nec licet amplius Musis esse mendicis; erubescunt ne erubescant, timent ne timeantur; nec tamen carere templo possunt nec Deo.

Intercæ abstinere cœptis coguntur egenæ virgines, sed inuitæ; pendunt opera interrupta, minæque murorum ingentes, eductaque machina cælo; obuia est iniurijs aeris pars seminuda templi, pluit, fulgurat, tonat intra ædem Dei; tutus intra ædes suas homo habitat, patet opprobrijs temporum templum Dei, & penè ipse Deus.

At hoc dedecus quoddam est vrbs vestræ; cur inquiunt aduenæ omnes abrumpit opus publicum, & diuinum? esset hoc decus Gratianopolis nouæ: habet sua templa vrbs antiqua, carere templo non debet Gratianopolis noua: tres nobiles vici in hac nouæ vrbs parte triangulum efficiunt, esset hæc ædes trium linearum nobile centrum: hæc dicunt aduenæ omnes, idem dicunt ciues: at eæ sunt voces, & verba, mallem saxa esse, & marmora.

Quid faciant inopes Musæ quò eant nisi ad vos, ILLUSTRIS-
MI PRAESIDES, ET SENATORES? vos extruendi templi consilium approbastis, & penè iussistis: vos auxilij nobilis spem fecistis: decreti vim habent verba vestra, nec lædi ab alijs debent nec à vobis: implorant supplices Musæ fidem quam dedistis; pars est Iustitiæ stare promissis: Deus ipse liberalis dum promittit, iustus est dum promissa reddit, & vos liberales, & iusti suppletis Deum, & penè dij estis.

Humillimæ, & addicissimæ Musæ Collegij Gratianopolitani, Anno Domini 1664.

DE ELOGIIS GALLICIS.

QUÆSIERUNT ex me aliqui an etiam linguas Gallica scribi Elogia possint; difficultatem facit genius linguæ nativus, & purus, & qui similis indoli gentis, nec patitur nexus qui adstringant libertatem linguæ, nec acumina, quæ lædant puritatem; fortassis tamen etiam in hac lingua scribi acutum aliquid potest; propono elogia aliqua Gallica, quæ si displicebunt lectori, omittat illa, si placeant legat: pati illa potest hic octavus liber qui miscellanea continet.

ELOGE DES LARMES.

QU'EST-ce qu'une larme? si c'est une goutte d'eau, comment est-elle si précieuse? Si elle est si précieuse, n'est-ce pas une perle? Si c'est une perle, d'où vient qu'elle est fondue? Si c'est un crystal, qui la congèle, qui la dissout? Si c'est une vapeur, qui l'élève, & qui la fait descendre? Si c'est du sang, comment n'est-il pas rouge? Si c'est une liqueur différente de l'eau, quelle est sa fontaine, & sa source?

Les larmes ont leur première naissance dans le cœur, il est leur père, & elles sont ses filles, il s'ouvre pour les concevoir, il se ferme pour les enfanter, l'amour les conçoit, la douleur les enfante; de sang elles passent en esprit, d'esprit en vapeur, de vapeur en eau; l'amour, & la douleur font tous ces changemens; c'est pour cela qu'elles sont chaudes, parce qu'elles sont affectueuses, & elles sont salées parce qu'elles sont amères.

Le cœur est le père des larmes, & le cerveau leur mère: Il faut le concours de ces deux parties pour leur production: l'imagination dans le cerveau connoît le mal, l'appetit dans le cœur le ressent, & se ferre; en se fermant il envoie des esprits au cerveau messagers de sa douleur, & témoins de sa passion; ces esprits se refroidissent dans le cerveau comme dans un alambic, & deviennent des larmes, le cerveau leur ayant donné la vie les envoie dans les yeux pour y recevoir la lumière.

Le cœur, & le cerveau sont les parens des larmes, les yeux sont leurs nourrissons; ils les recoivent dans leurs veines; ils les élèvent
dans

dans leur sein ; il sont les mammelles de ce lait, les naces de ces perles, les minieres de ce crystal, les sources de ces eaux, le tresor de cet argent liquide .

Les larmes sont pretieuses en terme de nature ; elles recoivent l'estre du cœur, la vie du cerneau, la lumiere des yeux ; elles naissent de la joye, & de la douleur ; elles sont chaudes, & froides, ameres, & douces ; elles sont les filles de deux passions, & elles en sont les meres ; elles naissent de l'amour, & elles le font naistre ; elles viennent de la douleur, & elles la produisent ; elles pleurent, & elles font pleurer ; elles sont muettes, & eloquentes ; elles menuent, & elles sont esmeues .

Les larmes sont nobles en terme de nature, elles le sont bien plus en terme de mœurs : toutes les vertus aiment les larmes, & elles scauent toutes pleurer : la Foy pleure de ne voir pas encore ce qu'elle croit : l'Esperance soupire apres ce qu'elle souhaite : la Charite pleure de joye, la Penitence de douleur, l'Humilite pleure son neant : la Religion offre vn sacrifice de larmes : la Force donne des larmes de sang : la Iustice pleure, & fait pleurer : la Prudence regle les larmes, toutes les vertus pleurent sur les vices qui leur sont opposez.

Je n'ay pas assez dit, Dieu mesme aime les larmes, & ne pouvant pleurer en qualite de Dieu, il s'est fait homme pour apprendre à pleurer : La Vierge a souuent pleure, on compte sept de ses douleurs, on ne peut pas compter ses larmes . Tous les Saints ont donne des larmes : les Martyrs des larmes de sang, les Vierges des larmes de lait, les Confesseurs des larmes de zeile, & de penitence : les Anges de paix pleurent dans l'Escripture : si les Demons eussent pleure ils seroient encore Anges : & si les pecheurs eussent voulu donner des larmes, il n'y auroit point d'Enfer ny de damnez.



ELOGE DV GRAIN.

IL n'est rien dans la nature plus petit qu'un grain, il n'est rien de plus grand; il n'est rien de plus vil, & rien de plus précieux; il n'est rien qui ait moins d'apparence, & plus d'effet: le grain est un tresor cache, un miracle rustique, un prodige familier, un secret connu & cache, ut mystere de la nature.

Laboureurs quand vous semez vos grains, vous semez des miracles, & vous n'y pensez pas: quand vous cultivez la terre, vous cultivez des prodiges: quand vous moissonnez vous cueillez des merueilles: vostre condition est miraculeuse, & vous l'estimiez basse, & raualee, vous vous trompiez.

Voulez-vous voir la grandeur, & l'excellence du grain: le Sauueur dans l'Euangile dit, que le Royaume du Ciel est semblable à un grain: Il faut que le grain soit bien grand pour egaler le Ciel: C'est trop peu dire, le Sauueur luy mesme se compare à un grain; il est tombe dans le sein d'une terre Vierge, comme un germe de vie; il en est sorti comme un espy fecond, il a este mortifie, & moulu en sa Passion pour se changer en pain de vie: Ce n'est pas encore assez, le Sauueur dit que son Pere est un Laboureur, il a seme au dedans de soy son Verbe comme un beau grain, & au dehors toutes les creatures: Laboureurs vostre fortune est plus noble que vous ne pensiez pas. Dieu est un Laboureur.

C'est la grandeur du grain par comparaison, voulez-vous voir sa grandeur en luy mesme: Ce petit grain paroist sec, & il est bien fertile: il paroist mort & il cache la vie: mais s'il cache la vie, comment est-il mort? & s'il est mort, comment a-il la vie? Il est mort en soy, il vit par un germe de vie qu'il a chez soy: Il paroist pauvre, il cache chez soy un tresor, cent grains sont caches en son sein: Il est un, & il est plusieurs, il est grain, il sera espy, il a chez soy le principe de ses grandeurs, il est grand en ses productions estant petit en soy.

Mais ce qui est merueilleux, il faut que ce grain meure en soy pour donner la vie, & s'il ne mouroit pas il ne seroit pas un principe de vie: Merueille il faut que la vie naisse de la mort, il faut que ce grain tombe pour se releuer, il faut qu'il se cache pour paroistre, il faut qu'il meure pour resusciter: Heureuse mort, puis qu'elle donne la vie! heureux grain de perdre un estre pour en recouurer plusieurs, de cesser d'estre grain pour deuenir espy,

de

de mourir vne fois pour viure autant de fois qu'il produira de grains.

Le grain est merueilleux : il n'est pas moins vtile , puis qu'il nous nourrit, & nous donne la vie ; le grain deuiant farine, cette farine est changee en pain , ce pain se change en chair , & il deuiant vne partie de moymesme : Je dols ma vie à ce grain , ma chair est formee de ces grains , & ie suis tout compose de grains.

O homme apprens les obligations que tu as à ce grain , tu ne peux pas le mespriser sans mespriser ta vie ; tu ne scaurois t'aimer sans aimer ce qui te donne la vie ; ce grain meurt pour te faire viure, tu dois ta vie à sa mort ; tu ne scaurois luy vouloir mal, sans te hair toy mesme.

Mais ie ne scay ce que ie dois plus admirer en ce grain, ou son malheur en ces changemens , ou le bonheur de sa fortune parmy ses infortunes : pour estre change en farine il faut qu'il soit moulu , pour estre change en pain il faut qu'il soit paistri , pour estre change en chair il faut qu'il soit masche, & digere : Mais ces souffrances sont bien recompensees , il deuiant chair, il deuiant homme, & ayant este sans ame quand il estoit grain, ayant vescu en plante quand il estoit espy , il vit d'une ame raisonnable estant change en homme.

Pour comble de son bonheur il entre dans les greniers de l'Eternite, *triticum autem congregate in horreum meum*, apres tant de morts il deuiant immortel, apres tant de corruptions il est incorruptible , du grenier de la terre il entre dans le grenier du Ciel , il est compte parmy les richesses du Paradis, & apres auoir seruy à la table des hommes, il sert à la table de Dieu .

ELOGE DE L'EAV ET DV VIN.

IL semble que l'eau est bien plus excellente que le vin , elle est vn noble Element, & le vin n'est qu'un mixte, elle est vne maistresse piece de la nature , & le vin n'en est qu'un adioint : sans l'eau il ny auroit point de monde , & il seroit plus sage sans le vin .

Bien dauantage, Dieu produisant les especes des creatures dans les six premiers iours de la naissance du monde , s'oublia de produire le vin ; cela veut dire que le vin n'est pas vne espee beaucoup

coup parfaité, ou beaucoup nécessaire; Dieu regarda au fixiesme iour son ouurage, & il vid que tout ce qu'il auoit fait estoit bon, il ne vid point de vin, le mond en son premier age s'est bien passe de vin, & il ne s'est pas pu passer d'eau.

C'est la noblesse de l'eau dans la comparaifon du vin: voulez-vous voir sa noblesse en elle-mesme; l'eau est trop noble pour estre toute sous la Lune, l'Escripture dit qu'il y a des eaux sur les Cieux: les eaux au commencement occupoient tout le monde, les Cieux en ont este formez, & ils en retiennent encore l'azur, & la couleur, elles sont demeurees sur les Estoiles, comme en vn lieu digne de leur noblesse: Dieu fit vn Firmament au milieu des eaux pour les separer, non pas pour les exclurre: Les autres Elemens n'ont qu'une place dans la nature, l'eau est si noble qu'elle est sous le Ciel, & dessus; elle occupe deux places, elle fait quasi deux Elemens, & elle a fait quasi toute la Nature en son commencement.

Ce que l'Escripture adiouste est encore plus illustre, *Spiritus Domini ferebatur super aquas*, il faut que l'eau soit bien forte pour soustenir vn Dieu. Cet Esprit diuin estoit porte sur les eaux il y estoit comme dans vn Siege pour y loger, comme dans vn Throne pour y regner, comme dans vn Char de gloire pour y triompher: Il y estoit comme vn vent pour les remuer, comme vn zephire pour les cresper, comme vn esprit pour les rendre secondes, il y estoit comme vn Architecte y desseignant les parties du monde: C'est trop peu, come les disposant à l'estat de la Grace, comme les preparant pour seruir de matiere au plus noble des Sacremens.

Et c'est icy la grande louange des eaux, elles sont la matiere du Baptesme: Elles sont si pures qu'elles lauent les impuretez du peche, elles sont si saintes qu'elles produisent la saintete, elles sont les meres de la graces, & des vertus: C'est vn grand honneur aux eaux de loger sur les Cieux, & parmy les Estoiles: mais c'est bien plus, estre sur toute la Nature en produisant la Grace.

Voila les eloges de l'eau: Apres tout, le vin est bien plus noble; il est vn mixte, & l'eau vn Element, & c'est en cela mesme qu'il est plus noble: il assemble en soy toutes les qualitez de tous les Elemens pour estre vn abbrege de ce qu'ils ont de plus parfait; le vin est coulant comme l'eau, il est subtil comme l'air, il est ardent comme le feu, il est fort comme la terre.

Dieu ne produisit pas le vin au commencement du monde, ce premier age n'en auoit pas besoin, ou il n'en estoit pas capable: Il falloit

falloit vn Noe pour l'inuenter , & il surmonta son Auteur ; il faut que le vin soit bien fort, il surmonte le Repareteur du monde : Noe auoit resisté à vn deluge d'eau , il est vaincu par vn peu de vin.

Il ne m'estonne pas si les trois courtisans du Roy Assuere mirent le vin au rang des choses les plus fortes : Il y en eut vn qui prefera la verite , mais le vin est plus fort que la verite mesme ; il la cache, il la noye, il l'euille, il la fait reuiure: Bien plus, le vin est l'inuenteur des sciences , qui sont les filles ou les meres de la verite .

Mais la plus grande louange du vin se doit prendre du Sauueur : Le vin a l'honneur d'estre change en Sang au sacrifice de la Messe , & de faire vne partie de la vie d'un Homme-Dieu : Le Sang du Sauueur prend les liurtes du vin, la couleur , le goust, & la saveur, l'eau a bien quelque part au Sacrifice, mais on en mesle peu ; & ce peu n'est qu'une matiere moins principale du Sacrifice ; aussi elle represente les foiblesses de l'homme, & le vin la diuinite du Sauueur .

Enfin à la Nopce de Cana l'eau est changee en vin, & non pas le vin en eau: Or le changement ne se fait pas en vne chose moindre, autrement ce ne seroit pas vn miracle, mais vne corruption : Le vin est le premier des miracles du Sauueur, & il sera le dernier ; il abreuuera les bienheureux, il sera les delices du Paradis , & il sera serui à la table de Dieu.

ELOGE DV RIEN.

IL n'est presque rien en la Nature plus difficile que le Rien : Il est difficile à expliquer, il est difficile à connoistre, il est difficile à faire, il est difficile à louer, & cependant il est bien louable , puis qu'il sert à preuuer l'existence de Dieu.

Le Rien est difficile à expliquer ; pour l'expliquer il faut dire que c'est vne negation de ce qui est ; dire cela c'est dire quelque chose : Il faut donc dire quelque chose pour dire rien: Il faut expliquer ce qui est, pour dire ce qui n'est pas: il faut des paroles qui signifient pour ne signifier rien : Il semble qu'il vaudroit mieux se taire pour expliquer le rien, mais si on se taisoit on ne l'expliqueroit pas ; il faut donc parler pour dire le rien, & c'est ce qui est difficile.

Le Rien est difficile à expliquer, parce qu'il est difficile à connoître : Voulez-vous voir la difficulté : on demande en Theologie si Dieu connoist le rien : s'il le connoist, il est donc intelligible : s'il est intelligible, il a donc les proprieté de l'estre : s'il a les proprieté de l'estre, il est donc quelque chose, il n'est donc pas vn rien : Et certes s'il est connu de Dieu, il est donc represente dans l'Essence de Dieu comme dans vn miroir, elle est donc le miroir du rien : & cependant elle est le miroir des estres.

Le Rien est difficile à connoître, il est bien plus difficile à faire : Ceux-là mesmes qui dient que Dieu peut connoître le rien, dient que Dieu ne le scauroit faire : s'il le faisoit il seroit vn ouurage da Dieu : si c'estoit vn ouurage il seroit quelque chose : & si c'estoit quelque chose, ce ne seroit donc pas vn rien, *Omnia per ipsum facta sunt, & sine ipso factum est nihil*, il a fait toutes choses : il n'a pas fait le rien, aussi le rien n'est pas vn effet, c'est vn defect, il ne faut pas agir pour le faire, il faut faillir.

De là il suit que le Rien est difficile à louer, l'objet de la louange est la bonte, ou la beaute, le Rien n'a ny l'une ny l'autre : s'il estoit bon ou beau, il seroit donc vn estre, il ne seroit donc pas vn non-estre, il ne seroit donc pas vn rien : Et s'il est la negation de l'estre, il n'est donc pas louable : l'estre est louable, donc le non-estre ne l'est pas.

Nonobstant tout cela le Rien est louable, puis qu'il sert de matiere à Dieu pour operer : s'il n'y auoit point de rien, Dieu ne seroit pas Createur : creer c'est extraire quelque chose du rien : le rien est le terme de depart d'où le monde est sorti, & il est le terme d'abord où la

nature retomberoit, si elle n'estoit souste-

nue des doigts de Dieu. Enfin la Theo-

logie se sert du rien pour pre-

uer l'Existence de Dieu :

il y a des creatures,
elles ne se sont
pas produi-

tes

elles-mesmes, elles viennent du rien,

il y a donc vn Dieu qui les
a tirées du rien.

ELO.

ELOGE DE LA VOLONTE.

LA Volonte est vne puissance aueugle, & clairuoyante; elle ne voit rien, & elle voit tout; elle ne voit rien avec ses lumieres, elle voit tout avec les lumieres d'autrui. L'entendement est son flambeau, il va deuant, & elle suit, ou plustost elle suit, & elle va la premiere: elle conduit & est conduite: elle recoit les ordres, elle les donne; elle recoit la lumiere, elle gouuerne le flambeau.

La Volonte est vne puissance libre, elle veut, & elle ne veut pas: elle veut, parce qu'elle veut; elle ne veut pas, parce qu'elle ne veut pas; elle est la raison de son vouloir, & de son non-vouloir; elle en est la source, & le principe; elle suspend son action, elle la pousse; elle donne son consentement, elle le refuse; elle choisit entre deux contraires sans contrariete, dans la contradiction sans contredit: Et c'est en cecy que consiste sa liberte, choisir le bien ou le mal, le meilleur ou le pire, la vie ou la mort, l'action ou le repos; choisir sans contrainte, agir sans violence: estre maistresse de son action, & de sa cessation, agir n'agissant pas; exercer sa liberte sans rien faire: estre aussi libre dans le repos que dans le travail, dans l'action que dans la cessation.

La Volonte est vne puissance si forte qu'elle ne peut pas estre forcee: elle est libre dans la captiuite, desliee parmy les fers, hors de prison, dans la prison: Dieu mesme ne la peut pas contraindre, il peut bien luy desnier son concours, sans lequel elle n'agira pas: il ne peut pas faire avec son concours qu'elle veuille ce qu'elle ne veut pas, ou qu'elle ne veuille pas ce qu'elle veut: il faut qu'elle veuille ce qu'elle veut, autrement il y auroit de la contradiction, son vouloir seroit son non-vouloir, elle voudroit ce qu'elle ne veut pas, & elle ne voudroit pas ce qu'elle veut.

La Volonte est vne puissance imperieuse: elle commande aux sens exterieurs d'un empire domestique, elle commande aux autres puissances d'un empire politique: elle applique les autres puissances, & elle les retire; elle commande leurs actions, & elles les suspend, & non contente de commander aux autres, elle commande à elle-mesme; elle est sa maistresse, & sa seruante, sa superieure, & sa sujette; elle donne la loy,

& elle la recoit ; elle est emperiere, au dehors ; & Reine au dedans .

La Volonte est le sujet des passions , mais non pas la sujette : si les passions sont des vents , elle les peut appaiser ; si elles sont des orages , elle les peut calmer : si elles sont des feux , elle les peut esteindre ; l'amour est violent , elle le peut regler ; la haine est farouche , elle le peut appriuoiser : le desir va viste , elle le peut arrester ; la fuite arreste , elle la peut pousser : la ioye ouure , elle la peut resserer ; la douleur abat , elle la peut releuer : l'esperance flatte , elle la peut detromper ; le desespoir tue , elle le peut animer : la cholere emporte , elle la peut addoucir ; l'audace enleue , elle la peut retenir .

Cette Volonte est si noble que Dieu la traite avec quelque sorte d'honneur : Il en est amoureux , parce qu'il la fait belle : il la respecte , parce qu'il la fait puissance : il ne la veut pas forcer , parce qu'il la fait libre : Il la poursuit avec ses graces , il la caresse par ses presens , il la flatte par ses caresses : il l'aime comme vn present de sa bonte , il la regarde comme vne image de sa liberte , il l'estime comme vn chef-d'œuvre de sa puissance , il espie de ses inclinations , il obserue ses affections , il la preuient de ses graces pour la faire venir , il coopere avec elle pour la faire operer , il continue pour la faire perseuerer , il la laisse agir librement pour la faire meriter , il la laisse meriter pour la recompenser .

ELOGE DE DIEU.

LE scauant Cusanus en vn beau Dialogue de la Diuinite , appelle Dieu d'vn beau nom, *Dens est ipsum posse* : ce mot semble barbare , & il est bien mystereux , il veut dire que Dieu est tout ce qu'il peut estre , il a tout ce qu'il peut auoir , il est aussi riche qu'il le peut estre , il ne peut pas estre rendu plus grand , il ne peut pas se faire plus grand luy mesme , il peut tout ce qui est possible , il ne peut pas pouuoir dauantage : il est tout acte , & tout pouuoir , il est la puissance mesme, *est ipsum posse*.

Dieu est vn acte pur , *Dens est actus purus* , il est ce qu'on peut

peut concevoir de meilleur, il est le sur-Estre, la sur-Bonte, la sur-Sagesse, la sur-Puissance : Il est la pureté même de l'estre, la pureté du bien, & la pureté des perfections : il exclut par sa pureté toute sorte de puissance objective, il n'a jamais esté possible, il a toujours esté, il n'a jamais eu la privation de ce qu'il a : Il exclut toute sorte de puissance receptive, il n'a jamais rien reçu de personne, & il n'a rien reçu de soy ; Il est nécessairement ce qu'il est, il a essentiellement ce qu'il a. Il est un acte pur en terme de nature : il est la pureté même en terme de mœurs.

Deus est ens per essentiam. Ce ne sont pas deux mots ny deux pensées : l'Essence de Dieu est son existence, & son existence est son essence : cette essence ne précède pas l'estre, autrement en ce premier signe d'antécédence elle seroit possible, elle ne seroit donc pas un acte pur, & puis en ce premier signe elle ne pourroit pas agir, parce que l'agir suppose l'estre : Il est donc toute essence, & tout estre, & il appelle cela son nom : *Ego sum, qui sum*. Je suis celui qui suis, je suis l'estre même, mon essence est mon estre, & mon existence mon essence.

Deus est purissimum simplex, dit saint Bernard ; Dieu est la pureté de la simplicité : cette simplicité de Dieu exclut toute sorte de compositions, Dieu n'est pas composé de matière, & de forme, ces deux parties sont imparfaites, elles seroient un Dieu imparfait : il n'est pas composé de nature, & de suppos, & encore qu'il y ait trois substances en Dieu, elles sont identifiées avec l'essence, autrement comme il y a trois Personnes il y auroit trois Dieux : il n'est pas composé de substance, & d'accidens, les accidens supposent la substance : Or ce qui suppose Dieu n'est pas Dieu : Il n'est pas composé d'acte, & de puissance, il est un acte pur : Il n'est pas composé d'essence, & de propriété, ses attributs appartiennent à son essence, & son essence est formellement ses propriétés : Il n'y a point de distinction actuelle dans tout ce qui est absolu en Dieu : Il y a bien une distinction virtuelle, mais en cela même qu'elle est virtuelle, elle est une même réalité avec Dieu. Il y a une distinction actuelle entre les Personnes, mais les personnalités sont identifiées avec la nature, il y a trois suppos en Dieu, & il n'y a pas trois Dieux.

Deus est centrū, & corona entium : Il est le fondement, & la base des estres, au dessous de Dieu il n'y a rien qui ne soit soutenu de Dieu ;

Il est les sommet des estres, il n'y a rien par dessus Dieu : Il est la longueur, & la latitude des estres, il n'y a rien au delà de Dieu : Il est au dessous des estres pour les supporter, au dessus pour les gouverner, à l'entour pour les environner, au dedans pour les animer, au dehors pour les couronner.

Deus est ens à se, Dieu est vn estre de soy-mesme, vn estre premier, primitif, independant : Dieu n'a point receu son estre d'ailleurs, il ne l'a pas receu de soy-mesme, il ne le doit à personne, il ne le doit pas à soy, il est independant de tout autre, il ne depend pas de luy-mesme : il a fait toutes choses, il ne s'est pas fait luy mesme ; il est la fontaine de sa fontaine, le fleuve de son fleuve, l'ocean de son ocean, la source de sa source : Il est independant, il est l'inde-

pendance mesme, & cette independance est la difference de Dieu : Qu'est-ce que Dieu? vn estre independant, vn estre de soy-mesme.



DE ANAGRAMMATE.⁴⁷¹

NEGANT plerique dari scientiam Anagrammatis, & totum hoc negotium laborem non artem, & fortunam appellant non doctrinam: scilicet nihil aliud esse volunt Anagramma, nisi ruinam nominis vnius, atque ex hac ruina ortum alterius; ac dari non solent præcepta ruinæ, sed structuræ, & nos ædificamus ex arte non destruimus.

Malunt alij dari artem Anagrammatis, cuius etiam præceptiones aliquas tradunt: Ego rem facilem attingo magis quam explico.

I.

In Anagrammate ita debet inuerti nomen mutatum vt nulla syllaba maneat integra in nomine mutante; alioqui imminutum Anagramma erit non integrum.

II.

Tot debent esse literæ mutantis nomini quot mutatis, neque hac in re licentia quærenda est. Ne ars alioqui facilis cuilibet ingenio sit obuia.

III.

Nomen mutans explicare debet naturam nominis mutati, aut singularem aliquam eius affectionem, alioqui nomen alienum erit non proprium.

IV.

Nomen mutatum vnicum esse debet aut alterum, mutant tamen aliqui plura simul vocabula, atque ex ea nominum ruina eliciunt sensum aliquem vnum: ac hoc sæpè hyperbarum est, sæpè fortunæ magis negotium quam doctrinæ.

V.

In Anagrammate diphtongus per diæcesin separari potest, & per synæresim duæ vocales in diphtongum possunt coalescere.

G g + Addi

Addi potest Epigramma Anagrammati, vt illud explicet, vel illustret: Et sæpe plus ingenij habebit Epigramma, plus Anagramma negotij.

ANAGRAMMA.

Eucharistiæ Sacramentum.

Chara Ceres mutata in Iesum.

EPIGRAMMA.

NE dubites vinum pani succedere corpus,
Mutari cererem nominat ipsa Ceres.

ANAGRAMMA.

Masarini.

Ars animi.

EPIGRAMMA.

SPonte sua mentes hominum, non arte reguntur,
Hac tamen ars paucis cognita, nota tibi est.

DE EPITAPHIO.

EPITAPHIA ab Elogijs materia distant, & sæpe forma, nomen ipsum materiam adstringit ad luctum, & formam ipsam lugubrem facit.

Quadruplicis ferè generis distingui possunt.

Primum genus purè historicum, nomen defuncti, patriam, Parentes, officia, & annos ætatis declarat magis quam laudat: talia ferè erant antiqua Epitaphia, quibus pleni sunt sepulcrales tractatus. Et nos libro sexto huius operis aliqua inseruimus pag. 335.

P.M.

P. M.

*M. OPPI. Placidi.**Har. Prim. de LX.**Cui locum sepultu.**Ordo Sanctissim. Lugd. dedit.*

Tale est illud Regine Amalasunthæ apud Cassiodor.

*Castâ vixit.**Lanam fecit.**Domum servavit.**Quam multis laus ista deest.*

Secundum genus admiscet sententiam aliquam Ethicam, & acutam,

STA VIATOR ET LEGE.

*Fui non sum**Es, non eris**Sylvius Palladius.**Qui**Vt moriens viueret,**Vixit ut moriturus.**Abi**Disce mori, & viuere.*

Tertium genus est ænigmaticum est: tale est quod sequitur.

*Hoc est sepulcrum**Intus Cadauer non habens,**Hoc est Cadauer**Sepulcrum extra non habens,**Sed**Cadauer idem est ac sepulcrum sibi.*

Quartum genus vix ab Elogio differt nisi forte materia, quæ in luctum definit, & vocari solet Elogium lugubre: talibus Epitaphijs plenus est liber quintus huius operis, attexo tria Gratiano. poli edita an. 1664.

SEPTUAGES

STA

STA VIATOR, ET LVGE.

Hic iacet Vir magnus publicis lacrymis dignus,
 Nemo illum nouit, qui illum non luxerit;
 Tota hominis insoles erat, bonum esse;
 Nemo hominem rogauit cui bene non fecerit,
 Sapè ipse quasuit cui faceret bene.

Homo opulentus, & Praeses,
 Ita hominem diuifit, & Praesidem,
 Tota homini s'uita beneficentia,
 Tota Praesidis, Iustitia fuit.


Quaris hominis nomen, iam audisti,
 Praeses erat dignitate, & oris specie,
 Dixisses ex solo aspectu Praesidem esse.

Penè morbum, & mortem terruit, dum aspexit,
 Mortem ipse dum sensit, non timuit,
 Ruri morbo tentatus valedixit delicijs suis,
 Atque ut erat lepidus penè versibus lusit.

Reportatus domum, rogauit filium, ut id praearet Patri,
 Quod ipse praestiterat moribundo Parenfi,
 Nec ille deseruit morientem, & penè sequi voluit.
 Clausit paternos oculos, & penè suos,
 Relictus est superstes, ne totus Pater interiret.

ABI VIATOR.

Supereft paruus cinis ex magno Praefide,
 Et tu olim cinis eris, & minor cinere.



STA VIATOR ET LEGE⁴⁷

Ars artium est scire mori ,
Pauci scimus quod omnes facimus.
Sciebat hanc artem D. GUILLELMVS DE SAVTEREAU,
In Senatu Delphinatus nobilis Consiliarius,
Semel moriturus , sapè per partes obierat ,
Obijt media parte sui cum uxorem amisit .
Alteram vita partem varij abscessus corruperant .
Nascebatur unus ex altero , & singuli mortes erant .
Per eas mortes vir sapiens ediscebatur mori ;
Nemo pluries mortuus est , nemo melius semel .
Quæris qualis fuerit vita ante tot mortes ,
Cogita virum aequalem purpura , & maiorem , talis fuit .
Qui neque iustitiam vendidit , neque emit , talis fuit ;
Qui favorem non timuit , & quem fauor timebat , talis fuit ,
Qui Casarem Casari , & Deo reddidit Deum , talis fuit .
Talem astimavit Aula , & iudicem non semel elegit ;
Talis Aulico Regio Lugduni ius dixit ,
Talis ius dixisset Regi ipsi .
Tali tamen mors fœnera ius dixit ,
Et dicet tibi .

ABI VIATOR ET DISCE MORI :

Timendum est errare semel , ubi nemo bis errat .



STA VIATOR.

Tangit te hæc iactura quæ est publica .

HIC iacet D.I. DE VICELIEV,
Regiarum causarum generalis Patronus .
Arbitratus se esse Regis Adnotatum, & Regni ,
Temperabat Regia iura publicis , & publica Regijs ;
Nec publica tantum iura defendit , sed priuata ,
Neminem accusauit nisi nocentem ,
Sapè etiam excusauit nocentes ,
Vt posset excusare reddebat innocentes :
Eloquentiam hominis probant multa quæ scripsit ,
Nulla est materia qua eruditum non fecerit ,
Nulla est quam ipse non erudierit :
Faciebant omnes scientia eloquentem ,
Ipse omnes scientias faciebat eloquentes .
Nec humana tantum sciuit , sed diuina ,
Idem Orator humanus, & penè Theologus ,
Ratus iniurias diuinas esse Regias ,
Vtrasque accusauit Adnotatus Regis, & Dei .
Vt posset accusare scelera, ipse purus sceleris fuit ,
Nemo appellauit iniustum etiam dum seuerus fuit .
Sola mors accusauit lenitatis, quod sapè morti pepercerit ,
At hac ingrata crudelitas est ,
Parcere homini debuit, qui sapè morti pepercerat .
Decepta tamen mors est, inuenit immortalem dum peremit,
Scilicet exhausta carne, sola mente vivebat,
Atque hac immortalis, non interiuit, sed exijt,
Et cælo assuetæ, quod ire consueuerat, eò iuit .
ABI VIATOR , & futurus aternus ,
Inchoa aternitatem intra tempus .



477

MISCELLANEA SVNT QVÆ SEQVVTVR;
EPITAPHIA, VEL ELOGIA,

A D A M V S.

Hic sine Patre, & Pater omnium;
Hic natus non genitus,
Hic vir antequam Infans,
Hic coaevus mundo, & senior,
Anno mundi primo, annos terdenos habuit,
Coniungem nactus ex se natam,
Ab illa decepta ipse deceptus,
Vterque malum ex malo didicit.
Fecerat eruditos Deus, & scientes bonum,
Fecit ignaros demon dum docuit malum.
O si Eva non audisset serpentem!
O si Adamus non audisset uxorem!
Vterque felix fecisset nos felices,
At vxor virum, vir uxorem,
Vterque nos perdidit.
Fecisset immortales arbor vita,
Fecit mortales arbor scientia,
Miseram fecit posteritatem miser pater.
Iacet intra hunc tumulum,
Qui tumulo carere poterat,
Ante hominem pulvis, & cinis,
Post hominem pulvis, & cinis est.



ABEL

A B E L.

A V D I Viator, hoc sepulcrum clamosum est,
 Vocem habet sanguis effusus,
 Abet mortuus adhuc vocalis est.
 Pastor eras ovium, & ovis pastorum,
 Lacte pecudum vescens non carne,
 Nutricius Gregis sui, & alumnus,
 Collactaneus erat virtute, & indole,
 Sed audi pietatem Pastoris,
 Pulcherrimas quasque oves eligebat in victimam,
 Et ouantes oves sponte victima erant,
 Pius Pastor oves reddebat penditque,
 Placebant Cælo victima Abelis non Caini,
 Nimirum iste victimarum vitia offerebat non victimas,
 Tabescens invidia fratrem virtutis victimam fecit,
 Et se victimam sceleris sui,
 Nec mora vindex conscientia, & carnifex culpa,
 Terrent sceleratum, & ipse se terret,
 Neque ultra se ferens reus, & iudex,
 Ibi & alibi, ubique & nullibi,
 Apud se, & extra se erat.
 Denique exosus omnibus, & sibi,
 Primus inferos fundavit, & incoluit,
 Abel ingressurus Cælum cum patebit,
 Limbum incolit suburbium Cæli.



ADES VIATOR.

ET ruente mundo, sub Noemo ne metue.
 Hic prima ætatis ultimus, & secunda primus,
 Supposuit se cadenti mundo,
 Et dum retinere totum non potuit, partem seruauit.
 Hoc tempore eò impuritatis mundus uenerat,
 Vt nisi diluuiò purgari non posset.
 Centum annis Noe præco irati Dei,
 Ex arca quasi ex tripode prophetabat minas,
 Derisa est ab impijs arca, & faber arca.
 Desperata salute omnium prouidit saluti paucorum,
 Spes mundi ad octo animas redacta erant,
 Inclusit Noemus eas reliquias nec mundus arcam impleuit.
 Interea ruere imbribus Cælum ut terras obruat,
 Breui cælestes aqua addita nostris geminum mare fecere,
 Breui omnia Elementa pontus,
 Et tota natura chaos antiquum fuit.
 Breui interiit quidquid erat extra arcam.
 Sola arca sine uelis, & remis
 Ibat secura supra oceanum, & penè supra mundum.
 Denique suffocatis sceleribus placatus Deus,
 Iniuit fœdus cum Noemo de Aquis non de flammis,
 Noemus uir duarum ætatum,
 Vidi e mori mundum unum, & nasci alterum,
 Ipse reparator mundi, & penè sui
 Ex arca quasi ex altera matre,
 Substituuit nouum mundum, & penè genuit:

ABI VIATOR.

Et ne timeas flammæ, time undas.

ABRA-

ABRAHAMVS.

SCRIBAT Elogium Abrahami Magnus Orator Ambrosius,
Et laudari meretur vir magnus verbis melleis.

Vir plane magnus Abrahamus, & nemo ante illum maior;

Eum Philosophia votis suis aquare non potuit,

Minus est quod illa finxit quam quod iste gessit;

Prauenit factis dicta sapientum,

Et quod illi dixerunt, iste gessit;

Exire iussus ex Chaldaea cui sydera Deus erant,

Exiit, & secutus est Authorem syderum Deum,

Nec sine mercede, cui Deus ipse merces fuit.

Tres aliquando vidit, & unum adorauit,

Tres erant atque; ex tribus unus,

Olim erat Abrahami Nepos, & anus.

Extendit nomen Abrahami Deus,

Et unde cresceret, adiecit de suo.

Auctus filio, & iussus immolare spes suas,

Credens supra fidem, & sperans ultra spem

Caca obodientia, & oculata,

Id parabat facere quod facturus erat Deus.

Inuidit homini hoc priuilegium Deus,

Prohibuit ne id faceret, quod erat ipse facturus;

Reseruauerat sibi hunc honorem, Pater aternus,

Patrem esse, & unigenitum immolare.

Nec minus fortis Abrahamus quam pius fuit,

Ex trecentis vernaculis collegit exercitum, & Reges vicit,

Quod fecere trecenti Spartani minus fuit;

Agnouit in Abrahamo Deū Rex Salem, & decimas obtulit.

Habuit, & sinum Abrahamus, & Pater, & Mater fuit,

Excipiebat hoc sinu iustos, & amicos Dei,

Excepit seipsum Pater, & proles sui,

Aperuit eum sinum Christus, & mutauit in Cælum.



I S A A C V S.

PONE GENV VIATOR, ET NE PONE.

IMPERATUR *viſtima in Monte Moria, & prohibetur,*
Prohibetur ſacrificium, & peragitur:
Latet ſub uno Sacerdote, Sacerdos alter,
Latet ſub una viſtima, viſtima altera.
Sacrificium facit qui prohibet,
Immolat filium, qui filium immolari vetat.

AUDI MYSTERIUM.

Iam montem Abrahamus conſcendit, & Iſaacus,
Ille gladium ferens, iſte lignum;
Iam ara poſita eſt, & ſupra aram ſtat viſtima,
Iam ſtringitur gladius, iam cervix nudatur,
Iam ſacrificio flamma pralucet,
Iam inter labra viſtima eſt anima,
Iam nihil deeſt morti niſi mors ipſa.

Ecce tibi reuocat imperium Deus,
Et gladium Abrahamus,
Compensatur tamen voluntas Abrahami,
Et votum ſacrificij ſacrificium eſt:
Iterum fit Pater Abrahamus,
Iterum Iſaacus naſcitur.

Falleris Viator, audi iterum.
Fit ſacrificium in Monte Moria,
Moritur Agnus, & ſub Agno Deus,
Facit Deus quod prohibet fieri ab homine,
Immolat non Iſaacum, ſed filium,
Deus Sacerdos, & homo Deus viſtima eſt.
Abi Viator, & adora.



I A C O B.

INTRA uterum matris luctantur gemelli,
 Et duobus liberis mater una non sufficit,
 Nondum nati de natu iam disputant,
 Exit secundus Iacob, breui primus futurus,
 Emit privilegium vili esca, & frater vendidit.
 Benedictionem quoque mysterio acquisiuit, non mendacio,
 Exciderat Maioratu frater, cum illum vendidit.
 Victor fratris, ausus est luctari cum Deo,
 Et penè aqualis amulus, nec victor, nec victus,
 Missionem ab amulo accepit, & dedit.
 Ipse etiam hominis somnus mysterium fuit,
 Scalam vidit utraque parte attingentem Deum,
 Impositus erat fastigio Deus, & basi suppositus,
 Mediū Angeli, à Deo ascendebant ad Deum,
 Ibat cum Angelis Iacob, & penè Angelus erat.
 Pastor inter oves, & omnis inter Pastores,
 Fecit loquentem Labanum, & se diuitem,
 Deceptus in Lia amanit tamen uxorem & fraudem,
 In Rachele coniugium amanit, & mysterium.
 Duodecim liberorum, & totidem populorum Pater fuit:
 Bis mortuus, in duobus dum illis caruit,
 Eis reuixit dum illos inuenit:
 Denique moriturus dinisit filijs terram adhuc non suam,
 Scripsit testamentum futurarum rerum mysterium,
 Vidit fines temporis, & limites aternitatis,
 Vidit Nepotes futuros, & inter illos Nepotem Deum.



M O S E S.

Hic ut homo natus penè vixit ut Deus,
Natura filius, alumnus Providentia fuit,
Hac exposito inter aquas natis fuit, & navita,
Hac adoptavit in Regium infantem, & penè in Regem,
Hac abduxit ex Aula, & in Aulam reduxit.
Hac pastorem ovium fecit, ut faceret pastorem hominum,
Audi Pastoris fortunam plusquam humanam.
Vidit ardentem rubum inter ignes integrum,
Audiuit ex rubo loquentem Deum, & penè vidit:
Ex Pastore Legatus Dei, & Deus Pharaonis,
Vt Regem vinceret, muscas & ranas milites fecit,
Afflictum duodecim plagis, neque adhuc victum,
Oppressit toto mari non ultra vincendum.
Ne quis de naufragio dubitet, adhuc auditur murmurata-
rum,

Ex ea morientium cade appellari potuit mare rubrum.
Nec minus miraculum est mare in duodecim vias diuisum,
Fecit hoc virga thaumaturga, quod sceptrum non facerent:
At quis eam columnam ducebat, qua ducebat exercitum?
Quis decolorabat faciem unam, quis illustrabat alteram?
Quis imperabat ut iret, quis iubebat ut sisteret?
Quadraginta annis millionis hominum, quasi ovium pastor fuit,
Ministrabat Cælum manna quo famem aleret,
Fundebat aquas petra quibus sitim extingueret,
Suggerebat natura delicias quibus recrearet,
Nemo tot annis vestem mutavit, nemo corrupit.

Ad tonantem Deum vocatus inter tonitrua,
Legem accepit scriptam digito Dei, & scribi vidit,
Post hac colloquia redijt ex Deo quasi Deus,
Creditus est latere intra hominem Deus, & videri
Denique post tot miracula, miraculo obijt,
Nemo testis obitus, nemo sepulcri conscius fuit,
Solus ille morientem vidit, qui mori iussit.



HERCULI coetaneus verus Hercules fuit ;
 Qua in illo fabula , in hoc fuere miracula .
 Primus Samsonis labor fuit leo ;
 Os cadaueris aluearium , putredo mel fuit ;
 Ænigma erat si fœmina tacere sciisset .
 Ex trecentis vulpeculis collegit fugacem exercitum ,
 Fugiebant timida illigatas faces ,
 Inflammabant quidquid fugere non poterat ,
 Post exustas segetes exusserunt seipsas .
 Mandibula aselli Samsoni claua fuit ;
 Hac claua mactabat exercitum hostium ,
 Et timidi animalis particula leones terrebat .
 Funes quibus ligabatur sæpè dissoluit , aut rupit ,
 Inclusus intra urbem capi non potuit ,
 Reuulsas urbis portas exportauit in montem ,
 Et poterat montem ipsum importare in urbem .
 Maior Samsonis labor fuere fœmina ;
 Dalila illi Deianira , & Omphale fuit ,
 Plus aliquid Dalila potuit ,
 Totondis crines , & vires , & virum fœminam fecit .
 Excœcatus ab hostibus egit ludionem in circo ,
 Asinum in pistrino , Cyclopem in Veneris templo ,
 Restitutis crinibus , & viribus ,
 Succussis columnis enertit Veneris adem , & Venerem ,
 Et fortior cœtus quam oculatus ,
 Vicit dum vincitur , & triumphauit dum moritur ,
 Et ne sepulcro careret ,
 Inter sua trophæa est conditus .



D A V I D.

Hic ex minimo maximus ,
A lana ad purpuram, à caula ad Aulam ,
Maior purpura , & Aula fuit :
Infans cum vrsis quasi cum agnis,
Cum leonibus lusit quasi cum ouibus .
Goliatum gigantem iactu lapidis fudit ,
Et funda rempublicam, & regnum fundauit .
Creauit hac victoria gloriam Dauidi, & inuidiam ,
Sapè illum Saul occidere voluit ,
Sapè imperauit occidi ;
Sapè illi pepercit Dauid, etiam dum ulcisci potuit ,
Reueritus in Saule Regem , etiam hostem .
Hac lenitas Dauid sceptrum peperit , Sauli abstulit,
Amavit hanc lenitatem Ionathas etiam nocentem sibi ;
Optauit Dauidem in regno primum, & se secundum ,
Fortissimus Regum finitimos Regis vestigiales fecit ,
Nemo sapius pugnavit, nemo sapius vicit ;
Vicisset Alexandrum si cum Dauide pugnasset.
Felix Dauid si post victa omnia amorem vicisset ,
Vicit eum semel fœmina, & semel vanitas ,
Bis peccauit, bis eum Deus puniuit ;
Prima parentis pœna puer Absalon fuit,
Absalon dignus regno nisi regnare voluisset,
Amavit eum Pater, etiam hostem,
Parcere illi voluit , etiam rebeli ,
Fleuit, quod mortuo condonare non posset :
Alterum crimen Dauidis triplex flagellum correxit,
Ex tribus pestem elegit qua posset perire:
Vir magnus Dauid semel reus , bis pœnitens ,
Bis peccauit, bis reum Deus correxit ,
Nemo nobilius fleuit ,
Nemo nobilius Dei laudes cecinit ,
Adhuc canuntur laudes quas Dauid cecinit:
Vir amabilis Dauid, & secundum cor Dei;
Nemo altius iuit, nemo Deo propior fuit,
Vir secundum cor Dei, & pendè, à Deo secundus.

S A L O M O N.

Hic senex in Infante, Infans in sene fuit,
 Sapientissimus hominum, & dementissimus.
 Optavit sapientiam infans, & statim à voto obtinuit,
 Accepit illam, non acquisivit,
 Nondum discipulus, & iam eruditus,
 Omnia sciuit, & nihil didicit.
 Oraculum Regum, Echo Reginarum,
 Id omne sciuit, quod quari potuit,
 Plura docuit, quam Regina quæsivit.
 Felix Salomon, si vitia nesciisset,
 Dementavit sapientissimum amor infans,
 Vir omnium vxorum, omnes amavit quas vidit;
 Nec Dominus vxorum, sed seruus,
 Ut seruiret desiderijs seruivit idolis;
 Dum sapuit templum erexit Deo compendium cæli,
 Et palatium sibi, compendium mundi,
 Cum desipuit templa erexit idolis:
 Denique ulciscente Deo, & miserante,
 Egere cepit inter opes,
 Pacem amisit in pace,
 Inuitatus ad pœnitentiam, non tamen coactus:
 An resipuerit adhuc incertum est,
 Illud certum diu sapuisse,
 Diu delirasse.
 Ex tot gregibus mulierum,
 Vnicum filium reliquit gregarium;
 Quis neget amorem mulierum cœcum esse,
 Excœcavit sapientissimum hominum.



PALLIVM ELIÆ.

487

HOC Pallium Propheticum est non Philosophicum,
 Latet sub illo sapientia sacra non profana,
 Apparent res futura quasi iam facta.
 Hoc pallio Elias cælum obnubebat, ne plueret,
 Hoc pallio Solem obumbrabat, ne luceret,
 Hoc pallio aperiebat diem, & claudebat.
 Hoc pallium sagum Elia fuit quo militaret,
 Paludamentum quo Regibus imperaret.
 Hoc pallium navis Elia fuit qua Iordanem transires,
 Currus fuit quo Cælum conscenderet.
 Adhærebat huic pallio geminus Elia spiritus,
 Donauit utrumque Elisæo cum pallium dedit.
 Et nunc ibi est Elias ubi pallio non eget,
 Candidatus aternitatis, nondum tamen aternus
 Neque intra tempus est, neque extra tempus,
 Neque intra mundum, neque ultra,
 Medius inter Cælum, & mundum,
 Reservatur ruina mundi,
 Pugnaturus pro Christo contra Antichristum.
 Denique morietur hominum ultimus,
 Resurget aternus cum cessabit tempus,
 Palliatus gloria, quam conseruabis aternitas.



IONAS IN VENTRE CETI.

QUALIS audacia huius hominis?
*Vt naufragium fugiat naufragium facit,
 Ne tempestati succumbat, tempestati succumbit,
 Projicitur è navi in alteram navim,
 Aperit os Cetus, & naufragum excipit,
 Fit navis homini uterus Ceti.*

*Orem miraculo maiorem!
 Ionas extra portum, in portu,
 Extra mare, & in mari est:
 Ionas inter naufragia saluus,
 Inter pericula tutus,
 Liber in carcere,
 Redivivus in funere.*

*Ionas intra uterum bellua,
 Penè iterum concipitur,
 Penè iterum nascitur,
 Bis homo, bis Ionas,
 Concipitur sine Patre,
 Nascitur sine Matre,
 Fallor Cetus sit Iona Pater, & Mater,
 At quid agit Ionas intra belluam?
 Illic hospitium habet ubi habitat,
 Illic templum ubi orat,
 Illic nec famem nec patitur intra famem,
 Nec sitim intra salsedinem,
 Puto delatus ad portum,
 Innitus reliquit Ceti hospitium.*

F I N I S.

ARGVMENTA LIBRORVM.



IN PRIMO LIBRO.

ELOGIA SACRA.

C Armen votiuum Authoris.	pag. 1
Vita, & Elogia B. Virginis.	2. ad 15
Selecta Patrum, Elogia de excellentia Beatæ Virginis.	16
Decem Elogia eiusdem B. Virginis.	21
In illud, beatam me dicent, &c. Inductiones D. Bernardi.	24
Deuises sur les solemnitez de la Vierge.	25
Elogium Poeticum sacræ Syndonis.	28
Elogia Dei, & perfectionum diuinarum.	31. ad 42
Decem Elogia breuiora.	43
Diui Brunonis, Elogium.	47
Soliloquium Poeticum.	48
B. Petri Luxemburgij, Elogium.	49
B. Saluatoris de Horta, Elogium.	51
B. Francisci Salesij, Elogium.	53
Parænesis Poetica eiusdem ad Geneuam.	54
S. Ignatij, Elogium.	56
S. Xauerij, Elogium.	57
Hymnus de S. Ignatio.	59
Hymnus de S. Xauerio.	60
Caput S. Ioannis Baptistæ.	62
Caput Diui Pauli.	63
Caput Diui Petri.	64

IN LIBRO SECVNDO.

ELOGIA THEOLOGICA, ET PHILOSOPHICA.

D edicatio libri.	65
D. Augustini, Elogium.	66
Alberti Magni, Elogium.	67
S. Thomæ, Elogium.	69
S. Bonaventuræ, Elogium.	70
Ioannis Scoti, Elogium.	71
Roberti Bellarmini, Elogium.	73
Caput Senecæ.	76
Philosophia Senecæ in Epitomen redacta.	75. ad 81
Ludus Philosophicus, de Vniuersali.	81
Ludus secundus, Relatio.	83
Ludus tertius, de Punctis.	85
Ludus quartus, Continuum.	87
Ludus quintus, Infinitum.	88
Ludus sextus, Musica.	90
Ludus septimus, Anima.	91
Ludus octauus, Cordis miracula.	93
Ludus nonus, Oculus.	95
Ludus decimus, Species.	97
Ludus vndecimus, de duobus Dominis.	98. & seqq.
Præfatio de Conscientia.	104. & seqq.

IN LIBRO TERTIO.

ELOGIA REGIA.

V ita, & Elogia Ludouici XIII.	110. ad 124
Ludouici XIV. Elogium Genethliacum.	125
Votum pro Delphino.	127
Educatio Regia.	129. ad 140
Deuises Royales au Sacre du Roy.	141
Ecphrasis Poetica de claua Herculis.	141
Trois deuises sur la maladie du Roy.	143
Ludouici XIV. Ægrotantis Parænesis ad Fratrem,	144
Lu-	

Ludouico XIV. Soteria.	145
Votum pro Delphino futuro.	147
Horoscopus Delphini, ex parentum aspectu.	148
Mommedij capti Profopopeia.	150
Deuise sur le mesme sujet.	152
Arausio capta, Elogium.	152
Profopopeia Dunkerkæ.	153
Reginæ Sueriæ, Elogium.	154
Deuises sur la mesme.	156
Henrici Borbonij Principis Condæi, Epitaphium.	157
Iter Germanicum Anguyeni Ducis.	156
Atrebatum captum.	160
Atrebatum seruatum.	161
Casale ter seruatum.	162

IN LIBRO QVARTO.

ELOGIA EMINENTIA.

A Rmando Richelio Cardinali, Epistola sapientiæ.	164
Eidem Academiz.	165
Eidem Fidelitas.	166
Mysterium Politicum.	168
Iudicium Europæ de morbo Cardinalis.	170
Testamentum Christianum.	172
Testamentum Politicum.	174
Epitaphium Sorbonicum Card.	177
Alphonfi Richelij, Elogium.	178
Eidem Ecloga.	180
Ars animi, Cardinali Mazarino.	181
Eidem noua Politica.	183
Au mesme, trois deuises sur le mesme sujet.	85
Eidem victori inuidiæ.	186
Deuises sur l'enuie.	187
Imago vitæ eidem.	188
Estoile tombante, deuise.	189
Eidem Mysterium pacis.	189
Eidem futura post pacem.	192
Eidem Mazarino ægrotanti.	195
Eidem	

Eidem votum diuturnæ vitæ.	199
Trois deuises sur les Armes du mesme.	200
Pauli Mancinij Epitaph.	201
Cardinali de la Rochefoucault, nuncupatio Philosophiæ.	201
Eidem Epistola liberalitatis.	202
Innocentij Decimi, Elogium.	204

IN LIBRO. QVINTO.

ELOGIA ILLVSTRIA.

I llustrissimo D. Petro Seguier, Elogium Gentilitium.	208
I llustrissimo D. Carolo de Crequi, Epitaphium.	212
Eidem Prosopopeia Bremæ.	213
Marescalli Toerasij, Epitaph.	214
Ad eundem Epistola Urbani VIII.	215
Caroli de Neufuille D. d'Halincourt, Elogium funebræ.	217
Caroli de Neufuille Archiepiscopi, Elogium Politicum.	219
Eidem Symbola.	221
Eidem annus nouus.	221. & 222
D. Abeli de Seruiant, Imago vitæ.	223
Eidem vita priuata, & publica.	27
Eidem Symbola.	228
Eidem quæstio Politica.	229
D. Arthi de Lyonne, Epitaph.	231
D. Nicolai de Balleul, Epitaphium.	233
D. Nicolai de Mesgrigny, Epitaph.	234
D. P. le Goux de la Berchere, Epitaphium.	235
D. Renati de Voyer d'Argenson, Epitaphium.	237
D. Iosephi du Bernet, Epitaphium.	238
D. Lud. Girard, Epitaph.	239
D. Talon, Aduoc. Gener. Epitaphium.	240
D. Henrici de la Vieuille, Epitaphium.	242
D. Franc. Vautier, Epitaph.	243
Duorum amantium tumulus.	244
D. Iacob. Moyron solitudo.	246
D. de Caheusac, Epitaph.	248
D. Philipp. de Torsî de la Tour, Epitaphium.	250
DD. de Bourlon tumulus.	251

D. Ga-

D. Gastonis de Ranty.	252
D. Nicolai de Boesat.	253
D. Iuliani de Brodeau.	254
D. Franc. Fouquet, Epitaph.	255
D. d'Ancier.	256
D. Baronis de Coursan.	258
D. Carolæ Damascenæ de Coursan.	259
D. Ant. de Gilbertes, Epitaphium.	260
D. Gab. de Gadagne Comitissæ de Cheurieres.	261
Antonij l'Abbe, Epitaphium.	264
De eodem Carmen funebre.	265

IN LIBRO SEXTO.

ELOGIA HISTORICA.

Dedicatio Consulibus Lugdunensibus.	268
Nouum Historiæ genus Lectori.	269
D. de Neufuille, Marefcallo de Villeroy.	269
Dissertatio I. de ortu Lugd.	270
Dissertatio II. de situ antiquo Lugd.	277
Dissertatio III. de itinere Annibalis.	288
Dedicat. ad D. Dionys. de la Berchere.	ibi.
Elogium Annibalis.	290
Dissertatio IV. Lugdunum superius.	300
Dissertatio V. Lugduum inferius.	303
Dissertatio VI. Emporium Lugdunense.	308
Dissertatio VII. Argyrocopium Lugdun.	310
Dissertatio VIII. Athenæum.	312
Dissertatio IX. Athenæum Græcum.	316
Dissertatio X. Athenæum Romanum.	319
Dissertatio XI. An Lugdunum Colonia Romana.	322
Dissertatio XII. An Lugdunum Colonia Viennensium.	324
Dissertatio XIII. An Lugdunum Colonia Græcorum.	326
Dissertatio XIV. Religio Gallorum ante Plancum.	329
Dissertatio XV. Dignitates veterum Lugdunensium.	332
Dissertatio XVI. An Præfectus Galliarum sederit Lugduni.	337
Dissertatio XVII. De rebus fortiter gestis à Lugdun.	342

Dis-

Dissertatio XVIII. Veterum Lugdun. lingua .	345
Dissertatio XIX. Nomina Lugduni.	347
Dissertatio XX. Arar qualis fluvius.	335
Dissertatio XXI. De Rhodano.	353
Epistola I. Lugdunum sub Planco .	355
Epistola II. Lugdunum sub Iulio Cæsare.	357
Epistola III. Lugdun. sub Marco Antonio.	359
Epistola IV. Lugdun. sub Augusto.	361
Epistola V. Lugdun. sub Tiberio .	362
Epistola VI. Lugdun. sub Caligula .	364
Epistola VII. Lugd. sub Claudio.	365
Epistola VIII. Lugd. sub Nerone.	368
Epistola IX. Incendium Lugduni.	369
Epistola X. Lugd. sub Galba.	371
Epistola XI. Lugd. sub Othone .	373
Epistola XII. Lugd. sub Vitellio .	ibi.
Epistola XIII. Lugd. sub Vespasiana .	375
Epistola XIV. Lugd. sub Tito.	ibi.
Epistola XV. Lugd. sub Domitiano.	376
Epistola XVI. Lugd. sub Nerua.	377
Epistola XVII. Lugd. sub Traiano.	ibi.
Epistola XVIII. Lugd. sub Adriano.	378
Epistola XIX. Lugd. sub Antonino Pio.	379
Epistola XX. Lugd. sub Aurelio, & L. Vera.	380

IN LIBRO SEPTIMO.

ELOGIA POETICA.

V ariz Poeses sparsæ superioribus libris .	383
Sylua I. Aristus.	384
Sylua II. Amyntas.	385
Sylua III. Androdus.	386
Sylua IV. Alexis.	387
Prosopopeia Angliz, post Ræam servatam.	391
Panegyricus de Rupella capta.	394
Pars I.	ibi.
Pars II.	399
Pars III.	407

Epi-

Epistola Patris æterni ad B. Virg.	412
Epistola Verbi æterni ad B. Virg.	414
Epistola Spiritus Sancti.	417
Elegia naturæ ad Christum Infantem.	419
Hungaria ad Principes Christianos.	421
Protrepticum Lyricum.	422
Protrepticum Heroicum.	423

IN LIBRO OCTAVO.

MISCELLANEA.

I nscriptiones primi generis.	427
Inscriptiones secundi generis.	428
Inscriptiones tertij generis.	433
De Emblemate.	436
Artis Symbolicæ præcepta.	439
Symbola varia cum exemplis, & Epigrammatibus.	443
Elogiorum præcepta.	453
Caput Alexandri Magni.	454
Caput Iulij Cæsaris.	455
Caput Ciceronis.	455
Elogium D. Catharinæ.	456
Elogium ætatis Petri Scarron.	457
Supplex libellus.	458
Eloge des larmes.	460
Eloge du grain.	462
Eloge de l'eau, & du vin.	463
Eloge du Rien.	465
Eloge de la volonté.	467
Eloge de Dieu.	468
De Anagrammate.	471
Epitaphij præcepta.	472
Epitaphium D. de Pourroy.	474
Epitaphium D. de Santereau.	475
Epitaphium D. de Vicelieu.	476
Adami Elogium.	477
Abelis Elogium.	478
Noemi Elogium.	476

Abra-

Abrahami Elogium.	480
Isaaci Elogium.	481
Iacobi Elogium.	482
Mosis, Elogium.	483
Samsonis Elogium.	484
Dauidis Elogium.	485
Salomonis Elogium.	486
Pallium Eliæ.	487
Ionæ Elogium.	488

S O L I T V D O.

D. Brunonis Elogium.	47
Soliloquium animi Solitarij.	48
Vita priuata.	227
Deiſes ſur ce ſujet.	228
An ſolitarius animus ſit ſolus.	229
Tumulus duorum amantium.	244
Moyronij ſecefſus.	46
Inſcriptiones ſolitudinis.	428
Viri amantes ſolitudinem.	431
Porticus Richeliana.	436
Caput D. Ioannis Baptiſtæ.	433
Caput D. Petri.	434
Caput D. Pauli.	435
Caput Alexandri.	434
Caput Cæſaris.	455
Caput Ciceronis.	455
Caput Senecæ.	76

F I N I S.

S T E P H A N I

P E T I O T

S O C I E T A T I S I E S V

P A N E G Y R I C I D V O

Alter de R V P E L L A expugnata.

Alter de D E L P H I N O. +

THE

LIBRARY

OF THE

UNIVERSITY OF

CHICAGO

1887

1888

1889

1890

1891

1892



PANEGYRICVS LVDOVICO XIII. DICTVS.



AT TIGISTI gloriæ verticem, REX INVICTISSIME; adepra es votorum summam, fortunatissima Gallia; tenes fastigium dignitatis, Christiana Religio. Bellum illud aliquando confecimus, ad quod vnum toto sæculo communia, omnium vota, priuata singulorum studia, publica comitiorum consulta, Sacrorum augusta solemnia, Regum expeditiones innumeræ, multorum terra, marique contentio præliorum, belli, pacisque quotidiana consilia, Reipublicæ demum totius rationes, motus, sensus vniuersi referebantur; ne quis possit ambigere, quin hoc vno cardine fortuna ciuium, fors Gallix, maiestas imperij niteretur. Habet superbia suos gradus: ad extremum deuoluitur, postquam peruenit ad primum; qui non nouit ultra crescere, ruere cæpit, nihilque tam propinquum est casui, quàm quod est summum: Cælum ipsum, quo nihil altius occurrit aspectui, fatum expectat; & momento sæpissimè perit, quodd' ægrè sæculum peperit. Sic illa iacent tot annis sudata perduellium propugnacula, dissipatæ sunt ingentes illæ Britannorum classes; vtrorumque iuncta cum extrema rerum desperatione, incredibilis audacia corrui; terræ, maria, tempestates succubuerunt fortitudini regiæ: locis demùm vniuersis profligata Rebellio, simul omnia sibi sensit præter inferos esse conclusa. Quæ immensitas gloriæ, naturam totam vnius triumphi pompa traducere discerent, elementis omnibus imperare! Quod si adhuc aliquis ex illa furiosorum hominum turba, qui humanæ fidei de-

fertores sensim à diuina deficiunt, de æternitate huius imperij
 dybitauit, fateatur errorem suum hodie, postquam illud videt
 perduellionis ruinis impositum; fœlicique commutatione fato-
 rum, à REGE LVDOVICO, immortalitatem regni, nomi-
 nisque Galliei confirmatam, ex quo hæreticus desertor occu-
 buit. Cui enim Cœlum aut lubentiùs laboret, aut gloriosius,
 quam ei principi, qui Numinis hostes euertit? Quem alium coro-
 net ambitu sæculorum, & temporum, quàm eum, à quo tot lau-
 reis coronatur? Delubris eos coluit antiquitas, qui istis ipinora
 fecissent, & pro Dijs habiti sunt apud suos, qui tecum, REX
 FORTISSIME, comparati vix homines viderentur. Quot tu
 ergò sana, si vixisses illis temporibus, neque te ad fœlicitatem no-
 stram fata seruassent, quas ædes, quo numine consecrasses? Quam
 Religionem populis attulisses? Non ciues, yr aliorum solebant,
 sic tuum funus expectassent, tempus illud sacrificijs occupassent,
 ipse viuus habitasses in templis, auxisses orbis cæremonias, & aris
 impositus, quibus auribus nostris hunc percipis, eisdem omnium
 vota gentium accepisses. Verùm tu qui solidis abundas laudi-
 bus, hac inani superstitione non indiges. Non crescit mendacio
 veritas, ad superos vita, non fama nos euehit. Tuis maior es in-
 crementis, quàm fictæ religionis encomijs; maior sublimi demis-
 sione maiestatem tuam extollere, quàm abiecta superbia, & sor-
 dido fastu deprimere. Gaudes conscientia bonis, nullaque præ-
 terea re, quàm virtute, vis cæteris eminere mortalibus; adeoque
 diuina cum facias, humanam sortem non erubescis. Faceat er-
 go vana hæc species religionis, vetat ipsa religio regis laudes sa-
 crilegio prosequi: quàm sunt illa deformia, quæ crimine cala-
 misfrantur; virtus virtute laudatur, nunquam consecratur a
 vitio. Votis publicis oratores alij suorum principum facta com-
 mendent, faciam ego vt intelligant vniuersi te tuis factis,
 REX AVGVSTISSIME, vota mortalium superasse, & si vo-
 ta vniuersorum, quantò magis mea vnus præconia superasti?
 quidquid tamen de te dixerimus, dictum erit magnificè, quia
 nihil fecisti humiliter, & demissè; toties amplissimè laudaberis,
 quoties verè, quæ gesseris, narrabuntur; rursusque toties
 vera de te audies prædicari, quoties recitabuntur amplissima.
 Ornasti tu facta: corrumpet qui meliùs ornare voluerit. Mit-
 to igitur esse sollicitum de cultu orationis, postquam tantus
 est splendor in ipsa materia. Narrabo sine multo apparatu quos
 hoc bello hostium populos viceris; quàm rupem, quàm Rupel-
 lam expugnaris; quas procellas, & maria fregeris. Sed adhuc
 ne-

neceſſe eſt ſcire, quòd dicendi initium, quem modum facere debeam: non quod laudes tuas, quæ ſunt immenſæ, credam vllis terminis definiri poſſe: ſed ne infinita fiat oratio, ſi in proferendis tuis trophæis, velim ire per ſingula. Sequar igitur in ſcribendo ordinem agendi tuum, & cùm magnitudinem hoſtis, quem oppreſſiſti demonſtrauero; tùm pugnæ genus exponam, ſeriemque victoriæ.

Hoſtis erat vincendus ille, qui ſuoſpte ingenio ſemper elatus, nunc certè longo virium ſuarum uſu, & fortitudinis experimento, ſuprà modum tumidus, certior ſibi ſemper de victoria, quàm de prælio videbatur. Erat communis omnium ſenſus, Rupellam temeritate, & audacia tentari poſſe; quæ hinc arduis quidem propugnaculis, foſſa præcipiti, pendenti vallo, continuato aggere, lenta palude, molitione multiplici incluſa eſſet; illinc verò latiffimo, altiffimoque freto munita, cui proiectæ turres incumberent, & obijcerentur portæ, tranſuerſis cratibus, horrenti ferro, armatis nauibus, ferilibus tormentis, ineluſtabili catena vallata: adeò multiplici carcere debuit, antequàm moreretur, includi rebellio! quæ ſe virtute tueri non potuit, debuit machinis, & quæſita munitione defendere. Quot dementia vallis indiget? ſeiſam innocentia ſine custode tutatur; impietas nullo arcium munimento ſecura eſt. Medijs ſoluta Rupella viuebat in vinculis; ſemper pauida, quia ſemper rea; ſemper de præſidio ſollicita, quia conſcientia ſcleribus ſemper obſeſſa. Accedebat vis annonæ incredibilis, vini, frumentique numerus ingens, apparatus denique rerum omnium toto ſæculo meditatatus. Nimirum omnia ſibi neceſſaria timor putat. Præſtò erat exercitus in Occitania; reliqui ſigno dato in caſtro venturi, palàm, & publicè dicebantur. Subſidiorum præterea opportunitates innumeræ, robur Angliæ coniuratæ, præſidiarius miles erat intrà mœnia receptus, vt pugnarent exteri, ciues ſine periculo triumpharent. Non obſcura erant iurata ſociorum auxilia, & cæterorum hæreticorum varijs locis factiones; petebatur hæreſeos caput, quiſque manum obiectabat. Procerum, etiam quorundam, vt rumor tulit, enormes coniurationes celebrabantur, illius nefariæ ſocietatis tabulæ, perduelliumque ſicariorum adſcripta funeſto catalogo nomina circumferebantur, confœderatorum dignitas (ſi in proditione patriæ aliqua dignitas eſſe poteſt) famam, nomenque ſcleribus colligebat; quem deterrebat atrocitas facti, facientis aucto-

ritas inuitabat. Immensas quasdam habet vires ad persuadendum nobilitas generis. Speciosa sunt crimina, quæ in purpura nutriuntur. Ad hæc infinitis bellorum sumptibus Regis exhaustum erat ærarium, nobis tum classis nulla, quadriremes iam pridem dimissæ, caritas annonæ hoc tempore summa, frugum interitus, vrgens fames, grassantes morbi, pestis locis omnibus multa: malos premebamus, malis obruti: obsidebamus paucos, omnes obsessi: vix licebat viuere, & vincere volebamus. Augebat infinitè superbiam hostium longa belli experientia; quippe qui non solum olim sæpè, modò cum Anglis, modò cum Batauis; partim cum Hispanis, partim cum Lusitanis, conflisissent: sed & nuper Regis classem tum Oceani, tum Mediterranei maris copijs instructissimam duobus prælijs fortiter sustinuisent. Quis in tanto apparatu Rupellæ sensus? Eò deueherat impudentissima ciuitas, vt dudum cæteris gentibus cladis metum inferre, regum purpuram, leges, & oracula conculcare; Reipublicæ succum, & sanguinem exhaurire; cædes, & incendia circumiectis regionibus, & agris obijcere; antiquas Drusiæ prælijs, Dionysiaci, Iarnacensis, Moncontorijque tragedias renouare facillè posset. Tantum erat in impudentia roboris, tantum virtutis in scelere! Rupella reginam agebat imperare docta, quæ nunquam parere didicerat: administrabat omnia summa authoritate, cæteris prouinciales indicebat, publica comitia conuocabat, militem tum domesticum, tum externum conscribebat, prouincias, præfecturasque diuidebat, ius cudendæ monetæ sibi arrogabat, inurebat sigillo, ferebat edicta, imperabat pecunias, portoria exigebat, in omnia demum tyrannico dominatu inuadebat, vt incertum videri posset, plusne Regi per authoritatem, an subdito per crimen, audaciamque liceret. Horrebat immaniter Rupes ista, celsaque fronte crescebat in dies, vt ponderosius rueret: periculis superbiam animabat, erigebatur denunciatione bellorum, vel ipsæ sanguinis specie pascebatur; decernere videbatur illi triumphum, quicumque prælium indicebat; maiorque persuasione quàm robore nunquam cessabat ab iniuria, ne causæ bellorum interirent; scelus alebat quotidie, vt vel crimine prælia nascerentur. Quis tandem hanc arrogantiam, hos spiritus frangeret nescit timere, quæ tanta sperat, nescit cadere, tot victorijs instituta. Vbi periculum, inquit, si noluerò periclitari? vbi hostis, si ipsa mihi non fuero inimica? didici vincendo quid possim. Sic plena sui Rupella se impudenti ore iactabat.

Mouebat illud nos quidem, cum nobiscum funus istud domesticum

sticum viueret, penè tamen vetabamur fateri dolorem nostrum, miseræque maioris metu, vix licebat in communi miseria vultum portare fortunæ. Sedebat enim in regni visceribus virus illud, quod sinè miserabili pectoris totius laceratione non poterat euomi; quodque nisi euomeretur, Respublica non poterat conseruari. Oppresserunt Pannonas Hunnij, Græcos Turczæ, Italos Ostrogothi, Hispanos Visigotti, Syrios, & Ægyptios Saraceni, sed illorum immanitas cum rebellium hæreticorum furore comparata, humanitas dici possit. Ferrebamus iugum Franci, quæque cæterarum gentium seruis dat Gallia libertatem, ipsa seruitutem à subditis quodammodò tolerabat, adeò probum illud imperij, nec ferri poterat, nec auferri. Quid? non desperat propterea Carolus IX. sed anno millesimo quingentesimo septuagesimo secundo colligit totum robur imperij, floremque nobilitatis, conscribit numerosum exercitum, vim tormentorum maximam rotat, immensos sumptus facit, Ducem Andegauensem copijs præficit, qui illo bello Rex Poloniæ electus, sælici sceptrorum ordine, venerandum Henricorum nomen, & seriem aucturus erat; & ab Sarmatico illo tyrocinio maior venturus ad Galliæ principatum. Is Rupellam aduolat, castrametatur, copias explicat, urbem vallat. Proh tempora, quam me labem refricare coegistis! Erat in armis pro Rege, Regis ipsius frater, Dux præstantissimus: arma Rex Nauarræ coniunxerat, Henricus ille nondum magnus, qui & ipse sæliciter successit in regnum: aderant viri Principes Condæus, Contynus, Duces Montispenserij, Gnyfij, Aumalæ, Niuernenses, Longauillæ, Bullionij, alijque toto regno proceres infiniti: accurrerat ex mandato regio fortissimus ille Biro cum cohortibus octodecim, turmis equitum septem, machinis muralibus vndecim. Quid præterea? quinquaginta millibus armatorum Rupellenses obsidentur, tormentis sexaginta nulla intermissione murum quatientibus vrbs oppugnatur, parte alia suffocatur, alia quassatur: fit labes ingens, & à vetusto vrbs fonte ad Euangelij propugnaculum, quod vocant, mœnia lacerantur: turris Cognienfis à fundamentis euertitur nouies in urbem irrumpitur, nouies Rupella collata in vnum omnium signa sustinet. Quid tandem? cecidit in irritum totus ille quam magnus fuerat apparatus, sterit Rupella nondum benè degustata, fusæ obsidentium copiæ, mutilati non pauci, trucidati innumeri, obtrita prima acies, lacerata proxima, territa, dissipataque postrema, viri principes multi miserabiliter cæsi, missa è tormento pila Dux Aumalæ interfectus, Dux ipse Andegauensis penè illa clade implicatus,

fus, nisi excussum in illum plumbum, fidelis æmiger nomine
 Vinsus, interiecto corpore recepiſſet; ac demum vndecim
 millia noſtrorum, calamitosa ſtrage deleta. O rupem homini-
 bus inaccessam! O formidabilem hoſtem! O inexpugnabilem
 ciuitatem! qui pugnantium cumuli! ſed qui tumuli ſepulcrorum!
 acceſſerunt innumeri, facile fuit numerare qui receſſerunt. O
 rupes! O clades! O funera! illa tamen Rupella, rupes illa, ille
 victor populus, populus ille tot ſerè palmarum, quot capitum, ti-
 bi LVDOVICE, relinquitur debellandus. Hic habes Cannas
 Hannibal, hic Actium Auguſte, hic Ciliciam Alexander, hic Car-
 thaginem Scipio, hic Phariſiam Cæſar. Accedant recentes om-
 nes expugnatores arcium, & ampullati rerum geſtarum ampli-
 catores, ſuas expeditiones conferant cum obſidione Rupellæ.
 Verrucam iactant vnum ſcilicet terræ iugerum. *De quo quis vi-
 ſo dicere poſſit, ubi eſt?* Oſtendam ſuam oſtentant illudne rece-
 ptaculum paucorum de naui hominum, & exilium piſcatorum?
 Rhodum inſulam memorant, ſed interceptam, & Chriſtianorum
 Principum auxilio deſtitutam: Iuliodunum aſſerunt, ſed vaſto
 murorum ambitu difficile ad tuendum: Melitam prædicant, ſed
 belli caſibus ſuperiorem; Viennam loquuntur, ſed inexpugnabi-
 lem Solimaro: Metas celebrant, verè metas, quas antiquo opere
 malè munitas Carolus tamen Quintus centum armatorum milli-
 bus fretus non potuit transgredi: Nos Rupellam dicimus expu-
 gnatam à LVDOVICO, cæteris omnibus inſuperabilem: Ru-
 pellam, inquam, non vaſtam amplitudine, non deſertam infre-
 quentia, non preſſam anguſtijs, non rudi deſenſam milite, ſed in
 Regni finibus ſitam, confœderatis gentibus finitimam, omni-
 bus belli præſidijs opportunam; veteri quidem, ſed multò magis
 recenti munitione formidandam: cuius portus non ſit accerſitus,
 ſoſſæque quæſitus vt Antuerpiæ: non incommodas, & difficilis, vt
 Iccius; non periculofus, vt Oſtendæ; non vaſtus, vt Gratiæ ſinus:
 ſed tum loci natura, tum arte omni firmatus, vt incertum eſſet
 plus naturæ deberet, an arti, dum ars natura ſuperaffe, naturam
 nullum arti locum reliquiſſe videretur. Tanta nimirum eſſe
 debuit, qui ad arma Regem tantum adigeret; alteri enim ſit in-
 uictus neceſſe eſt, quemcumque LVDOVICVS oppugnat, qui
 cæterorum ducum deſperationem in victoriam vertit, & per acer-
 uatos confectorum hoſtium cumulos, ſuorum curtus agitat trium-
 phorum.

Metuenda quidem erat difficultas cingendæ ciuitatis, procel-
 loſiſſima præſertim anni tempeſtate; timendus hoſtilis exerci-
 tus,

tus, quæ aderat è Regione Rupellæ, Anglus ille mari cedere nescius infinitis naualibus prælijs, victorijsque superbus: moram fecisset alteri locus ipse, qui stagnanti paludè simul insalubris, atque subsidens, solus obsessurus erat relictus: occurrebat ingenium accolarum, quorum maxima pars, ut erat hæresis labe corrupta, ob ipsam quoque viciniam poterat esse suspecta: commovebant omnes, prisca tùm externorum, tùm civium nostrorum historiarum, qui tot, tamque numerosis exercitibus instructi toties frustra cum Rupella contenderant: videbat Rex ipse rebellium horrea cumulari expilatorum populorum commearum, spolia prouinciarum in urbem quotidie comportari, quodque grauis erat, non prælio rem posse confici, sed locum, stagna, paludes, æstuaria, turbines, imbres, procellas, terras, maria, desperatosque rebelles esse antè superandos, quàm Rupella potiretur. O difficultates immensas! ò inextricabiles series præliorum, laboresque perpetuos! quem non ista moles rerum oppressisset, quæ Regis animum omnibus difficultatibus celsiorum erexit! An putatis hoc aspectu negotiorum, bellorumque nexibus esse commotum? audite quæ dixerit, dicturi sæculis, quæ audistis. Ibo, inquit, ibo maioribus meis maior, & nobile posteris argumentum; tulit superior ætas, quod sequutura non feret; pereant, aut pareant, quos Deus nostro subiecit imperio; ad pedes cadat, qui mecum ad manus venerit, & infelix congressu nobilitetur interitu. Hæc oracula lituis, & buccina commutauit, conclamatum est ad arma, contractus exercitus, Rex ipse nondum è graui morbo receptus, cum lectissima nobilitate fudit se Parisijs, militem rapuit, Rupellam aduolauit, tenuit, cinxit, perdidit. In quo quid primum nos mirari iubes, Imperator; exordium belli, an exitum? celeritatem aduentus, an constantiam obsidionis? hostis audaciam, an fortitudinem tuam? utrumque certè stupore dignissimum, nisi quòd teneor promissi reus, & necesse videtur seriem recitare totius belli, cuius difficultatem exposui: nos satis superque hostis audiuit, te videat aliquandò: gandeat Rupella de robore, dum te intueamur hoc altero orationis loco, de illius contumacia triumphantem.

Erat, ut diximus, concisus æstuarijs locus, in quo vno castrametari Rex poterat, paludes interiectæ admodum insalubres, cælum crassum, solum lubricum, stagnum murum. Proh superi, per quot bella, ad vnum bellum est ventum! Quoties certatum est, ut semel certare liceret: stagna oppugnauimus

uimus primùm, antequam procellas expugnaremus, hæsit in palude nostræ militiæ rudimentum, ut in Oceano victoria tota consisteret. Solum arrisit disciplinæ, cælum affulsit victoriæ, locus ipse visus est dedisse locum virtuti. Castra montibus vallauerit Hannibal, Tamerlanes in vrbs modum ædificauit, Attila militariibus pellibus obruerit, sarcinis Græci, curribus Germani, testudine Romani se texerint: tu, Rex inclyte, qui nolebas suffurari victoriâ, in aperto campo sedisti: In hac, inquam, æquata planitie noster explicatur exercitus, ut hostis implicaretur; Inferuntur signa, ne lateret aduentus, vrbs ex itinere saluatur, adeo expetebatur. Dum hæc geruntur vidi fortiri vultu perduellem terrere gestu, spe ipsa diripere. Nutasti, credo, furiosa rebellio, cum te foris LVDOVICI IUSTITIA, domi conscientia sceleris obsideret; impalluisti, quæ ruborem amiseras, nunquam alba magis (quippe te urbem Albam prædicas) quam cum alba Imperij Lilia suspexisti. Sed quod à rege discessimus? immo verò quo Rex discessit à nobis? auolauit celeritate victoriæ, en iam toto Rupellæ ambitu se maiestas illa diffudit. Virtus nullis limitibus continetur, sed impatiens claustris, vltro se iactat sui nominis, & numinis explicatrix. Parum fuerat scilicet labore superasse loci naturam, nisi artem victor noster ingenio superaret. Toto igitur continenti propugnacula iubet excitari, aggeres extrui, vallum duci, triumphum leucarum circuitu, Rupellam fossis iuxta, & interpositis statiunculis, ad communicationem armorum circumscribi. Sequuta est Ducis imperium celeritas operis inuitata, hic vallum ferre, ille cæmenta conuehere, lapidesque portare, palum alius defigere, alius humum egerere, cespitem moliri, tectum, fingere, inducere, cumulare, exaggerare, sui quisque gradus obliuisci, dignitatem labore metiri, meritum opere, maior ille prædicari, qui actuosior, ille præfici, qui plus aliquid perfecisset, pro se quisque demum contendere ne illo laboris certamine vinceretur. Addebamus interim fatigatis alacritatem humanissime PRINCEPS, omnium onera vultu portabas, laborem nutibus subleuabas, opus laudibus compensabas. Quid extulisti tanto opere prisca monumenta Dionysium, quod sexaginta millia operarum exerceret, cum mœnibus areas Syracusanas ambibat? quid Neronem, historici, quod humeris corbem ferret, cum Isthmum Corinthiorum perfodiebat? quid Caracallam, annales, quod semper laboris initium faceret, cum in castris agebat? quid Manuelem Comnenum, Græci, quod saxa veheret, cum Dorylæum renouabat? quid Constantinum, Romani, quod terram foderet, cum

magnificentissimi templi fundamenta iacebat? LVDOVICVM habent Galli; qui singulis militibus adlaboret, tantum ipse conficiens operis, quantum imperet vniuersis: architectus in opere, miles in vallo, dux in agmine, vbique Augustus. Sed, vt video, dedignaris hanc laudem, sapientissime REX. Tua tantum esse putas, quæ tecum nullus alius fecerit; maior ferre virtutis, quam laboris encomium, illa in te egregia, hic tibi communis cum milite fuit. Pugnaverat Imperator ingeniosa compositione castrorum, reliquum erat, vt disciplina, & ordine militiæ triumpharet: scripsit ergo militibus suis eas leges, quæ vt sibi scriberentur contendere ipsi debuissent; docuitque prius vincere morum integritate, quam firmitate neruorum. Et quidem quisquis in hæreticos pugnatus est, debet virtute, quam manu certare validius. O nouam bellorum faciem, nouumque genus oppugnationis! hætenus creditum erat peruerso, & præpostero præliorum vsu, bellum sine cæde, sine facinore, sine contumelia numinis geri vix posse; sed ex quo nostrum militem vidimus à cruore, à libidine, à conuicio tam alienum, credi cœpit inter ipsa arma, locum esse virtuti, scelusque non stipendiarium esse belli, sed voluntarium administrum arbitrij. Quid quodd totum exercitum concolori veste donauit, vt qui corporis cultu similes essent, solo animorum ornatu distinguerentur, & quantum alij bombyce, & purpura nitere amant: tantum ipsi virtute cæteris emerent: Ibant olim milites in aurea veste sub Antiocho, in picta chlamyde sub Sertorio, in purpura sub Cleomene; in expositis armis sub Cæsare, in rubenti sagulo sub Artaxerse, in candenti tunica sub Cyro, in scuto puniceo sub Agesilao, in fibulatis auro caligis sub Aureliano, in amictu argentea cruce signato sub Constantino. Ierunt nostri sub LVDOVICO, in veste non ad delicias molli, non ad pompam ambitiosa, sed ad militare robur, & pugnam accincta: ferro, non auro miles indiget, bellum ardore geritur, non nitore.

Interea dum vestem militum contemplamur, nudata est suis arboribus, vitibus, hortis, segete, sepibus tota, quæ ad Rupellam est, planities, distributus in classes, & manipulos exercitus, defixa signa, obtentæ pelles, substructa longo ambitu propugnacula, duodecim inter se fossis continuata; dispositæ ex interuallo, vigilibus, & excubiatoribus stationes descriptiones multiplici, rotundæ, quadratæ, extantes, depressæ, proiectæ, subductæ, lunatæ, cyclicæ, hemicyclicæ, triquetra, quadrangulares, varæ: perduellis denique ciuitas omni à terra aditu prohibetur, cauendum est tantum ne euadat Oceano. Nondum, vt fatear, quæ parte vastissimo

finu

sinu alluitur, conclusa erat, sed adhuc sedebat in portu, quia par-
tum nouum classe tenebamus; quamuis enim ex utroque litto-
re fortissima castella obijcerentur, vnde multa vno ordine tor-
menta in nauigia detonarent, peruium tamen erat mare, & facile
vtrò citròque commercium. Quis hanc Rupellensi eripiat fa-
cultatem? Venerunt quidem in suppetias exteri, vt hostem ab in-
sulis nostris expellerent, sed serius appulerunt, siue quòd grauior-
es naues ducerent, siue quòd obsessam insulam (quam ream,
esse omnes intelligunt) vnus LVDOVICVS IVSTVS posset
absolvere. Etsi vcrò nostra fœlicitas inuidit illis victoriæ, glo-
riam, hoc tamen fortissimi iudicandi sunt, quòd soli mare te-
nuerint, quòd eos non expectauerit Anglus, quòd nullus obsti-
terit: & qui tardius venissent, prius vicerint hostem, quàm vide-
rint; est in experti temerè in negotia ruere: lentè festinare, sa-
pientis. At at, dum ista præsidia moras trahunt, tenet Oceanum
Rupellensis, eripienda sunt illi maris effugia. Huc agite vestros
myoparones, minutissimosque pontones Armorici, huc scaphu-
las, & lembulos Aquitani, huc aphractula, & actuariola Cantabris
plus Gallus poterit in liburnis, quàm in rotundis, & constratis na-
uibus Anglus. Ita factum est, non sine omnium stupore, nauigio-
sis lembulis, myoparunculis vectariolis, velocibus, celeribusque
cursorijs mare tenuit LVDOVICVS annum ipsum pugnare pa-
ratus, si hostem is animus habuisset. Quis credat epibadibus ca-
taphractas, lintribus rostratas Britannorum classes sustineri po-
tuisse? Fuerit illud ad fortitudinis specimen, erit quod sequitur ad
terrorem.

Non satis erat classibus insultasse, nisi insuper insultasset O-
ceano: machinatus est igitur aliquid, quod homines satis mira-
ri non possent, ipsa maria pertimescerent. Intelligitis quòd mea
spectat oratio, iamque suspicitis ædificatum in æquore vallum,
illud, carceribus frænatos impetus indomiti hactenus pelagi, ne
rebelles à iugo se liberos fortè putarent, vbi mare libertatem
amitteret. Quis posterorum cum legerit, humano consilio fa-
ctum puer? quis perduellium cum viderit, neget pelagum iustitiæ
stipendijs militasse? quis barbarorum cum acceperit, testes oculo-
los non adhibere volet ad fidem? Illi ipsi qui quotidie, videbant
formidabiles illas moles, qui pedibus calcabant, qui militares in
illis excubias agebant, suis sensibus non credentes eò laborabant
persuasionem pertingere, quò Regis fortitudo peruenit. Iacienda
moles erat, quæ totum sustineret Oceanum, nec ventorum,
quassata, turbinibus, nec fluctuum assultibus verberata, nec
æstus

æstus inundationibus superfusa obrutaque titubaret. Pij principis erat hoc patrare miraculum, nemo id si maxime vellet, præstare potuit, præter LVDOVICVM XIII. qui primus soluit, quod potuit solus. Mare impatiens operis videbatur, nisi immensi laboris patientia victum esset; disceretque per gradus subigi, & sævientis freti inclementia imperioso fræno coerceri. Vnius numinis mutare sedes elementorum, æternosque rerum cursus obice temporario sistere: paret Deo natura omnium parens, cæteris hominibus imperat. Summa erat altitudo maris, sed altius adhuc Regis ingenium rapidus vortex, sed stabile consilium Ducis; dubij casus, sed certus, & constans militis animus; varij vndeque metus, sed vna omnium spes facilius esse nostro Principi, quæ vellet efficere, quam quæ efficeret, velle, qui rerum successus sua voluntate definiens, etsi maiora, quàm cæteri omnes, fecisset in Gallia, fecerat tamen semper minora, & minora viribus suis. Quid? iaci cœpit illius prodigij rudimentum qua parte fretum erat angustius, satis longo tamen intervallo ab vrbe dissitum, nè si remotius esset, architectorum laborem vinceret profunditas aluei; si vicinus, labore hostium vinceretur, & noceret propinquitas teli. Principio igitur defixæ sunt ad continendam futuram struem parte omni trabes ingentes, alix transversæ, & decussatæ, vt demissos lapides ingeniosis quasi brachijs amplecterentur; erectæ alix, vt primos impetus frangerent, vndas supercilio deterrent: quædam in quadrum ductæ, commissæque quadrando, stabiliendoque operi, quædam in propedem, talamque proiectæ, vt illa machinarum decliuitate, mollique deiectu clementius fluctus exciperentur, ipsosque inoffensos inoffensa molitio refunderet pelago. Ingesta subinde generis omnis saburra, maxima vis lapidum temerè iacta in profundum, superaddita cumulo prægrandia pondera, nondum tamen oppleri potuit barathrum, sed dum helluatur accepta, nouis pabulis inhiat, quin ponderibus attollitur, effunditur, & amplificatur in vinculis: insaturabilis nempe quædam est fames, inexplibilis alueus, & alius Oceani parte omni fauces aperit, quæ pabulum obieceris, hæc vorabit, & saturitate voracitatem accendet. Quis illius intemperantiæ modus sit, & finis difficultatum? opposita quidem fluctus eluctabantur repagula, sed adhuc soluta machinatio sine compagibus erat, sine commissura, sine cæmento suis tantum librata, firmataque ponderibus; hiabat malè materiatus murus, aquas transmittens; conferti sine ordine lapides, cum fluctibus voluebantur, & trahebantur in præceps; temeraria de-

mum,

mum, & indigesta illa substructio, nullo nixa fundamento, hostisus ciebat, metum afferebat militi, animos addebat Regi, qui malit cum natura luctari, quàm cum fortuna triumphare. Neque verò diu stetit sinè nexu fabrica, sed seipsas aquæ prodiderunt, quæ dum se in rimas saxorum insinuant, & crudum parietem, interluentes tentant inconditam laxare compagem, secum cœnosam viginem conuectabant, & luto quouis glutine tenaciori congeriem aridam officiosè adstringebant: peruium murum reperebant, sed aquis succedentibus limo incrustatum relinquebant: transibant fluctus nunquam redituri, & rimas implebant, qui labores facturi videbantur immanes. Quid porro? Hactenus successerat labor, sed (vt fere natura magnorum operum) difficultas crescebat in manibus, & quæ fuerat initio maxima, maior erat in progressu: Etenim quò magis ab utroque littore molitio recedebat, hoc gurgis altior erat, & quemlibet aggerem vasta vorago sorbebat auidius, æstus ipse turbulentiùs agebatur, insana fluctuum volumina medio alueo atrociùs bacchabantur, nostraque repagula quasi sibilos explodebant, mugitibus indignabantur. Iam deficiebat materia, qua tam ingens charybdis impleretur, & nisi latomix fuissent, supra quàm credi potest, vberes, & fecundæ, periculum erat, nè lapidum penuria fabrica nostra penderet, sed tam diues vena fuit, vt ipsa saxa sub manum, ferrumque subolefcere viderentur, cædum esse dixisses lapidum nemus, quod depastum syluesceret, grandesceret imminutum: Hac tam fertili, & copiosa officina fretus maturare cœpit Imperator obsidionem, aquarum, lapidicinas recentes aperiri iubet, nouas rupes excindi, omni contentione opus vrgeri, conferri fragmina montium, syluas adhuc ingeri, totas terras vndis inferri, glebas saxis, saxa aggere, aggerem nemore, nemus scopulis, scopulos montibus acervari obuiam; igitur materiam pro se quisque rapere, molaria pondera in mare voluere, terræ penetralibus pelagi viscera saburrare, elementum elemento confundere. Stetit illa tandem vasta, operosaque substructio, veluti porticus toto eminens pelago continenti ordine fabricæ, nisi quoddam in medio salo apertus erat tolerabilis aditus, ne omninò maria desperarent. Nolebas enim prohibere, REX PRVDENTISSIME, nè fluctus laberentur vterius, sed cohibere rebellionem, nè iterum elabi possent; duxisti quippè ab utroque littore molitionem directam, sed medio alueo pendere iussisti obruptum opus; aggeremque continuare noluisti, vt omnes intelligerent, non quantum posses, sed quantum velles, fecisse te, qui poteras æstum frænare, quia iussisses, cui viam faceres, quæ

volebas. Iter vndis reliquisti, vt rupto muro contumacem vrbem cumulati fluctus inuadentes, pergerent ad rebelles tuæ fortitudinis nuntij, spumantique fremitu loquerentur, quàm ægrè, sinuosèque transissent; Quamquam enim medio moles hiaret Oceano, defendebas tamen interuallum illud, multiplici lignearum machinarum ordine, & hinc quidem quæ se mare latius aperit, longa serie candelaborum, vt vocant, naufragijs prælucebas: inde verò quæ itur in urbem, demersis onerarijs, iunctoque nauium inædicatarum rudente, hiatum incluseras, vt nullus accederet, qui firmitatem operis non probaret, ibique fortior esse videreris, vbi vel robur muri defecisset. Sic mare nauibus, fræno, machinis, obice, milite, ponderibus tenuisti. O conuulsos cardines rerum; O domitas naturæ vires! O humana miracula! hæsit in lubrico firmissima moles! non fluctuauit imposita fluctibus! vortices fregit ipsa non fragilis! ruentis pelagi fremitus audijs statio, surda, quæ dum obluatur Oceano, argumentum furoris est hosti, exemplum constantiæ militi. O nunquam audita prodigia! stant aquæ! fluctus ipsi pendent! credo admiratione librati, contrà natant terræ non nutant tamen, sed in naufragio portum tenent! Nostri milites periculis ire, quæ nulla præcellis exemplo, nulla sequutura sit ætas ingenio! tormenta rapere, quæ vortice rapitur vnda citatior! excitare tempestates in sicco! portum in tempestatibus collocare! ignes in aquis accendere! ætris maria sociare! Est adhuc in ista oppugnatione, quoddam plura quàm expectaremus regem perfecisse miremur, nec illis similem extitisse, qui nihil detrectent, dum nihil impleant operis. Satis erat nobis, si superioribus annis prætendi freto catena ferrea potuisset, quæ maris commercium interdiceret hostibus; vt autem Rex tot onerarias in mare demergeret, vt tot muralibus machinis, missilibusque littus vtrumque defenderet: vt trabes illas solidissimas nexis capitibus excitaret; vt crudo aggere, glebisque stru-tilibus tam firmum luctamen procellis obijceret: vt super his molibus, fluctuantique vallo suum armamentarium collocaret; vt sine classe classem Anglorum, classem vndarum, classem turbinum retardaret, nullus ausus esset corpore. Rex solus votis omnibus maior, reslantibus licet Aquilonibus, & contra nitentibus frustra tempestatibus perficere potuit. Quoties enim procellas infremuisse putandum est, & immanes aquarum moles nostris molibus opposuisse? vt canes, sic fluctus obiectis lapidibus adlabant: morfu inuadebant, sed inani; Irruebant odio turbulenti, recedebant metu exalbescentes, & spumei, viso hoste timidi, qui
antè

furiosaque Diomedis præsepia videbamus. Nulla in Vrbe salus, quot ciues, tot Sandapilarij: tot Massaghetum popæ, tot carniuori Cyclopes, tot esse funesti carnifices credebantur. Hic amissum filium in mortuorum aceruo quâsi publico! spoliario quærere; hic enectum fame abijcere; hic discerptum, & laniatum suspicari; Omnes denique plûs caninam libidinem dentium, quàm mortem ipsam, famemque timere; Quid, inquam, facerent? in restum rei summa redierat; sola supererat obfesso, aut clementia principis, sed noluit experiri: aut proprij ferri voluntarius rigor, sed clam perire non meruit. Vbi grandes illi spiritus, quibus nostros exercitus diffilare posse credebatis Hæretici? vbi folles illi minarum, magnificæque verborum pompæ? vbi supercilium illud, cui tantæ victoriæ, tantæque tragœdiæ nitebantur? O rerum conuersiones! ò improuisam calamitatem, tantis tamen criminibus debitam! ò famem! ò furem! ò lanienam! Fidem iam habeo annalibus, cum Cambyſis exercitum referunt eò fame fuisse compulsum, vt decimus quisque miles sortitò mactaretur, ferculum inhumanum fururus: non inficior eò venisse calamitatis Romanos, cum obsiderentur ab Alarico, vt in Circensibus ab Honorio Imperatore flagitarent, humanæ carni prætium poneret: non nego Cassilinos eò angustiarum redigi potuisse, vt apud illos mus ducentis nummis vnus venierit, cum Hannibal immineret: non reuoco in dubium Calageritanorum inedia, qui, nè in Pompeij manus venirent, vxores suas, liberosque sale condierunt ad pabulum; non duarum mulierum illarum furem, quæ Romæ, oppugnante Urbem Vitige, septem suprâ decem milites iugulatos deuorarunt: non Iudæorum decantatam illam cladem, qui absumptis denique omnibus, ad sterquiliniam, cœnumque conuersi sunt. Fidem horum omnium facit Rupellensis calamitas. Saguntinam, Perusinam, Melicam, Constantinopolitanam, Lydiam, Hierosolymitanam, Potidæam famemq; datur alijs legere, nobis datur intueri, dum Rupellensem videmus. Negotiosus interim in otio miles noster habitabat in tecto, sine armis præliabatur, Urbem obsidebat oculis, ludens vallabat, pacem alebat hoc bello, bellum hac pace conficiebat, relinquebat hosti moriendi spatium: Quanquam eos perire noluiſti, Clementissime Princeps, qui spontè perierunt, ne tuo beneficio viuerent: perditos itâ perdidisti, vt vltrâ sçuire non possent, neque tamen itâ sçuisti, vt omninò perderentur: Iratus es illis, ne diutiùs furerent; latissimo ambitu conclusisti, ne præmerentur, vallasti, vt custodi-

res; custodisti; sine cæde, ut ipsi sua sponte cederent, fecisti denique sine inuidia sanguinis, quod à me dictum sine inuidia mendacij nulla postea natio crederet. Prædicabitis posteri belliosam illam quietem, & pacem expugnatricem, dum agros sanguine naufragos, terras cædibus erubescences, exhaustas habitatore provincias, fluuios mactato cadauere retardatos, famosasque laniena victorias duces barbari prædicabunt. Sunt illa gladij lucra, non sceptri; furoris irritamenta, non belli præsidia: virtute, non crimine bella geruntur: cruore victor impotens, clementia moderatus vincit. Ergo noster Imperator pace maluit inuenta, quam funesta palma potiri; maluit vincere, quam necare.

Non te mouet hæc pietas, desperata Rebello? resistis adhuc tot fracta virtutibus? Cede Rupella, cede clementiæ, nisi parueris cessura iustitiæ. Viue Regi, vel morere tandiu rea, quandiu clausa: tam improba, quam hæretica; disce occumbere, cum pudore, quæ sine fronte vixisti; disce cadere, quæ toties cecidisti. Anglus desperat, Soubisus exulat, Rohannus tenetur, mare concluditur: omnia te ad exitium rapiunt, fames enecat, Rex obsidet, conscientia exanimat, quid dubitas? pone superbiæ metas, pone modum audaciæ. Restitisti rebellis, cedendum est principi. Cessit, portas aperuit, Regem accepit. Triumphate Galli, LVDOVICVS superauit: fortitudini regiæ ignaua superbia, pietati perfidia, pertinaçia necessitati succubuit. Imminebat hyems; absumptus erat omnis commeatus; reditum parabat in Angliam tam sæpè fractus Britannus; Accedebat in dies ad regia castra voluntarius miles; exaggerabatur magis magisque moles in Oceano; audiebantur in vrbe miserales morientium voces, muliebres eiulatus; clamores inconditi, tristesque vagitus proiettorum infantium: populabatur Urbem totam cumulatissimis funeribus fames: ciues ad viginti millia extrema inedia interierant: nihil intererat hostem acciperet Rupella, an retineret; grassabatur peior omni malo desperantis militis immanitas; omnia sibi licita putabat furor publicus, vbique dabantur funestæ tragicodiæ: citius sepulcra, quam domos: cadauera, quam homines inuenisses; mors locis omnibus occurrebat. Proh funestum, tragicumque spectaculum! Tandem Rupella tot oppugnata calamitatibus, expugnata est: submitte se Principi, triumphatorem admisit. O nobilem, ac fortunatam Victoriâ! ô triumphum nulla ætare silendum! quo Aquitania pondere, quo opprobrio Gallia, quæ
peste

peste Religio liberaris! annum obſidio tenuit, victoria ſæculis omnibus permanebit: Viuet typis Rupella, quæ criminibus occidit: ſibi perierit, poſteris non peribit: corruiſit noſtro tempore, æternitati ſtabit. Huc ſtylum, huc nobiles curas hiſtorici. Narrate populis rebellium funus daturum immortalitatem hiſtoriz: fatum neſcient ſcripta, quæ fatum hoc ferent. Quantus accedat ſplendor annalibus, cum reuerendis ducum noſtrorum nominibus augebuntur, & populorum exempli ſient memorabilia facta Gallorum? Attollet ſe in medijs hiſtoriz monumentis ſereno vultu, ætate vegeta, egregia dignitate DOMINVS Regis frater, qui multò plus, quàm cæteri omnes lætatus eſt ob bellum illud conſectum, cui ſcelix ipſe initium dederat: ardebat ille quidem conficere opus tam arduum, ſed illud intellexit vnus Regis ſælicitati, ac fortitudini reſeruatum. Et quidem argumentari poſſumus ex tam beatis exordijs, quid facturus fuiſſet in progreſſu: & vel ex hac vna expeditione conijcere, quæ Regis fuerit de optimo fratre opinio; ſummæ quippè difficultatis eſt, magnis rebus dare principia, & peritiſſimi architecſti iacere ingentis fabricæ fundamenta. Eminet præterea immortalis charactere Henrici Borbonij, Condæi Principis inclytum nomen, qui cum Regis curas externis ſimul, & ciuilibus bellis diuiſas eſſe videret, eiſdem auſpicijs profectus eſt in Galliam Narbonenſem, & belli, gloriæque ſocio celeberrimo illo duce Monmorancio, cuius quot hoſtes, tot victoriæ memorantur, reſſit fortiter coniuratos hæreticos, ſigniferum factionis obſedit. Montem Regium, Fanum Seueri, Caſtronouum, Caluam Braſſacum, Creſſelum, Caſtrum Vrbem, & Mazametæ vallis pentapolim occupauit: cæpit ad triginta quæ Vibes, quæ Caſtella rebellium, quodque ſuperat admirationem triduo Apamiam illam ampliffimam, munitiffimamque ciuitatem expugnauit: quantum denique Rex imperauit, tantum impleuit, vt hoſtes intelligerent, nihil principum viribus, nihil Regum imperijs eſſe difficile. Tum ſublimè ſe vultu efferet poſteritati venerandus Cardinalis Richellæus, qui virtute, quàm nomine ditior, cum cæteri manu, ferroque rem gererent, exemplo, conſilioque pugnabat: incomparabili vir ingenio, ſingulari prudentia, pietate ſpectabili. Habuerint ſanè conſpicuos Pontifices maiores noſtri: non inuideo, dum vnus ſit inſtar omnium Richellæus. Oppoſuit olim Italia ſuum tyrannis Ægidium prudentiſſimum Antiftitem, Gallia Turpinum Sarcenis, Hiſpania Ximenem Mauris, Aquitania Geraldum Lamo-

uicensem Anglis, Bohemia Ioannem Pragensen Hufsitis, Hungaria Gregorium Martinusium Ferdinando, Dania Absalonem Londesium Slaus, Germania Huldericum Hungaris: vnum deinceps nostra tempora omnibus opponet hæreticis Richelæum. Neque verò hic stabit cursus annalium, quia non stetit hic animus, & fortitudo Gallorum. Legentur quoque cum admiratione Caroli Valesij Ducis Engolismensis præclare facta, qui cum Ropellæ adiuuisset exercitum, antè Regis aduentum urbem cinxit, & iamdiu emeritus, de Gallia tamen benè mereri non desijt, laborem labore conuiuans belli principio iunxit exitum, perpetuum hosti, vel otio certamen indixit, etiam, cum celsaret, occupatus. Scuporem præsertim legentibus afferes. Schomberge præstantissime, cuius incredibilis ad bellum animus mihi quoque addit animum ad dicendum. Sed ferro stylum manu ingenium vincis, siuè enim te procellosissimo mari credis, cymba vectus exigua, & turbines, tempestates, naufragia, classes hostiles, mortem eluctatus ad obsesas insulas penetras: Siuè cum parua militum manu confertas Britannorum copias, & præsidia fundis, maiora quædam homine facere videris, & nos quasi miraculis quibusdam opprimere. Venies etiam in partem laudis Marilliacæ, quia venisti in partem laboris, scient ventura tempora quos hostes ad Rheam freris, quæ pericula adieris, quæ Galliarum trophæa erexeris. Tuque Thorasi inuictissime, quem dudum gestio nominare, tu, quandiu manebunt literæ (manebunt autem perpetuò) tandiu vindex patriæ, hæreticæ ultor audaciæ, Dux citrà inuidiam maximus vno omnium ore prædicaberis. Esto, Rheæ insulæ propugnacula euertantur, stabunt tuæ gloriæ monumenta, neque verò poterat tanta virtus loco tam angusto contineri, cui laudis campus parabatur immensus. Vigeant denique memoria seculorum omnium ceteri nobiles Galli, quorum animis etsi defuerint hostes, nullo tamen tempore defuturæ sunt laudes. Obiecit illis Rex maria? sine nauibus transmiserunt. Anglos opposuit? continuò profligarunt; molem in equore fieri imperauit? Oceani altitudinem cumularunt. Quis hostes constantius expectauit? quis fortius excepit? quis celerius occupauit? quis inuasit audacius? quis animosius fudit? Mirabuntur exteræ nationes, stupebunt posterì, Religio triumphabit. Discent hæc miracula pueri, iuuenes recitabunt, viri conabuntur imitari, senes narrare gaudebunt, etas nulla com-

fleret, quod ipsi facere nequiverunt: scient nepotes fieri posse, quod factum est: furoris sui terminum inuenerit pelagus, terminus hic terminum non habebit: monumenta fient, postquam claustra esse desierint: penas, qui viuunt, rebelles sentient, qui venturi sunt aliquandò pertimescent: docebitur omnis ætas spontè verti elementa, vt rebellionem euertant, ruere fluctus, vt hereticos obruant, qui pati noluerint Regis imperium, quod mare sustinuit.

Sed parco predicare victoriam, quamdiù cum hoste pugnatur. Ecce enim Anglus turbat adhuc, quantum superiori bello ad Rheam insulam imminutus est viribus, tantum creuit audacia, superbus dum corrui; animosus dum mulcatur. Nondum se à proxima clade receperat, cum victorijs nostris institutus ad prælium tentauit semel atque iterum nostras vires primò facta excursione, tum simulato impetu perumpere magis repagula. O Stolidum, & Abderitam! quasi cum firmissimo muro, cum numerosissimo exercitu, cum potentissimo Rege, illum sustinere non possemus, cuius classem antea sine nauibus fregeramus. Quamquam vt video, furor rebellium ad istam impudènciam animatus est. Erexerunt enim prò muris proditores patriæ Rupellenses vexilla Britannica; ò infamiam! victos, victi ipsi vocarunt in auxilium, ò dementiam! Lutheranos Calvinistæ, ciues exteros, Galli Anglos, ò desperationem ultimam! ea vos signa sustulisse (nefarij desertores) quæ recens nostro militi ludibrio fuerant! scilicet illa vos oportuit explicare, tum vt barbarorum esse, non Francorum illud scelus ostenderetis, tum vt Rex noster duos hostes vno bello conficeret; sic enim visus est eodem tempore Gallos in Angliâ, Anglos in Gallia vincere. Venit fulminaster Anglus, stetit in conspectu citrà ictum tamen, quia ferire noluit, sed aspici: prospecta nostra mole hæsit attonitus, illac suos milites aditum inuenturos non credidit, quâ vix ipsi fluctus viam haberent, ratus occlusum esse nauibus mare, patere naufragijs. Explicate tandem Britanni, consilium vestrum, quæ causa aduentus fuit? quæ tam diuturnæ moræ: quis arcanum illud aperiat? aduolastis celerrime, diutissime stetistis in anchoris: vela explicuistis, animos contraxistis: signa multa, signifer nullus apparuit: Leopardos vidimus in vexillo, lepores experti sumus in prælio: quàm similes vobis, Angli, quam vestris nauibus dissimiles extitistis? vos animo pumiliones, illæ coagmentatione proceræ, hoc solum habuistis cum illis simile;

quodd illæ tardæ ad motum erant, vos ad prælium tardiores. Ænigma fuit aduentus vester, planè ducendi fuerant diuinatores, qui soluerent. Alij non Naumachiam, sed Bacchicam expeditionem esse dicebant vino Aquitanico metuendam, in qua plus meri fundendum esset, quàm sanguinis: Alij visendæ obsidionis, alij orandæ veniæ gratia, inemo prælij causa venisse suspicabatur. Qui semel fractus est hostis, contemnitur, non timetur: ac nisi prædones in nostras insulas emisissetis, dubitare potuimus essetne hominibus vacua classis vestra, quæ in Oceano velut in mare mortuo iners, & otiosa consisteret. Puduit illos tandem, ignauia suæ: reuerti in Angliam sine vulnere noluerunt, facturi plagis fidem audaciæ. Quis eos fortes putaret, nisi prouocante hoste pugnassent? quis cum Gallis crederet contendisse, nisi vulnerati redirent? Simulacrum ergo exhibuere prælij, quod ve magnum non fuerit, fuit tamen honorificum nobis, Rupellensibus, Britannisque fatale, deduxere naues in aciem, explicuere vexilla, machinas disposuerunt. Gratulari sibi tam beatam diem milites nostri, se victores dicere, ex quo pugnare liceret, increpare tarditatem hostium, votis occupare conflictum, equites littus tueri, pedites molem, alij Rupellensibus opponi, qui exciperent erupturos, alij ad Anglos præmitti, qui segnes irritarent: quid? lacessitus Anglus celoces incendiarias ipse frigidus in nos misit: signum dedit buccina, sed receptu: tonitrus tormentorum edidit, quanquam non surdi eramus ad prælium: fragore pugnavit, & sibilo, sed contra ventos: bombus fuit præterea nihil. Tormenta audiuius, non sensimus: ignes aspeximus, sed fatuos: fumum vidimus, sed qui nobis splendorem æfferret, hosti eliceret lacrymas: ardebamus animo, dum pice, sulphureque lucebat: lucebamus in armis, dum Andabata pugnabat in tenebris. Quid tu interea, LVDOVICE? qua diligentia simulanti pugnam Anglo occurristi? qua prudentia tot naufragos ignes auertisti? qua prouidentia terra, marique legiones instruxisti? quàm aptè librari machinas, quàm opportune displodi imperasti? quàm vnus fuisti, quàm multiplex? quàm diuersus in vno, quàm vnus in omnibus, cum simul Anglos lacesseres; simul Rupellenses obsideres, simul de vtrisque triumphares? Ecquem verò nobis de tua salute metum iniectum putas, cum tot periculis caput obijceres, & tuo capiti salus totius Gallia verteretur? Meminimus militi speculam tibi editam molienti, vnde citrà periculum periclitantes videres, iratum imperasse te opus illud continuo destrui,

strui, cùmque omnes, à te deprecarentur periculum, addidisset. Nolle te æstimari de milite, nec per quæ triumpharent cæteri, vincere; sed per quæ ipse vinceret, cæteros in otio triumphare. O si animus ille pugnasset, quæ exempla militi, quæ argumenta dedisset historiæ? Sed qui hunc ardorem aspexit, incendium timuit, imò tuo vnius conspectu subactus hostis recessit in fluctus, nè si appulisset, pateretur in terra naufragium.

Quid ad hæc fœdissimus Rupellensis, toto mari prohibitus, terris omnibus depulsus, orbe conclusus angusto, & orbe exclusus vniuerso? quas restes iugulis attemperabat? quas in mari voragines ad præcipitium vestigabat? Imminebant Vrbi per gyrum duodecim horrenda propugnacula, quæ terrerent aspectu, fulminibus terrerent: cernebantur tumulis impositæ longis suspectibus speculæ: ardui fossarum anfractus descensu ipso difficiles, ascensu insuperabiles occurrebant: videbant inclusi perduelles, enormia sibi quotidie parari ergastula, stataria castra dies lætos in pellibus ducere, dispositas esse omni parte excubias: obijciebantur pro lorica castrorum munitiones lunatæ, cæmentitiæ geræ, crudæ opere cespitio substructiones, casæ subterraneæ, vallæ protuberantia: patebant liliata Galliæ signa, quæ vel suo candore perstringerent rebellium oculos: succedebant sibi maiori portento, quam fide continuata miracula. Præterea nulli accessus, nisi ad pugnam; nulli exitus, nisi ad exitium; nulla colloquia, nisi ad deditionem faciendam; miles vndique, & vndique miles: arcem fossa, fossam vallum, vallum speculæ, speculas statio, stationem desperatio, desperationem furca vno mortis tenore, ordineque fossis, aggere, vallo, ferro, cuneis, agmine, quid facerent? sed hæc tantum mali præludia. Accedebat vltima, fames, telum quo nullum est in bello credulius, quia simul ignauè, & atrociter perimit. Iam commeatus omnis erat absumptus, herbarum fibris solati erant in ediam; radices in hortis, mures in rutis cæsis domorum, canum, equorumque morticina defecerant in stabulis: frigus, elixumque atro iure corium, & maceratas ocreas deuorauerant; lethales venenorum succos in cibum verterant; in delicijs erat cicuta, auro toxica vendebantur; citrà pretium erat, quod citrà horrorem dici non potest, difficilius erat viuere, quàm perire: & in funesto illo mortis, vitæque confinio, nec viuere licebat, nec mori. Nihil tam præsens, quàm fatum, nihil tam remotum erat: longa rabe longiora crimina mulstabantur: vita trahebatur ambage malorum, & multiplicatis funeribus multiplicabatur in pœnam more



GENETHLIACVS DELPHINO.



TRIVMPHATE GALLI, plaudite confœderati, trepidate hostes, cedite perduelles, fremite barbari: VISITAVIT DOMINVS ANNAM, ET CONCEPIT, ET PEPERIT. Licet enim Oratori Christiano, quibus HEBREAE quondam ANNÆ post cœleste puerperium, acclamatum est vocibus, iisdem in communi omnium læticia, argumento non admodum dissimili, ANNÆ quoque AVSTRIACÆ felicissimo partui gratulari. Non semper eadem Cœli facies; iam serenum nubilo conditur, mox tranquillo fœdum mutatur. Post longa sæpè sitientis terræ ieiunia, erumpit aquarū diluvium & quæ modò raræ, nunc densæ nubes largissimos imbres effundunt, quibus arua imprægnantur arentia. Annus iam tertius supra vigesimum agebatur, ex quo Christianissimo Regi sobolem coniunctis vocibus precabamur, sed ipsa vox clamando defecerat, iam exhausta erant omnium vota, cum accisis denique rebus, quasi profuisset ad extremum virium deuenisse, ut ad fastigium gloriæ conscenderemus; nostra tandem desideria cumulatissimè Deus expleuit, fecitque munificentia sua, ne nos, qui paulò antè nihil audebamus sperare, modò quidquam ultra optare possimus. Illuxit enim aliquandò dies illa tanto antè à Superis destinata, fortunata regno, grata ciuibus, exteris splendida, optata bonis, inuisa perfidis, nulli certè expectata, quæ regia nos prole donauit; ac proindè nemo non videt quantæ à nobis Deo referendæ sint gratiæ, cum non minùs turpe sit beneficij authorem dissimulare, quàm ipsius beneficij

penitus obliuisci . Accedit præterea gaudij seges immensa ; nam si quando plebeia, vilique familia noua proles adiicitur , par est vnumquemque lætari : statuite, precor , vbi non terræ filius aliquis de vulgo, sed augustus infans de regio sanguine, isque non post alterum , sed primus, nec paucis mensibus, sed plurimis post matrimonium annis nascitur , quanta omnium animos lætitia incendere debeat. Cæteri quippè liberi nascendo sortiuntur humilem plerumque fortunam, vel certè mediocrem, in hunc terrarum orbem quasi proiecti, ne vacuus relinquatur: tenui sub lare viuunt parentibus additi ad laborem, à quibus denique non tam opum, quàm miseriarum relinquuntur hæredes : Regum autem filij ipso ortu splendidissimi statim consecrantur imperio, vt postmodum fata hominum tractent, inter quos sedent vt Patres, eminent vt soles, coluntur vt Numina . Atque illud habet præterea Princeps Gallia singulare , quòd vbi DELPHINVM suscipit , simul Ecclesiæ destinatur PRIMOGENITVM FILIVM . Potentissimum fidei defensorem , firmissimum Euangelij Columnem , orbi demum vniuerso è Christianissimis illis Regibus vnum, quos nescio plus gentes verè Catholicæ venerari soleant quam auitæ religionis hostes vbique pertimescant . Quæ si omnia scribendo persequi velim, quemadmodum nullis hoc beneficium terminis clauditur , ita finem nullum hæc oratio sit habitura : modus tamen adhibendus est aliquis, si minùs gaudio, ac certè stylo, in quo sanè non labor exiguus . Quid enim mihi assumam ex tam ampla rerum sylua ? quid primum instituam? quid postremum ? Dicam ciuium acclamationes, & plausus? offerunt se mihi gemitus hostium . Galliam prædicem ? Deus gratias reposcit . Finitimorum principum gratulationes, & officia referam ? DELPHINVS noster mihi salutandus occurrit . Huius ego dignum imperio vultum describam ? quæritis audire, quæ passim de eo feruntur præfagia . Ità non habeo quid dicam, vbi tanta est dicendi materies . Quid ? Duo certè, quæ hoc ex Natali præsertim effulgent, præterire non debeo, scilicet regiæ domus gloriam, & Galliæ totius fælicitatem, quæ breuiter hac oratione perstringam; de multis pauca, sed pro meis viribus multa . Præsertim cum vnus omnia complecti noluerim, nè subirem eorum inuidiam, quos in partem gloriosi laboris venturos esse confido : nec non mihi metuendum foret, ne cum cæteræ Galliarum Prouinciæ ad regias DELPHINI cunas officiosæ, & venerabundæ certatim accedunt, si longiùs morarer, seriùs meæ

se sisteret Aquitania, & ad obsequium procederet extrema, quæ prima videtur imperio.

Magna fuit semper coniugibus cupiditas prolis, quod hæc nuptiarum messis est, & quasi flos thalami, socialis amoris fructus, parentum communis animus, prætiuseque reliquæ, Parentes quippè gaudent in liberis, veluti natio quodam in speculo, se ipsos intueri, & proprio arridere simulacro. Nam cum sit amans sui natura mortalium, suam ut semper contempletur imaginem, sese effingit in altero. Quid, quod successione sobolis gentilium nomen propagatur in æuū, continuantur generis stemmata, vnoque sanguine surgunt populi nepotum, in quibus quædam immortalitas seritur, ut quod natura non concessit hominibus, diu vivere, id ipsi procreatione liberorum consequi videantur, per quos suum etiam ultra funus diutissime, si minus toti certe parte sui quadam, eaque optima superstites manent. Viuunt ex parentibus filij, sed, & vicissim filij parentibus vitam restituant, dum naturam, quam ab ijs nascendo traxere, tradunt succedentibus sæculis, & incorruptum maiorum nomen ad vltimas ætates longa prolis serie transferunt. Accedit robur, & firmamentum familiæ quæ, ut arbor luxuriosa radicum propagine, sic numerosa, pulchraque sobolis præsidio nititur. Quantus enim ex nobili filiorum corona paternæ gloriæ splendor additur? quanta etiam reuerentia accersitur? quia non modò conspectu suaues, colloquio, officijque iucundi sunt, sed hoc, vel maximè parentibus. viles filij, quod eorum amore nihil fortius, nihil fidelitate robustius. Timetur quisquis posteros relinquit nominis vindices, & potestatis assertores: omnium patet iniurijs, qui nullum habet hæredem dignitatis, & famæ. Quare solemne fuit cunctis prope modum gentibus, ubi proles deficeret, naturam arte fulcire, & peregrinos successores accersere, ut ruentis familiæ casum ingenioso supplemento vitarent. Propterea Osirim Dionysius in Ægypto, Pandides Ægeum, & Theseum Ægeus in Græcia, Adamas in Caria Alexandrum; Hildericum in Gallia Sigebertus, Aurelius in Hispania Veremundum, Luitprandus in Insubria Carolum, Theodoricus in Italia Herulorum Regem in filium adoptauit. Neque Romani hoc loco prætereundi, quibus pluresne liberi fuerint asciti, quam geniti, iure dubitet, qui legerit hac arte Tiberium Augusto, Claudio Neronem, Pisonem Galbæ accessisse; familijs infertas plerasque familias, Octauianam Iuliam, Æmilianam Africanam; & Noram Traianum, & Traiano

iano Adrianum, & Antonium Adriano, & infinitos demum alios ab alijs adoptione quæsitos. Nempe maiores nostri hoc suæ orbicæ remedium afferendum putarunt, ut si liberos natura negaret, solertia pareret, ac intelligeret vnusquisque, quo proprij loco filij debeant haberi, postquam tanti fuerint, vel alieni. Sed quid profanis vtimur, qui diuinis abundamus? Gentibus olim Numini mancipatis summi beneficij loco promittebatur *longauum semen*, & fœcunda progenies: ijs verò, quæ in scelera proruissent, Deus ad summum dedecus iuxta, & acerbissimam pœnam, *sinè liberis vuluam*, & *ubera* interminabatur *arentia*; adeò vt maledicto quodam afflatus, & veluti de calo tactus videretur, quisquis priscis illis temporibus careret ornamento, ac solatio liberorum; & quantò matres suos tunc partus gloriosius numerabant, iactantes prægnantis vteri pompam, tantò steriles fœminæ ferebant acerbius infamiam solitudinis, & arescentium viscerum probra. Incedebant mæstæ, demisso vultu, veste lugubri, sine nomine, quia sine sobole; orbi penè inuisæ, quòd orbi haberentur ingrata. Aliæ suam sortem in syluis miserabiliter lamentari: aliæ Cælum precibus vrgere, & quâ votis, quâ sacrificijs prolem quærere; aliæ fœtus alienos sibi etiam subrogare, & ancillarum puerperio suæ sterilitatis labes implere: Tantus omnibus amor, & desiderium prolis.

Iam intelligis, Rex Augustissime, iam Regina sapientissima, vides, quantum Maiestati vestræ decus accesserit, ex quo vobis nobilem filium, communem parentem nobis, Galliæ Augustum, olim Regem procreastis. Auxit vos tandem hoc Deus munere, quo nullum maius, hoc quidem rerum statu, aut ipse concedere vobis, aut vos ab ipso contendere poteratis. Fuerit is magnus dolor tandiu caruisse fructu connubij; abundè sanè diuturnam mortitiam Deus hoc pignore compensauit, quo simul vester nobilitatus est thalamus, simul expletum desiderium, simul firmatum imperium: ò gratiani singularem! ò beata tempora! ò non expectata miracula! Meminimus, quæ regium animum tristitia premeret, cum sibi suscipiendæ prolis spes nulla foret post tam longa annorum steriliū spatia. Et verò non poterat Rex optimus non vehementer dolere, cum recogitaret, Regum tota Europa nemini, præterquam sibi, deesse filium, & aulam hæredum vacuum oculis lustrando, principium identidem cæterorum natales acciperet. Quis tibi tum animus, LVDOVICE cum sensus orbicæ domesticæ? quis præterea pæuus fortunæ? Magna feceras
huc

commendare desinet. Pictor vel ipsa tantarum rerum umbra-
 suas tabulas illustrabit: Sculptor victorias illas durabit in mar-
 more: mirabitur eloquentiam Orator huius vnus argumenti
 magnitudine superari: Poeta, cui hec solida suppetent, cessabi-
 bit inania prodigia fingere. Dabitur demum omnibus predica-
 re; quæ pauci fecerint, paucis facere, quæ prædicent vniuersi. O
 te ergo non tuorum minus, quam tua ipsius virtute foelicem.
TER MAXIME LVDOVICE: Tuis enim triumphis, quanta
 sunt, quamque præclara ducum facinora militant, qui vt maiora
 fecerint quam ausi essemus optare, quoties tamen in te vnum
 intuentur, fatentur vltro se infinitis gradibus minora fecisse,
 quam ipse exemplo fieri posse docueris. Vniuersi demum ra-
 piuntur in tuas vnus laudes, & cum à nobis alium audiunt
 commendari, percontari solent. Regemne viderimus? tum
 in manus sumpto radio hæc Rupellam describunt, & ducto orbe
 concludunt, illæc maria deriuant, isthæc obiectam molem ædifi-
 cant, ordine castra componant, aciem terra, marique instruunt,
 Anglos procul ostendunt, ac demum te singulis locis miracula
 diuidentem exprimunt. **LVDOVICVS,** inquiunt, idem in
 vallo, idem in agmine, idem in classe, idem in aggere, idem locis
 omnibus adest, pugnat, triumphat, quæ cum recitant, attonito
 auditore vallantur, quisque gaudet, vel ipsa videre tuæ simulacra
 victorie.

QVID superest, nisi vt te superesse velimus imperio Ludoui-
 ce? addant vitæ tuæ Superi annos, quos patriæ reddidisti: dent
LVDOVICO sempiternum imperium, reddant sempiternum
 imperio **LVDOVICVM**. Viuat nobis, viuat posteris, viuat om-
 nibus; ferat vitam, quam rebelles amiserunt; aut si nobis debetur
 heres aliquis tantæ virtutis, det Rex optimus sobolem se optimo
 meliorem, ne quis vnquam succedat in regnum, qui non eius
 virtuti successerit. Quicumque deinceps venturi sunt ad impe-
 rium Gallie (venturi sunt autem, quos ex te Rex dederis) memi-
 nerint qualis in imperio fueris, nec aliud quam Ludouici nomen
 ferant, dum virtutibus impleant nomen illud Augustum, quod
 virtuti consecrauit antiquitas, posteritas consecrabit æternitati.
 Toties placebit, quoties recitabitur nomen illud, cum lilij, & pal-
 mis natum: nomen venerandum, semper antiquum, semper no-
 uum. Nullus sit finis **LVDOVICORVM**. Iam quid à nobis exi-
 gis **INVICTISSIME PRINCEPS**, qui tibi totum deberi intelligis,
 quod possumus? gratias referam, sed laudatoris munus suscepi;
 laudem?

laudem? sed agenda sunt graviora; & quamvis feceris, quæ ab omnibus prædicari debeant; effecisti tamen, ne quis ea prædicare posset, quia non minori virtute nostra præconia superasti, quam claustra rebellium. Utinam toties victor, saltem, semel triumphares. O si mos ille vigeret adhuc, quo solemnî pompa victores portabantur in urbem, quantus foret Imperatoris nostri triumphus? quæ gentium acclamationes? quæ monumenta victoriarum? Iret ante currum depresso collo, subiectis certuicibus, subacto vultu condemnata rebellio; currum traherent simul vincti, simul victi cum Rupellensibus Angli, frontibus famulari iugo coniunctis; succederent agmina vitiorum vno simul omnia loro deuincta, casaque flagello virtutum. Hic tractus sonanti compede liuor ringeret; fremeret audacia sine telo: iaceret arrogancia sine supercilio: morderet inuidia sine dente; debaccharetur impietas sine voce, mœsta hæresis sine viribus agmen clauderet. Qui plausus interea, quæ in te laudes à circumfusus militibus conferrentur? Tu Benearnus, tu Cisalpinus, tu Transalpinus, tu Aquitanicus, tu Britannicus, tu Gallia dignior, tu Patre felicior, tu Henrico Magno maior LVDOVICVS festis vocibus dicereris. Splendidi præterea tituli, laureati lennisci, sublimes imagines præferrentur. Ebore redderetur infelix Rupella pretio maiori quam merito, viuerent adhuc in adamante, quos in campo iugulasti, cælatura, quam vita nobiliores; Topatijs, & amethystis splendorem adderent virtutum tuarum inculpta miracula, emineret in auro sublime propugnaculum Ludouicæum: assurgerent iuxta in argento Aureliacense, Matilliacense, cætraque tam nunc pretioso, quam antea presso molimine firmamenta: præirent de coniuratorum manibus extorta signa superbiz; toties victi Bukincamij simulacrum ferream domito collo catenam trahens, pedibus, manibusque reuinctis, splendidum fieri pompæ ludibrium. Nectare spumaret artefactus Oceanus, vallo non iam cespitio, sed adamantiuo circumcuius, lapillorum obicibus ambrosij fluctus alliderentur, imbres gemmeos frangeret moles in auro, erudito labore fundata. Alij denique LVDOVICO ponerent obeliscos, vt Sesostrî: alij columnas erigerent, vt Traiano: tabulas illi fingerent, vt Alexandro: arcus illi flecterent, vt Constantino: Pyramides quidam excitarent, vt Nino: quidam currus iungerent, vt Cæsaribus; plurimi statuas erigerent, vt victoribus innumeris. Sic LVDOVICE IVSTISSIME triumphares. Quamquam

quàm, vt fatear, hæc minora sunt meritis, neque vlla reperiri possunt emblemata, quibus tanta Maiestas exæquetur. Non obelisci in metum efformati Regis gloria metas nescit: non columnæ, quæ deorsum basi nituntur, cælo nomen illius innititur: non tabulæ, quæ pigmentis collucent, virtus ista factis, non coloribus illustratur: non arcus, qui curuantur, atque flectuntur, recta hic disciplina militis, influxa constantia ducis: non Pyramides quæ puncto terminantur, LVDOVICI victoriæ terminos nullos agnoscent: non curvus, qui præterlabuntur, non præteribit hoc factum, non statua demùm, quæ obmutescunt, tanta prodigia non silebunt. Triumphasti de ingenijs hominum, qui cum se impares rebus tuis omnibus exornandis agnoscant, in earum singulis singuli partibus occupabuntur. Neque verò propterea, vlla erit in iisdem factis enarrandis similitudo dictorum, sed in vna victoria omnes variè triumphabunt. Quia tantum vnus effecisti, quantum vniuersi laudare possint. Dicent alij pietatem illam spectabilem, qua exercitui prælucebas: alij felicitatem scribent, quæ toties vincebas, quoties prodibas in aciem: alij prudentiam in consilijs celebrabunt; alij fortitudinem in factis extollent; multis conclusus, & subiugatus Oceanus; multis mersus, & profligatus Anglus; omnibus Rupellæ fames, & funus occurret. Iam quàm copiosa dicendi vis ex fossis castrensibus eruetur? quàm arduam suggerent illa propugnacula? quàm sublimem religio? quàm longam obsidionis infracta constantia? quàm magnificam tuus in Urbem ingressus? omnes postremo mirari poterunt se dixisse, quod aliorum nullus attulerit, pauciora tamen ab vniuersis esse comprehensa, quàm vnus fecerit LVDOVICVS. Tuum est æstimare, Rex præstantissime, cum tuis laudibus non sufficiant vniuersi; num venia dignus videar, si de te paucissima dixerim. Fors erit (si quidem opera nostra placuerit) vt aliquandò maiora audeam. Perge modò perduellionis reliquias insequi, perge busta illa patriæ, nostris malis inflammata, nostris diu conservata cineribus, aut dissipare consilio, aut cæde, sanguineque restinguere. Compede desperatio, non gratia cohibetur. Et sanè si multare pergis beneficijs perduelles, periculum est, ne præmijs inuitati quàm plurimi addantur numero desertorum, pluresque tandem hostes, quàm ciues sis habiturus. Memineris te esse IVSTVM. Iustitia pœnas, & præmia diuidit: nunc pœnam beneficio sustinet, nunc gratiam pœnis, supplicijsque

huc usque, Princeps Inuictissime, imò omni prorsus fide maior; sed quò celsius tua te virtus erexerat, eò naturæ iniuria videbatur atrocior, quæ summo ei inuidebat, quod ipsi passim plebi concedit. Querebaris, tua ut solitudo altius emineret, & qui longè latèque fines amplificabas imperij, mirum erat domum te augere non posse. Iam Maiestatis tuæ Numen vbique diffuderat, iam bella ciuilia ineluctabili pace mutaueras, iam erexeras socios, & ruptorum foederum vulnera ferro sanaueras, iam virulentam hæreseos saniem deterferas, & rebellionis arcem euerteras, iam ad Rupellam hostibus, procellisque superior altas maris voragines fatali mole compleueras, iam non minùs foris, quàm domi victor continuatis laureis prærupta Alpium iuga transmiseras. Immortalia sanè facta, nobilesque victoriæ; sed operosius aliquid tibi moliendum restabat; efficere tui similem. Ira in tanto rerum apparatu hòc minùs scælix videbaris, quia solus: neque enim satis erat tibi vis immensa, non classium robur, & exercituum numerus non imperij florentissimi gloria, non amor tuorum, non societates exterorum, non cumuli triumphorum, quandiu desiderabatur filius, qui vultus patris referret, hæres, qui tantæ pondus gloriæ sustineret. Quidquid magnificè fortuna tribuisset, putabas exiguum, quòd felicitàti tuæ suum nondum addidisset natura suffragium. Audiebas tu quidem passim Inuictus exteris, Iustus subditis, omnibus Triumphator. Alij te rerum restauratorem, alij Domitorem hostium, alij immensi Regnatorem Oceani, alij Galliæ Numen alterum, Propugnatorem Italiæ, Britannicæ Fulmen, Iberiæ, Germaniæque Terrorem, Europæ totius Arbitrum appellabant: Patrem verò hætenus vocare nemo potuerat, nisi quandò Pater Patriæ dicebaris; dulce adhuc aberat parentis nomen, quo indigebas vno, qui tam multis abundabas.

Parte alia Reginam, qua non melior altera, videbamus patris mœrore confectam, Diuis, hominibusque supplicem, humi prostratam, nunc Deo dicatas ædes pedibus adeuntem, nunc in vulgi turba demissè sacra mysteria vsurpantem, nunc clam subeuntem cœnobis virginum, & religiosa captantem silentia, quo Cælum suis aliquandò precibus vinceret, & indè stirpi regiæ surculum duceret; vnde sciret antiquum liliorum candorem Galliæ Regibus defluxisse. Nam tametsi infinitis gloriæ titulis coruscabat, & magni Regis filia, maioris soror, maximi coniux, cæterorum denique Regum, vel consanguinea, vel affinis, omnia, ferè Europæ diademata suo sanguini auita cognatione sciret esse coniuncta: quoniam tamen nondum Regis mater, in tanta vber-

tate sceptrorum orbitatem domesticam deplorabat, in mœ-
stam solitudinem frequens aula transferat, declinabat ipsa po-
puli conspectum, à quo sibi Regem postulari sentiebat, inge-
miscebat se non parere principem tot principibus ortam, &
quæ magni nominis famam superauerat, maiorum exemplo vir-
tutum viuum sui exemplum posteris non posse relinquere.
Sed hunc denique mœrorem excepit gaudium postquam Regi si-
lium peperit: O Galliam tibi, ANNA, vel hoc nomine im-
mortali nexu deuinctam, quod eam Delphini natalibus fecisti re-
gnis omnibus clariorem! o supra modum illustrem Reginam, ex
quo nostro dedisti nouum sidus Imperio!

Si quis superioribus annis huius proles augur, & prænuntiis
accessisset, quos ille risus excitasset in plebe? quos in sermones in-
cidisset, qui rem omnino desperatam vaticinando promitteret?
Res enim erat huiusmodi, vt eam quisquam optare, nedum
expectare auderet. Scilicet cum id maxime nostræ omnium pre-
ces, supplicationesque ad hanc diem incubuissent, ceciderant
tamen huc vsque irritæ, & incredibile videbatur, quod tot an-
nos frustra petieramus, Deum in hæc tempora reservasse. Vo-
tis ardentibus successerat triste silentium, & longis fessi clamo-
ribus, Cælum, quod ad nostras preces pridem obsurduisse cre-
debatur, erubescere adire; quin ipsi, quod sperare vetaba-
mur, metuebamur etiam loqui. Memini enim, ante annos se-
ptem, cum Burdigalæ esses, REGINA AVGVSTISSIMA, &
illustis Doctorem Academia, tui salutandi causa, ex officio
copuenisset, vetitum fuisse oratori, iam ad dicendum parato,
ne quam de Delphino vocem mitteret, cuius tum adeo nulla
spererat, tibi vt non tam bene precari, quam illudere videret-
ur, quisquis intempestiuam illius faceret mentionem. Annus
verò proxime elapso, cum primum te gravidam rumor vulgasset,
qui sermones vtrò, citròque sunt habiti? quæ plebis coniecturæ
fuerunt? quæ ciuium iudicia? qui sensus exteriorum? illi dicere
sparsam de industria fabulam ad exploranda vulgi ingenia; illi
suspicari hanc inter belli molestias nobis fingi materiam gaudij;
illi ridere in sinu, etiam in angulis cauillari; nemo fidem adhibere
prodigio. Vt enim, quod quisque timet, citò credit, ita ægè sibi
persuadet accidisse, quod vehementissime cupit. Et ecce diffiden-
tiam nostram diuina largitio; desiderium beneficij magnitudo;
expectationem omnium tua, nostraque felicitas superauit. Didici-
mus seri potuisse, quod factum est, & te iam nostram, ANNA,

fatemur esse, postquam nobis diceris mater, Mater verè Magna, quæ Reges parisi, Galliarum verè Regina, quam amplificas. O quanta es modò, quæ paucis antè mensibus de te tam modicè sentiebas, quantum emines, quæ latebas! imò qualis, quantusque tuus, idem, & noster per te LVDOVICVS occurret omnium oculis? quàm charus subditis? quàm formidabilis hostibus? Quid enim Rex suo pte ingenio generosissimus non perficiat illo Heroe subnixus? quid vicissim Heros filius hoc patre non audeat? Eris aliquis, qui Galliam, vel non exoptet amicam, vel non pertimescat aduersam? & cum vni pridem nostro pareant omnia Principi, quidquam aliquandò coniuncto Principum duorum obsistat imperio? Ibit venerabilia, & altero tantò maior, qui semper maximus fuit; tuumque, Regina, fatebitur esse, quod creuit; nos utrique vestrum, quod adeo sumus felices, referemus acceptum, illamque diem clato notabimus calculo, quæ nostro in orbe surrexit ille Parelus. O nonas Septembres nobis æterna memoria retinendas! Obseruarunt quidem alij religiosè summorum virorum natales; diem illam Persæ perpetuò sacram habuerunt, quæ Xerxes accessit imperio, eam Syracusani semper coluerunt, quæ Timoleonem, eam Athenienses, quæ Socratem peperit: Romanis quoque dies illa quotannis solemnis fuit, quæ vrbis fundamenta iaci cœperunt; nec non Idus Iulias Iulij Cæsaris ortu insignes, Kalendæ Ianuariæ Titus, Decembres Nerva, Nouembres Adriani, Aprilis Antonini, Februariæ Constantini claræ natalibus olim Romæ magna cum pompa celebrari consueverunt. Nobis verò semper illa dies dicetur supra cæteras omnes beatæ, quæ regio præluxit Delphini partui: illa nobis in anni circumflexu redibit gratissima omnium, quam utinam placeret in posterum dici Delphiniam, ut in Asia quondam festam quamque diem à Mutio libertatis vindice, Mutiam nuncupatam legimus: illamque Cyrus lucem, quæ Sacas memorabili strage deleuit, Sacam de ipsorum nomine voluit appellari. Quamquam hæc adhuc exigua, illi nos diei meliora precemur, quæ nobis affulsit optima. Luceat illa Sole perpetuo, quin etiam nouis fulgoribus augeatur; immortalibus fastis emineat, & orbi Christiano recurat semper augusta.

Ac certè quemadmodum iucundior nulla nobis illucescere potuit, ita nulla quoad recordari possumus, maiorem Galliarum lætitiâ attulit. Quis non risit cum auctum filio LVDOVICVM accepit? quis non oculos sustulit, cum is nuncius ad aures per-

uenit? sed quantæ vbique extiterunt signa lætitiæ? Exaudiebantur passim confusæ turbarum clangoribus ciuium acclamationes, festis vndique pyris lucebant compita, ludis theatra personabant ingeniosis, Cælum coruscabat missilibus ignium iocis, tellus mugiebat repetitis fragoribus tormentorum, sibi quisque demum gratulabatur illam diem, Deo miraculum referebat. Quid dicam redimitas emblematis statuas, & pyramides sulphureis iaculis fulgurantes? Quid suspensos artificiosis nubibus soles, & pluuias vini iucundas? quid dies noctibus continuatos, & noctes accensis funalibus perturbatas? Hic florum congestæ messes, illic extructæ dapibus turres; Hic tripudiantium chori, illic conuiuantium globi: nec satis erat vnum capacibus haurire poculis, nisi solutis etiam dolijs fundere tur. Parum videbatur erogare pecuniam, spargebatur in vulgus: adeo quisque rerum suarum obliuiscēbatur, cum Delphini meminerat. Quæ satis ego mirari non possum, cum mihi redit in mentem, qui nuper erat vultus Gallorum: enim verò deformes non ita pridem, & squalidi videbamur, quia foris bella sæuiebant atrocia, domi vrgebant occulta mala. Iam plebeculam demersuerat dira fames, & ecce non longè post lues summis æquæ, ac infimis metuenda superuenit: lues remiserat, bellum successit, quo nullum ante funestius: itaque nobis vita trahebatur multiplici, ac tortuosa negotiorum ambage. Sed hunc vultum cum fortuna mutauimus, metus omnis abscessit, postquam DELPHINVM aspeximus, qui sedabit procellam temporis, otia reducet antiqua, populos faciet inconcussa pace concordēs.

At enim liceat mihi à priuatis regiæ domus honoribus orationem deducere ad commune Gallie bonum, & post aulae delicias nostram quoque fortunam diligentius contemplari. Qualem tandem futurum arbitramur hunc puerum, quem DEVS extra ordinem nobis concessit, LVDOVICVS XIII. perfecta iam ætate genuit, ANNA AVSTRIACA post ardentissima vota concepit? Mos fuit antiquus nascentium Principum partus curiosius inspicere, & ex natalibus conijcere, quid cuique fata seruarent. Quam quidem diuinationem nonnulli ex siderum obseruatione ducebant, vti fertur Tiberius Augustus imperium prædixisse Caligulae: nonnulli arripiebant ex somnijs, vti Cyri gloriam ex eo coniecisse narratur Astyages, quod eius mater sibi dormienti visa esset ex se palmitem suam.

fundere, quo tota latè Asia tegetetur; nec non Philippo præcognita dicitur Alexandri virtus, quòd sibi in somnis leone facta occurrisset Olympias. Idipsum alij se colligere posse putarunt, subitos rerum euentus interpretando, quemadmodum Augustus dextri fulminis iactu destinatus perhibetur imperio: alij ex notis quibusdam à natura impressis vaticinando, quomodo Scanderbeko Principi tot hostium victori ea figura gladij, quam toto eius brachio natura longè descripserat, inuictæ fortitudinis præsagium fuit: alij ex verbis ipsi argumentando, quæ à se primò frangere solent infantes; ita quòd Rex Pyrrhus maternis adhuc appensus vberibus gestiendo, Βάρομα primùm dixisset, ea statim vox transijt in omen audaciæ. Quid consulta dicam oracula? quid ab ortu quæsitæ mendaciæ? quid captata ab aurbus auguria, & adhibita tempestatum, dierum, horarum examina, parrusne contigisset amœno vere, an rigida hyeme? Kalendis, an Idibus? die Ioui sacra, vel Palladi? Infinitæ olim diuinandi artes, sed totidem quoque fallendi: plurimæ fati coniecturæ, sed incertæ omnes, & vanæ.

Quarè valeant dubia Astrologiæ iudicia; valeat Hetrusca veterum disciplina: nobis nec coitiones, declinationesue siderum astrolabio colligendæ, nec lituo describendo Cœli plagæ, nec euocanda carmine Manium spectra, nec adeundus Apollo, vel consulendus haruspex ad auguranda Delphini nostri miracula. Prodit se satis illa Maiestas suorum splendore natalium, nec celsam illius indolem metiri debemus peregrinis artibus; quia nefas est cæleste fatum scrutari superstitione mortali, & quod Numen ipsum comprobauit, remocare ad sortem. Quis enim dubitet augustam hanc Prolem diuinitus esse concessam, cuius causa toties immortalis Deo solemniter supplicatum est? toties litatum? quas non opes in mendicos effusas, quas non preces in Cœlum emissas, quibus non templa donis, quibus non sacrificijs altaria cumulata cognouimus, paternis vt Rex aliquando frueretur honoribus? Nemo nostrum non sæpè vocauit venturam prolem, nemo non genua flexit, & supplex adiit Superos, vt nostræ tandem eribati consultum vellent, quia hæc summa votorum, vnum omnium desiderium, Galliæ nasci DELPHINVM. Quo si gaudemus demum, gaudeamus profecto Dei munere, à quo cùm nihil fluat, quod non

omninò sit absolutum, an non ab eo Principe tantum sperare oportet, quantum à proprio numine tribui consuevit? Atque nos idcirco Deus huc vsque protraxit; hæc molestæ sustentationis origo.

Inquirebamus nuper quamobrem post tam longam à liberis solitudinem, is denique Regi obueneret; Atque illi quidem causabantur magnitudine operis, & longis rerum ingentium moris; nihil perfectum existere subito; vulgus hominum citò nasci; quasi nullius momenti; Reges ad mundi gubernacula comparatos in lucem difficiliùs erumpere, & longa fingi meditatione naturæ. Illi morem Numinis afferebant, quod sua quidem beneficia prolatando commendat, nos verò dissimulando exercet; ità fidem probari nostram, crudiri constantiam, nec non quæ seriùs, ac difficiliùs obtinentur, diligentius conseruari. Nonnulli secùs interpretantes præclarè factum arbitrabantur, ne, quàm ardentè à nobis regia proles ab ipso statim Regis connubio afflagitabatur, tam celeriter prodiret, quod LVDOVICVS noster cum admodum iuuenis, si filium suscepisset, breuè regni socium habiturus fuisset, nec orbis duobus sufficere potuisset, qui vni penè videretur angustus. Nonnulli vertebant se ad arcana naturæ, quæ se ipsam interdum excusso corpore vegetat, post otium actuosior, cum ipsa mutetur corporis habitudo, & ætas succedat ætati; hic enim aliquando seges est, vbi fuerat solitudo. Aliàs demùm alij insperati memorabant causas euentus; mihi tamen sic semper animo persuasum, tamdiu negatam optimo Regi sobolem, vt cum eius obtinendæ spes omnis corruisset, certò liqueret, quis tanti beneficij auctor esset habendus, ipsique fateremur hunc puerum non tam enitentis naturæ labore, quàm indulgentis dono prouidentia genitum. Quod intellexisse te, Rex præstantissime, satis indicasti, cum recens editum regis manibus excepisse diceris, non vt primis indulgeres amplexibus, & paternum nomen osculis initiare, sed vt creditorem agnosceres, & Cælo delapsum pignus Numini consecraret. Nec multò post audiuimus Reginam (cuius quoties nomen incidit, offert se mihi statim diuina quædam pietatis effigies) hoc prædæli onustam pondere processisse ad aram, & inter solemnia sacra flexis genibus, religione singulari, sanctis persusam lacrymis Deo partus sui dicasse delicias; ne cui liceat in posterum dubitare, quin acceptum sit à Numine, quod ab utroque parente videmus Numini reddidum.

Quippè

Quippè neuter ignorabat Deo semper placuisse primitias, quas profana etiam antiquitas vanis Deorum simulacris offerendas putauit. Nam, & Sabinos veteres accepimus Deo Terminis pubescentium segetum comportasse manipulos, & Iſidi recentium vuarum sanguinem libasse Sacerdotes Hetruscos, Græci præterea Vestæ frugum principia; Romani Ioui Feretrio noua offerebant hostium spolia; quin matronis solemne fuit prima muliebris mundi syrmata de templorum tholis suspendere, nec Theseum puduit Apollini Delphico comæ nascentis exordia consecrare. Superstitiosa isthæc, & vana, ut tum ferebant tempora. Vos, parentes optimi, quibus augusta de Cælo mens, antiqua pietas, vera religio, vero, æternoque Numini obtulistis puriores primitias thalami, nec aliena dedistis, sed vestra, proprium scilicet sanguinem, communem vitam, ipsa denique viscera. In quo quid impensius admirari nos decet, tuam **LVDOVICE** fidem, an tuam **ANNA** pietatem? doni magnitudinem, an dandi modum? Magnum est quod dedistis, sed effundebat se vester animus ad maiora, & largiendi voluntate quàm facultate ditiores, regium donum, quo nihil potius habuistis, prosequuti estis lacrymis, auxistis affectibus. Sed hæc Deo secreta patuerunt, nobis non licet tam altos scrutari sensus; satis est, quem vos ipsi tacite deuouebatis, vidisse aris oblatum, & suspensum manibus, quem corde gerebatis infixum. O solum Delphino dignum! O dignum altaribus ferculum! Suos quondam Principes, cum nascebantur, Scythæ, clypeo extulerint, ad belli præludium; suos Athenienses sacerdotilibus infulis texerint, ad pacis auspicium; Persæ aduerso Soli opposuerint, ad religionis specimen; Romani humi strauerint, ad miseriarum exemplum; Turcæ militari vexillo, ad iactantiam; Græci purpurea chlamyde, ad pompam; Parthi casside ad ferociam exceperint; Delphinus aris erat imponendus, ad æternum pietatis regis monumentum.

Sed quò mea sensim se subduxit oratio? mihi de nostra omnium felicitàte dicere meditati nona semper occurrunt miracula. Quæro tandem, in quem virum sit euasurus Princeps his natus auspicijs, his cæremonijs inauguratus? Ingentia sunt, non humilia Dei dona, minora quidem opibus suis, semper tamen meritis hominum celsiora; ac proinde munifico Numini facit iniuriam, quisquis ab eo putat aliquid concedi mediocre. Memores estote, Galli, quantum acceperitis victorem in Philippo Augu-

ſto, quale ſidus in Diuo Ludouico, quos parentum preces noſtro quondam imperio pepererunt: Prædicatæ Ægyptij, qualem videritis in Iosepho moderatorem, quem Deus effatæ Patris ſenectuti conceſſerat: Dicite Hungari, qualem habueritis Regem in Stephano, cuius natalibus præluxit cæleſte prodigium: Reſerte Hebræi, qualem ſuſceperitis in Iſaaco Patrem, in Samuele Iudicem, in Ioanne Solem, quos ſterili prognatos thoro vniuerſus orbis ſuſpexit. Nihil eſt à Cœlo commune, à quo, qui nobis Delphinus exijt, non poteſt non eſſe Magnus. Quamquam hæc ſi abeſſent diuina ſuffragia, ſufficerent puero exempla domeſtica, cùm ſanguinis ille degener eſſe non poſſit, nec à Rege Chriſtianiſſimo, Religioſiſſimæque Regina quiſquam edi non optimus. Vt fructus arborum naturam ſequuntur, ſic ferè liberi parentum mores imitari ſolent, & non vultum tantùm, ſed indolem quoque ferre ſimillimam. Iam ex vtraque ſtirpe quanta Delphino ſeſe offe-
runt incitamenta virtutis, nolim à me quidquam hoc loco per aſ-
ſentationem dictum, quia nec virtus calamitro, nec cothurno veritas indiget; verùm vt hæc mendacio creſcere non poteſt, ita non debet premi ſilentio. Eo ſub Rege nos viuimus, cuius non modò quiſque optet imperio ſubijci, ſed vt ſubijciatur etiam con-
teudere debeat: nimirum illius vita, ſi æquiùs æſtimetur, cenſen-
da eſt magna quædam virtutum theſis, & veluti collegium mira-
culorum. Si dixerò bonitate incredibili, altiſſima prudentia, æquabilitate perpetua, eximia pietate, ſumma fortitudine præ-
ditum; minus, quàm debeam, prædicem; quia, quæ reliquis Principibus laudi ſingula tribuuntur, in noſtro vno mirabiliter coeunt vniuerſæ. Quem non ſuo ſtatim vultu recreat, ſi compa-
ret? quem non demeretur, ſi dignatur alloquio? Paſcit intuentium oculos, & licet magno iam nomine totum latè orbem impleue-
rit, tamen contra quàm cæteris accidit, maior ſemper conſpi-
citur, quàm ſoleat prædicari: aded vt, qui Regem nunquam viderint, ſummo eius videndi deſiderio teneantur; maiori metu amittendi, qui vident: abripitur, ad eum quiſquis accedit, & quæ eſt diuinarum rerum natura, ita ſibi omnes affixos tenet, nemo vt ab eo non recedat inuitus, quiſquam vix auelli poſſit. Quam-
quam illa Maietas etiam abſens coli ſolet, quos enim ſua præſentia reſcit, rerum geſtarum fama percellit: etiam ini-
quiſſimos quoſque ſuæ gloriæ obtreſcatores ita perſtringit, vt incertum ſit, pluſne diligatur à ſubditis, an prædicetur ab ho-
ſtibus,

Quid

Quid ergò iam Reginæ virtutes dicendo commemorem ; quas sanè multas , maximasque esse oportet , postquam Rex tantus eas suspexit , omnes tacito quodam instinctu palam effecerunt . In ea quippè non modò acceperet ingenium , sed tam casti præterea mores elucent , tam egregia fides , tam solida pietas , tam insignis mansuetudo , ut cum dignitatem summæ fortunæ retineat , nihil suprà communem sortem assurgat , eaque sit omnium vox , si quis Reginam in media turba aulicorum interrogare vellet , facile cogniturum , dum obseruet modestissimam omnium . Cultu simplex omnem longè ornatum superat , semper animo tranquilla nescit aulae strepitum , omnibus denique virtutibus cumulata facit , ne nos Clothildes , Blancas , Radegundes , Eleonoras , Elisabethas , Margaritas , Catharinas maioribus nostris inuideamus , postquam tenemus ANNAM , quæ paucas sibi Reginas vidit æquales , nullam habuit gloria superiorem . Equidem quoties Regem , vel Reginam intueor , existimo videre me spirantem honestatem , radiantem sapientiam , aridentem humanitatem , sedentem constantiam , liberalitatem erumpentem , imperantem iustitiam , religionem triumphantem , quam in vtro maiora sunt , difficile est comparando iudicare : in vtroque profectò sunt tanta , quanta summis Principibus optari possunt .

Quarè vestrum est , Galli , ex ea semine mensem æstimare , quam collegistis ; magna siquidem vis est in genere , propterea quod communione naturæ , non modò parentum sanguis derivatur in venas succedentium liberorum , sed ipsa eorundem virtus in mentem quoque transfunditur ; adeoque si quantæ sunt in vtroque parente tum ingenij , tum virtutis dotes , tantas postmodum in regio Delphino visuri sumus , (quod par est vnum quemque nostrum sperare) quis omnibus retrò sæculis Princeps maior , meliorque surrexit ? Si Patris vigilantiam obtinet , quis solertior ? si Matris dignitatem , quis spectabilior ? dum illius clementiam referet , quem non vincet officijs ? dum huius modestiam imitabitur , cui non occurret augustus ? Accedat ad Regis fortitudinem , cuncta suo adiungat imperio : succedat Reginæ pietati , nullum non rapiet virtutis exemplo : Æquet Ludouici iustitiam , quid non illo Legislatore moderatum ? Excipiat Annæ sapientiam , quid non illo Rege perfectum ? vtriusque demum retineat indolem , videbimus grauitatem vrbinitate , modestia principatum , maiestatem popularitate conditam ; & quidquid habet

habet Gallia nobilitatis, & gloriæ; quidquid Hispania amplitudinis, & famæ, in hoc vno collectum ad mundi dominium.

Atque hanc vigorem, hoc imperium toto iam illius vultu eminare audio (neque enim fas omnibus eò testes asserre oculos) Regem spirare dicitur adhuc infans; iam affusus genis lepos, & dignitas, quæ Principum esse solet; iam fronti decus impressum, cuiusmodi Heroem decet; iam fulgor inditus oculis, qui siderum, & cœleste aliquid sapit. Cernitur vterque parens vnus in ore; excessum caput attollit, quasi thoro, vel in cunis iacens, regno emineat; figit obtutus imperterritos, quasi gentes iam nutu terreat suo breui ferro domandas: manus explicat audaces, quasi sceptris aptare velit; teneriter firma exerceat brachia, quasi præludat hostium fati. Ecquem verò metum circumiectis hinc inde nationibus barbaris incussum fuisse putamus, vbi primum de Delphino audiueret? An non ipsis visi sunt prisce illi Gallorum Reges, tot gentium superbi victorij, quorum imperio vniuersus ferè terrarum orbis succubuit, hoc infante renasci? O Galliam hac in primis prole scèlicem! Nunc longas tibi, Regina, partus moras ignoscimus, quas tam glorioso scœnore reparasti; iam intelligimus non nimis diu expectatum fuisse, qui tantus futurus erat; quin eò gratior accessit, quò serior; cumque tu, Mater Augusta, tardius emittere debuisti, vt ex sanguine iam maturo coalesceret fortior. Siquidem ad concipiendum difficilis, lenta etiam partu fuisti; & cum ad annos tres, & viginti scœtum su scipere distuleris, in decimum præterea mensem gestasti vtero, tum quia Princeps non eadem, quæ cæteri, celeritate funduntur, & qui Regè prægnans est vterus, ægrè patitur tam superbo Tenere liberari; tum quia operosum est, quidquid excellit, & longo spatio cuditur, quod æternitati sacratur. Sic vniones videmus auro Cœlo singulas sudari lentè; sic elephantum toto biennio vtrum ferre, & scœtum moliri; sic leonem post longos naturæ conatus vnum edi partu generoso, sed raro.

Hoc vnum ad scœlicitatem Galliæ sempiternam optandum restat, vt eum ad multos annos superstitem videamus, quem, vt liceret aliquando conspicerè, diu multumque contendimus; & longius tantò viuat Delphinus, quantò cœpit viuere serijs. Quod ipsum, & si futurum semper speraui, maximè ex quo dubitat nemo, quoniam hunc Regi filium Deus singulari quodam munere concesserit: tamen auct multò etiam magis spem meam eximia Regis pietas, qui eundem vix dum alio matèrnatè conceptum,

Vic-

Virgini Deiparæ, vnâ cum amplissimo regno, solemnî ritu consecrauit. Hic enim, LVDOVICE, præterire non possum insignis illud religionis tuæ monumentum, quod, dum hominum genus erit, nulla non sæcula prædicabunt. Iam tibi desideratæ prolis spes non inanis affulserat, iam pretioso foetu Regina distendi cœperat, cum tu miraculi intelligens, vt beneficium, quod pietate merueras, pietate rependeres, idque cum sœnore, non modò pignus acceptum, sed & præterea vniuersum, quàm latè patet, Galliarum Imperium, Augustissimæ Dominæ nexu perpetuo deuouisti; ne quos haberes in subditis, quos illa sui nesciret esse mancipij. Imò vero iussisti nos tuæ deuotionis esse consortes, & tecum ad pedes Magnæ mundi Imperatricis procidere, vt gratiam, quæ pertinebat ad omnes, singuli agnosceremus, & tum Regni dedicatio perfecta haberetur, cum eam quisque voluntario firmasset obsequio. Etsi enim tu, qui omnium in te fortunas colligis, vnus spondere poteras pro omnibus, & Rex magnus personam implere humilium famulorum; tamen, ne cōgi videremur ad seruitutem, dum nos inaugurabas ad sanctitatem, decuit, vt ipsi tuum non minùs spontè imitaremur exemplum, quàm facillè sequeremur imperium. Quale fuit illud spectaculum, quamque iucundum, cum se infinita toto regno vis hominum, ordines vniuersi, cœtus, societates, collegia, municipia, castra, vrbes, prouincie ad Almæ Virginis aras ipso die, quo Assumptæ in Cœluni triumphus agitur, effuderunt! Atque hinc Rex suo maior Imperio, inde Regina factu grauior magnifico in genua procubuerunt, vt simul omnes Galliam potenti Cœlorum Reginæ, simul venturam prolem Augustæ Dei Matri, vno consensu vouerent. O magnum præludium gloriæ! O benè, ac fœliciter auspicatam Delphini sortem! Sic regius Infans nondum terris monstratus, Cælo militare didicit, prius initiatus; quam eductus: antè superis addictus, quàm nobis editus; sponsores iidem fuerunt, qui parentes; regni obsecres idem, qui hæres. Ecquid hoc infante beatiùs, quem citiùs Virginis manus excipere, quàm obstetricis? quid MARIA tutrice securiùs, cui se Deus ipse regendum dedit? Hæc imperium Delphino, hæc Delphinum seruabit Imperio. Quod si nostra adhuc exaudiuntur omnium vota, nemo certè illo fœlicitiùs regnauit, nemo diutiùs vixit. Ille sibi gentes, quas bellicus furor toto orbe dimisit, conciliabit vniuersas: ille subditis, quos habebit innumeros, omnibus superstes erit: ille cum Leonibus Leopardos, cum Lilijs Aquilas immortali pace componet; ille barbaram gentem

Otho

Othomannorum, & nocturnum crescentis lunæ fulgorem extinguet; ille ad orientem iuxta, & occiduum solem suæ Maiestatis numen diffundet: ille victorijs orbem terrarum peragrabit, Clodouis illustrior, Pipinis fortior, Carolis fœlicior, Philippis Augustior, Henricis maior, Ludouicis (si quid eorum addi potest pietati, & nomini) etiam melior. Ergo viuat, qui nobis diuinitus extitit Delphinus, & tot annos viuat, quot nascituro vota concepimus. Viuat, donec nullum hostem Gallia sentiat, nullum Europa patiatur hæreticum, nullum Ecclesia non sibi subditum videat. Viuat secundus Regi, qui genuit, Reginæ similis, quæ peperit; Gallia maior, quæ flagitauit. Superi, qui dederunt, æternum seruent; ciues, qui petierunt, patrem sentiant; exteri, qui timuerunt, victorem ferant; fœderati, qui exoptarunt, triumphantem videant. Diu expectatus, nunquam recedat; miraculo genitus, miraculis fulgeat: Cælo delapsus, terris imperet, LVDOVICVS meruit, LVDOVICVM æquet; ANNA obtinuit, ANNAM fœlicitet; Gallia suscepit, Galliam amplifcet. Augustæ proli anni mille, Imperatori nouo coronæ mille, Delphino Gallico victoriæ mille: vt pacem reducat, vt hostes conterat, vt oppressos liberet, vt Ecclesiam protegat, vt mundo imperet, DELPHINVS VIVAT. Hæc sunt tuorum vota, Rex Christianissime, hæ publicæ omnium, tibi, tuoque sanguini fausta precantium acclamationes. Det tibi Deus ætatem, quam mereris, Delphino, quam cupis. Illius ortu ita gaudemus, vt tuum nunquam audire velimus interitum. Viuat ille diu tibi, tu nobis semper. Imperet in æuum, dum serò capeſſat imperium. Alios enim à te, LVDOVICE, Gallia Principes; alios à te mundus, ANNA, Dominos postulat: quantumuis multos dederitis, pauci videbuntur, quia rarum omne, quod optimum. Date filios, videatis nepotes, & talem senectutem, quam sibi met optet pronepos, cernat in proavos; tam fœcundam Borboniæ gentis seriem Gallia numeret, quæ nullum finem habeat, orbem impleat vniuersum.

F I N I S.



